

Division.....SCB

Section.....19345

No. ....

Guerre des Albigeois. 8<sup>e</sup>.  
Tome I<sup>er</sup> — Histoire d'Innocent  
III et de son clergé.

Comte de Evreux l'un des conjurés  
de Simon de Montfort. Hist. d'Inno-  
cent III. 8<sup>e</sup>. 1<sup>re</sup> p. 193.

Chronique des Albigeois  
Manuscrit de la Bibliothèque  
du Roi.

Œuvre des Deux Mondes  
1596 1832. 244 p.

Œuvre de l'abbé de Vertueux L'abbé de Vertueux  
en 1507. 67 p. Les Albigeois. Œuvre de  
Deux Mondes. 15 février. 1832. 361. 377.  
Expédition de Calixte II. Merindol. Des  
Capes. Hist. de la Réforme et du Règne  
de Henri IV. 1834. 1. 12. 326. 6.





# ALBIGENSIVM ET SACRI BELLII IN EOS ANNO M. CC. IX. SVSCEPTI, Duce & Principe Simone à Monte- forti, dein Tolosano Comite, rebus strenuè gestis clarissimo.

*Auctore PETRO, cœnobij Vallis-Sarnensis ord.  
Cisterciensis in Parisiensi diœcesi Monacho,  
cruceata huius militiæ teste oculato.*

Ex M. SS. codicibus, in lucem nunc primùm edita.

✓ Pierre de Vaux-Cetray



TRECIS,

Venundantur Parisiis,

Apud NICOLAVM ROVSSET, in Palatij Insula  
iuxta Conuentum Augustinensium.

---

M. DC. XVII.

*Cum Triuilegio Regis.*



14 1383  
Theological Seminary  
*BENEVOLO LECTORI, S.*



**N** tibi, Lector  
candide, histo-  
riam Hæretico-  
rum Albigen-  
sium proferim<sup>9</sup>,  
quæ ante annos  
quadraginta in  
gallicû sermonem traducta, typis  
mandata, & hoc veluti habitu in-  
duta prodiuit: sed iam præstat &  
expedit, vt romano cultu & vestitu,  
quo ab auctore cõtexta est, Gallix  
fines egrediatur, & extra Galliam  
euoluatur: quò plenius vnicuique  
innotescat, cuius farinæ, aut potius  
furfuris, fuerint famosissimi illi Hæ-  
retici, qui non paucis annis, erronea  
& portetosa dogmata, armata ma-  
nu defenderunt & propugnarunt:

A ij

quæquidē non infimæ notæ Theo-  
 logi, eo ipso tempore, quo primum  
 prosperere cœperunt, validissimis  
 rationibus confutarunt. inter quos  
 non minimam laudem merentur,  
 Alanus, Cæsarius Heisterbacensis,  
 Lucas Tudensis, Ebrardus Bethu-  
 niensis, Bernardus Abbas Fontis-  
 calidi & Ermengardus, quorū ope-  
 ra nuperrimè, tum in Gallia, tum  
 in Germania lucem viderunt, stu-  
 dio & diligentia eruditorum viro-  
 rum, i. qui Christianæ reipublicæ  
 commodis inferuire non desinūt.  
 Quo eodem tempore etiam acci-  
 dit, vt Galliæ complures procures,  
 feruēti religionis orthodoxæ zelo  
 succensi, & legatorum romanæ se-  
 dis exhortatione & ammonitioni-  
 bus excitati, crucis tesseram, & bel-  
 lum sacrum susciperent: armis effi-  
 cere contendentes, vt prouincia  
 Narbonensis, pestilētis huius do-

2. Videlicet  
 Ioan. Mas-  
 soni Ar-  
 chidiaconi  
 Baiocensis  
 Papij fra-  
 tris, et lac.  
 Grethseri.

& trinæ colluvione polluta & infe-  
 cta repurgaretur, lycerusque & pu-  
 rus putus Dei cultus inibi restitue-  
 retur. Cùm verò numerosæ milita-  
 res copiæ, in hunc finem collectæ  
 fuissent, summo omnium consen-  
 su, Simon Comes à Monte-forti,  
 dux huius expeditionis cōstitutus  
 est, quem bellica virtus, & egregia  
 pietas iuxta cōmendabāt, 2 Oriēsque  
 lacris armis indutum anno 1204.  
 iam viderat. 3. Is genus suum repe-  
 bat ab Almarico naturali filio Ro-  
 berti regis christianissimi, cuius  
 religionis feruor, ceteris quidem in-  
 rebus maxim⁹, in hoc potissimum  
 enituit, quod perniciosissimam  
 hæresim, quæ anno 1017. Aureliæ  
 4. exorta, emergere & caput attol-  
 lere incipiebat, opprimendam ex-  
 tinguendamque curauerit, cōdigno  
 supplicio coërcitis ijs, qui eius labe  
 se inquinarent & infecerant. Hæc

2. Gaufridus de villa  
 hard. lib. 3.

Bizans.  
 exped.

3. Tilus in  
 cod. Rober-  
 10.

4. Glaber  
 Rad. cap. 8.  
 lib. 3. hist.  
 Franc.

tam illustri, & totius Europæ nobi-  
lissima Simon ortus profapia, reli-  
giosissimiq; Regis verè pronepos,  
& proauitæ virtutis æmulus, hoc  
bellum gerendum suscepit, & totos  
decem annos cōtinuos, fidei hostes  
laceffendo, fortissimèq; præliando  
insumpsit, ab anno scilicet 1209.  
vsque ad annum 1218. quò multis  
exantlatis laboribus, cū Tolo-  
sam præcipuam Hæreticorum se-  
dem, quæ ab eo defecerat oppu-  
gnaret, ingenti lapide ipsius vrbis  
iaculatoria machina emisso & con-  
iecto oppressus, gloriosè occubuit,  
vitamque quam totam tuendæ &  
propagandæ Ecclesiæ Catholicæ,  
aduersus sectarios & infideles im-  
penderat, beato fine deposuit.

S. Rigord.  
de gest.  
Philippi  
Aug. ad  
an. 1213.

S. Rigordus de eius pietate & forti-  
tudine, verissime profat<sup>9</sup> est, in hæc  
verba. *Iste Simon, propter virtutem ad-  
mirabilem, Comes fortis vocabatur, qui*

cùm esset in bellis strenuissimus, omni  
tamen die Missam & horas canonicas,  
omnes audiebat, semper sub armis, sem-  
per in periculo spreto pro Dei servitio  
patria, sic se agebat militem in hac pe-  
grinationis via, ut demum se videat  
ciuem, in patria Ecclesiæ triumphantis.  
En præclarum auctoris synchroni  
elogium: ideoque minime mirum  
videri debet, si auxiliatricem Dei  
dexteram, in omnibus suis expedi-  
tionibus habuerit: cuius quidem  
rei fidem facit memorandum  
prælium apud Murellum initum,  
exigua enim cruceatorum manu  
stipatus, Albigensum exercitum,  
multitudine fermè infinitum pe-  
nitus deleuit: quem conflictum  
magis insignem reddidit mors Pe-  
tri Regis Arragonensis qui in eo ce-  
cidit. Iurè tunc de Simone comite  
usurpari potuit, quod alicubi au-  
gustus fidei doctor Augustinus.

6 D. Aug. 6. *Goliath magnum, robustum, armis*  
lib. de 5. *terribilibus, ingentique turba munitum,*  
heresib. *David solus, puer, parvus atque iner-*  
*mis, uno lapidis ictu prostravit, to-*  
*tâque Allophilorum castra turbavit,*  
*atque fugavit. Philippus rex Gal-*  
*liæ, generosissimi huius Comitis*  
*merita, amplissimo præmio affi-*  
*cienda censuit, cum spreto &*  
*posthabito Raimundo Tolosa-*  
*no comite, Simonem, Gothiæ*  
*dominum dici & salutare, con-*  
*cedere visus est. Is Raimundus*  
*res suas planè accisas vidit, cum*  
*se ab augusto rege derelictum*  
*& desertum sensit. 7. Guilelmus*  
7 G. Brito *Brito, prædictum Raimundum,*  
Philip. lib. 8 *præpotentem principem, tot vr-*  
*bes & castella quot dies in an-*  
*no numerantur possedisse, non*  
*hyperbolicè asseuerat, eiusque*  
*demum miseriam depingit his*  
*versibus.*



Qui facti Egidij comes, Toloseq; vocatur,  
 Amisisse videt vrbes et castra, quot annus  
 Fertur habere dies: tot villas ille celebris  
 Nominis & fame, \* Francorum à Rege \*feodaliter  
 tenebat.

Huius Raimundi exitus, nihilò  
 vita fœlicior fuit, repentino namq;  
 interitu è viuis exemptus est, ca-  
 ruitq; supremi diei celebritate, &  
 honore sepulturæ, quæ Catholi-  
 cis exhiberi solet, quamquidem fi-  
 lius ei⁹ patri cognominis a summis  
 Pontificibus, nullis vnquam pre-  
 cib⁹ impetrare & obtinere potuit.  
 Id testatur auctor chronici \* Si-  
 monis Comitis in hæc verba. In  
 mense Augusti moritur Raimundus senior  
 Comes Tolosanus, morte præuentus subita,  
 quia non potuit quidquam loqui, et super-  
 uenientibus fratribus hospitalis S. Ioannis  
 Tolosæ, corp⁹ ipsius ad eorum domum por-  
 tatum fuit, sed non est traditum sepulturæ,  
 erat enim graui uniculo anathematis in-

8. Hoc  
 chronicon  
 vetustis ty-  
 pis excu-  
 sum est, nec  
 in eo edi-  
 tionis ann⁹  
 designatur  
 huncq; reg-  
 fert titulis.  
 Præclara  
 Francorum

*facinora* nodatus: & usque in hodiernum diem,  
*Ec. no im* tenetur sicut conspicitur in sepultum: cuius  
*pingre g.* filius Raimundus, ultimus Comes Tolo-  
*sta ab illu-* sanus, processu temporis, postquam obti-  
*striß. prin-* nuerat pacem Ecclesiæ et Regis Franciæ,  
*cipe, mon-* produclis testibus apud sedem Apost. super  
*tisque for-* probanda, quod signa pœnitentiæ ha-  
*tis comite.* buisset, nullo modo quod sepeliretur potuit  
obtinere. Cæterum huius nostræ hi-  
storix auctor satis suam professio-  
nem indicat, quod nimirum mo-  
nachus fuerit in cœnobio. Vallif-

\* Gallice  
des vaulx  
de Cernay,  
alias du val  
de Cernay.

Sarnensis, non longè à castello  
Montis fortis Almarici dissito, à  
quo quidem castello, petitum no-  
men gerebat memoratus Simon,  
ut pote Comes huius loci, qui

\* Môt-fort  
L'amoury.

\* Almarici nomen retinet, nobi-  
lissimæ monfortiæ familiæ primi-  
genij auctoris. Si verò errata, aut  
lacunæ in hac editione occurrant,  
memineris Lector, nos duob<sup>9</sup> tan-  
tum exemplaribus manu exaratis

admodum mutilis & mancis vsos  
fuisse: quorum alterum & quidem  
emendatius, descriptū fuisse vide-  
tur, in opulentissimo puellari prio-  
ratu \* Pruliano instituti D. Do-  
minici, in Carcassonenſi Diœceſi:  
aliud verò, bibliothecā inſignis  
Eccleſiæ Tricaſſinæ nobis ſup-  
peditauit. Vale Lector, & æqui  
bonique conſule. Tricaſſibus è  
muſæo noſtro, Cal. Ianuarij,  
an. 1615.

\* *Prieure  
de Froulle.*

N. CAMVZATIVS Tricaſſinus.

EXCERPTA EX AVTHO-  
RIBVS QVI DE ALBIGEN-  
ſibus obiter ſcripſerunt.

*Ex Roberto in chronico Antiſiodoreſi  
ad an. 1198. Trevis an. 1608. edito.*

**D**E hæreſi populicana omnium hæ-  
reſeon ſeculentiffima, quæ viru-  
lentas radices ſuas late quidem  
ſed latenter, hoc tempore propagarat

multi ad fidem cōuerſi ſunt, eorumque  
confeſſione plures ex eadem hæreſi  
ſunt detecti. Inter eos Hæreſiarcha  
Terricus magnus diaboli laqueus qui  
apud Corbiniacum in ſpecu ſubterra-  
neo diu latuerat, plurēſque ſubuerte-  
rat, tunc productus é latebris, & con-  
uiſt<sup>9</sup>, incenſus eſt. Apud urbem quóque  
Niuernis Abbas S. Martini & Decanus  
maioris Eccleſiæ de hoc peſtilentiſſimo  
errore notati, Epiſcoporum ſiſtuntur  
concilio Senonis conuocato, ibique  
Abbas deponitur. Decan<sup>9</sup> ſuſpēditur,  
& ſic ad Sedem Apoſtolicam deſtinan-  
tur. Apud vicum quoque qui dicitur  
Charitas, quidam viri prædiuites hære-  
ſis prædictæ notabiles, cum ſe abſentaſ-  
ſent die quo citati fuerant vt ab hac in-  
famia ſe purgarent, ab Eccleſia ſunt  
præciſi, & expoſiti publicæ poteſtati.

*EX HVGONE IN APPEN-  
dice eiꝛdem chronici ad an. 1207.*

**P**ER idem tempus Bulgatorum hæreſis  
execrāda, errorum omnium fex ex-  
trema multis ſerpebat in locis tanto  
nocentius quanto latentius: ſed inua-  
luerat maxime in terra Comitum Tolo-  
ſani & principum vicinorum, vbi dum

suum publice profitentur errorem, primatum & iudicium romanæ Ecclesiæ spernunt & communionem Christianorum sub ea positorum declinant, dicentes nullum sub ea vel in ipsius fide posse saluari, omnesque fidei articulos aut denegant aut peruertunt, omnem omnino religionem & cultum & gradum pietatēque Ecclesiæ Catholicæ blasphemantes, damnantes omne genus hominū pręter se solos, suorumque conuenticula Catholicam Ecclesiam iactitantes. Quocirca de concilio Domini Papæ, Cisterciensis abbas alijque abbates circiter 13. delegantur, eiusdemque ordinis viri probabiles omnes & sapientia & facundia perinstructi, parati ad satisfactionem omni poscenti rationem de fide, & pro fide etiam animas ponere non verentes. Egressi igitur de Cistercio mense martio numero circiter 30. per ararim labuntur in Rodanum modicis expensis, equitaturis nullis, vt per omnia viros euangelicos se probarēt. Ingressi denique quò tendebant, bini vel terni ab inuicem diuisi, partes illas perambulant & hostes fidei, sanæ doctrinæ spiculis appetentes, vix in multis millibus paucos inueniunt

rectæ fidei professores. Alij verò quorum numerus infinitus sic suo pertinaciter inhærebant errori, vt nullis veridicis acquiescerent documentis: sed tanquam aspides obsurdescerent ad voces incantantium sapienter, ne mentes dimerfas tenebris, penetraret auditio veritatis. Pertres itaque menses, vrbib<sup>9</sup>, villis & opidis multo labore peragratis, multisque periculis & insidijs appetiti, paucos reuocant, paucos fideles repertos de fide certius instruunt, & confirmant. Affuit & cum eis quidam Episcopus Oxomēsis ciuitatis Hispaniæ vir mitissimus ac disertus, qui & ipse lucrandis animabus inuigilans & circumcūmque perambulans, de rexitibus suis cibariorum emerat copiam, & per loca plurima posuerat, & prædicatoribus verbi Dei largiter exponebat.

*EX CAESARIO HEISTERBACHENSI in opere dialogistico.*

**T**emporibus Innocentij Papæ prædecessoris huius, qui nūc papatum tenet Honorij, durāte adhuc schismate, quod erat inter Philippum & Ottonem reges Romanorum, diaboli inuidia hæreses Albigeniū ceperūt pullulare, vel

vt verius dicam, maturefcere. Cuius vires erant tam validæ, vt omne triticum fidei gentis illius, verfum videretur in lolium erroris. Miffi funt Abbates noſtri ordinis cum quibuſdam Episcopis, qui zizania raſtro catholica prædicationis eradicarent: ſed obſiſtente homine inimico, qui illa ſeminauerat, modicum ibi profecerunt. APOLONIVS: Quis fuit error illorum? CÆSARIVS: Quædam hæreſiarchæ eorum collegerant pūcta ex dogmate Manichæi, quædam ex erroribus, quæ in Periarcon ſcripſiſſe fertur Origenes, plurima etiam, quæ de ſuo corde finxerant adijcientes: Duo credunt cum Manichæo principia, Deum bonum & Deum malum, id eſt, diabolū, quem dicūt omnia creare corpora, ſicut Deum bonum animas. APOLONIVS: Moyſes & corpora & animas confirmat Deum creaffe dicens, Formauit Deus hominem, id eſt, corpus, de limo terræ, & inſpirauit in faciem eius ſpiraculum vitæ, id eſt, animam. CÆSARIVS: Si Moyſen & Prophetas reciperent, hæretici non eſſent. Corporum reſurrectionem negāt, quicquid beneficij mortuis à viuīs impeditur irrident, ire ad eccle-

fias, vel in eis orare, nihil dicunt prodesse. In his deteriores sunt Iudæis & paganis, quia illa credunt. Baptismum abiecerunt: sacramentum corporis & sanguinis Christi blasphemant. A P O L O N I V S: Vt quid tantas à fidelibus persecutiones sustinent, si nihil ex hoc in futuro retributionis expectant? C Æ S A R I V S: Gloriam spiritus dicunt se expectare. Quidam supradictorum Abbatum monachus, cernens quendam militem in equo sedentem, loqui cum aratore suo, hæreticum illum estimans, sicut fuit, propius accedens ait, Dicite mihi, probe vir, cuius est ager iste? respondente illo, meus est, subiecit: Et quid de fructu illius facitis? Ego, inquit, & familia mea de eo viuimus, aliquid etiam erogamus pauperibus. Dicente monacho, quid boni speratis de elemosyna illa? Respondit miles hoc verbum, Vt spiritus meus gloriose pergat post mortem. Tunc monachus, quò perget? Ait miles, secundum meritum suum: Si bene vixit, & hoc apud Deum meruit, exiens de corpore meo, intrabit corpus alicuius futuri principis, siue regis, siue alterius cuius libet illustris personæ, in quo delicietur. Si autem malè, corpus



intrabit miseri pauperisque, in quo tribuletur. Credidit stultus, sicut & cæteri Albienses, quod anima secundum meritum per diuersa transeat corpora, etiam animalium, atque serpentium.

APOLLONIVS: Fœda hæresis. CÆSARIVS: In tantum Albiensium error inualuit, vt breui interuallo temporis, infecerit vsque ad mille ciuitates, & si non fuisset gladijs fidelium repressus, puto quod totam Europam corrupisset.

*EX MATHÆO PARIS IN  
hist. Angl. sub an. 1213: in Ioan. rege.*

Circa dies istos, hæreticorum prauitas, qui Albigenes appellantur, in VVasconia, Arumpnia, & Albegesio, in partibus Tolosanis, & Arragonum regno adeò inualuit, vt iam non in occulto, sicut alibi, nequitiam suam exercerent, sed errorem suum publicè proponentes, ad consensum suum simplices attraherent & infirmos. Dicuntur autem Albigenes ab Alba ciuitate, vbi error ille dicitur sumpsisse exordium. Cùmque tandem illorum peruersitas adeò diuinam contempsit seueritatem, vt videntibus Episcopis & presbiteris, libros euangeliorum in sentinas proj-

cerent, & calices cum vasis sacris in defectum corporis & sanguinis Christi, enormiter dehonestarent, Papa Innocentius, his auditis, non mediocriter condoluit. Qui missis prædicatoribus ad omnes regiones Occidentis, principibus, alijsq; populis Christianis in suorum remissionem peccatorum iniunxit, vt se cruce signarent ad hanc pestem extirpandam, atque tantis cladibus se opposcentes, viribus & armis tuerentur populum Christianum. Addidit etiam autoritate sedis Apostolicæ, vt quicumq; ad expugnandum eos, laborem sibi iniunctum susceperint, sicut illi qui sepulchrum Domini visitant, tam in rebus quam in personis, ab omni hostium incursione manerent securi. Ad hanc autem prædicationem tanta Cruce signatorum multitudo conuenit, quanta non creditur in nostro climate aliquando conuenisse.

*EX NAVCLERO TOM. 2.*

*Chronolog. gener. 41. ad an. 1212.*

**P**ER hos dies in Narbonensi provincia, quam vulgo Linguam Occitanam appellant, Christianæ puritatis permulti contemptores, ex Albi-

gesio primā suæ doctrinæ & iniquitatis  
instructionem recipientes apparuerūt,  
quorum tamen dogma nemo ad hunc  
diem notus \* scriptor reliquit. Et cum  
hæreticos eos vocent, atque ob eam  
culpam exterminatos esse autores tra-  
dant, genus tamen hereseos prætereūt.  
puto eos, quoad coniectura assequi  
possum, arcanam pestem secutos, fœdis  
quóque amoribus & masculinis concu-  
bitibus indulgisse, ideóque legitimas  
nuptias & carnis esum damnasse. Diffu-  
sum id virus cūm totam fermè regio-  
nem inquinasset, Romanus pontifex  
Innocentius 3 misso Gallone Cardinali  
ad Philippum Franciæ regem legato,  
monet in hæreticos arma sumere, pec-  
catorum remissionem his qui insignè  
crucis ad bellum susciperent, promit-  
tens. Legati oratione admodum arden-  
ti permotus rex, permittit suos arma ca-  
pere, & in Albigeneses proficisci. fuisse  
in exercitu episcopos multos & pro-  
ceres multos referunt, atque in primis  
Eudonem Burgundiæ ducem, Henri-  
cum Niuernensem, Petrum Senonum  
archipræsulem, Reginaldum Rothoma-  
gensensem, Robertum Baiocensem, Iorda-  
num Lexouiensem, & Reginaldum Car-

\* *At Nau-  
clerè, inopia  
et mōstruo-  
sa eorū dog-  
mata satis  
prodūt au-  
ctores Ger-  
mani, quos  
in biblio-  
thecis vi-  
dere tibi  
licuit.*

notenssem. Igitur mouētes Franci, Biterres primum obsident expugnantque, occisis qui in ea erant multis hæreticorum millibus. Quo periculo territi reliqui regionis incolæ, ad Carcassonem munitissimam urbem confugerunt, in quam à nostris circumsepti, inde abire nudi omnino compelluntur, vt qui pudendis membris per summum nefas abusi fuerant, ea ad ignominiam videntur exhiberent. Eliminata fœdissimæ gentis turpitudine, Franci cupidi sua quóque loca reuifere, reliquo exercitui Simonem de Monte-forti, hominem nobilem ac strenuum nec minus religiosum præficiunt, quum ad hoc negocium subeundum & Innocentius pontifex summus eundem vnà cum Lupoldo Austriæ duce subordinasset. Is igitur belli cura mox suscepta, non segniter superstites persecutus est, comitante eum Dominico viro Hispano, quo auctore Prædicatorum ordo initium suscepit. Itaque arces per eam terram expugnauit, hæreticis interemptis. habuit autem obscœna Albigesiorum turpitudine defensores, Petrum Aragonum regem, Sancti quóque Egidij comitem, & Fuxi principem, qui eductis ingenti-

bus copijs, Simonem apud Murellum arcem obsederunt, qui tametsi raros armatos secum in præsidio haberet, nihil tamen desperans. re diuina à Sacerdote facta, postquam se in primis atque suos sacramento cōfessionis purgasset, eruptionem subitò facit, regem Aragonum & 18 millia hostium interemit, cum ipse octo tantum ex suo præsidio amisisset. credi merito potest, Deum pro sua religione comitem rectè pugnantem, adiuuisse.

## EXPAP. MASSONO LIB.

### 3. hist. Franc. in Philip. Aug.

**M**ilo Innocentij legatus in Galliam venit, rogatum ut Rex aduersus Albigenes bellum gereret. Albiga est ciuitas Cadurcorum ad auriferum Tarnem posita, à qua Albigenes dicebantur, qui sectam Catholicæ contrariam laudabant. Philippus respondit se quidem id munus minimè suscepturum, neque Ludouicum filium propter Othonis Cæsaris ac Ioannis Regis aduersus eos coniurationem: permissurum tamen proceribus subditisque suis ad id bellum, si vellent, proficisci. Sectæ originem paulò aliùs repetam. Ludouico 7. Rege. Petrus cognomine Brusius in Septimania & finitimis Volcarum populis, docebat templa dirui, cruces deiici oportere: in Eucharistia verum Christi corpus non esse:

præces ad Deum pro mortuis frustra fieri. hæc  
& alia cum docuisset, comprehensus atque igni  
crematus est apud Ægidij oppidum Volcarum.  
Brusius talem habuit exitum vitæ, idque appa-  
ret ex epistola Petri Mauriaceni ad Episcopos  
Narbonensis Galliarum. Henricus ex Monacho,  
Brusij vestigia secutus est: in eum Bernardus  
scribit Alphonsi Comiti Volcarum, ac senten-  
tias Henrici morisque damnat. Cum autem id  
malum in dies latius serperet, ipse Tholosam  
est profectus, ut ciues concionibus suis ad de-  
pellendos improbatæ sectæ defensoreshorta-  
retur. Extat ipsius ad Tholosates epistola, qua  
eorum per id tempus in hereticos odium com-  
mendabat. Ceterum nec Brusij supplicium, nec  
Bernardi conciones sectæ progressus impedi-  
re potuerunt. Tholosa, Albiga, Carcasso, Biteræ,  
Agatha, Castrum, Vaurum, ac singula ferè op-  
pida vicique Volcarum in sectam transiere.  
Admoniti Albigenses ut ad sanitatem animi re-  
dirent, audientes non erant. Innocentius eos  
armis persequendos existimavit, eiusque rei  
gratia Milonem, uti diximus, legatum in Gal-  
liam misit: quem anno 1209. ad idem bellum  
ex Francis proceribus secuti sunt Odo Dux  
Burgundiæ, quatuor Comites, Episcopi duo,  
Archiepiscopus Senonum, multique præterea  
nobilissimi viri ac belli artium peritissimi. Rai-  
mundus Comes Tholosatum circa Valentiam  
ad Rhodanum eis obuiam venit, malè sibi conscius  
sectæ enim fauerat, ac verebatur ne in sua im-  
perum facerent, proptereaque Miloni se au-  
dientem professus est, qui eum in templo Ægi-


dij veste nudatum, frequentissimo hominum  
ceſu, virgis cecidit. Initium belli Bytera fuere,  
antiqua ciuitas Volcarū ad Obrim, Ptolemæo,  
Seuero & veteribus cognita, irruptione mili-  
tum capta, direpta, incenſaque eſt: ciues ad  
vnum trucidati rebellionis ſuæ pœnas dedere:  
Inde Carcaſſonem itum. Carcaſſo ad Atacem  
fluum ſita eſt. oppidani cū aliquādiu reſti-  
tiſſent, deditiōem fecere ea lege, vt iſtis ſaluis  
atque incolumibus migrare aliū liceret. Quis  
ei oppido præficiendus foret, in caſtris delibera-  
ratum eſt: ſententijs omnium Simon eam pro-  
uinciam ſuſcipere iuſſus. iſ erat Comes Mon-  
fortij, in finibus Carnutum, ſummo genere na-  
tus, prudentiāque ac fortitudine ſingulari. Ca-  
ſtrenſes eorum exemplo & iſi portas aperue-  
re, antequā vis fieret. id eſt oppidum Albige  
vicinum, appoſitum Acuto amni, qui è Geben-  
nis lapſus in Tarnem inſluit. Albige ipſa, quæ  
ſectæ nomen dedit, Simoni aliquantō poſt de-  
dita eſt. Cæteri proceres domum redierant.  
eorum diſceſſu cognito, Petrus Rex Tarraco-  
nenſium Carcaſſonem repetebat, quōd ante  
deditiōem ſummum in eam imperium ha-  
buiſſet: & Raimundus quærebatur ſuæ ditio-  
nis oppida ſibi erepta, cuiusque rei gratia ad In-  
nocentium Romanum eſt proſectus, etſi fruſtra:  
nihil enim ab eo impetrare potuit. inde ad  
Othonem Cæſarem, & Philippum Regem ſe  
contulit: vt eorum opera res ſuas recuperaret.  
ne à Rege quidē quicquam obtinuit. Interim  
Synodus Auenione habita eſt, ac iudicio pa-  
trum Tholoſatibus ſacrificio interdictū, quōd

hæreticos vrbe sua non expulissent. Milo illi Synodo præfuit, nec multò post fato functus est. Raimundus, qui cùm precibus nihil à Pontifice, nihil à legatis eius, quasi impiorum fautor impetrasset, vi vtendum existimauit, vltus auxilio Petri Regis Tarraconensium sororij sui Comitis Conuenarum, Comitissæ Fuxensis, propinquorum suorum, aduersus quos Simon magnas res gessit. Ipsi erat paternæ indolis filius Almaricus, quem Manasses Aureliæ Episcopus patris rogatu militari baltheo donauit, qui honos illis temporibus apud omnes Europæ gentes maximus habebatur. Hæc fiebāt anno 1213. Hostes cognita paucitate militum Simonis, statuerunt antequam maiores copias cogere posset, cum eo configere: ipsi ingentem exercitum habebant, aduersus quem Simon 800. equites in aciem eduxit, & paucissimos pedum numeros. Exeunti quidam cōsiliū dabat numerandi militis cui vir fortissimus respondit. Non numero, sed virtute victoriæ parari. Igitur eius & sociorum acerrimo concursu, cū aliquandiu pugnatum esset, Petrus Rex cecidit. illo occiso comites profugere, desideratis amplius octodecim hominum millibus. Extat historia eius prælij rerūque in Gothia à Monfortio gestarum, scripta ad Innocentiū tertium à Petro cognominē Sarnensi. Sarnense monasterium est in finibus Carnutum, vbi is autor Cisterciensis monachus fuit.





PROLOGVS  
AVCTORIS AD INNO-  
CENTIVM III.  
Pontif. max.

 *Anctissimo patri & Bea-  
tissimo, Domino Innocen-  
tio Dei gratia Vniuersalis  
Ecclesiæ summo Põtifici:  
humilis licet immeritus seruus eius,  
Frater P. qualiscumque Vallium  
Sarnay monachus, non solum oscula  
pedum, sed & ipsa pedum eius ve-  
stigia humiliter deosculari. Benedictus  
Dominus Deus sabaoth, qui nouissime  
diebus nostris, Sanctiss. pater, coope-  
rante vestra sollicitudine non pigra,  
Ecclesiã suam in partibus Prouinciæ,  
inter persequentes hæreticorum procel-  
las, iam quasi penitus naufragantem,*

# PROLOGVS.

per ministrorum suorum manus, de ore leonum misericorditer eripuit: de bestiarum manibus liberauit. Verum ne tam gloriosum & tam mirabile factum, per evolutiones temporum successiuas, possit in obliuionem venire, sed nota fiant in gentibus magnalia Dei nostri: seriem facti, qualicumque modo in scriptum redactam, vestra Beatiss. pater, offero maiestati, humiliter supplicans, ne deputetur praesumptioni, quod puer elementarius manum misit ad fortia: onus subire praesumpsit supra vires: quia fuit mihi intentio in hoc opere, haec sola scribendi causa, ut sciant gentes mirabilia opera Dei: maximè, cum, sicut ex ipso dicendi modo perpendi potest, non studuerim superfluis verbis ornare codicem, sed simplicem exprimere simpliciter veritatem. Firmum igitur habeat, pater bone, vestra dignatio sanctitatis, quod

# PROLOGVS.

& si ad omnia, quæ in hoc factò conti-  
 gerint scribenda, per ordinem non po-  
 tuerim pertingere, vera sunt illa quæ  
 scripsi, cum nihil vnquam apposuerim,  
 nisi quod viderim oculis meis, vel au-  
 dierim à magnæ auctoritatis personis,  
 & plenissima fide dignis In prima au-  
 tem huius operis fronte, breuiter tango  
 de sectis hæreticorum, & qualiter Pro-  
 uinciales, infidelitatis lepra infecti fue-  
 rint, à temporibus retroactis. Postea ex-  
 primo, quomodo memorati Prouincia-  
 les hæretici, per prædicatores Verbi Dei,  
 & vestre Sanctitatis ministros, ad-  
 moniti fuerint, vt redirent præuarica-  
 tores ad cor & sæpius requisiti Deinde  
 cruce-signatorum aduentus: ciuitatem  
 & castrorum captiones, ceteraque ad  
 progressum negotij fidei pertinentia,  
 prout possum per ordinem represento.  
 Vnde sciant qui lecturi sunt, quia in  
 pluribus huius operis locis, Tholosani,

# PROLOGVS.

*Et aliarum ciuitatum Et castrorum  
 heretici Et defensores eorum, generali-  
 ter Albigenſes vocantur: eo quod aliæ  
 nationes, hereticos prouinciales, Albi-  
 genſes conſueuerint appellare. Vt autẽ  
 lector in hoc libello, quod quaſierit,  
 poſſit facilius inuenire: ſciat quod ſe-  
 cundum multiplices Et ſucceſſiuos ne-  
 gotij fidei proceſſus, per varias diſtin-  
 ctiones digeſtum eſt opus iſtud.*



# INCIPIT HISTORIA

## *Albigensis.*

### C A P. I.

**I**N Provincia Narbonensi vbi quondam fides floruerat, cepit inimicus fidei superseminare zizania : desipuit populus : Christi sacramenta qui est Dei sapor & sapientia profanans , factus insipiens , à vera desipiens theosebia , vagus & vagans per errores in ima , factus in inuito , & non in via. Monachi duo Cistercienses, zelo fidei succensi : F. Petrus videlicet de Castrouou , & F. Radulphus , autoritate summi Pontificis , contra pestem infidelitatis instituti legati , negligentiam omnem relegantes , legatione sibi indicta officiose fungētes , urbem Tholosam ingressi sunt & aggressi , à qua venenū principaliter emanabat , plebes inficiens : sicque deficere faciens à Christi cognitione , à veridico splendore , à deifica caritate. Radix amaritudinis sursum germinans , profundius in cordibus hominum conualuerat , nec sine multa difficultate potuit explantari. Suasum est Tholosanis sæpe & multum vt heresim abiurarent , vt hæreticos relegarent. Suasum fuit

eis à viris Apoſtolicis, ſed minimè perſuaſum, adeo ſiquidem morti inhæſerant, qui reſceſſerant à vita, affecti & infecti nequam ſapientia animali, terrenali, diabolica: expertes illius ſapientia quæ deſurſum eſt, ſuadibilis eſt, bonis conſentiens. Tandem illæ dux olimæ, illa duo candelabra lucentia ante Dominum, ſeruis ſeruilem incurientes timorem: minantes eis rerum depredationem, Regum ac Principum dedignationem intonantes: hæreſeon abiurationem, hæreticorum expulſionem eis perſuaſerunt. Sicque ipſi, non virtutis amore, ſed nec ſecundū poetam, Oderunt peccare mali, formidine pœnæ: quod manifeſtis indi-  
ciis demonſtrarunt, nam ſtatim periuri effecti, & miſeriæ ſuæ reciduum patientes, in conuenticulis ſuis, ipſo noctis medio, predicantes hæreticos occultabant. Heu quam difficilè eſt à conſuetudine euelli. Hæc Tolofa, tota doloſa, à prima ſui fundatione (ſicut aſſeritur) raro vel vnquam experta huius peſtis vel peſtilentiæ deteſtabilis, huius hæreticæ prauitatis, à patribus in filios ſucceſſiue, veneno ſuperſtitioſæ infidelitatis diſſuſo. Quam ob rem & ipſa in vindictam tanti ſceleris, tantū dicitur iam dudum ſuſtinuiſſe manus vlticis & iuſtæ depopulationis excidium, vt in ipſo meditulo ciuitatis, ſulcata vomeribus planicies pateret agrorum. Vnus etiam de regibus ſuis inclytis, qui tunc temporis in ipſa regnabant, Alaricus vt creditur nomine, in extremum dedecus, pro foribus vrbis eiufdem, eſt ſuſpenſus in patibulo.

*Clauiſula hæc imperfecta: ſed ſenſus facile elici po-  
teſt.*

lo. Huius antiquæ viſcoſitatis fecé infectum genimen prædictæ ciuitatis, genimen viperarum, non poterat etiam nunc temporibus noſtris, à ſuæ peruerſitatis radice diuelli : quini-  
mò naturam hæreticam, & hæreſim vernalem, furca dignæ ultionis expulſam, uſque quaque paſſa in ſe recurrere : *Patriffare ſiit, degenerare negans*, Cuius vicinitatis exemplo, ſicut *vna con- Iun. ſaty. 2.*  
*ſpecta, linorem ducit ab vna* : Et grex totus in aruis, vnus cabie cadit, & porrigine porci : Vicinæ vrbes & oppida, radicatis in ſe hereſiarchis, per eiufdem infidelitatis ſurculos pululantes, inficiebantur mirabiliter & miſerabiliter peſte iſta. Barones terræ Provincialis, fere omnes hæreticorum defenſores & receptores effecti, ipſos amabant ardentius, & contra Deum & Eccleſiam defendebant.

---

*De ſectis Hæreticorum.*

CAP. II.

ET quoniam ſe in hoc loco quodammodo ingerit opportunitas, hæreſes & ſectas hæreticorum, enucleatius ſtilo breuitatis proſequi dignum duxi. Primò ſciendum quòd hæretici duos conſtituebant creatores : inuiſibilem ſcilicet, quem vocabant benignū Deum, & viſibilem, quem malignum Deum nuncupabant. Nouum teſtamentum benigno Deo, vetus verò maligno attribuebant, & illud omninò repudiabant, præter quaſdam auctoritates quæ de veteri teſtamēto, nouo ſunt in-

ſertæ, quas ob noui reuerentiam teſtamenti, recipere dignum eſtimabant. Auſtorem veteris teſtamenti mendacem aſſerebant, quia protoplaſtis dixit. *Quacunque diè comederitis de ligno ſcientiæ boni & mali, morte moriemini*, nec (ſicut dicebāt) poſt comeſtionem, mortui ſunt: cum tamen reuera poſt guſtum pomi vetiti, mortis miſeriæ fuerunt ſubiecti. Homicidam quoque ipſum nominabant, tum quia Sodomitæ & Gomorrhæoſ incinerauit, & aquis diluuij mundum deleuit, cum quia Pharaonem & Ægyptioſ mari obruit. Omnes veteris teſtamenti patres, damnatoſ aſſirmabant: Ioannem Baptiſtam vnum eſſe de maioribus dæmonibus aſſerebant. Dicebant etiam in ſecreto ſuo, quòd Chriſtus ille qui natus eſt in Bethlehem terreſtri & viſibili, & in Hieruſalē crucifixus, malus fuit: & quòd Maria Magdalena fuit eiſ concubina, & ipſa fuit mulier in adulterio deprehenſa, de qua legitur in Euangelio. Bonus enim Chriſtus [ ſicut dicebant ] nunquam comedit vel bibit, nec verā carnē aſſumpſit: nec vnquam fuit in hoc mundo niſi ſpiritualiter in corpore Pauli. Ideo autē diximus in Bethleem terreſtri & inuiſibili: quia hæretici fingebant eſſe aliam terram nouam & inuiſibilem, & in illa terra ſecundum quōſdam, bonus Chriſtus fuit natus & crucifixus. Item dicebant hæretici, bonum Deum, duas habuiſſe vxoreſ, Collant & Colibant, & ex ipſiſ filioſ & filiaſ procreaſſe. Erant alij hæretici qui dicebant quod vnus eſt creator, ſed habuit



filios, Christum & diabolum. Dicebant & isti, omnes creaturas bonas fuisse, sed per filias de quibus legitur in apocalypsi, omnia fuisse corrupta. Hi omnes membra antichristi, primogeniti sathanae, semen nequam, filij scelerati, in hipocrisi loquentes, mendacio corda simplicium seducetes, provinciam Natbonensem, veneno suae perfidiae infecerant. Fere totam Romanam Ecclesiam, speluncam latronum esse dicebant, & quia ipsa erat meretrix illa, de qua legitur in apocalypsi, Sacramenta Ecclesiae usque adeo annuabant, ut sacri baptismatis vndam, ab aqua fluuiali non distare: sacrosancti corporis Christi hostiam, à pane laico non differre, publice dogmatizarent simplicium auribus, hanc instillantes blasphemiam, quod Christi corpus & si magnitudinem à più in se contineret, iam dudum consumptum à comedentibus & ad nichilatum fuisset. Confirmationem, confessionem, frivolas esse & inanes omnino reputabant. Sacrum matrimonium, meretricium esse, nec aliquem in ipso saluari posse praedicabant, filios & filias generando. Resurrectionem quoque carnis diffidentes, quasdam ad inuentiones confingebant inauditas: dicentes animas nostras, esse spiritus illos angelicos qui per superbiae apostasiam precipitati de caelo, corpora sua glorificata in aëre reliquerunt, & ipsas animas, post successuam qualicumque corporum septem, & terraenotum inhabitationem, quasi tunc demum penitentia peracta, ad illa relicta corpora remeare.

Sciendum autem, quod quidam inter hæreticos dicebantur perfecti ſiue boni homines, alii credentes hæreticorum qui dicebantur perfecti, nigrum habitum præferebant: caſtita-tem ſe tenere mentiebantur: eſum carni-um, ouorum, caſei, omnino deteſtabantur: non mentientes videri volebant, cum ipſi maxime de Deo quaſi continuè mentirentur. Dicebāt etiam quod nulla vnquam ratione debeant iurare. Credentes autem hæreticorum dicebantur illi, qui ſeculariter viuentes, licet ad vitam perfectorum imitandam non pertingerent, in fide tamen illorum ſe ſaluari ſperabant, diuiſi ſequidem erant in viuendi modo, ſed in fide & infidelitate vniti erant. Qui dicebantur credentes hæreticorum, dediti erant vſuris, rapinis, homicidijs & carnis illecebris, periurijs & peruerſitatibus vniuerſis. Iſti ſiquidē ideo ſecurius & effrenati⁹ peccabāt, quia credebant ſine reſtitutione ablato-rū, ſine confeſſione & penitentia ſe eſſe ſaluandos, dūmodo in ſupremo mortis articulo *Pater noſter* dicere, & manuū impoſitionem recipere a magiſtris ſuis potuiſſēt. De perfectis vero hæreticis, magiſtratus habebant, quos vocabant diaco-nos & epiſcopos, ſine quorum manuum im-poſitione, nullus inter credentes moriturus, ſe ſaluari poſſe credebat. Verum ſi morienti cuilibet quantumcumque flagitioſo manus impoſuiſſent, dummodo *Pater noſter* dicere poſſet, ita ſaluatum, & ſecundum eorum vul-gare conſolatum eſtimabant, vt abſque omni

## Historia Albigenſium.

ſatiffactione, abſque omni alio remedio ſtatim euolaret ad cœlum Vnderidiculum quod ſuper hoc audiuiſus duximus inferendū. Quidam credens hæreticorum, in ſupremo mortis articulo, per manuum impoſitionem à magiſtro ſuo conſolationem tum accepit, ſed *pater noſter* dicere non potuit, & ſic expirauit. Conſolator eius, quid de ipſo diceret nesciebat, ſaluatus videbatur per receptam manuum impoſitionem: damnatus quia non dixerat dominicam orationem. Quid plura? Conſuluerunt hæretici quendam militem nomine Bertrandū de ſaxiaco qui erat hæreticus, quid de illo iudicare deberent: miles autem tale dedit conſilium & reſponſū. De iſto ſuſtinebimus & dicemus, quod ſaluus ſit: omnes alios, niſi *Pater noſter* dixerint in fine, dānatos iudicamus. Item aliud ridiculum. Quidam credens hæreticorū in morte legauit hæreticis 300 ſolidos, & præcepit filio ſuo, vt daret hæreticis pecuniam illā, quam cum poſt mortem patris, hæretici requirerent à filio, dixit eis, volo vt dicatis prius, quomodo eſt patri meo. Et dixerunt. Certiſſimè ſcias quod ſaluus eſt, & iam in cœleſtibus collocatus. Quibus ille, ſubridens. Gratias Deo & vobis: Verumtamen ex quo pater meus iam eſt in gloria, animæ ipſius non eſt opus eleemoſynis: & ego tam benignos vos ſcio eſſe, quod amodo patrem meum à gloria non reuocabitis. Sciatis igitur, quod nihil à me, de pecunia reportabitis. Non credimus autem ſilēdum, quod & quidam hæretici dicebant, quod

*Iudicium  
præceps, im-  
ſani iudicii  
index.*

nullus poterat peccare ab umbilico & inferius. Imagines quæ ſunt in Eccleſijs dicebant idolatriam : campanas earum, tubas dæmonum affirmabant. Item dicebant, quod non peccabat quis gravius dormiendo cum matre vel ſore ſua, quam cum quolibet alia. Illud & inter ſupremas fatuitates dicebant, quod ſi quis de perfectis peccaret mortaliter, comedendo videlicet modiciſſimum carniſ, vel caſei ſeu oui vel alicuius rei ſibi inhibitz : omnes conſolati ab illo, amittebant ſpiritum S. & oportebat eum iterum reconſolari : & etiam ſaluati, pro peccato conſolatoris, cadebāt de cælo. Erant præterea alii hæretici qui Vualdenſes dicebantur, à quodam Vualdio nomine Lugdunenſi. Hi quidem mali erant, ſed comparatione aliorum hæreticorum, longè minus peruerſi : in multis enim nobiſcum conueniebant, in aliquibus diſſentiebant. Vt autem plurima de infidelitatibus eorum omittamus : in quatuor præcipuè conſiſtebat error eorum : in portandis ſcilicet ſandalis more apoſtolorum : & in eo quod dicebant nulla ratione iurandum, vel occidendum. In hoc inſuper quod aſſerebant, quemlibet eorum in neceſſitate dummodo haberet ſandalia, abſque ordinibus ab epifcopo acceptis, poſſe conficere corpus Chriſti. Hæc nos de ſectis hæreticorum breuiter excerptiſſe ſufficiat. Quādo aliquis ſe reddit hæreticis ille dicit qui recipit eū. Amice ſi vis eſſe de noſtris, oportet vt renūcies toti fidei quā tenet Romana eccleſia. Reſpōdet, abrenuncio. Ergo

*Vualdenſium præcipui errores.*

accipe Spiritum S. à bonis hominibus, & tunc  
aspirat ei ſepties in ore Item dicit illi, Abren-  
nuncias cruci illi, quam tibi fecit ſacerdos in  
baptiſmo, in pectore, & in ſcapulis, & in  
capite de oleo & chriſmate. Reſpondet,  
Abrenuncio Credis quod aqua illa opere-  
tur tibi ſalutem Reſpondit, non credo. Abre-  
nuncias velo illi, quod tibi baptizato ſacer-  
dos poſuit in capite. Reſpondit. Abrenun-  
cio. Ita accipit ille baptiſmum hæreticorum,  
& abnegat baptiſmum eccleſiæ, tunc ponunt  
omnes manus ſuper caput eius & oſculantur  
eum, & induunt eum veſte nigra, & ex illa hora  
eſt quali vnus ex iſtis.

---

*Qualiter & quando prædicatores vene-  
runt in partes Albigenſes.*

CAP. III.

**A**Nno verbi incarnati 1206. Oxomenſis  
Epiſcopus Diegus nomine, vir magnus  
& magnifice extollendus, ad curiam Roma-  
nam acceſſit, ſummo deſiderio deſiderans e-  
piſcopatum ſuum reſignare, quo poſſet libe-  
rius ad paganos, cauſa prædicandi Chriſti euan-  
gelium ſe transferre. Sed dominus Papa Inno-  
centius noluit acquieſcere deſiderio viri ſancti:  
imo præcepit ei, vt ad ſedem propriam remea-  
ret. Faſtum eſt igitur dum rediret à curia, &  
eſſet apud Montempellulanum, inuenit ibi  
venerabilem virum Arnaldum abbatē Cister-  
ciensẽ, & F. Petrum de Caſtronouo, & F. Ra-  
dulphum monachos Cisterciensẽs apoſto-

*Heretici diſ-  
ceſſus ſui ab  
eccleſia, cau-  
ſam impro-  
bam clerico-  
rum vitam  
prætexunt.*

licæ ſedis legatos: iniunctæ ſibi legationi,  
præ tædio renunciare volentes, eo quod  
nihil aut parum hæreticis prædicando pro-  
ficere potuiſſent. Quotieſcumque enim vel-  
lent ipsis hæreticis prædicare, obijciebant  
eis hæretici conuerſationem peſſimam cleri-  
corum, & ita niſi vellent clericorum vitam  
corrigere, oppoteret eos à prædicatione de-  
ſiſtere. Memoratus autem Episcopuſ, aduer-  
ſus huiuſmodi perplexitatem ſalubre dedit  
conſilium, monens & conſulens, vt cæteris  
omiffis prædicationi ardentius inſudarent: &  
vt poſſent ora obſtruere malignorum,  
in humilitate præcedentes exemplo, pii ma-  
giſtri facerent & docerent: irent pedites, ſine  
auro & argento, per omnia formam apoſto-  
licam imitantes. Dicti vero legati hæc omnia  
quaſi quandam nouitatem per ſe arripere non  
volentes dixerunt, quod ſi quis fauorabilis au-  
ctoritatis eos ſub hac forma vellet præcedere,  
ipſum libentiſſime ſequerentur. Quid plura?  
obtulit ſe vir deo plenus, moxque familiam  
ſuam Oxomum transmittens, vno comite  
contentus, cum duobus ſepediſtis monachis,  
Petro videlicet & Radulpho, montem ingre-  
ditur peſſulanum, Abbas autem Ciſterciensis,  
Ciſtercium perrexit, tum quia in proximo ce-  
lebrandum erat Ciſterciense capitulum, tum  
quia poſt celebratum capitulum, quosdam de  
abbatibus ſuis volebat ſecum adducere: qui  
eum in exequendo iniuncto ſibi prædicationis  
officio, adiuvarent. Exeuntes autem à monte

Peſſulano, Oxomenſis epiſcopus & præſati monachi, venerunt ad caſtrum quoddam \* Carmanum, vbi inuenerunt quemdam hæreſiarcham Balduinum nomine, & Theodoricum quemdam filium perditionis & ſtipulam incendiij. Iſte de Gallia oriundus, erat quidem nobilis genere, & canonicus fuerat Niuernenſis. Poſtea vero cum quidam miles qui erat auunculus ipſius & hæreticus peſſimus, in Pariſienſi concilio, coram Oëtouiano Cardinale & apoſt. Sedis legato, fuiſſet de hæreſi condemnatus: videns iſte quod diutius latere non valeret, ad partes ſe tranſtulit Narbonenſes, vbi ab hæreticis in maximo amore, & veneratione eſt habitus: tum quia aliquantulum cæteris acutior videretur, tum quia gloriabantur ſe habuiſſe de francia, vbi eſſet ſons ſcientiæ, & religionis chriſtianię, ſuę iniquitatis ſocium, ſuę nequitie deſſenſorem. Nec prætereundum, quod Theodoricum faciebat ſe vocari, cum Guilelmus antea vocaretur, habita cum his duobus diſputatione per octo dies, Balduino videlicet & Theodorico: prædicatores noſtri vniuerſum populum dicti caſtri, ſalutaribus monitis, ad ſæpeditorum hæreticorum odium conuerterunt. Ipſos ſiquidem hæreticos à ſe libentiſſime expulſiſſent, ſed dominus caſtri, veneno perfidiæ infectus, eos ſibi familiares fecerat & amicos, verba autem illius diſputationis, longum eſſet per omnia enarrare. Sed hoc ſolummodo adnectere dignum duxi: quod cum venerabilis epiſco-

\* *Carman.*

pus, dictum Theodoricum, ad ima conſuſionis diſputando, deduxiſſet. Scio, inquit Theodoricus, ſcio cuius ſpiritus ſis, ſiquidē in ſpiritu Heliae veniſti, ad hæc ſanctus. Et ſi ego in ſpiritu Heliae veni, tu veniſti in ſpiritu Antichriſti. Actis igitur ibi octo diebus exeūtes à caſtro, venerabiles viros proſecutus eſt populus per leucam fere vnā. Illi autē recto itinere procedentes, Biterrenſem aggreſſi ſunt ciuitatem, vbi per dies 15. diſputantes & prædicantes, confirmabant in fide paucos quibz erant, catholicos, hæreticos confundebant. Venerabilis autem Epico-  
pus Oxomenſis & F. Radulphus conſuluerunt F. Petro de Caſtronouo, vt ad tempus ab eis recederet timebant ſiquidem, ne occideretur F. Petrus eo quod ipſum odio haberent hæretici ſuper omnes. Receſſit igitur F. P. ab Epicoſo & F. R. tempore aliquanto. Ipſi à Biterris egreſſi Carcaſſonam greſſu proſpero deuenerunt: vbi per octo dies morantes, prædicationi & diſputationibus inſiſtebant. Contigit, tempore illo prope Carcaſſonam miraculum quod præteriri non debet. Metebant hæretici ſegetes ſuas, in die natiuitatis S. Ioan. baptiſtæ: ipſum enim non prophetam, ſed maligniſſimum eſſe dicebant, dum igitur meterent, aſpiciens vnus ex eis manum ſuam vidit manipulum ſuum ſanguinolentum, quod videns putauit, quod incidiſſet manum, ſed inueniens eam ſanam, exclamauit ſocijs. Quid vltra? Aſpicientes ſinguli manipulos quos tenebant inuenerunt eos ſanguini-

*Fefſa ſſ.  
non violen-  
da ſtupendo  
miraculo  
oſtenditur.*



nolentos, manibus conſeruatis illæſis. Venerabilis autem abbas vallium Guido tunc erat in illa terra, qui manipulum ſanguinolentum vidit, & ipſe mihi hoc narravit. Quia verò longum eſſet enarrare per ordinem, quomodo viri apoſtolici, ſcilicet prædicatores noſtri circuibant per caſtra, euangelizantes & diſputantes vbique: his omiſſis ad præcipua veniamus. Quodam die conuenerunt omnes hæreſiarchæ apud quoddam caſtrum in Carcaſſonenſi dioceſi, quod dicitur mons Regalis, diſputaturi vnanimiter aduerſus viros ſapius memoratos. Ad hanc diſputationem redijt F. P. de caſtronouo, qui ſicut paulo ante diximus diſceſſerat apud Biterim. Diſputantibus autem, dati fuerunt iudices de ipſis credentibus hæreticorum, protelata autem fuit diſputatio per 15. dies & redacta fuerunt in ſcriptum hinc inde propoſita, & tradita iudicibus, vt diſſiniſtiuam ſententiam promulgarent. Videntes autem ipſi iudices, hæreticos ſuos maniſeſtiſſimè ſuperatos, noluerunt dare ſententiam ſed & ſcripta quæ à noſtris acceperant, ne venirent in publicum noluerunt reddere, ſed tradiderunt hæreticis. His peractis reſceſſit F. P. de caſtronouo à ſociis ſuis, & iuit in prouinciã, & laborauit vt componeret nobiles prouinciæ: hac autem intentione, vt auxilio eorum qui pacem iurauerant, poſſet hæreticos de Narbonenſi prouincia extirpare. Sed Comes Tholoſanus Raimundus nomine, inimicus pacis, noluit acquieſcere dictæ paci, donec tam per guerras, quas mouebant ei nobiles prouinciæ, median-

te industria viri Dei: quam per excommunicationem ab eodem in ipſum comitem promulgatam, iurare compulſus eſt pacem illam. Sed qui fidem negauerat, & erat infideli deterior, nunquam deferens iuramento, iuravit pluries, pluries periurauit. Quem vir ſanctiſſimus F. Petrus, magna animi virtute corripuit, tyrannum intrepidus aggrediens, eique in facie reſiſtens, quia reprehendiſſibilis, imo damnabilis erat valde, confundeſſetque eum vir magnæ conſtantię, vir conſcientię illibatę, adeo vt exprobraret ei, quod erat per omnia periurus, & vere ſic erat.

---

*De malicia Comitis Tholoſani Raimundi  
Albigenſium ſanctoris.*

### CHAP. III.

**Q**UIA ergo opportunitas ſe ingeſſit, hic de incredulitate ipſius comitis aliquid breuiter explicemus. Primo dicendum, quod quaſi à primis cunabulis, ſemper hæreticos dilexit & ſouit, & eos in terra ſua habens, quibuſcumque modis potuit, honorauit, vſque hodie etiam (ſicut aſſeritur) vbicumque pergit, hæreticos ſub cõmuni habitu ſecum ducit, vt ſi ipſum mori contigerit, inter manus ipſorum moriatur, credebat enim, abſque omni pœnitentia, quantũcumque peccator fuerit, ſe ſaluandum, ſi in ipſo mortis articulo, impoſitionem manuum eorum potuiſſet adipiſci. Faciebat & deferri nouum teſtamentum, vt ſi ne-

cesse esset impositionem manuum cum libro  
reciperet ab hæreticis. Vetus siquidem testa-  
mentum detestantur hæretici: dicunt Deum  
illum qui veterem legem instituit, malum esse,  
vocantes eum traditorem, propter spoliatio-  
nem Ægypti: homicidam, propter diluuium,  
& subuersionem Ægyptiorum dicunt, & Moy-  
sem, Iosue, David, illius mali Dei fuisse ru-  
ptarios & ministros. Dixit & sæpedictus co-  
mes quodam die hæreticis, sicut pro certo  
scimus, quod volebat facere nutrire filium suū  
apud Tholosam inter hæreticos, ut addisceret  
fidem, imo infidelitatem illorum. Dixit &  
quodam die, quod vellet dare centum marchas  
argenti, ut quidam miles suus posset capere  
fidem hæreticorum, ad quam multoties inui-  
tauerat eum, & quam faciebat ei sæpius prædi-  
cari. Præterea quando hæretici mittebant ei  
aliqua xenia vel cibaria, gratissimè suscipiebat,  
& faciebat optime seruare ea, nec patiebatur,  
quod aliquis comederet ex eis, nisi ipse & ali-  
qui eius familiares. Multoties etiam sicut cer-  
tissimè cognouimus, adorabat hæreticos flexis  
in terra genibus, & petebat ab eis benedictio-  
nem & osculabatur eos. Quodam die erat di-  
ctus comes in expectatione quorundam ho-  
minum, qui debebant venire ad eum, sed cum  
non venissent: dixit, bene apparet, quod dia-  
bolus fecit mundum istum, quia nihil succedit  
nobis ad votum. Dixit præterea idem comes  
venerabili episcopo Tholosano, sicut ab eo-  
dem episcopo audiui, quod monachū Cister-

cienſes non poterant ſaluari, quia tenebant  
 oues quæ luxuriam exercebāt. O hæreſis inau-  
 dita. Dixit & comes dicto epifcopo Tholoſa-  
 no, vt veniret de nocte in palatium eius, & au-  
 diret prædicationem hæreticorum: vnde per-  
 penditur, quod ſæpe de nocte audiebat eos.  
 Erat quondam memoratus comes quadam die  
 in eccleſia quadam, vbi miſſa celebrabatur: ha-  
 bebat autem ſecum quemdam mimum, qui  
 ſicut mos eſt huiusmodi iaculatorum, homines  
 cum bucca hiſtrionice deridebat. Cum autem  
 ſacerdos qui celebrabat miſſam verteret ſe ad  
 polulum dicens, *Dominus vobis cum.* ſceleratiſſi-  
 mus comes dixit hiſtrioni ſuo, vt contra face-  
 ret & derideret ſacerdotem. Dixit præterea  
 aliquando ſupradictus comes, quod mallet aſſi-  
 milari cuidam hæretico, qui erat apud Caſtras  
 in Albigenſi dioceſi detructus mēbris & habi-  
 tu miſerabili, quam eſſe Rex vel Imperator.  
 Quod autē ipſe hæreticos ſemper fouit, ex hoc  
 habemus probatiſſimū argumētum: quia nun-  
 quā ab aliquo ſedis apoſt. legato, potuit induci  
 ad hoc, vt ſæpeditos hæreticos de terra ſua de-  
 pelleret, licet cōpuſus ab ipſis legatis multoti-  
 ens abiurarit. Præterea adeo parui pendebat  
 matrimonij ſacramentum, quod quotieſcum-  
 que ei diſplicuit vxor propria, ipſam dimittens  
 aliam duxit, ita quod quatuor vxores habuerit,  
 quarum tres adhuc viuūt. Habuit enim primò  
 ſororem vicecomitis Biterrenſis, nonnunc Be-  
 attricem: qua dimiſſa duxit ducis Ci-  
 pri \* Hac dimiſſa duxit ſororem regis An-

\* vocula de-  
 eſt.

glia Richardi, quæ continebat ei in tertio gradu conſanguinitatis, quæ mortua accepit ſortorem regis Arragonenſis, quæ ſimiliter erat conſanguinea eius in quarto gradu. Nec ſilendum eſt, quòd cum ipſe teneret primã vxorem ſuam, monuit eam ſæpiſſimè, vt habitum religionis aſſumeret. Illa autem intelligens quid intenderet, ex induſtria quæſiuit ab eo: vtrum vellet, quod ipſa in ordine Ciſterciens ſi fieret monialis: ipſe autem dixit, quod non. Quæſiuit iterum vtrum vellet quod ipſa fieret monacha, in ordine Fontis Ebrardi. Reſpondit comes quod non volebat. Tunc quæſiuit ab eo quid ipſe vellet, & mandauit, quod ſi vellet fieri heremetica, ipſe ei in omnibus prouideret, & factum eſt ita. Erat quidam peſſimus hæreticus apud Tholoſam, Hago faber nomine, qui quondam in tantam lapſus eſt demētiam, quod iuxta altare cuiuſdam eccleſiæ purgauit ventrem, & in contemptum Dei cum palla altaris terſit poſteriora ſua. O ſcelus inauditum. Dixit & hæreticus prædictus quadam die, quod quãdo ſacerdos in miſſa percipiebat dominici corporis ſacramentum, traijiebat dæmonem in corpus ſuum: quæ omnia cum vit venerabilis abbas Ciſtercij qui tunc erat abbas grandis ſyluæ in territorio Tholoſano Comiti retuliſſet, & cum moneret, qui tantum facinus perpetraret: reſpondit comes, quod nullo modo puniret propter hoc ciuem ſuum. Abominationes prædictas narrauit Dominus abbas Ciſterciens ſis, qui tunc erat archiepiſcopus Narbonenſis

ſermè viginti episcopis, me præſente in concilio apud Vaurum: adeo autem ſemper fuit luxurioſus & lubricus dictus comes, quod ſicut pro certo diſcimus, ſorore propria abutebatur, in contemptum religionis Chriſtianæ: ab infantia enim ſua, concubinas patris ſui quærebat diligentiffimè, & cum illis diligentiffimè concubebat, vix enim ei aliqua placere poterat, niſi ſciret patrem ſuum prius accubuiſſe cum ea, vnde & pater ipſius, tam propter hæreſim, quàm propter enormitatem iſtam, exhæredationem ſuam ei ſæpiſſimè prædicebat. Præterea ruptarios mirabili quoque amplexatus eſt affectu dictus comes, per quos ſpoliabat eccleſias, monaſteria deſtruebat, omneſque ſibi vicinos quos poterat exhæreditabat, ita ſemper ſe habuit membrum diaboli, filius proditionis, primogenitus ſathanæ, inimicus crucis & eccleſiæ perſecutor, hæreticorum deſenſio, catholicorum depreſſio, miniſter perditionis, fidèi abiurator, plenus ſclerum, peccatorum omnium apotheca. Ludebat quodam die comes in ludo ſcacorum cum quodam capellano & inter ludendum, dixit capellano. Deus Moyſi quem vos creditis, non poterit vos iuuare in ludo iſto, & addidit, nunquàm me iuuet Deus ille. Alio tempore, cum ipſe comes à partibus Tholoſanis iturus eſſet contra aduerſarios quorſdam ſuos in partes Prouinciæ: media nocte ſurgens, venit ad domum, in qua hæretici Tholoſani erant congregati, & dixit eis. Domini ac fratres, bellorum varij ſunt euentus,

*Inopiæ Rai  
mundi Co-  
mitis ineptia*

quicquid de me contingat, in manus vestras commendo corpus & animam meam: quo facto desuper habundanti duos hæreticos in veste communi secum adduxit, ut si forte mori eum contingeret, inter manus ipsorum moreretur. Infirmabatur quodā tempore comes maledictus in terra Arragonum, & cum multū inualesceret infirmitas, fecit sibi fieri lecticam, & in lectica illa faciebat se Tholosam deportari: & cum quadam die quæreretur ab eo, cur cū tanta obstinatione se faceret deportari, cū tā gravissima infirmitate laboraret, respondit miser, quia non sunt boni homines in terra ista inter quorū manus possim mori, hæretici enim à fautoribus suis, boni homines vocabantur sed & amplioribus signis & dictis, se fatebatur hæreticum: dicebat enim, scio me exhæredandum fore pro bonis hominibus istis, sed non tantum exhæredationem, imò etiam decapitationē pro ipsis paratus sum sustinere. hæc de incredulitate & malicia dicti miseri dixisse sufficiat, nunc ad propositum reuertamur.

---

*De aduentu 12. Abbatum ord. Cisterciens.  
eorumque predicationibus.*

### C A P. V.

**C**elebrata disputatione prænotata in monte Regali, dum adhuc essent prædicatores nostri apud montem regalem: & circumquaque verbum dei & salutis monita seminantes mendicarent ostium panem suum, super-

*Arnaudus  
abbas Cistercij*

nomine à partibus franciæ, abbates duodecim habens ſecum, qui totius viri religionis, viri perfectæ & ſanctæ ſcientiæ, viri incomparabilis ſanctitatis, iuxta numerum ſanctiſſimum apoſtolorû, cum abbate decimo tertio, duodecim aduenerunt, parati de ea quæ in ipſis erat fide & ſpe, omni diſputanti reddere rationem: & hi omnes cum pluribus monachis, quos ſecum adduxerant, omnem teſtantes humilitatem, iuxta exemplar quod eis oſenſum erat in monte, ideſt quod audierant de epifcopo Oxomenle, pedites procedebant, ſtatim ab abbate Cifterciſenſe longe lateque ſinguli diſperſi, & aſſignati ſunt vnicuique termini proprii, per quos diſcurrendo prædicationi inſiſterent, diſputationibus inſudarent.

---

*De colloquio Apamienſi, & morte  
Oxomenſis epifcopi.*

CAP. VI.

\* *Hiſpanicè  
Oſma.*

**E**Piſcopus Oxomenſis \* voluit ad ſuum redire epifcopatû, vt & domui ſuæ diſponeret, & prædicatoribus verbi Dei in Narbonenſi provincia, de ſuis prouentibus neceſſaria prouideret. Dum ergo recederet tendens ad Hiſpaniam, venit apud Apamias in territorio Tholoſano: & conuenerunt ad eum Fulco Tholoſanus, & Nauarrus Conſorandenſis epifcopi & plurimi abbates habita ibi diſputatione cum Vualdenſibus, plane conuiſti ſunt vualdenſes & conſuſi, & populus caſtri, præcipue paupe-



res ex parte maxima fauit noſtris: ille etiam qui conſtitutus erat iudex in diſputatione, & erat fauens vualdenſibus, magnuſque in caſtro illo, renunciauit prauitati hæreticæ, & in manu domini Oxomenſis obtulit ſe & ſua, à die etiam illa & deinceps, ſectatores ſuperſtitionis hæreticæ viriliter impugnauit. Huic diſputationi, interfuit ille peſſimus traditor comes Fuxi, ille crudeliſſimus perſecutor eccleſiæ, Chriſti hoſtis. Hic vxorem habebat manifeſtam hæreticam de ſecta vualdenſium & duas ſorores, quarum vna ſectas vualdenſium, alia etiam comes, aliorum perfidorum hæreſes profitebatur. Celebrata autem diſputatione prædicta in palatio ipſius comitis, idem comes vualdenſes die vno, prædicatores noſtros de altero procurauit. O ficta humilitas, poſt hæc episcopus Oxomenſis, ad ſuum perrexit episcopatum, firmum habens propoſitum redeundi, quam citius poſſet, ad peragendum negotium fidei in prouincia Narbonenſi. Peractis vero in episcopatu paucis diebus, dum redire diſponeret morte præuentus, in ſenectute ſua feliciter obdormiuit. prius autem quam ipſe decederet, in ſata deceſſerat ſupramemoratus F. Radulphus vir bonæ memoriæ, in quadam abbacia ord. Cisterc. prope S. Ægidium quæ dicitur Fræcia vallis. Subtractis igitur his duobus luminari- bus, episcopo videlicet Oxomenſi & F. Radulpho, venerabilis Guido abbas vallium ſar-  
nay in diocceſi pariſienſi, qui cum alijs abbatibus cauſa prædicationis, in Narbonenſem prouin-

*Oxomenſis  
Episcopi in-  
teritus.*

*Guido abbas  
vallium ſar-  
nay in diocceſi  
pariſienſi.*

*nay demum  
Carcass. e-  
piscopus.*

ciam venerat vir nobilis genere, ſed ſcientia longe nobilior & virtute, qui etiam poſtea epiſcopus factus eſt à Carcaſſoræ, prior inter prædicatores conſtitutus eſt & magiſter. abbas ſiquidem Ciſterciensis ad alias partes ſe tranſtulit, quibuſdam magnis negotiis tunc temporis impeditus. Diſcurrētes igitur prædicatores ſancti hæreticoſque diſputando maniſeſtiſſimè conuincētes: ſed quia obſtinati erant in malitia conuertere non valentes poſt multum temporis, cum parum aut nihil prædicando ſiue diſputando proficere potuiſſent, ad partes Galliarum ſunt reuerſi. Nec prætereundum eſt, quod cum dictus abbas vallium Sarnay, cum ſupradiſto Theodorico, & quodam alio hæreſiarcha maximo, Bernardo ſcilicet de Cimmera, qui in Carcaſſonenſi diœceſi præcipuus hebeatur, diſputaſſet pluries & eos ſæpius conuiciſſet: quodam die cum ſæpedictus Theodoricus, nihil aliud reſpondere potuiſſet, dixit abbati, diu me detinuit meretrix, ſed de cætero non tenebit hoc dicens, dicebat Romanam eccleſiam meretricem. Nec ſilendum, quod cum ſæpedictus abbas vallium ſarnay, alio die caſtellum quoddam prope Carcaſſonam, Lauranum nomine cauſa prædicationis intraret, in ipſo introitu caſtri ſignaculo crucis ſe ſignauit: quod videns miles quidam hæreticis qui erat in caſtro dixit abbati, nunquam me adiuet ſignum iſtud.

*Miraculum de ſcedula, B. Dominici manu  
ſcripta, quæ ter flammis iniecta,  
illaſa reſiliit.*

## CAP. VII.

**C**ontigit tempore illo quoddam miraculū fieri, quod in hoc loco, dignum duximus interſerendum. Diſputauerant quadam die, quidam prædicatores noſtri, viri religioſi aduerſus hæreticos vnus autem de noſtris, Dominicus nomine, vir totius ſanctitatis, qui ſocius fuerat episcopi Oxomenſis, auctoritates, quas in medium produxerat, redegit in ſcriptum, & cuidam hæretico tradidit ſcedulam illam, vt ſupra obiectis deliberaret. Nocte igitur illa erant hæretici congregati in vna domo, ſedentes ad ignem. Ille autem cui vir Dei traderat ſcedulam, produxit eam in mediū, tunc dixerunt ſocii ſui, vt in medium ignē illam proiiceret, & ſi ſcedula illa cōbureretur vera eſſet fides, imo perfidia hæreticorum: ſi vero incombuſta maneret, fidem quam prædicabāt noſtri, verā eſſe faterentur. Quid plura? in hoc conſentiūt omnes, ſcedula in ignem proiicitur, ſed cū in medio igne aliquātulum moram feciſſet, incombuſta penitus ab igne reſiliuit. Stupentibus qui aderant vnus cæteris durior ait illis: proiiciatur in ignem iterum ex tunc experiemini plenius veritatem: proiicitur iterum, iterum reſiliit incombuſta: quod videns ille durus & tardus ad credendum dixit iterum trina vice

*Nullis mi-  
raculis fer-  
rea hæreti-  
corum pecto-  
ra molliun-  
tur.*

proficiatur, & tunc ſine dubio rei exitum co-  
gnoſcemus, proiicitur tertio, nec tunc quidem  
comburitur, ſed integra ab igne reſiliit & illæ-  
ſa. hæretici autem, viſis tot ſignis, ne tunc ad  
fidem voluerunt conuerſi, ſed in ſua manentes  
malicia, diſtriſtiſſime ſibi inuicē inhibuerunt,  
ne miraculum iſtud, per narrationem alicuius,  
ad noſtrorum notiā deueniret ſed miles qui-  
dam, qui erat cum illis, qui aliquantulum con-  
ſentiebat fidei noſtræ noluit celare quod vide-  
rat, ſed pluribus enarravit. Factum eſt autem  
hoc apud montem regalem, ſicut ab ore viri  
religioſiſſimi audiui, qui ſcedulam hæretico  
tradidit ſuperſcriptam.

---

*De morte cruenta F. Pet. de Caſtronouo,  
qui gladijs impiorum occubuit.*

#### C A P. VIII.

**H**is de prædicatotibus verbi Dei breuiter  
prælibatis, ad martyriū viri venerabilis &  
athletæ fortiffimi F. Petri de caſtronouo, iu-  
uante Deo veniamus quod nullo modo me-  
lius, vel magis autentice credimus nos factu-  
ros, quam vt literas D. papæ, narrationi noſtræ  
inferamus, quas Chriſti fidelibus deſtinauit,  
ipſum martyrium plenius continentes. forma  
literarum hæc eſt.

**I**NNOCENTIVS epiſcopus ſeruus ſervorū Dei di-  
lectis filiis nobilibus viris, Comitibus. Baronibus, &  
vniuerſis militibus, per Narbonēſem, Arelatenſem, E-

brodunenſem, Aquenſem & Viennenſem provincias conſtitutus ſalutem & apoſt. benedictionem Rem' credulam iudicimus, & in communem luſum generalis eccleſie deducendam, quod cum ſunctæ memoriæ F. P. de Caſtronovo monachus & ſacerdos, vir inter viros utique virtuoſus, vita, ſcientia, & ſama præclarus, ad euangelizandum pacem, & confirmandam fidem, in prouincia Auxitana cum alijs deſtinatus in comiſſis ſibi miniſterijs laudabiliter proſeciſſet, & proſicere non ceſſaret: quippe qui plene in ſchola Chriſti diſciſerat quod doceret, & eum qui ſecundum doctrinam & fideliſim obſeruando ſermonem, in ſana poterat exhortari doctrina & contradicentes reuincere paratus omni poſcenti ſemper reddere rationem, ut poterat: vir in fide catholicus, in lege peritus, in ſermone ſacundus, concitauit aduerſus ipſum diabolus miniſtrū ſuum comitem Tholoſanum Raimundum, qui cum pro multis & magnis exceſſibus, quos in eccleſiam comiſerat & in Deum, ſape cenſuram eccleſiaſticā incurriſſet, & ſæpe ſicut homo verſipellis & callidus, lubricus & incoſtans, penitudine ſimulata fuerat abſolutus: tandem odium contrinere non præualens, quod ceperat contra ipſum, eo quod non erat in ore eius verbum veritatis ad faciendam vindictam in nationibus & increpationes in populis, ac eo fortius in eodem comite, quo magis pro maioribus erat ipſe facinoribus increpandus tam tamquam collegam ſuum, apoſt. ſedis legatos ad villam S. Egidij conuocauit, promittens ſuper cunctis quibus impetebatur capitulis, ſatisfactionem plenariam exhibere. Cum autem conuenienti- bus illis in villam prædictam, præſatus comes ſalutaria monita ſibi facta, modo velut verax & facilis pro-

mitteret ſe facturum: eſt modo velut fallax & durus, ea prorsus facere recuſaret, volentibus illis demum ab eadem villa recedere, mortem eſt publicè comminatus, dicens quod quocumque vel per terram diuertant, vel per aquam, vigilanter eorum obſervaret egreſſum: & conſeſtim dictis facta compenſans, complices ſuos ad exquisitis inſidiis deſtinavit. Cumque vero nec ad preces dilecti filij abbatis S. Egidij, nec inſtantia Conſulum & Burgenſium, furoris ſui mitigari inſania potuiſſet, ipſi eos invito Comite nimirumque dolente cum armatæ manus præſidio, prope ripam rhodani fluminis deduxerunt, ubi nocte quieuerunt inſtante, quibuſdam eiſdem comitis ſatellitibus, ipſi prorsus ignotis hoſpitantibus cum eiſdem, qui ſicut apparuit in effectum ſanguinem quærebat eorum In caſtrino itaque mane factò & miſſa celebrata de more. cum inno-  
cui Chriſti milites, ad tranſitum ſe fluminis præpara-  
ræt: unus de prædictis ſathana ſatellitibus, lance in  
ſuam vibrans, prænominatum Petrum, ſupra Chri-  
ſtum petram, immobili firmitate fundatum, tante  
prodicionis incautum, inter coſtas inferius vulnera-  
uit. Qui prius ipſum reſpiciens percufforem, & Chri-  
ſti magiſtri ſui, cum B ſtephano ſecutus exemplum,  
dixit ad ipſum. Deus tibi dimittat, quia ego dimitto,  
pietatis & patientiæ verbum ſæpius repetendo. Dein-  
de ſic tranſfixus, acerbitatem illati vulneris, ſpe cœ-  
leſtium eſt oblitus: & inſtanti ſua pretioſa mortis ar-  
ticulo, cum miniſterij ſui ſocijs, qui fidem promouerent  
& pacem, non deſinens ordinare, poſt iuſtas .....  
orationes, in Chriſto feliciter obdormiuit. Qui proſeſſo,  
cum ob fidem & pacem, quibus nulla eſt prorsus cauſa  
laudabilior ad martyrium ſanguinem ſuum fuderit,

claris iam, ut credimus miraculis choruscasset, nisi hoc illorum incredulitas impedit. De quorum similibus in euangelio legitur, quia ibi virtutes Iesu non faciebat multas, propter incredulitatem eorum, quia quāquā lingua, non fidelibus sed infidelibus fuit in signum: saluator iamē presentatus Herodi, qui teste Luca valde gaudisus est, viso ipso, pro eo quod signum aliquod ab eo fieri sperabat, & facere dedignatus est signum, & reddere interroganti respōsum. sciens quia incredulitas signorum, non credulitatis inductio, sed vanitatis illum admiratio delectabat. Licet autem ipsa praua generatio & peruersa Prouincialium non sit digna, ut tam cito sicut forsitan ipsa querit, de suo sibi martyre signum detur. expedisse tamen credimus, ut unus ipse pro ipsa, ne tota pereat moreretur, quia contagio haeretica prauitatis infecta per interpellantem occisi sanguinem, à suo melius reuocetur errore hoc est enim verus sacrificium Iesu Christi, hoc miraculosum ingenium saluatoris, ut cum in suis esse videtur putatur, tunc vincat fortius in eisdem & ea virtute qua ipse mortem moriendo destruxit, à superatis interdū famulis suis, superatores eorum faciat superari. Nisi granum frumenti cadens in terram mortuum fuerit, ipsum solum manet, si autem mortuum fuerit plurimum fructum affert. Sperantes igitur, quod de morte huius fecundissimi grani, sit fructus in Christi ecclesia prouenturus, cum profecto sit dure culpabilis & culpabiliter durus, cuius animam ipsius gladius non pertransit, nec unquam penitus desuperantes, cum vilitas tanta debeat in sanguine suo esse, quod sua praedicationis nuncijs circa memoratam prouinciam, pro qua ipse in corruptionem descendit ob tanta Deus tri-

buat incrementa. Venerabiles fratres noſtros archiepiſcopos eorumque ſuffraganeos monendos duximus, attentius & hortandos per ſpiritum S. in virtute obedientie diſtincte præcipiendo ut verbum pacis & fidei ſeminatum ab eo ſua prædicationis irriguis conualeſcere facientes, & ad pugnandam hæreticam prauitatē ac fidem catholicam confirmandam, ad extirpanda vitia & plantandas virtutes indiſſe ſtudio ſedulitatis inſtantes. Iamdictū Dei ſamiti occiſorem, & vniuerſos quorum ope vel opere conſilio vel ſauore tantum facinus perpetravit receptatores quoque vel deſenſores illius ex parte omniſ. Dei Patris Filij, & Spiritus S. auctoritate quoque BB. apoſt. Petri & Pauli & noſtra, excommunicatos & anatematizatos per ſuas dioceſes denuncient vniuerſis: & omnia loca proſus, ad quæ ipſe vel aliquis ipſorum deuenerint præſentibus eis, interdicto faciunt eccleſiaſtico ſubiacere: ſingulis diebus dominicis & feſtiuis, pulſantibus campanis, & candelis accenſis, donec ad ſedem apoſtolicam accedentes, per ſatiffactionem condignam mereantur abſolui, ſententiam huiusmodi ſolemniter innouantes. Illi autem qui orthodoxæ fidei zelo ſuccenſi ad vindicandum ſanguinem iuſtum, qui de terra clamare non ceſſat ad cælum, donec ad confundendum ſubuerſos & ſubuerſores de cælo deſcendat ad terram Deus vltionum, viriliter ſe accinxerint aduerſus hos poſtilentes qui ſimul in vnum pacem & veritatem impugnant, ſuorum remiſſionem peccaminum à Deo cuiſque vicario ſecundè promittant indulgiam, ut eis labor huiusmodi, ad operis ſatiffactionem ſufficiat ſimiliter illis offenſis pro quibus cordis contritionem & veram confeſſionem oris obtulerint vero Deo huiusmodi ſiquidem peſtilen-



tes Provinciales, non tam iam noſtra diripere, ſed nos  
perimere molliuntur: nec ſolum ad perimendas animas  
linguas acunt, verumetiam ad perdenda corpora  
manus extendunt proliſores animarum effecti, & cor-  
porum peremptores. Licet autem præſatus comes pro-  
mulis & magnis flagitijs quæ longum eſſet per omnia  
enarrare, iamduddum ſit anathematis mucrone percuf-  
ſus, quia tamen certis indicijs, mortis ſancti viri præ-  
ſumitur eſſe reus, non ſolum ex eo quod publice com-  
minatus eſt ei mortem, & infidias paravit eidem: ve-  
rum etiam ex eo quod occiſorem ipſius in multam fa-  
miliaritatem admiſit, & magnis donis remuneravit  
eundem, ut de cæteris præſumptionibus taceamus, quæ  
plenius innotescunt mulis. Ob hanc quoque cauſam,  
quædam archiepiſcopi & epiſcopi publicè nuntient ana-  
thematiſatum eundem. Et cum iuxta ſanctorum  
patrum canonicas ſanctiones, ei qui fidem Deo non ſer-  
uat, fides ſervanda non ſit, à communione fidelium ſe-  
gregato, ut potè qui vitandus eſt potius quam ſouendus,  
omnes qui dicto comiti fidelitatis ſeu ſocietatis, aut ſœ-  
deris huiusmodi iuramento tenentur aſtriçti, aucto-  
ritate apoſtica denunciunt interim abſolutos, & cuius-  
libet catholico viro licere, ſalvo iure Domino principali,  
non ſolum perſequi perſonam eiſdem, verum etiam oc-  
cupare & detinere terram ipſius, illius præſertim ob-  
tentum, quod ab hæreſi per ſuam prudentiam fortiter ex-  
pugnatur, quæ per illius nequitiam fuit hætenus tur-  
piter ſanciata, maculata. Quia dignum eſt, ut manus  
omnium contra ipſum conſurgant, cuius manus extitit  
contra omnes. Quod ſi nec ſic vexatio dederit intellẽctũ,  
manus noſtras in eo curabimus aggranare. Si quo mo-  
do vero ſatiſſactionem promiſerit exhibere, ipſum præ-

nitutinis ſua hæc ſigna premittere oportebit, ut de toto poſſe ſuo depellat prauitatis hæretica ſectatores, & ſe paci ſatagat conciliare fraternæ, cum principaliter propter culpam quam in utroque noſcitur commiſiſſe, in eum eccleſiaſtica fuerit prolata cenſura: quamquam ſi in ſuas iniquitates Deus voluerit obſeruare, vix poſſit congruè ſatisfacere non tantummodo pro ſeipſo, ſed pro alia multitudine, quam in laqueum damnationis induxit. Quia vero ſecundum ſententiam veritatis, timendi non ſunt qui corpus occidunt, ſed ille qui poteſt mittere corpus & animam in gehennam, conſidimus & ſperamus in eo, qui ut à fidelibus ſuis timorem mortis auferret, mortuus die tertia reſurrexit, quod præſati hominis Dei mors, venerabili fratri noſtro Conſoranenſi epiſcopo & dilecto filio A. abbati Ciſterciienſi apoſt. ſedis legatis, aliſque orthodoxæ fidei ſectatoribus, non ſolum timorem non incutiet, ſed amore in accendet, ut eius exemplo qui vitam æternam temporali morte feliciter eſt mercatus, animas ſuas in tam glorioſo certamine, ſi neceſſe fuerit, pro Chriſto ponere non formident. Vnde archiepiſcopis & epiſcopis conſulendum duximus, ammonendo, preces præceptis, præcepta precibus inculcantes, ut legatorum ipſorum ſalubribus munitis & mandatis efficaçiter intendentes, tanquam ſtrenuiſſimi commilitones aſſiſtent eidem in omnibus, quæ propter hæciſis duxerint iniungenda. Sciens quod ſententiam quam ipſi non ſolum in rebelles ſed etiam in deſides promulgaerint, nos ratam haberi præcipimus & inuolabiliter obſeruari. Eya igitur Chriſti milites, eya ſtrenui militia Chriſtiænæ tyrones, moueat vos generalis eccleſiæ gemitus: ſuccédant vos ad tantam Dei noſtri vindican-

dum iniuriam pius Zelus. Mementote quia creator  
noſter, noſtri non indiguit, cum nos fecit: qui quan-  
quam noſtro ſervitio non indigeat, ut quaſi per illud  
minus in agendo minus voluerint fatigaretur, & ſua  
omnipotentia minor ſit obſequio noſtro carens, occaſio-  
nem tamen in hoc articulo nobis tribuit acceptabiliter  
ſervienti. Cum igitur poſt interfectionem præſati iuſti,  
eccleſia quæ in paribus illis eſt, abſque conſolatore in  
triftitia & mœrore, ſedente, fides evanuiſſe, periſſe  
pax, hæretica peſtis & hoſtilis rabies fortius mu-  
luſſe dicatur, ac ſi potenter in eius novitate procellæ  
non ſuccurratur eidem, pene penitus videbitur navis  
eccleſiæ naufragari. Vniuerſitatem veſtram monemus  
attentius & propenſius exhortamur, ac in tanta ne-  
ceſſitatis articulo in virtute Chriſti confidenter iniun-  
gimus, & in remiſſionē peccaminum indulgemus, qua-  
tinus tantis malis occurrere non tardetis, & ad paci-  
ficandum gentes illas, in eo qui eſt deus pacis & di-  
lectionis intendere procuretis: & quibuſcumque modis  
revelaverit vobis Deus, hæreticam ibi ſtudcatis perfi-  
diam abolere, ſectatores ipſos eo quam ſarracenos ſe-  
curius quo peiores ſunt illis in manu forti & extento  
brachio inopugnando: Prænotinatum etiam comitem  
qui quaſi ſœdus percuſſiſſet cum eadem morte propria  
non recogitat, ſi forte vexatio ſibi tribuat intellectum,  
& completa facies eius ignominia incipiat inquirere no-  
mē Dei ad ſatiſſaciendū nobis & eccleſiæ, imo Deo, pon-  
dere non deſuatis induſta ſuper eū oppreſſionis urgere  
pſū & fautores eiufdem de caſtris Domini depellendo,  
& auferēdo terras eorum in quibus relegatis hæreticis,  
habitatores catholici ſubrogentur, qui ſcilicet orthodoxæ  
fidei noſtræ diſciplinam in ſanctitate & iuſtitia ſer-

*uisant coram Deo. Datum Laterani 6. Id. Martij  
Pontif. noſtri, an. 11.*

His dictis de morte ſanctiſſimi viri prælibatis,  
ad narrationis noſtræ ſeriem redeamus.

---

*Tholoſanus & Conſoranenſis Episcopi Roman legantur,  
ut pontifici max. ſtatum eccleſiæ in  
Narbon. prouincia exponant.*

### CAP. IX.

**V**identes igitur prælati Narbonenſis prouinciæ, & alij quos tangebatur negotium pacis & fidei, deceſſiſſe bonos viros Oxomenſem episcopum & F. Pet. de caſtronouo, & F. Radulphum, qui fuerant prædicationis in terra prænotata principes & magiſtri. Animaduertentes quod eadem prædicationis etiam iam pergerit ex parte maxima curſum ſuum, nec multum profecerit, imo penitus fructu fruſtrata ſit exoptato, ad pedes ſummi pontificis iudicant transmittendum. Accingunt ergo ſe viri venerabiles, Fulco Tholoſanus, & Nauarrus Conſoranenſis episcopi, Romanque properant, ſupplicaturi Domino papæ, ut periclitanti in Narbonenſi prouincia & Bituricenſi & Burdegalenſi, pro pace eccleſiæ, & quaſi penitus naufraganti manum porrigat aduitricem. Dominus autem papa Innocentius, qui defendendæ fidei Catholicæ neceſſitatibus, totis niſibus occumbebat, tanto morbo manum appoſuit medicam, generales & efficaces ſuper hoc negotio literas in franciam transmittendo,

Sicut inferius plenius exprimemus. Quod audiens comes Tholosanus, imo dicamus melius Dolofanus, perrexisse videlicet prænotatos episcopos ad curiam romanam, timens se digne pro meritis puniendum, videntque facta sua non posse impune transire, pœnitentiam simulans, & si possit sibi præcauens in futurum: cum multos alios iam misisset, quosdam execrabiles & malignos, Archiepiscopum Auxitanum & Raimundum de Rebastenhs, qui quondam fuerat Tholosanus episcopus, sed meritis suis exigentibus erat depositus, misit Romam: conquestusque est Domino papæ per nuntios illos, de abbate Cisterciensi, qui legatione super negotio fidei fungebatur: asserens quod cum exacerbaret nimis asperè & plus iustò: promittens etiam comes, quod si Dominus Papa, aliquem à latere suo ad illum dirigeret, ad voluntatem ipsius per omnia se haberet. Hoc autem non dixit, quia vellet se aliquatenus emendare. Sed cogitabat, quod si dominus papa aliquem de suis Cardinalibus ad eum mitteret, ipsum posset, sicut homo versipellis & callidus circumuenire: sed omnipotens qui scrutator est cordium, & cognitor secretorum, noluit puritatem circumueniri apostolicam, noluit tegi amplius dicti comitis prauitatem. Prouidit igitur iuste & misericorditer iustus iudex, vt & Dominus Papa Comiti quasi iuste petenti satisfaceret, & ipsius comitis malitia diutius nō lateret. Misit enim dominus Papa vnū de colateralibus suis clericis, ad partes

*Mittitur  
magiſter Mi-  
lo clericus à  
latere vſe-  
gatus.*

Hoc ha-  
betur ad  
oram cod  
m. 5.

*\* habeo.*

prouinciæ, Milonem nomine, virum vtique  
vita honeſtum, ſcientia præclarum, ſacundia  
diſertum, qui vt probitatem eius breuiter per-  
ſtringamus, nec terrore terreri potuit, nec mi-  
nime frangi. Comes autem audiens quod ve-  
niret Magiſter Milo, gaudio gauſus eſt valde,  
quia putauit, quod ſæpeditus magiſter, ad  
ipſius ſe haberet & per omnia voluntatem,  
diſcurrenſque comes per terram ſuam cœpit  
gloriarī & dicere. Modo bene eſt mihi, quia  
legatum ſecundum cor meum, \* imo ipſe ero  
legatus. Sed omnia euenire contraria voto  
illius, ſicut inferius exprimeretur.

*Mittitur cum M. Milone Magiſter*

*Theodiſius.*

C A P. X.

*Corruptè a-  
pud Giaco-  
nium legi-  
tur Hugo nō  
Milo,*

**M**illus eſt autem cum dicto M. Milone,  
clericus quidā magiſter Theodiſius no-  
mine, canonicus Ianuenſis, qui ſæpedito M.  
Miloni aſſiſteret, & ipſum in expediendo fidei  
negotio adiuuaret. Iſte Theodiſius vir multæ  
ſcientiæ, vir cōſtantiæ mirabilis, vir eximie bo-  
nitatis, qui bene ſe habuit in negotio Ieſu Chri-  
ſti, qui quanta pro eodē negotio pericula paſſus  
ſit & labores, rei exitus patefecit, & nos poſt-  
modū curauimus latius intimare. Dominus ve-  
ro papa M. Miloni dederat in mandatis, vt de  
omnibus quæ ad negotium fidei pertinebant,  
& præcipue ſuper factō comitis Tholoſani, ad  
conſilium Ciftercij abbatis ordinaret: eo quod

abbas ſtatim negotij, & verſutias comitis plene ſciret. Vnde & dominus papa M. Miloni expreſſe dixerat, abbas Ciſtercij totum faciet, & tu organum eius eris, comes enim Tholoſanus habet eum ſuſpectum, tu non eris ei ſuſpectus. Descendentes igitur M. Milo. & M.\* Theodiſius in Franciam, abbatem Ciſtercii apud Authiſiodorū inuenerunt. Conſuluit igitur M. Milo abbatem Ciſterciēſē, ſuper pluribus certis capitulis quæ ad negotium fidei pertinebant abbas vero de omnibus diligentius inſtruens, conſilium ſuum tradidit ei ſcriptum & ſigillatū. Monuit etiam eum & conſuluit, ut antequam aggrederetur comitem Tholoſanum, conuocaret archiepiſcopos, epiſcopos & alios prælatos, quos expedire videret, & eorum quæreretur & haberetur conſilia. Quorſdam etiam de prælatis, M. Miloni expreſſe & ſpecialiter nominauit, quorū conſiliis deberet idem Magiſter adhærere. Poſt hæc abbas Ciſterciēſis & M. M. perrexerunt ad regem Franciæ Phillippum, qui apud nouam villam in territorio Senonico cum pluribus de Baronibus ſuis ſolemne colloquium celebrabat. Erat enim Dux Burgundiæ, Odo Niuernenſis & Sancti Pauli comites & multialii nobiles & potentes. Dominus autem Papa, mittebat regi literas ſpeciales monens & deprecans, ut per ſeipſum ſaltem per filium ſuum Ludouicum, periclitanti in Natbonenſi prouincia eccleſiæ auxilium impederet opportunum. Rex autem nuncio domini Papæ tale dedit reſponſum, quod

\* ita exem-  
plar M. 5.  
non Theodo-  
ſius ut ha-  
bet Ciacco-  
nis in In-  
noc. 3.

duos magnos & graues habebat à lateribus leones, Othonem qui dicebatur imperator, & regem anglia Ioannem, qui hinc & inde ad turbationem regni Francia totis viribus laborabant. Ideoque nec ipſe à Francia vllò modo exire vellet, nec filium mittere, imo ſatis ei videbatur ad præſens, ſi Barones ſuos ire permitteret, ad perturbandum in Narbonenſi prouincia pacis & fidei perturbatores. Summus autem pontifex, vt ad extirpandam peſtem hæreticam, fideles populos efficeret promptiores, generales miſerat literas, ad omnes prælatos, Comites, & Barones & vniuerſum populum in regno francia conſtitutum, monent efficaciter & exhortans, vt feſtinarent ad vindicandam in Narbonenſi prouincia iniuriam Crucifixi, ſcientes remiſſionem omnium peccaminum à Deo eiſque vicario vniuerſis indultã, qui orthodoxæ fidei zelo ſuccèſſi, ad opus ſe accingerent huius pietatis, dummodo cõtriti eſſent pariter & confeſſi. Quid plura? publicatur iſta indulgentia in francia, armat ſe multitudo magna fidelium ſigno crucis.

---

*Concilium apud Montilum celebratur, ibique  
ſiſtendi coram Milone dies Comiti apud  
valentiam præſignitur.*

C A P. XI.

*Gallicæ  
Monteil,*

**C**elebrato apud Nouam-villam colloquio prænotato, M. Milo cum collega ſuo M. Theodiſio, ad partes prouincia perrexit veni-



enſque ad quoddam caſtrum quod Montilum  
nuncupatur, conuocauit archiepiſcopos & e-  
piſcopos quamplures: qui cum ad eum veniſ-  
ſent, quaſiuit ab eis diligenter, qualiter pro-  
cedendum eſſet in negotio pacis & fidei, præ-  
cipuè in facto comitis Tholoſani. voluit etiam  
vt ſinguli prælati ſuper certis capitulis, de qui-  
bus eum abbas inſtruxerat Cifterciensis, ſua ei  
traderent conſilia ſcripta & ſigillata. Factū eſt  
vt præcepit, & quod auditū eſt mirabile, om-  
nia tam abbatis Cifterciensis, quam prælato-  
rum conſilia, ſine diſſenſione aliqua conuene-  
runt. A domino factum eſt iſtud. Poſt hæc  
miſit M. Milo ad comitem Tholoſanum mā-  
dans ei vt ad diē quam ſibi præfigebat veniret  
ad ipſū apud Valentianā ciuitatē. Venit comes ad  
diem illum, & ſicut fallax & ſcūus, lubricus  
& periuſus promiſit legato videlicet M. Milo-  
ni, licet in dolo, quod ſuam faceret in omnibus  
voluntatem. Legatus autem, vt potè vir cau-  
tus & prudens, prælatorum vſus conſilio: vo-  
luit & præcepit ut comes Tholoſanus, traderet,  
ei pro ſecuritate de terra quam tenebat in pro-  
uincia, caſtra ſeptem. Voluit etiam vt conſu-  
les Auinionenſis & Nemaufenſis ciuitatum,  
& Villæ Sancti Georgij iurarent ei, quod  
ſi comes Tholoſanus mandato ipſius legari ve-  
nire præſumeret ex aduerſo, non tenerentur ei  
hominij ſeu fœderis fidelitate aſtricti. Comi-  
tatus inſuper Ingruenſis, S. R. Eccleſiæ caderet  
in commiſſum. Comes verò Tholoſanus,  
quamuis dolens & inuitus neceſſitate compul-

ſus, omnia quæ legatus mandauerat, adimplere promiſit. Sicque factum eſt, vt qui abbatem Cisterciensem durum dixerat, legatum longè diceret duriores. Hoc autem deo diſponente, iuſtiſſime factum eſſe creditur, quod vbi Tyrannus ſperauit remedium, vltionem reperit & flagellum. Statim vir totius bonitatis M. Theodisius de mandato legati, venit in partes prouinciæ, vt ſeptem caſtra de quibus ſupra tetigimus reciperet, & ea occuparet ex parte S. R. E. & muniret.

---

*Certis ceremonijs antiquitus uſitatis, Comes Tholoſanus Eccleſiæ reconciliatur.*

## CAP. XII.

**H**Is omnibus ritè peractis, descendit legatus ad villam S. Ægydij, reconciliaturus ibi comitem Tholoſanum, modus autem reconciliationis & abſolutionis talis fuit. Adductus eſt comes nudus ante fores Eccleſiæ B. Ægidij, ibique coram legato, archiepiſcopis & epiſcopis qui ad hoc conuenerant pluſquam viginti, iurauit ſuper corpus Chriſti, & ſanctorum reliquias, quæ ante fores Eccleſiæ expoſita cum magna ueneratione, & in multa copia à prælatis tenebantur, quod mandatis S. R. Eccleſiæ in omnibus obediret. Mox legatus ſtolam ad collum comitis poni fecit, iptumque comitem per ſtolam arripiens, abſolutum cum uerberibus in eccleſiam introduxit. Nec ſilendum quod cum Comes Tholoſæ introduceretur in

*Reconciliationis ritus notandus.*

eccleſiam ſicut diximus S. Ægidij cum verberibus, diſponente Deo nullatenus de eccleſia potuit exire præ turba, perviam qua intrauerat: ſed oportuit eum deſcendere in inferiora eccleſiæ, & per ante ſepulchrum B. martyris F. Petri de caſtronouo quem occidi fecerat, nudum tranſire. O iuſtum dei iudicium, quem enim contempſerat vinum, ei reuerentiam compulſus eſt exhibere & deſuncto. Illud etiã notandum puto, quod cum corpus prædicti martyris, qui in clauſtro monachorũ S. Ægidij prius fuerat tumultatum, poſt longum tempus in eccleſiam transferretur, ita ſanum inuentum eſt & illæſum, ac ſi ipſa die fuiſſet tumultatum: miri etiam odoris fragrantia de corpore ſancti & veſtibus emanauit.

---

*Comes Tholoſanus, ſicclẽ crucem ſacræ militiæ ſignum ſumit, quam quidem catholici exercitus milites pectori adſutam habebant.*

### CAP. XIII.

**P**OST hæc omnia callidiſſimus comes Tholoſæ, timens à facie cruceſignatorum, qui ad extruendos hæreticos & eorum fautores in proximo, venturi erant de Francia ad partes Narbonenſes, petiit à Legato dari crucem, vt ſic terram ſuam, à cruce ſignatorum infeſtatione tueretur. Adquieuit legatus, comitique & duobus tantum de ſuis militibus cruces dedit. O falſum & perfidiſſimum cruceſignatum, comitem Tholoſanum dico, qui crucem af-

ſumpſit, non ad vindicandam iniuriam crucifixi, ſed vt ad tempus celare poſſet ſuam & regere prauitatem. His omnibus itaque geſtis, legatus & M. Theodifiſus redierunt verſus Lugdunum, vt cruce ſignatis, qui ſtatim venturi erant, contra Prouinciales hæreticos obuiarēt, per totā ſiquidem prouinciam diuulgata erat indulgentia quam fecerat Dominus Papa proficiſcentibus contra prædictos hæreticos, ideoque quamplurimi nobiles & ignobiles contra hoſtes crucis, armauerant ſe in pectoribus crucis ſigno. Signatis igitur in Francia ad vindicandam Dei noſtri iniuriam tot fidelium millibus & ſignandis, nihil aliud ſuper erat, niſi vt Dominus ſabaoth, qui ſolita bonitate & inolita benignitate inimicis ſuis videlicet hæreticis & eorum fautoribus compatiens, plures & pluries deſtinauerat ad eoſdem: Sed illi in peruerſitate ſua perſeuerātes, in ſua nequitia obſtinati, quosdam contumeliis affecerāt, alios etiam interfecerant, miſſis exercitibus ſuis, crudeliſſimos perderet homicidas.

---

*Aduentus cruce ſignati exercitus in  
partes Prouinciæ.*

Cap. XIII.

1209.

**A**Nno igitur ab incar. domini 1209 Dominus Papa Innocētius. II. regnāte Philippo Rege Francoꝝ, circa feſtum S. Ioan. baptiſte, cruce ſignati omnes à diuerſis Franciæ partibus iter arripientes, pari conſilio & pro ui-

da diſpoſitione, apud Lugdunum urbem Gal-  
lię cōuenerūt. Inter eos autem qui ibi effuerūt,  
iſti præcipui habebantur. Archiepiſcopus Se-  
nonēſis, Epiſcopus Eduenſis, Epiſcopus Cla-  
romotēſis, Epiſcopus Niuernenſis, Dux Bur-  
gundię, Odo comes Niuernenſis, Comes S.  
Pauli, Comes Montisfortis, Comes de Barro  
ſupra ſecanā, Guichardus de bello-ioco, Vui-  
lhelmus de rupibus ſeneſchalus Andeganię,  
Gualcherus de Iouiniaco, multi præterea no-  
biles & potentes, quos longum eſſet per ſin-  
gulos nominare.

---

*Comes Tholoſanus it obuiam Cruce-ſignatis.*

C A P. XV.

**V**idens autem Cōmes Tholoſanus Rai-  
mundus ſignatorum multitudinem ad-  
uenire, timenſque ne inuaderent terram eius,  
vt pote quam de perpetratis nequitiis, conſci-  
entię ſtimulus accuſabat, exiuit obuiam eis, &  
peruenit vſque prope Valentiam ciuitatem: at  
illi egreſſi erant in manu excelsa, ipſos igitur in-  
ueniens prope ciuitatem dictā dictus Comes,  
pacem ſimulans, falſum ſpopōdit obſequium,  
firmiſſime promittens, quod ad mandatum S.  
R. E. ad eorum etiam arbitrium ſe haberet, ſu-  
per quibus obſeruandis, dedit caſtella quæ-  
dam pro ſecuritate. Voluit etiam dare filium  
ſuum in obſidem, vel ſeipſum. Quid plura? etiā  
aſſociatur his hoſtis Chriſti, pergūt pariter, re-  
cto que grefſu perueniūt ad Biterrenſē ciuitatē.

*De malicia ciuium urbis Biterrenſis & eiſdem  
vrbis obſidione, expugnatione & excidio.*

Cap. XVI.

**E**Rat autem Biterris ciuitas nobiliſſima, ſed tota veneno hereticae, prauitatis infecta nec ſolū hæretici erant ciues Biterrenſes, ſed erant raptores iniuſti, adulteri, latrones peſſimi, pleni omni genere peccatorum. Non ſit oneroſum lectori ſi de malitia dictorum ciuium aliquid ſpecialiter diſſeramus. Pergebat quadā nocte in ipſo diluculo ſacerdos quidā ciuitatis illius ad eccleſiam diuina celebraturus miſteria, portans calicem manibus ſuis: quidam autem de Biterrenſibus qui ſe poſuerant in inſidijs, arripientes ſacerdotem illum, & vehementer verberantes, fracto brachio ipſum grauiffime vulnerarunt, accipientesque calicem quem tenebat ſacerdos, ipſumque diſcooperientes, minxerunt in eo in contemptum corporis & ſanguinis Ieſu Chriſti. Alioque tempore, ciues ſæpediti in eccleſia B. Mariæ Magdalene quæ in ciuitate dicta ſita eſt, dominum ſuum vice comitem Biterrenſem Trancauilum, traditores peſſimi interfecerunt, epifcopo etiam ſuo, qui vice comitem ab illorum manibus defendere nitebatur dentes cofregerunt. Egrediebatur die quodam canonicus quidam Biterrenſis de eccleſia maiori, celebrata miſſa audiens autem tumultum laborantem in foſſatis ciuitatis, interrogauit, quid hoc eſſet. Reſpon-

*Horrenda &  
ſtupenda ſa-  
cri callicis  
pollutio.*

derunt qui aderant, tumultus eſt laborantium ad ſoſſata, quia munimus ciuitatem contra Francigenas qui adueniunt iam enim imminēbat aduentus peregrinorum, & dum ita loquerentur, apparuit quidam ſenex venerandæ ætatis, qui dixit eis. Vos contra peregrinos ciuitatem iſtam munitis: ſed quis deſuper poterit vos munire, per hoc innuit, quod dominus de cœlo bellaturus eſſet eos, quo audito illi vehementer moti ſunt & permoti: Cumque vellēt in ſenem inſurgere, ſubito diſparuit, & naſquam potuit inueniri. Nunc propoſitum proſequamur. Antequam cruce-ſignati ad Biterrenſem peruenirent ciuitatē, vicecomes Biterrenſis Raimundus Rogerij nomine, nobilis quidem genere, nepos comitis Tholoſani, qui ſectans auunculi prauitatem, in nullo hæreticos comprimebat, promiſerat firmiſſime Biterrenſis ciuibus ciuitatis, quod eos nullatenus deſereret, ſed cum iſtis ad mortem uſque perſeuerans in ſæpēdicta ciuitate aduentū Chriſti militum expectaret. Sed cum noſtros appropinquare audiret, pacti oblitus, ſcœderis neſcius fidenter frangens, confugit Carcaſſonam aliam ſuam nobilem ciuitatem, plures de Biterrenſibus hæreticis ducens ſecum. peruenientes igitur Biterrim noſtri, tranſmiſerunt in ciuitatem, iſtius ciuitatis epiſcopum, qui exierat obuiam eis, magiſtrum videlicet Regenaldum de monte peſſulano, virum ætate, vita, ſcientia, venerandum. Dicebant ſequidem noſtri, quod cauſa perdendorum hæreticorum adue-

nerant, mandaueruntque ciuibus catholicis ſiquierant, vt in manus ipſorum traderent hæreticos, quos idem venerabilis epifcopus qui eos plene nouerat, & etiam in ſcriptum redegerat, nominaret, vel ſi iſtud facere non poſſent, exeuntes de ciuitate dimitterent hæreticos, ne perirēt pariter cum eiſdem. Quod verbum cum ſapredictus epifcopus ex parte noſtrorum memoratis ciuibus retuliſſet, noluerunt adquiſcere ſed ſe aduerſus Deum & eccleſiam erigentes, inito cum morte ſœdere, elegerunt potius mori hæretici, quam viuere Chriſtiani priuſquam enim noſtri eos aliquatenus expugnarent, exierunt quidam de ciuitate, cœperuntque noſtros ſagittis acius infeſtare, quod videntes ſeruientes exercitus, qui publica lingua dicuntur ribaldi, cum indignatione maxima muros adeunt ciuitatis, nobilibusque exercitus neſcientibus & penitus inconſultis, factoinſultu ipſa hora, quod dictumirabile eſt capiunt ciuitatem Quid plura? ſtatim intrantes, à minimo ad maximum omnes fere necati, tradentes incendio ciuitatem. Fuit autem capta ciuitas ſapredicta in feſto S. Mariæ Magdalene. O iuſtiſſima diuinæ diſpenſationis menſura ſicut in principio huius libri diximus, dicebant heretici B. Mariam Magdalenam fuiſſe Chriſti concubinam, præterea in eccleſia ipſius quæ erat in ciuitate ſicut ſupra tetigimus, ciues Biterrenſes dominum ſuum occiderant, epifcopo ſuo dentes cōfregerant. Merito igitur in illius feſtiuitate capti ſunt &



deſtructi, de qua contumelioſa tot dixerant, cuius etiam eccleſiam ſanguine domini ſui vicecomitis videlicet, nec non epiſcopi ſædaueant canes impudentiſſimi. In eadem etiam eccleſia, in quavt ſæpeditum eſt dominum ſuum occiderant ciues Biterrenſes, ipſa die captionis ciuitatis, fuerunt vſque ad ſeptem millia de piſis Biterrenſibus interfecti. Notabiliter eſt notandum quod ſicut ciuitas Ieruſalem 42 anno à paſſione Domini noſtri à Tito & Veſpaſiano fuit deſtructa, ita ciuitas Biterrenſis 42 anno ab interfectione Domini ſui per francigenas eſt vaſtata. hoc quoque non eſt omittendum, quod ſæpedita ciuitas multoties deſtaſtata fuerit ob cauſam ſuperius memoratam, ſper in die feſti S. Mariæ Magdalenæ, in cuius eccleſia tantū ſcelus perpetratum fuerat, dignam recepit eiufdem ſcleris vltionem.

---

*De obſidione vrbis Carcaſſonæ &  
eiufdem deditiōe.*

Cap. XVI.

Capta itaque & deſtructa ciuitate Biterrenſi, propoſuerunt noſtri recto grefſu tēdere Carcaſſonā, ciues etenim Carcaſſonenſes eſſimi erant hæretici, & peccatores coram domino nimis, ſiquidem illi qui in caſtris inter Biterrim & Carcaſſonam poſitis habitabant, timore exercitus fugerant, caſtra ſua vacua relinquentes, quidam tamen qui non vocabantur ex hæretica prauitate, reddiderūt ſe noſtris.

Audiens autem vicecomes, quod noſtri ad obſidendam tenderēt Carcaſſonam, milites quocumque potuit adunauit, ſequē cum eis in Carcaſſonam recipiēs, præparauit ſe ut contra noſtros defenderet ciuitatem. Nec ſilendum quod ciues Carcaſſonenſes peſſimi & infideles. reſectorium & Cellarium canonicorum Carcaſſonenſium, qui erant canonici regulares

*\* Ita ſcriptū  
Stalla cum  
interſecante  
lineola, ſed  
forte legen-  
dum perifty-  
lia, id eſt por-  
ticus Eccleſiæ  
columnatas,  
quas, nos  
clauſtra di-  
cimus. Sor-  
binus minus  
reſtē ſtabula  
legit in gall.  
verſ.*

ipſa etiā \* ſtalla eccleſiæ quod execrabilius et-  
deſtruxerūt, ut muros ciuitatis inde munirent  
O prophanum conſilium. O munitio immu-  
nita, quæ ſacra immunitate domus Dei inui-  
olata & deſtructa conſtruitur per hæc merito  
deſtruendam, domus ruſticorum intactæ con-  
ſeruantur, domus ſeruorum Dei deiectæ proſ-  
ternuntur. Peruenientes igitur noſtri ad ciui-  
tatem, in circuitu fixerē temptoria obſidio-  
nem firmantes. Depositis ergo circumquaque  
bellatorum agminibus, ipſa quidem die & al-  
tera à præliis ſiluerunt. Ciuitas autē Carcaſſo-  
na in montis cuiuſdam ſupercilio poſita, dupli-  
ci ſuburbio cingebatur, quorum vtrumque  
munitum erat muris pariter & foſſatis. Die i-  
gitur tertia ſperantes noſtri primum ſuburbium  
quod ſecundo ſuburbio erat aliquātulum mi-  
nus forte, per inſultum ſine machinis ſe captu-  
ros, impetum fecerunt vnanimēs in ipſū, epiſ-  
copis & abbatibus cum vniuerſo clero congre-  
gatis in vnum & cum maxima deuotione can-  
tantibus, *Veni ſancte Spiritus*, diuinūque poſtu-  
lantibus auxiliū mox ad futurum, derelictum  
ſtatim primum ſuburbium ab hoſtibus, vi cō-

perunt. nec prætereundū quod nobilis comes  
montis fortis primus omnium, imo ſolus quo-  
ad milites, in foſſatum ſe miſit audacter cum  
cæteris dictam ſuburbiam impugnādo. Quod  
captum impletis foſſatis, noſtri terræ penitus  
adequauerunt. Videntes autem noſtri quod  
tam facile cœpiſſent ſæpedictum ſuburbium,  
arbitrati ſunt ſecundum ſuburbium, quod lon-  
ge fortius erat & munitius per inſultum ſimi-  
liter capi poſſe. Die autem altero ad murum  
eiſdem ſecundi ſuburbij acceſſerunt, quibus  
ad inſultum inſtantibus, vicecomes cum ſuis  
ita ſe viriliter defendebat, quod ex frequenti  
& creberrimo iactu lapidum, noſtros à foſſato  
quod intrauerant oportuit reſilire: in quo  
conſpectu cōtiguit quemdam militem de noſtris  
fracto cruce in foſſato remanere, ad quem ex-  
trahendum cum nullus auderet accedere pro-  
pter iactus lapidum inceſſantes, vir totius pro-  
bitatis videlicet comes montis fortis in foſſa-  
tum ſe mittens, ipſum vnico auxiliante armi-  
gero, non ſine grandi propriæ vitæ diſcrimine  
liberauit. Quibus geſtis noſtri mox machinas  
quæ dicuntur petrariæ ad diruendum murum  
ſuburbij erexerunt, quo muro aliquantulum  
pro iactu petrarum in ſummitate debilitato,  
noſtri carrum quatuor rotarum bouinis pelli-  
bus coopertū, cum maxima difficultate muro  
applicantes, ad fodiendum murum artifices  
ſubmiſerunt. Aduerſarij vero ignem, ligna, la-  
pides proijcientes inſtantiffime, ipſum carrum  
ſtatim comminuerunt, foſſoribus tamen in

concauitate muri iam facta ſe recipientibus, quos nullomodo à perforatione muri potuerunt retardare. Quid plura? In caſtrino ſummo diluculo, ſuffoſus corruit murus, mox noſtris cum ſtrepitu inſtrantibus, aduerſarij ſeſe in ſuperiora ciuitatis tranſtulerunt, ſed poſtea viſeſes milites noſtros exiſſe à ſuburbio, & ſe in tentoria recepiſſe, exeuntes de ciuitate quotquot de noſtris in ſuburbio, effugantes. Pluribus etiam de noſtris præ difficultate exitus interfectis, in toto ſuburbio ignem mittunt, ſeſe iterum ad ſuperiora reportantes. Contingebat in illa obſidione quoddam quod non pretermittendum, ſed pro maximo miraculo eſt habendum. Dicebatur quod in exercitu erant homines uſque ad quinquaginta milia, hoſtes autem noſtri, omnia in circuitu ciuitatis molendina deſtruxerant, ita quod non poterant noſtri panem habere niſi de paucis caſtris circumiacentibus, & tamen in tanta abundantiâ erat ibi panis quod modiciſſimo pretio vendebatur, inde & dicebant hæretici, quod abbas Ciſterciensis magus erat, dæmonesque adduxerat in ſpecie hominum, quia videbatur eis quod noſtri non comedebant. His itaque geſtis, conſilium habuerunt noſtri, quomodo caperent ciuitatem, animaduertētes autem, quod ſi facerent hic ſicut in Biterrenſi factum fuerat ciuitate, deſtrueretur ciuitas, & omnia bona quæ in ipſa erant consumerentur, & ita ille qui præficiendus erat terræ illi, non haberet unde viueret, nec poſſet milites

& ſeruietes tenere ad terram cuſtodiendam. Ad conſilium igitur Baronum, tractatum eſt de pace in hunc modum. Ordinatum eſt quod omnes egrederētur nudi, & ita euaderent, vicecomes autem in cuſtodia teneretur, bona omnia remanerent illi, qui futurus erat dominus dictæ terræ ob neceſſitatem ſuperius nominatam, factumque eſt ita. Egreſſi ſunt ergo omnes nudi de ciuitate, nihil ſecum præter peccata portantes. Tunc adimpletū eſt, quod dictum fuerat per venerabilem virum Berengarium qui fuerat episcopus Carcaſſonæ. hic cum quadam die in ciuitate ſua predicaret, ciuibſque ſicut ſolitus erat hæreſim improperaret, noluerunt eum audire quibus ille, vos me audire non vultis, credite mihi, ego tantum mugitum emittam contra vos, quod à remotis mundi partibus venient, qui deſtruent villam iſtam. Certiſſime autem ſciatis, quod ſi ferrei & altiſſimi eſſent muri ciuitatis iſtius, non poſſetis vos defendere quin pro veſtra incredulitate & malicia, condignam recipiatis à iuſtiſſimo iudice ultionem Propter hæc & his ſimilia, quæ eis vir ſanctiſſimus intonabat, quodā tempore expulerunt eum dicti ciues de ciuitate, inhiſcendo preconis voce diſtriſtiſſime & ſub pœna grauiffimæ ultionis, ne quis in emendo vel vendendo, ſibi vel ſuis auderet in aliquo communicare. Nunc id quod cœpimus exequamur. Reddita ciuitate & omnibus egreſſis, eliguntur de exercitu milites, qui bona ciuitatis fideliter cuſtodirent.

*Eligitur Comes Montisfortis in principem territorij & ditianis Raimundi Comes.*

CAP. XVII.

**Q**Vibus omnibus peractis, conſilium habuerunt Barones adinuicem, quem deberent præficere terræ prædictæ. Et primo quidem oblatum fuit terræ dominium Comiti Niuernenſi, poſtea duci Burgundiæ, ſed accipere noluerunt. Eliguntur igitur de toto exercitu duo epiſcopi & quatuor milites, & inſuper abbas Cifterciensis apoſtolicæ ſedis legatus ad terræ Dominum eligendum: qui firmiter promiſerunt, quod illum eligerent, quem ſecundū Deum & ſeculū ſcirent vtiliorem. Hi ſeptē, ſeptiformis ſpiritus S. gratia cooperāte, totamque terram miſericorditer reſpiciente eligunt virum fidelem, catholicum, moribus honeſtū, armis ſtrenuum, Simonem videlicet comitem montisfortis. Statim abbas Cifterciensis, apoſt. ſedis legatus, huius ſacri negotij pater & magiſter & Dux Burgundiæ, Comes etiam Niuernenſis, ad ipſum veniūt, monent, rogant & conſulunt, vt ſuſcipiat onus pariter & honorem, quod cum vir diſcretiſſimus inſtantiſſime renneret, & ſe fateretur inſufficientem & indignum, mox abbas Cifterciensis & Dux, eius pedibus ſe prouoluunt preces precibus inculcantes. Comite autem adhuc rennente, abbas, auctoritate ſuæ legationis vtens, præcepit ei diſtriſtiſſime virtute obedientiæ

vt faceret quod petebant. Suſcepit igitur terræ gubernaculum vir præfatus ad laudem Dei & honorem eccleſiæ, depreſſionem hæreticæ prauitatis. Hic adnectendum eſt, quoddam relatione digniſſimum, quod contigerat paulo ante in francia de nobili comite montis-ſortis. Redibat quadam die venerabilis abbas valliû Sarnay, Guido nomine ſupradictus, qui negotium fidei contra hæreticos in quantum poterat promouebat à duce Burgundiæ, ipſius ducis literas habens ſecum, continentes quod dux rogabat comitem montis ſortis, vt cum ipſo ſe accingeret ad militiam Ieſu Chriſti contra hæreticos, ingentia dona offerens, ſi in hoc adquiſcere vellet ei. Contigit autem vt dictus abbas veniens à duce dictum comitem inueniret in eccleſia cuiusdam caſtri ipſius comitis, quod dicitur Rupis-ſortis, quibuldam negotijs occupatum: cumque abbas vocaſſet illum in partem, ducis literas oſtenſurus, tranſiens idem comes per cancellum eccleſiæ, librum pſalterii quem ſuper formulam inuenit, apprehendens, diuino nutu ex induſtria apperuit, digitum ſuum ſuper primam lineam tenens dixit abbati, exponite mihi ſcripturam iſtam, *Angelis ſuis Deus mandauit de te, vt cuſtodiant te in omnibus vijs tuis, in manibus portabunt te ne forte offendas ad lapidem pedem tuum*, quod diuina diſpoſitione prouiſum, rei exitus maniſeſtiſſime comprobauit.

*De preclaris animi & corporis dotibus Simonis  
Comitis montis-fortis.*

CAP. XVIII.

*Comitis Mō-  
fortij proſo-  
pographia.*

**Q**uia vero loci opportunitas ſe ingeſſit, quod rationis ordo depoſcit, hic de nobili Comite montis-fortis, quod nouimus inferamus. primo dicetur quod erat genere præclarus, virtute robuſtus, in armis plurimum exercitatus. Erat præterea vt accedamus ad formam, ſtatura procerus, cæſariè ſpectabilis, facie elegans, aſpectu decorus, humeris emnens, brachiis exertus, corpore venuſtus, membris omnibus agilis & ſtabilis, acer & alacer, in nulla ſui vel modica parte etiam ab hoſte vel inuido reprobandus. Demum vt aſcendamus ad maiora, erat ſacundia diſertus, aſſabilitate comitis contubernio amabilis, caſtitate mundiffimus, humilitate præcipuus, ſapientia præditus, in propoſito firmus, in conſilio prouidus, in iudicio iuſtus, in militiæ exercitijs ſedulus, in ſuis actibus circūſcriptus, in incipiendis arduus, in perficiendis non deſeſſus, totus diuinis ſeruitijs mancipatus. O prouida principum electio: O ſenſata peregrinorum acclamatio quæ virum tam fidelem, fidei orthodoxæ prouidit electione, defendendæ, quæ virum tam accommodum vniuerſæ rei publicæ ſacroſancto negotio Ieſu Chriſti contra peſtilentes hæreticos voluit principari. Talem quippe decebat dominum exercituum exerci-



ni dominari quem v t prædictum eſt, generis nobilitas morum ſinceritas. militaris probitas adornaret, talem inquam, talem operæ præciū duit, in periclitantis eccleſiæ deſenſionem ſuſlimari, ſub cuius patrociniſio innocentia Chriſtiana ſecum conſiſteret, & hæreticæ prauitatis præſumptuoſa temeritas, detestabilis erroris ſui impunitatem non ſperaret, & pulchre ſatis de monte forti oriundus naufraganti eccleſiæ à Chriſto ſi monte non tranſmittitur, ipſam à perſequentibus hæreticis deſenſurus. Et notandum quod licet aliqui poſſent reperiri, qui in aliqua ei gratia æqui-pollerēt, æquid dīco, nix aut nunquam reperietur in quo tanta ſimul honorum tam naturalium, quam gratuitorum confluxerit plenitudo, quem ne tot & tantarū iuui numinis largitatum extolleret magnitudo, datus eſt ei à domino ſtimulus inceſſantis ſollicitudinis & vrgentiſſimæ paupertatis. Cū nimis Deus in captione caſtrorum & deſtructione inimicorum, hinc ita miraculoſe magnifice faceret cum eo, hinc illum tot curis vexaret, tãæ paupertatis inopie deprimebat, quod nix licebat ei quieſcere, ne ſuperbire liceret. Et autem virtus viri claſſimi, clariuſ innotefcat, non ſit onerolum lectori, ſi de his quæ geſtæ retroactis aliquando diebus aliqua quæ viximus perſtringamus.

---

*de beneuolentia Simonis Comitſis erga Iadrenſes, & ſingulari eius in Rom. eccleſiam obſervantia.*

CAP. XIX.

**Q**uodam tempore idem nobilis comes, & abbas valliū Sarnay Guido, qui fuit poſtea epifcopus Carcaſſonæ, de quo ſæpius fecimus mentionem, proficeſcebatur cum Baronibus franciæ ultra mare. Videntes autem nobiles Franciæ Venetiam ciuitatem opulentiffimam, vbi ad tranſferendum debebant de cōmuni conducto naues aſcendere, naues ipſas de caſiſſimo pretio conduxerūt. Erant autem nobiliores totius Franciæ. Comes videlicet Flandriæ Balduinus, & Henricus frater eius comes Bielenſis Ludouicus, & nobilis comes montisfortis & alij multi quos non erat facile numerare. Ciueſ autem Venetici homines callidi & peruerſi, videntes quod peregrini noſtri, propter nauium pretium immoderatum, exhausti eſſent pecunia & penè penitus emuncti, nec tum dictum naulum ex magna parte ſoluere poſſēt, nacta inde occaſione, videlicet quod peregrini noſtri erant illis obnoxij & ſubiecti, duxerunt eos ad deſtruendā ciuitatē quandam Chriſtianorum quæ erat regis Hungariæ nomine Iadram, quò cum peregrini noſtri perueniſſent, ſicut mos eſt obſidentium, fixere tētoria prope muros ciuitatis. Comes autem montisfortis & abbas valliū non ſequentes turbam ad faciendum malum, noluerunt obſidere cum alijs, ſed longius à ciuitate ſe locauerunt. Interea dominus Papa miſit literas ſuas omnibus peregrinis, diſtinctè & ſub periculo indulgentiæ peccatorū quam eis fecerat, & ſub pœna grauiffimæ excommunicationis

*Expeditionē  
Bizantinam  
anno 1203  
ſuſceptam  
auētor intel-  
ligit, cuius  
hiſtoriam  
gallice &  
ſyncerè conſ-  
cripſit Gau-  
fridus de vil-  
la harduini.  
Sed parum  
hic prudē-  
ter, imo in-  
conſideratē  
prorſus, au-  
ētor perſtrin-  
git Venetos,  
quorum fidē,  
ſummam in-  
duſtriā &  
fortitudinē  
in hac expe-  
ditione, im-  
penſè laudat*

inhibens, ne ciuitatem Iadræ in aliquo dampni-  
ficarent. Quas literas cum abbas vallium die  
quodam nobilibus exercitus qui erant con-  
gregati in vnum recitaret, & Venetici ipſum  
vellent occidere, nobilis comes montisfortis  
ſurrexit in medium, & Veneticis ſe opponens  
reſtitit eis, ne abbatem occiderent prænota-  
tum. Cines autem Iadrenſes qui ibi cauſa poſtu-  
landæ pacis aduenerant, allocutus eſt comes  
nobilis in præſentia Baronum omnium in hunc  
modum Non veni inquit huc vt deſtruerem  
Chriſtianos, nullum malum vobis inferam, ſed  
quidquid faciant alij, ego à me & meis facio  
vos ſecuros. Sic ſatur vir ſtrenuiſſimus, ſtatim-  
que ipſi & ſui à loco colloqui exierunt. Quid  
amplius inmoremur. Barones exercitus man-  
dato apoſtólico non deferentes, capiunt &  
deſtruunt ciuitatem. Iterum à Domino Papa  
miſerabiliter & grauiffime excommunicantur:  
& ego qui ibi eram teſtimonium perhibeo ve-  
ritati, quia & literas vidi & legi, excommuni-  
cationem apoſtolicam continentes. Nobiliſſi-  
mus autem comes non adqueuit plurimorum  
ſententiæ, vt deuiaret à vero, ſed exiens à con-  
ſortio peccatorum, cum multo grauamine &  
diſpendio, per terram deſertam & inuiam, poſt  
multas anguſtias & multos labores Baronum,  
villam nobiliſſimam Apuliæ peruenit, ibique  
denuo naues conducens perrexit, & aſcendens  
curſu proſpero vltra mare, vbi per annum &  
amplius moram faciens, & multas contra pa-  
ganos militiæ probitates exercens, Baronibus

*dictus Gaſ-  
fridus qui  
rebus geſtis  
interfuit &  
ferme præ-  
fuit aut ſal-  
tem earum  
pars magna  
fuit, turbida-  
que quorū-  
dam mona-  
chorum con-  
ſilia dam-  
nat, ea que de  
cauſa eum  
lector conſu-  
las velim.*

\* *Iadava bo-*  
*diezara, urbs*  
*Dalmatiz*  
*ſeu Sciano-*  
*niz,*

Franciæ quos apud \* Iadram dimiſerat, periclitatis & mortuis ſerè cunctis, ipſe viuus & ſanus redijt ad propria cum honore. Ab illo igitur tempore nunciauit triumphos quos feliciter poſtmodum conſummauit, ex tunc honorem promeruit, quẽ aſſecutus eſt poſtea in depreſſionem hæreticæ prauitatis. Nec ſilendum putamus, quod cum tantus ſit & talis comes iſte, prouidit ei dominus adiutorium ſimile ſibi, vxorẽ videlicet, quæ vt breuiter dicamus, religioſa eſſet ſapiens & ſollicita, In ea quippe religio ſollicitudinem & ſapientiam adornabat, ſapiẽtia religionem & ſollicitudinem informabat, ſollicitudo religionẽ & ſapientiã excitabat, inſuper & Dominus benedixerat dictæ Comitiffæ in familiæ procreatione. Comes ſiquidem habebat ex ea filios multos & pulchros nimis. his in cõmendatione comitis ſæpius memorati perſtrictis, ad proſequendũ narrationis noſtræ ordinem accingamur.

---

*Comes Niuerneſis ob quaſdam ſimilitates*  
*caſtra ſignatorum deſerit.*

#### CAP. XX.

**P**oſtquam electus fuit comes ſæpemenoratus, modo & ordine quo ſuperius eſt notatum, ſtatim abbas Cifterciensis & ipſe, ducem Burgundiæ adeunt, & Comitem Niuerneſem orantes & deprecantes, vt in ſeruitio Ieſu Chriſti dignarentur adhuc aliquantulum commorari. Adhuc enim erant hæreticorum

caſtella multa & fortiſſima acquirenda : vt enim prætermittamus innumera , erant circa Carcaſſonam tria caſtra munitiſſima, in quibus habitabāt tunc temporis præcipui fidei noſtræ inimici. Erat quippe ex vna parte Minerba, ex alia caſtrum Finarum, ab alia Cabaret m. Dux autem Burgundiæ , vt pote , benigniſſimus, benigne deprecantibus adqueiuit , promiſitque per aliquantulum tempus, cum eis ad hæc moraturus. Comes autem Niuernenſis , nullo modo voluit deprecātibus obaudire, ſed ſtatim ad propria remeauit : non enim bene conueniebant dux & comes ille, ſed hoſtis pacis diabolus , ita inter illos mutuas inimicitias accuebat, quod timebant cotidiè noſtri ne ſe mutuo occiderent. Præſumebatur etiā à noſtris, quod Comes Niuernenſis, non ſatis bonam gerebat erga noſtrum Comitem voluntatem, eo quod comes noſter familiaris erat ducis Burgundiæ, & cum eo venerat à partibus Gallicanis. O quanta antiqui hoſtis malitia, qui promotionē negotij Ieſu Chriſti videns & inuidens, impedire voluit quod doluit promoueri. Exercitus ſiquidem cruce ſignatorum qui fuerunt in obſidione Carcaſſonæ, erat tam magnus & fortis, quod ſi vltcrius voluiſſet procedere, & vnanimiter perſequi orthodoxæ fidei inimicos , non inuenientes qui reſiſterent eis, totam terram illam in breui acquirere potuiſſent. Sed inquantum humana ratio poteſt comprehendere, ſuperna pietas ideo aliter ordinabat, quia videlicet humani generis ſaluti prouidens, acquiſi-

tionem terræ voluit peccatoribus reſernare. Pius quidem dominus, ſimul in beui finiri noluit ſanctiſſimam guerram iſtam, per hoc prouidens peccatoribus ad veniam, iuſtis ad gratiam amplioſiorem, paulatim & ſucceſſive, hoſtes ſuos voluit ſubingari: vt dum paulatim & ſucceſſive, \* peccatores ſe accingerent ad vindicandum iniuriam Ieſu Chriſti, prolongata guerra tempus veniæ peccatoribus prolongarent.

\* forte prædicatores.

\* Fanianx.

Expugnatio caſtri \* Fanionis.

### Cap. XXI.

**P**AUCIS diebus apud Carcaſſonam peractis, exiit nobilis comes à ciuitate cum duce & magna parte exercitus, adiuuante domino veterius proceſſurus: maxima enim pars exercitus reſceſſerat cum comite Niuernenſi. Mouentes igitur à Carcaſſona, ipſa die fixere tētoria apud villam quandam quæ Alzona dicebatur. In craſtino conſuluit Dux Comiti vt iret ad caſtrū quoddam quod dicitur Fanum Iouis. Caſtrum ſiquidem illud à militibus & hominibus ſuis, timore noſtrorum derelictum intrauerant quidam milites arragonenſes, qui erant cum comite noſtro & munierant, plura enim de inimicis caſtellis nobilioribus & fortioribus terrore cruce ſignatorum vacua fuerant derelicta. Aſſumptis ergo comes paucis militibus ſecum, duce cum exercitu remanente, caſtrum adiit prænotatum, quod acceptum, gente ſua munivit. Nec reticendum quod comes Tholoſa-

nus qui fuerat in obſidione Carcaſſonæ, felici-  
busque noſtris ſucceſſibus inuidebat, conſu-  
luit comiti noſtro, vt quædam caſtra quæ vici-  
na erant terræ illius comitis Tholoſani deſtrui  
faceret. Ipſe etiam quaſi ſub ſpecie boni ad vo-  
luntatem comitis noſtri, aliqua caſtella fundi-  
tus evertit, & combuſſit, ſub hoc ſcilicet præ-  
textu ne noſtros de cætero impugnarent. Hoc  
ideo faciebat ille perfidus & iniquus, quia vo-  
lebat quod terra illa deſtrueretur, & nullus  
reſiſtere poſſet ei.

---

*Intrat comes Albienſem diœceſim.*

Cap. XXII.

**C**VM hæc agerentur, Burgenſes cuiuſdam  
nobiliffimi caſtri quod dicitur Caſtra in  
albigenſi territorio, venerunt ad comitem noſ-  
trum, parati eum ſuſcipere in dominũ & facere  
eius voluntatem. Conſuluit ergo dux comiti  
vt iret & acciperet caſtrum illud, quia quaſi  
caput erat totius territori Albigenſis. Iuit ergo  
comes cum paucis, duce cum exercitu dere-  
lictæ. Factum eſt autem dum eſſet comes in  
prædicto caſtro, & homines caſtri feciſſent ei  
hominum, caſtrumque tradidiſſent, venerunt  
ad eum milites cuiuſdã caſtri nobiliſſimi prope  
Albiam nomine Lumbers parati facere comiti  
ſicut fecerant illi de Caſtris. Nobilis vero co-  
mes volens redire ad exercitum, noluit tunc  
ire cum eis, ſed tantũ recepit in ſua protectione  
caſtrum, donec ire poſſet tempore competenti.

*Caſtres en  
Albigois.*

Miraculum quod contigit in caſtro de Caſtris, in preſentia comitis nolimus prætere. præſentati fuerunt duo hæretici ipſi Comiti: alter autem eorū perfectus erat in ſecta hæreſeos, alter vero erat quaſi novitius & diſcipulus alterius: habito comes conſilio, voluit vt ambo incenderentur. alter vero illorum hæreticorum, ille videlicet qui erat diſcipulus alterius, tactus dolore cordis intrinſecus cœpit conuerſi, promiſitque quod libenter abiureret hæreſim, ſanctæque R. E. per omnia obediret. Quo audito facta eſt grandis altercatio inter noſtros: quidā enim dicebant, quod ex quo ille paratus erat ea quæ diximus adimplere, non debebat morte condemnari. Alij è contrario aſſerebant illum eſſe reum mortis, tum quia manifeſtum erat ipſum fuiſſe hæreticū, tū quia putabatur, quod ea quæ dicebat, potius timore imminentis mortis promitteret, quam amore Chriſtianæ religionis obſeruandæ. Quid plura? adqueiuit comes quod cōbureretur hac intentione, quod ſi nunc conuerſiatur, ignis eſſet ei pro expiatione peccatorum, ſi vero ſicte loqueretur, reciperet pro perfidia talionem. Ligati ſunt ergo ambo ſtriſtis duris vinculis & fortiſſimis, per crura, ventrem & coſtum, manibus etiam poſt terga reuinctis, quo facto inquitur ab illo in qua ſi te vellet mori, qui ait, adiuro prauitatem hæreticam, in fide S. R. E. volo mori, orans vt mihi ſit pro purgatorio ignis iſte. Accenſus eſt igitur ignis circa ſtipitē copioſus, illo autem qui perfectus erat in hæreſi in momento combuſto: alter



statim contractis vinculis fortissimis, ita sanus exiit ab igne, quod nulla apparuit in eo combustionis nota, nisi quod summitates digitorum aliquantulum sunt adustæ.

---

*Castrum de Cabareto obsidione frustra  
tentatur à Comite.*

CAP. XXIII.

**R**ediens comes à castro de Castris, ad exercitum remeavit, quem dimiserat versus partes Carcassonæ. Post hæc fuit consilium Ducis Burgundiæ & militum & exercitus, ut tenderent Cabaretum, si forte possent illos de Cabareto vexare, & ad redditionem castri cogere per insultum. Mouentes ergo nostri, venerunt prope Cabaretum ad dimidiam leugam, & ibi fixerunt tentoria. In crastino autem armauerunt se milites, & magna pars exercitus, & appropinquauerunt Cabareto, ut expugnarent illud, factoque insultu, cum parum proficere possent ad temptoria redierunt.

---

*De discessu Ducis Burgundiæ, & ditione Aspiniatum, Savardini & Mirapinci.*

CAP. XXIII.

**I**N crastino præparavit iter Dux & totum robur exercitus, & die tertia discesserunt à Conite nostro, ad propria remeantes. Remansit igitur comes solus & quasi desolatus, paucissimos quod habebat milites circiter triginta, qui

cum alijs peregrinis venerant de Francia, & præcæteris ſervitium Chriſti & comitem diligebāt. Poſtquam igitur reſceſſit exercitus, venit nobilis comes ad ſarū Iouis: quo dā perueniſſet, ſtatim venit ad eum venerabilis abbas S. Antonini apud Appamias in territorio Tholoſano, rogans vt accederet ad eum, & ipſe ei traderet illico nobiliſſimum caſtrum Appamiarum. Dum autem iret comes apud Apamias, devenit ad caſtrum quod dicitur Mirapeis, ſtatimque cœpit illud. Caſtrum illud hæreticis & Ruptarijs erat receptaculum, & erat de dominio comitis Fuxenſis. Capto caſtro illo, comes recto itinere Apamias peruenit, quem abbas honorifice ſuſcepit, & caſtrū Appamiarum ipſi tradidit, quod comes ab eo recepit, & fecit abbati hominum ſicut debebat. Caſtrum ſiquidem proprie erat de dominio abbatis & canonicorum S. Antonini, qui erant canonici regulares, & nullus in eo debebat habere aliquid niſi ab abbate. Sed peſſimus comes Fuxenſis, qui caſtrum illud tenere debebat ab abbate, totum ſibi malitioſe volebat vendicare, vt inferius oſtendemus. Venit inde Comes noſter Sauardum, & Burgenſes ſe ſine conditione aliqua reddiderunt. Erat autem Caſtrum illud, ſcilicet Sauardum in poteſtate & dominio comitis Fuxenſis.

---

*Albia & Lembers, veniunt in poteſtatem.*

*Comitis Simonis.*

CAP. XXV.

**R**Ediens idem comes noſter Fanum Iouis, propoſuit ire ad caſtrum de Lombers, de quo ſupra tetigimus vt reciperet illud. Erant autem in caſtro illo milites pluſquam quinquaginta. perueniens igitur comes ad caſtrum, honorifice eſt ſuſceptus, dixerūt milites, quod in caſtino, eius facerent voluntatem. Facto autem mane dicti milites de proditione in comitem tentauerunt, cumque vſque ad nonam, ſuum conſilium protelaſſent, res innotuit comiti: qui ſtatim quandam occaſionem ſimulans, indilate exijt de caſtro illo, quod videntes milites ſequuti ſunt eum, & timore ducti fecerunt eius voluntatem, caſtrumque reddiderunt, facientes ei hominum & fidelitatem iurantes. Venit idem comes Albiam: erat autem Albia ciuitas, quam tenuerat vicecomes Biterrenſis, episcopus autem Albiæ Guilelmus qui erat dominus ciuitatis principalis, gratanter ſuſcepit illum dominum, & tradidit ei ciuitatem. Quid plura? totam Albienſem dioceſim comes tunc ſuſcepit, exceptis quibuſdam caſtris quæ tenebat comes Tholoſanus, caſtra ſiquidem illa abſtulerat comes Tholoſanus vicecomiti Biterrenſi. His rite peractis, Comes noſter redijt Carcaſſonā. Poſt paucos autē dies, iuit comes ad quoddā caſtrū quod dicitur Limoſum in territorio Redenſi, vbi faceret munionē. Caſtrum ſiquidem illud reddidit ſe comiti, ſtatim poſtquam capta fuit Carcaſſona, quo dum pergeret, quædā caſtella, quæ ſanctæ eccleſiæ reſiſtebāt cœpit, plureſ-

que homines caſtrorum illorum, digne pro  
meritis patibulis ſuſpēdit. Rediens comes à  
caſtro de Limoſo, venit ad quoddam caſtellum  
quod erat prope Carcaſſonam, & erat comitis  
Foxi, nomine Priſſanum, ipſumque obſedit: &  
dum eſſet in obſiſſione illius caſtri, venit ad eū  
Fuxenſis comes, & iuravit quod ſtaret per om-  
nia mandato eccleſiæ, & ſuper dedit comiti  
filium ſuum in obſidem: inſuper & caſtrū quod  
comes obſederat dimiſit, quibus geſtis comes  
rediit Carcaſſonam.

---

*Renit rex Arragonenſis admittere comitem Tholoſa-  
num ad præſtationem hominij ratione vrbis  
Carcaſſonæ ſibi debiti, fruſtra  
hoc urgente comite.*

### CAP. XXVI.

**R**EX Arragonenſis Petrus, de cuius domi-  
nio erat ciuitas Carcaſſonæ, nullo modo  
volebat accipere hominum comitis, ſed vole-  
bat habere Carcaſſonā. Cum autem die quodā  
vellet ire ad montem peſſulanum, & non aude-  
ret, miſit ad comitem, & mandauit ei vt obuia-  
ret ei apud Narbonam. Quo facto ad montem  
peſſulanum Rex & Comes noſter pariter dene-  
runt: vbi cum dies quindecim feciſſent, non  
potuit inclinari rex ad hoc, vt reciperet homi-  
nem comitem ſapedictum: mandauit inſuper,  
ſicut dictum fuit ſecreto nobilibus per totum  
vice comitatum Biterrenſem & Carcaſſonen-  
ſem, qui adhuc reſiſtebant ſanctæ eccleſiæ

& comiti noſtro, ne componerent cum Comite. promittens eis quod ipſe cum eis comitem impugnaret. Factum eſt autem dum rediret comes à monte peſſulano, venerūt ad eum qui dicerent, plurimos de militibus Biterrenſis, & Carcaſſonenſis & Albienſis dioceſum cum caſtellis à fidelitate quam comiti promiſerant reſiliſſe, & verè ſic erat Inſuper quosdam milites comitis, obſederant traditores quidam in turre cuiusdam caſtri prope Carcaſſonam, Almaricum ſcilicet & Vuilelmū de piſſiaco. Quo audito feſtinavit Comes, vt poſſet venire ad caſtrum illud, antequam ſui milites caperentur. Sed cū non poſſet tranſire flumē, quod dicitur Atax, inundauerat ſiquidem aqua, oportuit eum ire Carcaſſonā, aliter ſiquidem tranſire nō poterat flumē iſtud, quò dum pergeret, agnouit quod dicti ſui milites capti erāt. Contigerat autē dum eſſet comes apud montem peſſulanum, quod Bucardus de Marliaco, & Gobertus de Eſſigniaco, & quidā alij milites qui erant apud Saxiacum, caſtrum quoddam fortiſſimum in Carcaſſonenſi dioceſi, quod dederat comes dicto Bucardo, quadam die uſque ad Cabaretum hoſtes inſequerentur. Erat autem caſtrum quoddam prope Carcaſſonam fortiſſimum, & quaſi inexpugnabile & multis militibus munitum. caſtrum iſtud Chriſtianitati & Comiti præ cæteris reſiſtebat: ibi ſiquidem erat ſos hæreſis. Dominus & eius caſtri Petrus Rogerii inueteratus dierum malorum, hæreticus erat & hoſtis eccleſiæ manifellus. Factum eſt autem dum ap-

propinquarent dictus Bucardus & ſocij eius Cabaretum, milites Cabareti qui poſuerant in inſidiis ſe, ſurgentes concluſerunt eos & cœperunt Bucardum, Gobertum autē cum nullatenus vellet ſe reddere occiderunt: Captum autem Bucardum ducentes Cabaretum, poſuerūt in quodam terræ caſtro, vbi eum per mēſes ſexdecim in vinculis tenuerunt. Eodē etiam tempore antequam comes rediſſet à monte Peſſulano, vicecomes Biterrēſis, Raimundus Rogerii, qui apud Carcaſſonam tenebatur in palatio in infirmitate laborans deſunctus eſt. Nunc ad narrationis ſeriem reuertamur.

---

*De proditōne & crudelitate Gerardi de Pepios in  
Simoacem Comitem et ſque milites.*

Cap. XXVII.

**C**Um rediſſet comes Carcaſſonam à monte Peſſulano, Guiraldus de pepios miles quidam Minebenſis quem comes, maximo amore & familiaritate habebat, cui etiam cuſtodienda commiſerat caſtra ſua, quæ erant prope Minerham, nequiſſimus proditor, & fidei crudeliſſimus inimicus, negans Deum, fidemque abiurans, beneficiorum immemor & amoris, ab amicitia comitis & fidelitate quam ei fecerat reſiliuit, qui etſi Deum fidemque eius non haberet præ oculis, ſaltem benignitas comitis quam ei exhibuerat, ipſum à tanta crudelitate debuit reuocare. Veniens igitur dictus Guiraldus & quidam alij milites ſi dei inimici, ad quo-

dam caſtrum comitis in territorio Biterrenſi nomine Podium Soriguer, cœperunt duos milites comitis qui caſtodiebant caſtrum multosque ſeruentes. promiſeruntque cum iuramento, quod eos non occiderent, ſed ſanos conducerent uſque Narbonam, cum omni ſuppellectili ſua, quod cum audiſſet comes, ad caſtrum illud quãcitius potuit peruenit, Guiraldus autem & ſocii eius erant adhuc in caſtro. Veniens autem comes ad caſtrum, noluit obſidere illud, ſed Aimericus dominus Narboræ, qui ibi erat cum comite & homines Narbonenſes, noluerunt obſidere cum comite, ſed ſtatim Narbonam reuerſi ſunt. Videns igitur comes, quod quaſi ſolus remaſiſſet, ſeceſſit nocte illa ad quodam vicinum caſtrum quod vocatur \* caput ſtagni, in craſtino ſummo diluculo reuerſurus. Contigit autem in caſtro ſuperius notato quoddam miraculum, quod prætermittere non debemus. Cum veniſſet Guiraldus ad caſtrum Podii Soriguer & cœpiſſet illud, parui pendens pactum quod fecerat, ſciſcitetur quod ſine dño duceret eos quos cœperat uſque Narbonam, ſeruentes comitis, quos in caſtro cœperat uſque ad quinquaginta poſuit in turre caſtri. Ipſa autem nocte qua comes receſſit à loco illo, timens ſapedictus Giraldus, ne rediret comes in craſtino ad obſidendum caſtrum: media nocte de caſtro fugit, & quia non licuit ei per feſtinationem, illos quos in turre poſuerat ſecum ducere, in foſſa ipſius turris eos ponens, ſtipulam & ignem & lapides & quæcum-

*Fui Soriguer*

*\* Capellaſtam.*

que potuit ſuper eos proijci præcepit, vſque dum eos obijſſe putaret, moxque caſtrum deferens, duosque milites comitis, quos cœperat ſecum ducens Mineibam peruenit. O proditio crudeliſſima. Summo autem diluculo comes, ad prælibatum caſtrum reuerſus, inuenienſque ipſum vacuum funditus euertit: ipſos autem quos in foſſa poſuerat Giraldus, qui per triduum ieiunauerāt, ſine læſione & combuſtione aliqua reſertos extrahi fecit. Ô grāde miraculum? O res noua. Inde comes progrediens, plurima caſtra quæ erant dicti Giraldi, ad ſolum vſque deſtruxit, & poſt paucos dies rediit Carcaſſonam. Sæpeditus autem proditor Giraldus cum milites comitis duxiſſet mineibam, parui pendens promiſſionē quā fecerat, nec deferens inramento, non quidem eos occidit, ſed quod eſt morte crudelius, dictis militibus oculos eruit, inſuper auribus amputatis, & naſo cum labio ſuperiori, ipſos nudos ad comitem redire præcepit. Cum igitur expuliſſet eos nudos ipſa nocte, vento & gelu urgente, aſperrima ſiquidem hyemps erat, alter eorum (quod ſine lachrymis audiri non debet) in quodam ſterquilinio expirauit. Alter vero ſicut ab ipſius ore audiui, à quodam paupere adductus eſt Carcaſſonam. O ſcelus nequam. O crudelitas inaudita, nuncia dolorum hæc.

---

*Venit de nouo abbas vallium in partes Albigenſes, ut penè fracto cruceſignatorum animos confirmaret.*

Cap. XXVIII.



**I**n ſo tempore venerabilis abbas vallium Sarnay Gvido vir prudens & bonus, qui negotium Ieſu Chriſti miro amplectebatur affectu, & poſt abbatem Cisterciensem præ omnibus promouebat, causa confortandi nostros, qui in multa deſpreſſione tunc erant, à Francia venerat Carcaſſonam. Adeo ſiquidem ardentè ſicut diximus Chriſti negotium diligebat, quod à principio negotij, prædicans per Franciam diſcurreret. Illi autem qui erant in ciuitate Carcaſſonæ, in tanta turbatione erant poſiti & timore, quod quaſi penitus deſperantes, de fuga tantummodo cogitabāt. Circumcluſi quidem erāt ex omni parte, infinitis & fortiffimis inimicis, ſed vir virtutis, in illo qui cum tentationibus dat prouentum, metus & deſpreſſiones eorum, monitis cotidie ſalutaribus mitigabat.

---

*Redit Robertus Malus-vicinus à Curia Romana.*

C A P. XXIX.

**S**uperuenit etiam eodem tempore Robertus Malus-vicinus, qui à comite fuerat miſſus Romam, miles Chriſti nobiliſſimus, vir miræ probitatis, perfectæ ſcientiæ, incomparabilis bonitatis, qui à multis annis Chriſti ſeruitijs expoſuerat ſe & ſua, & præcipue negotiū, iſtud ardentiffime & efficaciffime promouebat. Hic eſt enim ille, per quem poſt Deura præ cæteris reniguit Chriſti militia, ſicut in ſequentibus oſtendemus.

*Acerba mors Cifterciensis archimandrita prope  
Carcassonam trucidati.*

C A P. XXX.

**E**O tempore comes Fuxi, quemdam abbatem Cisterciens. ord. de quadam domo inter Tholosam & Fuxum, quæ dicitur Elna pro negotijs suis miserat apud villam S. Ægidij ad legatos. Qui cum rediret venit Carcassonam, duos monachos & vnum conuersum habens secum. Exeuntes à Carcassona abbas & socij eius, cum per vnum fere miliarium, ille immanissimus hostis Christi, ille ferocissimus ecclesiæ persecutor, Guilelmus videlicet de rupeforti frater Carcassonensis episcopi, qui tunc erat, aduersus eos subito insurrexit, armatus videlicet in inermes, crudelis in mites, sæuus in innocentes. Qui ob nullam aliam causam nisi quia Cistercienses erant, abbati 36 Conuerso vero eius 24 plagas infligens eos in loco illo hominum crudelissimus interfecit. Vnum autem de duobus monachis, sexdecim vulneribus inflictis, seminecem dereliquit. Alter vero qui erat notus & aliquantulum familiaris illis, qui erant cū prædicto Tyranno, viuus effugit. O bellū ignobile. O confusa victoria. Audiens comes noster qui erat apud Carcassonam quod acciderat, iussit tolli corpora occisorum, & apud Carcassonam honorifice sepeliri. O virum catholicum. O principem fidelem, monachum vero qui derelictus fuerat se-

mimortuus, fecit diligenter curari per medicos, & ſanatum ad propriam domum remiſit. Comes autem Fuxi qui abbatem & ſocios eius pro negotijs miſerat, occiſorem eorū in multa familiaritate & amicitia recepit: carnificem quippe tenuit ſecum. Inſuper equitaturā abbatibus, quas traditor ſæpedictus rapuerat, paulo poſt in ſocietate Comitum Fuxenſis ſūt inuenta. O hominem nequiſſimum, Comitem Fuxi dico. O peſſimum traditorem. Nec ſilendum quod ſæpe memoratus homicida, diuina legiti-  
mi iudicis Dei ultione percuſſus, ſanguine occiſorum contra ipſum ad Deum de terra clamante, ſortitus eſt ſuæ crudelitatis mercedem qui enim viris religioſis multiplices plagas intulerat, non multo poſt vulnera recipiens infinita, in ipſa porta Tholoſæ à Chriſti militibus digne pro meritis eſt occiſus: O Iuſtum iudicium, ô æqua diuinæ diſpenſationis meſura.

*Nec enim lex iuſtor vlla:*

*Quam necis artiſices, arte perire ſua.*

*Ouid. lib. 1.  
de art. amā,*

---

*Amittitur caſtrum, quod dicitur Caſtra.*

CAP. XXXI.

**E**odem tempore Burgenſes de Caſtris, ab amicitia & dominio comitis reſceſſerunt, militemque vnum ipſius quem in caſtro illo cuſtodiendo poſuerat, cœperunt, pluresque ſeruientes, nihil tamen mali eis facere auſi ſūt, quia quidam de potentioribus de caſtris tenebantur obſides Carcaſſonæ. Sub eodem fere die

milites caſtri de Lumbers à Deo & comite noſtro recedentes, ſeruiſſantes ipſius comitis qui erant in caſtro coeperunt, eoſque apud caſtrū quod dicitur Caſtra miſerunt, carceri & vinculis mancipandos. Burgenſes autē de caſtris, ipſos & dictum militem comitis noſtri, & ſeruiſſantes quos coeperant, ſicut ſupra diximus in quadam turre poſuerūt, ſed illi nocte quadam, facto quaſi fune de veſtimentis ſuis, ſe per fenestram mittentes Deo parante auxilium euaserunt.

---

*Recedit comes Fuxi ab amicitia Comes  
Montis-ſortis.*

### CAP. XXXII.

**E**A tempeſtate Comes Fuxi ſicut ſuperius diximus in amicitiam iurauerat caſtrū de Prexano, quod ei tradiderat, facta proditione coepit, & à comitis noſtri familiaritate recedens, ipſū coepit acrius impugnare. Nam non multo poſt in feſto S. Michaelis venit proditor nocte ad caſtrū quod dicitur Fanum Iouis, erectiſque ad murum ſcalis, intrauerunt hoſtes & aſcenderunt muros & per caſtrum diſcurrere coeperunt. Quod ſcientes noſtri qui erant in caſtro pauciſſimi, ipſoſque aggredientes, cum confuſione exire coegerunt & ſe in foſſatum precipitare, & aliquos ex eis occiderunt. Erat præterea prope Carcaſſonam, quoddam nobile caſtrum, mons regalis nomine: caſtri ipſius dominus fuerat miles quidam qui vocabatur

Aymericus, quo in tota terra illa poſt comites potentior ſibi nobilior nullus erat. Hic tempore obſidionis Carcaſſonæ, timore noſtrorū caſtrum montis-regalis, vacuum dereliquit: ſed poſtea venit ad comitem noſtrum, & aliquanto tempore ei familiaris fuit, & poſt paucos dies à Deo & comite traditor peſſimus receſſit. Caſtrum montis-regalis occupaturus comes noſter cōmiſit cuidam Francigenæ clerico cuſtodiendū: ſed ille diabolica ſuggeſtione corruptus, omnique deterior infideli, non multo poſt facta crudeliſſima proditiōe, dicto Aymerico memoratum caſtrum tradidit, & cum hoſtibus noſtris aliquādiu manſit, ſed diuina æquiſſima iudicis ordinante cenſura, nobilis comes non poſt multo, in quodam caſtro quod expugnabat prope montem-regalem quod Bromdicitur, cū aduerſarijs fidei cœpit clericum ſæpedictum quem prius ab epifcopo Carcaſſonenſi degradatum, & per totam Carcaſſonenſem ciuitatem ad caudam equi diſtractum ſuſpendi fecit: dignā pro meritis recompenſans talionem. Quid amplius moramur, ita pari malignitatis affectu ſimiliter omnes fere indigenæ receſſerunt à Comite noſtro, quod amiſſis in breuiſſimo temporis ſpatio caſtellis amplius quam quadraginta, nihil ei remanſit præter Carcaſſonam & Fanum Iouis & Saxiacum & caſtrum de Limoſo, de quo etiam deſperabatur, & caſtrum Appamiarum & Sauarduum, ciuitas etiam Albia, cum vicino caſtro quod dicitur Ambiletum. Nec reticendum

quod plures de illis quos nobilis comes in caſtris cuſtodiendis poſuerat, vel occiderunt proditores terræ, vel membris detruncauerunt. Quid faceret comes Chriſti? Quis in tanta aduerſitate non deficeret, in tãto discrimine non desperaret: ſed vir nobilis totum ſe in deum proijciens qui in proſperis erigi non nouit, deprimi non potuit in aduerſis. Facta ſunt autem omnia circa feſtum dominicæ natiuitatis.

---

*Comes Raimundus Romam proficiſcitur.*

CAP. XXXIII.

**C**Um hæc agerentur, comes Tholoſanus ad regē Franciæ acceſſit, ſi quo modo poſſet obtinere à rege, vt noua pedagia quæ de mādato legatorū abiurauerat, per auxilium & confirmationem regis poſſet tenere: ipſe enim comes ſupra modum adauxerat pedagia in terra ſua, ob quam cauſam multotiens fuerat excomunicatus: ſed cū nihil apud regē proficere poſſet ſuper detentionem dictorum pedagiorum, receſſit à rege Franciæ & acceſſit à Dominum Papam, tentans ſi quomodo poſſet reſtitui terræ ſuæ, quam legati Domini papæ pro ſecuritate occupauerant, ſicut ſupra expreſſum eſt & ſummi pontificis gratiam adipiſci: omnē quippe humilitatem & ſubiectionem preten-  
debat vir doloſiſſimus, & omnia quæcūque dominus Papa præciperet, promittebat ſe ſollicitè adimplere. Quem dominus Papa tot vitijs laceſſiuit, contumelis tot confudit, quod quaſi

in deſperatione poſitus, quid ageret ignorabat. Ipſum ſiquidem dicebat incredulum, crucis perſecutorem, fidei inimicum, & vere ſic erat. Veruntamen cogitans dominus papa ne in deſperationem verſus, eccleſiam quæ in Narbonenſi prouincia pupilla erat, impugnaret acrius & maniſeſtius dictus comes indixit ei purgationē ſuper duobus quibus maxime impetebatur criminibus, ſuper morte videlicet legati Fratris P. de caſtronouo & ſuper crimine hæreſeos, ſuper quas purgationes, miſit dominus papa literas ſuas epiſcopo Regienſi in prouincia, & Magiſtro Theodiſio, mādans quod ſi comes Tholoſanus poſſet ſe ſufficiēter purgare ſuper duobus criminibus ſupradictis, reciperet eius purgationē. Interea magiſter Milo, qui ſicut ſupradictū eſt, in terra Prouinciæ, legatione pro pacis & fidei negotio fungebatur, cōuocauit apud Auinionēſem prouinciam concilium prælatoru, in quo concilio excommunicati fuerunt & expoſiti ciues Tholoſani, pro eo quod ea quæ legato & cruceſignatis promiſerant de expulſione hæreticorum, contempſerant adimplere. Comes etiam Tholoſanus in prædicto concilio excommunicatus fuit, ſub conditione tamen ſi abiurata pedagia denuo accipere attemptaret.

---

*Comes Raimundus ſpe quam in Gallia rege  
repoſitam habebat excidit.*

Cap. XXXIIII,

**R**ediens comes Tholoſæ à Romana curia, venit ad Othonem qui dicebatur imperator, vt eius gratiam adquireret, & eius contra comitem Montis-Fortis auxilium imploreret. Inde venit ad regem Franciæ, vt eum verbis fictis corrupens, poſſet eius ad ſe animum inclinare. Rex autem vt pote vir diſcretus & prouidus, deſpexit eum quia contemptibilis erat valde. Audiens autem comes Montis-fortis, quod comes Tholoſæ pergeret in Franciam, mandauit præcipuis hominibus ſuis de Francia, vt terram ſuã & omnia quæ habebat, eius exponerent voluntati, adhuc enim non erant hoſtes manifeſti ad inuicem. Comes etiam Tholoſanus præſtito iuramento promiſerat, quod filiam comitis Mōtis-fortis haberet filius ſuus in vxorem, quod poſtea ſpreto iuramento, fallax & inconfans facere recuſauit. videns comes Tholoſæ quod nihil apud regem proficeret, cum confuſione ad propria remeauit: iam ad id quod dimiſimus redeamus. Igitur nobilis comes Montis-fortis, hoſtibus ſuis vndique circumſeptus, hyeme illa in ſemetipſo ſeſe cōtinuit, illud modicum terræ quod ei remanebat cuſtodiens, ſuos etiam infeſtans ſæpius inimicos: nec ſilendum quod licet haberet infinitos hoſtes, & pauciſſimos adiutores, nunquam tamen ipſum auſi ſunt aggredi bello campali. Circa initium vero quadregeſimæ, nuntiatur comiti vxorem ſuam Comitiffam (ipſam ſiquidem vocauerat à Francia) cum pluribus militibus aduenire, quo audito Comes iuit ei obui-



am, vſque ad quoddam caſtrum in territorio Agathenſi, quod dicitur Peſenacum, vbi ipſa inueniens, Carcaſſonam cum diligentia reme-  
auit. Cum autem veniret ad quoddã caſtrum quod dicitur Canis ſuſpenſus, dictum eſt ei, quod homines cuiuſdam caſtri, quod dicitur mons lauri prope monaſterium de Cralla, facta proditione, ſeruientes ipſius qui erant in turre caſtri impugnare cœpiſſent. Statim comes & milites, dimittens Comitiffam in quodam caſtro, illuc pergunt, & ita ſicut audierant inuenientes, multos de proditoribus illis cœperunt, & patibulis ſuſpenderunt, plures enim viſis ex noſtris fugerant. Poſt hæc venit comes & qui cum eo erant Carcaſſonam, inde tendentes ad villam quæ dicitur Alzona, ipſam vacuam inuenerunt: vnde procedentes venerunt ad quoddam caſtrũ quod dicitur Brom, quod contra ſe munitum inuenientes, obſederunt, & infra triduum cœperunt ſine machinis per inſultum, hominibus autem caſtri illius pluſquam centum oculos eruerunt, naſos amputauerunt, dimittentes vni eorum vnũ oculũ vt in ſugillationem inimicorum noſtrorum omnes alios duceret Cabaretum. Hoc autem fieri fecit comes, nõ quia placeret ei talis detruncatio membrorum hominibus illata, ſed quia aduerſarij ſui hoc incœperant, & quoſcumque de noſtris inuenire poterant, membrorum detruncatione, carniſices crudeliſſimi trucidabant: iuſtum enim erat vt in foueam incidentes quam foderãt, biberent ali-

quando calicem quem alijs ſepiſſime propina-  
rent. Numquam enim delectabatur nobilis  
comes aliqua crudelitate, vel cruciatibus ali-  
cuius, omnium ſiquidem mitiſſimus erat: illud  
poeticum ei maniſeſtiſſime congruebat.

Ouid. lib. 1.  
de ponto eleg.  
3.

*Hic piger ad penas princeps, ad præmia velox:*

*Quique dolet, quotiens cogitur eſſe ferox.*

Ex tunc dominus qui videbatur aliquantulum  
obdormiſſe, ſuorum reſurgens in adiutorium  
famulorum, maniſeſtius facere nobiſcum ma-  
niſeſtavit: in breui ſiquidem ſpatio totum ad-  
quiſiuiſus territorium Minerbenſe, præter ip-  
ſam Minerbam & quoddã caſtrum quod Ven-  
tilon dicebatur. Contigit die quodam prope  
Cabaretum miraculum, quod non credimus  
prætermittendum. peregrini noſtri à Francia  
venerant, ad præceptum comitis, extirpabant  
vineas Cabareti, vnus autem ex aduerſarijs  
iactu baliſtæ ſagittam in quemdam de noſtris  
dirigēs, percuſſit eum valde in pectore, in loco  
in quo crucis ſignum affixũ erat: putãtibz au-  
tem omnibus quod mortuus eſſet, erat enim  
penitus inertis, ita illæſus inuentus eſt quod  
uit, ſagitta nec etiam veſtimentum eius ali-  
quantulum potuerit penetrare, ſed reſili-  
ac ſi lapidem duriffimum percuſſiſſet. O mira  
Dei potentia ô, virtus immenſa.

---

*Obſidio Alarici. CAP. XXXV.*

**C**Irca paſcha vero, venit comes & ſui, ad  
Obſidendum quoddã caſtrum inter Car-  
caſſonam & Narbonam quod Alaricum dice-

batur, caſtrum illud in montanis poſitum erat, & vndique rupibus circumſeptum. cum difficultate igitur maxima, & dura aeris temperie, obſidentes noſtri caſtrum illud, infra vndecim dies, illi qui intus erāt de nocte fugientibus, cœperunt: plurimi de illis de caſtro interfecti ſunt, qui manus noſtrorum effugere non potuerunt. Inde redeuntēs noſtri Carcaſſonam, non multo poſt ierūt ad caſtrum Apamiarum. Siquidem, conuenerunt prope caſtrum illud rex Arragonenſis, Comes Tholoſæ & Comes \*Fuxi, vt facerent pacem inter comitē noſtrum & comitem Fuxenſem: quod cum facere non potuiſſent, rex Arragonenſis & Comes Tholoſæ ierunt Tholoſam. Comes autem Montisfortis dirigens aciem verſus Fuxum, ibi oſtendit mirabilem probitatem, veniens ſiquidem prope caſtrum, omnes aduerſarios qui pro foribus ſtabāt, cū vnicō milite impetiit, & quod mirum eſt omnes intromiſit, qui etiam poſt ipſos intraiſſet, niſi pontem caſtri ante faciem eius clauſiſſent: ſed cum rediret de caſtro comes, militem qui eum ſequutus fuerat, illi de caſtro, qui vndique ſuper muros erant, lapidibus obruerunt, anguſta ſiquidem erat via & muris vndique circūcluſa, deſtruſque terris, vineis & arboribus prope Fuxum, comes noſter rediit Carcaſſonam.

\* Comte de Foix.

---

*Heretici, Arragonum regem ſibi præfici cupiunt, quod ipſe renuit.*

Cap. XXXVI.

L ii

**T**Empore illo, Petrus rogerii dominus Cabareti, & Raimundus Thermanum, & Aimericus dominus montis regalis & alii milites qui eccleſiæ & comiti reſiſtebant, mandauerunt regi Arragonenſi qui erat in partibus illis, vt veniret ad eos, & conſtituentes illum Dominum ſuum, traderent ei totam terram. Quod cum comes noſter auდიſſet, habuit cum militibus ſuis conſilium, quid agere deberet. Tunc diuerſis diuerſa dicentibus, comes & ſui, in hoc conuenerunt, vt munitionem quandam quæ erat iuxta montem regalem obſiderent, apud montem ſiquidem regalem congregati erant milites ſupradicti, regis aduentum ibi expectantes, hoc autem ideo volebat facere comes, vt cognoscerent aduerſarii ſui, quod à facie eorum non timebat. Pauciſſimos autem tunc milites habebat comes noſter. Quid plura? pergunt noſtri, ad obſidendam munitionem ſupradictam, quæ dicitur Bellagarda. In caſtino venit rex Arragonenſis prope montem regalem, milites autem qui eum vocauerant, & multos iam dies fecerant in victualibus copioſiſſime præparandis, exierunt à monte regali, & venerunt ad regem, rogantes vt intraret montem regalem & facerent ei hominum ſicut mandauerant, hoc autem facere volebant, vt ſic poſſent expellere de terra illa comitem Montis-fortis. Rex autem ſtatim vt acceſſerunt ad eum, voluit vt traderent ei munitionem caſtri Cabareti. Inſuper dixit quod hac conditione eos reciperet in homines, ſi quotieſcumque vellet ſuas

ei traderent munitiones. Conſilio igitur inter ſe habito, prædicti milites rogauerunt iterum regem vt intraret montem regalem, & ipſi facerent ei ſicut promiſerant, quia rex nullo modo voluit intrare, niſi prius facerent ei quod volebat, quod cum facere noluiſſent, vnusquiſque ipſorum cum confuſione à loco colloquij receſſit. Rex veſt miſit ad comitem montis-  
fortis & mandauit ei, dum eſſet comes in obſidione præſatæ munitionis, vt daret treugas comiti Fuxi vſque in paſcha, quod factum eſt capta ſunt ab hoſtibus. . . . .

---

*Obſidio Minerba. Cap. XXXVII.*

**A**Nno ab incar. domini 1210. circa feſtum B. Ioan. Baptiſtæ, ciues Narbonenſes mandauerunt comiti noſtro vt obſideret Minerbam, & ipſi pro poſſe ſuo eum adiuuarēt. Hoc autem faciebant, quia illi de Minerba eos nimis infeſtabant, magiſque eos ad hoc mouebat amor vtilitatis propriæ quam zelus religionis Chriſtianæ. Comes autem mandauit Aimerico Domino Narbonæ & ciuibus omnibus, quod ſi vellent eum iuuare melius quam antea fecerant, & cum ipſo vſque ad captionem perſeuerare, obſideret Minerbam: quod cum illi promiſiſſent, ſtatim ad obſidendam Minerbam comes cum ſuis militibus properauit, quo cum perueniſſent, comes montis-  
fortis, temptoria ab oriente, quidam miles comitis qui dicebatur Guido de Luécio cum Vaſconibus qui ade-

rant fixit temptoria ob occidente, ab aquilone Aimericus de Narbona cum ciuibus ſuis, à meridie quidam alij peregrini, in toto enim exercitu nō erat aliquis præpotens, niſi comes & Aimericus de Narbona. Caſtrum autē illud incredibilis erat fortitudinis, profundiffimis quippè & natiuis vallibus cingebatur, itaque ſi neceſſitas ingrueret, nō poterat exercitus exercitui ſine maximo discriminè ſubuenire. Poſt hæc à parte vaſconum erecta eſt quædam machina, quæ dicitur mangonellus, in qua die ac nocte inſtantiſſime laborabāt. A meridie ſimiliter & aquilone erectæ fuerunt duæ machinæ, vna hinc alia inde. A parte vero comitis ideſt ab oriente erat magna & optima petraria, quæ vnaquaquē die cōſtabat in cōducendis trahentibus ad machinam 21 libra. poſtquam autem noſtri aliquantulum temporis in expugnatione caſtri laborauerant memorati, quadam nocte dominica exeuntes illi de caſtro, venerunt ad locum vbi erat petraria, cophinosque plenos ſtupa, lignis ſiccis minutis & adipe vnctis inſtrumentis, dorſo petrariæ applicuerunt, mox igne ſuppoſito flamma altius ſe infundit. Erat quippe tempus æſtium & calidiſſimum, circa feſtum vt dictum eſt S. Ioannis. Contigit autem volente deo, quod vnus de illis qui trahabant ad petrariam, ſeceſſit in illa hora ad exquiſita naturæ: qui viſo igne vehementius exclamauit, mox vnus ex illis qui ignem appoſuerant, lanceam proijciens, illum grauiter vulnerauit: ſic ſtrepitus in exercitu, currunt

multi, ipſamque petrariam tam miraculoſe & ſubito mox defendūt, quod niſi per duos iſtus iacere nō ceſſavit. Poſt aliquot vero dies, cum dictæ machinæ, caſtrum ex magna parte debilitaſſent, deficientibus etiam victualibus, defecit illis qui intus erant, animus reſiſtendi. Quid plura? poſtulant pacem aduerſarij. Exit foras dominus caſtri nomine Guilelmus de Minerba cum comite locuturus, dum autem loquerentur, abbas Ciſterciensis, & Magiſter Theodiſius de quo ſupra mentionem fecimus, ſubito exinſperato ſupervenerunt. Comes vero noſter vt pote vir diſcretus & cum conſilio cuncta agens, dixit quod de deditiōe & recep-tione caſtri nihil faceret, niſi quod abbas Ciſterciensis totius negotij Chriſti magiſter, decerneret faciendum: quo audito abbas valde doluit vt pote inimicos Chriſti mori deſiderās, & tamen ad mortem iudicare non audens, cum eſſet monachus & ſacerdos. Cogitans ergo quomodo Comitem vel dictum Guilelmum, qui etiam ſuper redditiōe caſtri ſe abbatis arbitrio offerebat, poſſet à compromiſſione, quam inter ſe fecerant revocare: iuſſit vt vterque, comes videlicet & Guilelmus, modum redditiōis caſtri in ſcriptum redigerent: hoc autem faciebat, vt dum ſcriptum vnius alteri non placeret, à compromiſſione quam facerāt reſiliret. Scriptum Guilelmi dum eſſet coram comite recitatum, non adquevit comes, ſed dixit domino caſtri, vt intraret caſtrum ſuum, & ſe defenderet ſicut poſſet, quod ille noluit,

ſed ſubiecit ſe per omnia comitis voluntati: nichilominus tamen comes voluit, vt totum fieret, prout abbas Cifterciensis diſponeret faciendum. Ordinauit igitur abbas, vt dominus caſtri & omnes qui in caſtro erant, credentes etiam hæreticorum, ſi vellent reconciliari & ſtare mandato eccleſiæ, vivi euaderēt, caſtro comiti remanēte. perfecti etiam hæretici, quorum ibi erat plurima multitudo, nichilominus euaderent, ſi ad fidem catholicam cōuerſi vel- lent. Quod audiens vir nobillis & totus in fidē catholicus Robertus malus-vicinus qui aderat: quia ſcilicet liberarentur hæretici, propter quos perdendos aduenerant peregrini, timens quod ne forte timore ducti, cum iam capti eſſent, quidquid noſtri vellent promitterent adimplere, reſiſtens abbati in faciem dixit, quod hoc noſtri nullomodo ſuſtinerēt, cui abbas reſpondit: ne timeas quia credo quod pauciſſimi conuertentur. His ... precedente cruce, & vexillo comitis ſubſequentē villam intrant noſtri, & cantantes *Te Deum laudamus*. eccleſiam adeunt, quam reconciliatā, crucem dominicam in ſummitate turris ponunt, vexillum comitis alia in parte locantes. Chriſtus quippe villā cœperat, & dignū erat vt vexillum eius prederet, & in eminentiori loco poſitum, Chriſtianæ victoriæ teſtimonium perhiberet: veruntamen comes tunc non intrauit. His geſtis venerabilis abbas valliū Sarnay qui erat cum comite in obſidione negotiumque Chriſti vnico amplectebatur affectu, audiens hære-



ticorum multitudinem congregatam in quadam domo, acceſſit ad eos perſerens illis verba pacis & ſalutis monita, ipſos in melius conuertere cupiebat: qui verba eius interrumpentes, omnes vna voce dixerunt. Quare verbis predicatis, fidem veſtram nolumus, Romanam eccleſiam abdicamus, in vanum laboratis, à ſecta quam tenemus, nec mors nec vita poterit nos reuocare: quo audito, mox abbas venerabilis exiuit à domo illa, & ad mulieres quæ in alia manſione erant congregatæ, verbum prædicationis oblaturus acceſſit: ſed ſi hæreticos duros & obſtinaces inuenerat, obſtinationes inuenit hæreticas, & penitus duriores. Mox comes noſter intrauit caſtrum, & veniens in domum ubi erant hæretici omnes congregati in vnum, vir catholicus & volens omnes ſaluos fieri, & ad agnitionem veritatis venire, cœpit monere, vt ad fidem Chriſti conuerterentur: ſed cum nihil penitus proficeret, fecit eos extrahi de caſtro, erant autē perfecti hæretici centum quadraginta vel amplius. Præparato igitur igne copioſo, omnes in ipſo proijciuntur nec tamē opus fuit quod noſtri eos proijcerent, quia obſtinati in ſua nequitia, omnes ſe in ignē vltro precipitabāt. Tres tamen mulieres euaserunt, quas nobilis domina mater Buchardi de marliaco ab igne eripuit, & ſanctæ eccleſiæ reconciliari fecit. Combuiſtis igitur hæreticis, cæteri omnes qui erant, abiurata hæreſi, ſanctæ ſunt eccleſiæ reconciliati. Nobilis etiam comes dedit Guilelmo qui fuerat dominus Mi-

nerbæ alios redditus prope Biterrin, ſed ille non multo poſt ſpreta fidelitate, quam deo & comiti promiſerat, recedens à Deo & comite, ſe inimicis fidei ſociavit. Non credimus etiam prætermittendum duo miracula quæ in obſidione caſtri Minerbæ contigerunt ſiquidem quando exercitus peruenit ad obſidendum caſtrum, aqua quædam deſluebat prope caſtrum, & erat modiciſſima: ſed diuina miſeratione in aduentu noſtrorum ita ſubito excreuit aqua illa, quod ſuffecit habundantiſſime toto tempore obſidionis hominibus exercitus & equis. Durauit vero ipſa obſidio ferme per ſeptem hebdomadas: recedente vero exercitu, ſæpedita aqua retraxit ſe & facta eſt modiciſſima ſicut prius. O Dei magnalia. O bonitas redemptoris. Item aliud miraculũ. Cum recederet comes à caſtro Minerbæ, pedites exercitus manſiunculis quas fecerant peregrini de ramis & frondibus ignem miſerunt: cellulæ autem quæ erant ſicciffimæ, ita ſtatim accenſæ ſunt & tanta in altum per totam vallem flamma erupit, ac ſi aliqua ciuitas maxima combureretur: erat autem quædam cellula de frondibus ſimiliter, in qua ſacerdos quidam tempore obſidionis celebrauerat, aliis manſiunculis circũcluſa, quæ ita miraculoſe ab igne eſt illæſa ſeruata, vt nec etiam aliquod in ea aduſtionis indicium appareret, ſicut à venerabilibus perſonis quæ præſentes erant audiui. ſtatim currentes noſtri ad mirabilem viſionem, inuenerunt quod cellulæ quæ combuſtæ ſunt, illi cellulæ quæ in,

combusta manſit vndique à diſidii pedis ſpatio iungebatur: O virtus immenſa.

*Cruces in ſpeciem fulgetæ in muris templi virginis  
Diſparæ Tholoſæ apparent conſpicuæ.*

### C A P. XXXVIII.

**M** Iraculum aliud quod contigit apud Tholoſam, dum eſſet comes noſter in obſidione Minerbæ, hic duximus inferendum. In ciuitate illa, prope palatium comitis Tholoſæ, eſt quædam eccleſia fundata in honore B. M. virginis: parietes autem illius eccleſiæ de nouo erant forinſecus dealbati. Quodam autem die ad veſperum cœperunt videri infinitæ cruces in parietibus ipſius eccleſiæ circumquaque, quæ videbantur quaſi argentæ ipſis parietibus albioreſ, erant enim cruces ſemper in motu, apparenteſque ſubito, ſtatim non videbantur: ſiquidem multi eas videbant, ſed aliis oſtendere non volebant, ante enim quam poſſet digitum leuare quis, diſparuerat crux cui volebat oſtendere, nam in modum choruscationis apparebant nunc maiores, nunc mediæ, nunc minores. Durauit viſio iſta fere per quindecim dies ſingulis diebus ad veſperam, itaque fere omnis populus ciuitatis Tholoſæ hæc viderunt. vt vero fides dictis adhibeatur, ſciat lector quod Fulco Tholoſanus, Raimundus Biterrenſis epiſcopi & abbas Ciſterciendiſis apſt. ſedis legatus & magiſter Theodiſius qui in Tholoſa tunc erant, viderunt & mihi per ordinem

narrauerūt. Accidit autē Deo diſponēte, quod capellanus prædictæ eccleſiæ, cruceſ videre nō potuit prænotatas: quadam igitur nocte intrans ipſam eccleſiam, dedit ſe in orationem, rogans dominum, vt ſibi dignaretur oſtendere quod viderāt fere omnes: ſubito autē vidit innumera- biles cruceſ, non in parietibus ſed in aere cir- cūfuſo, inter quas vna cæteris maior & eminē- tior cunctis erat, mox egrediente maiore de eccleſia, omnes egreſſæ ſunt poſt illam, cœpe- runtque recto curſu tendere verſus portā ciui- tatis: ſacerdoſ autem vehementiſſime ſtupe fa- ctuſ, cruceſ illaſ ſequēbatur & dum eſſent in egreſſu ciuitatis, viſum eſt ſacerdoti, quod qui- dam tendens in ciuitatem reuerenduſ & deco- ruſ aſpectu, euaginato tenens gladium, cru- cibuſ illiſ prebentibuſ ei auxilium, quendam magnum hominem egredientem de ciuitate in ipſo ingreſſu interfecit: ſapedictuſ itaque ſacerdoſ factuſ quaſi exanimiſ præ timore cu- currit ad dominum Vti cenſem episcopum, procidenſque ad pedes eiſ, iſtud ſibi per ordi- nem enarrauit.

---

*Comes Raimundus per Legatum ſed. apoſt. à  
communionē fidelium ſegregatur.*

### Cap. XXXIX

**C**irca idem tempuſ, comes Tholoſanuſ qui ſicut ſupradictuſ eſt acceſſerat ad domi- num Papā, redierat à curia Romana. Dominuſ autem Papa ſicut ſuperius tetigimus mandabat

epiſcopo Regienſi & M. Theodiſio , vt præſato comiti indiceret purgationem ſuper duobus maxime criminibus , ſuper mortem videlicet F. P. de Caſtronouo apoſt. ſedis legati & ſuper crimine hæreſeos. Magiſter vero Theodiſius intravit Tholoſam dum eſſent noſtri in obſidione Minerbæ, ſicut continetur in prædicto miraculo, vt ſuper indicenda purgatione dicto comiti, conſularet abbatem Ciftercij qui erat in partibus Tholoſanis, & vt de mandato ſummi pontificis, ſecundum formam eccleſiæ ciues abſolueret Tholoſanos, recepto ſcilicet iuramento, quod ſtarent mandato eccleſiæ, ſed epiſcopus Tholoſanus iam abſoluebat eos iuxta formam prædictam, acceptis inſuper pro obſidibus & ſecuritate decem ciuibus de melioribus ciuitatis. Cū intraſſet prædictus M. Theodiſius Tholoſam, habuit ſecretum colloquium cum abbate Cifterciensi, ſuper admittenda purgatione comitis Tholoſani. M. vero Theodiſius vt pote circumſpectus & prouidus, de negotio dei valde ſollicitus, ad hæc omnimodis aſpirabat, vt poſſet de iure repellere ab indicenda ei purgatione comitē memoratum, videbat enim quod ſi admitteret eum ad purgationem, & ipſe per aliquas falſitates & dolos poſſet ſe purgare, deſtrueretur eccleſia in partibus illis, petiret fides & deuotio Chriſtiana. Dum igitur ſuper his omnibus ſollicitus eſſet & ſecum tentaret, aperuit dominus viam, modum inſinuans quo poſſet negare purgationem comiti ſepredicto, habuit recurſum ad lite-

ras domini Papæ, in quibus ſummus pontifex inter alia dicebat, volumus vt comes Tholoſanus impleat mandata noſtra multa quippe mandata facta fuerant comiti Tholoſano: vt pote de expulſione hæreticorum de terra ſua, de dimittendis nouis pedagijſ & plura alia, quæ omnia adimplere contēpſit. Igitur M. Theodifius cum ſocio ſuo epifcopo ſcilicet Regiēſi, ne viderētur grauare vel iniuriari comiti Tholoſano, præfixerūt ipſi comiti diem admittendæ purgationis ipſius apud villam S. Ægidij. Igitur conuocatis in villa S. Ægidij ab epifcopo Regienſi, M. Theodifio archiepifcopis & epifcopis & alijs pluribus eccleſiarum prælatis, comes etiam affuit Tholoſanus, conaturus ſi poſſet quoquomodo purgare ſe de morte legati & crimine hæreſeos. M. verò Theodifius de conſilio prælatorum dixit comiti: quod non admitteretur purgatio ipſius, eo quod iuxta mandatum ſummi pontificis, eorum quæ ſibi mandata fuerant, & quæ ſe impleturum multotiens iurauerat nihil impleſſet. Dicebat ſiquidem magiſter, quod veriſimile erat, imò maniſeſtiſſimum, quod comes quædam iuramēta non tenuerat, de mādatis leuioribus adimplendis ſuper purgatione ſua de tam enormibus criminibus, vt pote morte legati ac crimine hæreſeos facillime imò libentiſſime, per ſe & ſuos complices peieraret ideoque ipſum comitem nullo modo admittendum eſſe dicebat, ad purgationem ſuper tantis criminibus, niſi prius mandata impleuiſſet leuia. Quod audiens co-

mes Tholoſanus, ex innata ſibinequitia cœpit flere Magiſter vero ſciens, quod lachrimæ non erant lachrimæ denotionis & pœnitentiæ, ſed nequitia & doloris dixit comiti. *In diluvio aquarum multarum ad eum non approxinabunt.* Statim communi conſilio & aſſenſu prælatorum, propter multas & multum rationabiles cauſas, iterum excommunicatus fuit in eo loco comes nequiſſimus Tholoſanus, & omnes fautores & adiutores eiſdem nec ſilendum quod antequam omnia iſta fierent in præterita hyeme deceſſerat apud Montépellulanum M. Milo apoſt. ſedis legatus. Iam ad narrationis noſtræ ſeriem reuerramur. Capto igitur caſtro Minerbæ circa feſtum B Mariæ Magdal. venit ad comitem noſtrum quidam miles dominus cuiuſdam caſtri qui vocabatur Ventilo, & ſe & ſuum caſtrum reddidit comiti. Comes autem quia per caſtrū illud, multa mala euenerant Chriſtianis, ad ipſum iter dirigens, turrim ipſius funditus evertit. Audiens dominus montis-regalis Aymericus & homines ipſius caſtri, quod capta eſſet Minerba, timentes ſibi, miſerunt ad comitem rogantes de pace in hunc modū. Promiſit idem Aymericus, quod traderet comiti caſtrum montis-regalis, dummodo comes daret ei aliam terram competentem planam & immunitam: quod comes annuens, ſicut poſtulauerat fecit ei, ſed ipſe poſtmodum vt potè peſſimus traditor fracto fœdere recedens à dicto comite, crucis hoſtibus ſe coniunxit.

**I**Pſo tempore ſuperuenit à Francia nobilis quidam Guilelmus nomine Decaicus cruceſignatus & quidam alij peregrini nunciantes etiam comiti ingentē Britonum multitudinem aduenire. habito igitur comes cum ſuis cōſilio, confidens de dei adiutorio direxit aciem ad obſidendum caſtrum Thermarum. Dum autem iret comes ad caſtrum illud, milites qui erant Carcaſſonæ, extruxerunt machinas quæ erant in ciuitate & portari fecerunt eas extra ciuitatem, vt deferrentur poſt comitem qui properabat ad obſidendum Terma: Quod audiētes hoſtes noſtri qui erant Cabareti, ſcilicet quod machinæ noſtræ expoſitæ erāt extra Carcaſſonam, venerunt media nocte cum magna & armata multitudine, ſi forte poſſent eas ſecuri- bus debilitare: qui cum veniſſent, exierunt noſtri de ciuitate qui pauciſſimi erant, ipſosque aggredientes & viriliter effugantes, fugientes circumquaque longius ſunt ſequuti. Nec ſicquidem conqueuit furor aduerſariorum, ſed adhuc imminente diluculo redierunt, ſi forte poſſent dictas machinas in aliquo debilitare, quod noſtri percipientes exierūt ad eos & longius & virilius quam antea fecerunt effugare. Dominum etiam Cabareti Petrum Rogeri bis vel ter cœpiſſent, ſed ipſe cum noſtris cœpit clamare, Mons fortis, Mons fortis præ timore ac ſi noſter eſſet, ſicque euadens & fugiens per montana non niſi poſt duos dies rediit Ca-



haretum. Britones autem de quibus ſupra fecimus mentionem, tendentes ad Comitē, venerunt ad caſtellum nomine Arii quod adhuc erat comitis Tholoſæ in territorio Tholoſano, ſed burgenſes caſtelli noui Arii noluerunt eos admittere intra caſtrum, ſed in agris & hortis manere fecerunt nocte illa: comes ſiquidem Tholoſæ, negotium Chriſti quantum poterat latenter impediēbat. Venientes Britones Carcaſſonam, machinas quas ſupra diximus poſt comitem qui tendebat ad obſidionem Termarum portauerunt. Erat autem caſtrum Termarum in territorio Narbonenſi diſtans quinque leucis à Carcaſſona, caſtrū illud miræ & incredibilis erat fortitudinis, & quantum ad humanam æſtimationē penitus inexpugnabile videbatur: in altiffimi ſiquidem montis ſupercilio ſitum erat, ſuper rupem maximam viam propriam fūdiſſimis & inacceſſibilibus abyſſis in circuitu cingebatur, à quibus abyſſis aqua fluebat, caſtrum circuiens prænotatum. Item valles illas, tam magnæ & vt ita dicā in deſcēſibiles cingebant rupes, quod ſi quis vellet ad caſtrum accedere, oporteret eū præcipitare in abyſſum, itemque vt ita dixerim repere verſus cælum. Erat præterea prope caſtrum adiacētum lapidis rupis quædam in cuius ſummitate erat turrita munitio modica ſed fortiſſima, quæ vulgò Turretū dicebatur. . . . ſitū caſtrum Termarū ex vna ſolummodo parte adiri poterat, quia ex illa parte humiliiores & inacceſſibiles minus erāt rupes. Caſtri ſiquidē huius dominus erat miles

quidā, nomine Raimundus ſenex verſus in re-  
probū ſenſum, & manifeſtus hæreticus, qui ut  
ſūmatim eius maliciam exprimamus, nec deum  
timebat, nec homines verebatur: de fortitu-  
dine ſiquidem munitæ munitionis ſuæ adeo  
præſumebat, quod modo impugnabat Regem  
Arragonū, modo comitem Tholoſanum, modo  
dominū ſuum videlicet comitem Biterrenſem.  
Audiens tyrannus iſte, quod comes noſter pro-  
poneret caſtrum Termarum obſidere, milites  
quoſcumque potuit adunavit, victualibusque  
copioſiſſimis & cæteris ad defendēdum neceſſa-  
rijs, caſtrum muniens ſæpeditum paravit ſe ad  
reſiſtendū. Veniens comes noſter ad caſtrum,  
obſedit illud cum paucis partem eius modicam  
obſidendo occupavit. Illi autem qui intus erāt  
multi & muniti à facie exercitus noſtri qui  
erat modicus nō timentes, ad hauriendam aquā  
ad omnia ſibi neceſſaria videntibus noſtris &  
reſiſtere non valentibus, exhibant libere & intra-  
bant. Dum hæc & ſimilia agerentur, veniebant  
de die in diem pauci & guttatim ad exercitum  
Francigenæ peregrini: adverſarij autem noſtri  
ſtatim ut videbant hos peregrinos aduenire,  
aſcendētes muros in ſuggillationē noſtrorum,  
quia ſcilicet illi qui veniebant erant pauciſſimi  
& inermes, irriſione conclamabant, fugite à  
facie exercitus, fugite a facie exercitus. Non  
multo poſt, cœperunt venire cum turbis  
& multitudine de Francia, & Alemania pere-  
grini. Noſtri vero adverſarii hæc videntes, ver-  
ſique in timorem, à deriſione prædicta ceſſave-

runt, minusque præſumentes facti ſunt & audaces. Interea illi de Cabareto, præcipui & crudeliſſimi Chriſtianæ religionis tunc temporis inimici, venientes propè Termas, nocte & die ſtratas publicas circuibant, & quoscumque de noſtris inuenire poterant, vel morte turpiſſima condemnabant, vel in contemptum Dei & noſtrum, oculis, naſis, cæteris membris crudeliſſime detruncatis ad exercitum remittebant.

---

*Carnotenſis & Bellonacus præſules, cum comitibus  
Drocenſi & Pontiuo in catholicorum caſtra  
perueniunt. Cap. XLI.*

**R**Ebus ſic ſe habentibus, ſuperuenerunt de Francia viri nobiles & potentes, Carnotēſis videlicet episcopus, Beluacenſis episcopus Philippus, comes Robertus de Drociſ, comes etiam Pontiuo habentes ſecum peregrinorum multitudinem copioſam: de quorum aduentu, comes totuſque exercitus lætabundi effecti ſunt & gaudentes, ſperabatur ſiquidē quod potētes & potenter operarentur, in manu potenti & brachio excelſo, chriſtianæ fidei cōtererent inimicos ſed qui deponit potentes, humilibus dat gratiam, per potentes illos magnum quid vel honorificum noluit operari, ſecreto ſuo iudicio quo ipſe nouit: veruntamen quantum ex humana perpenditur ratione, hoc ideo feciſſe creditur iuſtus index, quia ſcilicet, vel illi non fuerunt digni, per quos magna & laudabilia operaretur magnus & laudabilis Deus, vel quia

ſi quando per magnos vel magnifice fieret, totum adſcriberetur humanæ potentia non diuinæ. Ordinauit igitur melius cœleſtis diſpoſitor vt victoriam iſtam pauperibus reſeruaret, per eosque glorioſe triumphans, nomini ſuo daret gloriam glorioſus. Interea comes noſter, erigi fecerat machinas que petrariæ nuncupabantur, quibus ad primum caſtri murum ſiſcientibus, noſtri in expugnatione quotidie laborabant. Erat in exercitu, vir venerabilis Guilelmus videlicet archidiaconus Pariſienſis, qui zelo fidei Chriſtianæ ſuccenſus, totum ſe pro Chriſti ſeruitio laborioſis ſollicitudinibus exponebat: prædicabat quotidie, inſtituebat collectas in ſumptus machinarum, cæteraque huius neceſſariæ ſedulitatis officia prouidus exercebat. Ibat ſæpiſſime ad nemus, ducens ſecum multitudinem peregrinorum, & ligna ad uſus petrariarum deferri copioſiſſimè faciebat. Quadam etiam die, cum noſtri vellent quandam machinam erigere prope caſtrum, vallisque profunda eos impediret, vir magnæ conſtantia, vir feruoris incōparabilis, aduerſus huiusmodi impedimentum, in ſpiritu conſilii & fortitudinis per neceſſarium excogitabat remedium. Peregrinos ſiquidem ducens ad nemus, iuſſit afferri lignorum abundantiam copioſam, vallemque illam lignis, terra, lapidibus impleri fecit: quo facto noſtri dictam machinam, in loci illius planicie locauerunt. Et quia non poſſemus omnes prouidas & ſollicitas ſtrenuitates dicti archidiaconi, laboresque quos in dicta

*Guilelmi  
Pariſ. arch.  
præſularis  
elogia.*

obſidione ſuſtinuit ad plenum exprimere, bre-  
uiter hoc aſſerimus, quod huic præ cæteris, imo  
ſoli poſt Deum, adſcribenda eſt peruigil, & di-  
ligentiſſima huius obſidionis cura, victoria ca-  
ptionis. Erat ſiquidem ſanctitate præclarus,  
conſilio prouidus, animo virtuoſus: cui in huius  
negotij exercitio tantam gratiam diuina virtus  
contulerat, vt in omnibus quæ ad obſidionem  
neceſſaria videbantur, peritiſſimus haberetur.  
Docebat quippe fabros, carpentarios inſtrue-  
bat, omnemque artificem in edocendis his quæ  
ad obſidionis ſpectabant negotium: ſuperabat,  
impleri faciebat valles, ſicut iam dictum eſt,  
itemque cum neceſſe eſſet, altos colles profun-  
dis vallibus adæquari. Adaptatis igitur prope  
caſtrum machinis ad murum caſtri per dies ſin-  
gulos iacientibus, cum primum murum caſtri  
viderent noſtri ex continuo iactu lapidum de-  
bilitatum, armanerunt ſe vt primum burgum  
caperent per inſultum, quod videntes aduerſa-  
rij, appropinquantibus noſtris ad murum, in  
burgo illo ignem miſerunt, & ſe in bur-  
gum ſuperius receperunt ſed cum noſtri primū  
burgum intraſſent, exeuntes ad eos aduerſarij,  
ipſos à burgo illo effugando, citius expulerūt.  
Dum res ita ſe haberet, videntes noſtri quod  
turris quæ erat prope caſtrum, de qua ſupra  
mentionem fecimus quæ vocatur Tumetum  
militibus munita, captionem caſtri plurimum  
impediret, cogitauerunt quomodo caperent  
turrim illam. Ad pedem igitur turris illius, quæ  
in ſummitate rupis cuiuſdā ſicut ſuperius dixi-

mus erat ſita, poſuerunt excubias, ne illi de turre ad caſtra accederent, vel illi de caſtro eis qui in turre erant ſi neceſſitas ingrueret ſubuenirent. Poſt paucos etiam dies noſtri inter caſtrum Termarum & turrim prædictam in loco inaccessibili cum maxima difficultate & discrimine erexerunt machinam vnā quæ dicitur mangonellus. Illi autem de caſtro mangonellum vnā erigentes, ſuper machinā noſtram grandes iaciebāt lapides, ſed illam dirimere nequiverunt. Mangonello igitur noſtro ad ſæpeditam turrim continue iacente, videntes illi qui intus erant, quod obſeſſi eſſent, & quia illi de caſtro in nullo eos poterant adiuuare, nocte quadam, diei timore ducti, fugæ præſidia quæſierunt, turrim vacuam dimittentes, quod cum ſeruentes Carnotenſis epiſcopi cognouiſſent, qui ad pedem turris excubias obſeruabant, ſtatim intrauerunt, vexillumque dicti epiſcopi in turris ſuperius memoratæ cacumine locauerunt. Dum hæc fierent, petraræ noſtræ ex alia parte ad muros caſtri cōtinue iaciebāt, ſed aduerſarii noſtri vt pote fortiffimi & aſtuti, quando videbant quod machinæ noſtræ, muros ſuorum aliquid debilitarent, ſtatim prope murū illū interius de lignis & lapidibus, aliud repagulū cōſtruebāt, ſicque cōtingebat quod quoties noſtri aliquid de muris . . . . intrabant impediēte repagulo quod aduerſarii, fecerant, vltius procedere non valebant, & quia non poſſumus omnes euentus huius obſidionis exprimere hoc breuiter dicimus,

quod illi de caſtro nunquam aliquid de muris perdidērunt, quin vt ſuperius diximus, murum alium interius ædificarent. Dum hæc ageretur, erexerunt noſtri mangonellum vnum ſub quadam rupe prope caſtri murum in loco inaccessibili. Cum autē iaceret mangonellus ille, hoſtes noſtros non modicum damnificabat. Deputauit autem comes noſter ad cuſtodiam illius mangonelli trecentos ſeruientes & quinque milites, valde enim timebatur de mangonello illo, tum quia ſciebant noſtri, quod hoſtes noſtri omnem darent operam, vt deſtruerent illum, eo quod valde eos infeſtaret, tum quia illi qui erant in exercitu non poſſent ſubuenire illis qui cuſtodiebant mangonellum, ſi neceſſitas immineret propter inaceſſibilitatem loci in quo erat mangonellus. Quodam igitur die exeuntes à caſtro aduerſarii noſtri, cum ſcutis vſque ad octoginta, præparabant ad diruendum mangonellum. Sequebantur autem eos alii infiniti portantes ligna, ignem, &c. ad ignis . . . . incenſium videntes autem trecenti ſeruientes noſtri qui cuſtodiebant mangonellum aduerſarios venientes, timore ducti omnes fugerunt, ita quod non remaſerunt ad mangonellum cuſtodendum, niſi quinque milites. Quid plura? appropinquantibus aduerſarijs, fugerunt omnes milites noſtri, præter vnum qui vocabatur Guilelmus ſcureto. Iſte ſiquidem vt vidit eos venientes, cum maxima difficultate cœpit aſcendere per deſuper rupem contra eos, illi autem vnanimis irruerunt in

eum, ipſe enim ſtrenuiſſime deſēdebat. videntes autem hoſtes quod non poterant eum capere, cum lanceis proiecerunt eum, ſuper mangonellum noſtrum, & poſt eum ligna ſicca & ignem: vir autem probiſſimus ſtatim ſurgens, ſtatim ignem diſperſit, ita quod mangonellus permanſit illæſus: cœpit iterum miles noſter aſcendere verſus hoſtes, illi autem proiecerunt eum, ſicut antea fecerant ignemque ſuper ipſum. Quid plura? iterum ſurgit, hoſtesque appetit, ipſi illum reproiiciunt ſuper mangonellum vſque quater. Videntes autem noſtri, quod miles noſter nō poſſet euadere, eo quod, nullus de noſtris poſſet ei ſubuenire, acceſſerunt ad murum caſtri, ex alia parte quaſi impugnaturi, quod ſcientes aduerſarii, qui militem noſtrum prædictum infeſtabant, retraxerunt ſe in caſtrū, miles autem noſter, licet multum debilitatus, viuus euasit, & per eius incōparabilem probitatem, mangonellus noſter illæſus permāſit. Interea nobilis comes Montisfortis, paupertate tanta & tam virgentiſſima laborabat, quod ſæpiſſime ipſo etiam pane deficiēte, quod comederet non habebat. Multoties quippe ſicut certiſſime diſciimus imminente hora reſectionis, dictus comes ſe de induſtria abſentabat, & præ confuſione non audebat in ſuum redire tentorium, eo quod eſſet hora comedendi, & ipſe nec etiam panem ſolum haberet. venerabilis autem archidiaconus Guilelmus, confratrias inſtituens, collectas ſicut diximus faciebat, & quidquid extorquere

*Comes Si  
mon penſa-  
ria victus  
laborat.*



poterat exactor egregius, puis raptor in machinas & cætera ad obſidionē pertinentia, ſolicitus expendebat. Dum res ita ſe haberet, aduerſariis noſtris aqua defecit, noſtri ſiquidem iamdudum obſtruxerant aditus, & ad hauriendam aquam exire non poterant, deficiente igitur aqua, defecit eis, virtus & animus reſiſtendi. Quid plura? locuntur cum noſtris, tractant de pace in hunc modum: promittit Raimundus dominus caſtri, quod nobili comiti traderet caſtrum illud, dummodo comes totam terram aliam ei dimitteret, inſuper caſtrum Termarū, ſtatim poſt paſcha ei reddere deberet. dum autē de compoſitione huiusmodi tractaretur, Carnotenſis & Beluacenſis epiſcopi, comes etiam Robertus & comes Pontiui, recedere ab exercitu proponebant, ſupplicauit comes, rogaerunt vniuerſi vt adhuc in obſidione illa, per tempus aliquantulum remanerent, ſed cum illi nullomodo ſecti potuiſſent, nobilis comitiſſa montis fortis eorum pedibus ſe prouoluit affectuoſe ſupplicans, ne in tantæ neceſſitatis articulo, negotio domini exhiberent humerum recedentem, comitique Ieſu Chriſti, qui ſe pro vniuerſali eccleſia morti cotidie exponebat, in tam arcto diſcrimine ſubuenirent. Epiſcopus autem Beluacenſis & comes Robertus, & Comes pontiui deprecati, comitiſſæ noluerunt acquieſcere, ſed dixerunt quod in craſtino recederent, nec vllomodo expectarent, etiam vnico die: Carnotenſis autem epiſcopus, promiſit quod adhuc aliquantulo tem-

pore, cum comite remaneret.

---

*Hæretici Termenſe caſtrum dedit, ſed  
Deus in eorum exitum ingentem eis aquæ  
copiam immitit.*

Cap. XLII

**V**ldens comes noſter, quod recedentibus præfatis viris remaneret quaſi ſolus, tam evidenti neceſſitate compulſus, licet inuitus acquieuit, vt modum compoſitionis reciperet quam aduerſarij offerebant. Quid ultra? Lo-  
cuntur noſtri iterum cum aduerſariis, ſignatur compoſitio ſupradicta. Statim mandauit comes Raimundo domino caſtri, vt exiens redderet caſtrum ſuum: ille autem ipſa die exire nolluit, ſed ſimuliter promiſit, quod in craſtino redderet caſtrum ſummo mane. Dilationem autem iſtam diuina providentia voluit & prouidit, ſicut in euentu rerum maniſeſtiſſimis probatum eſt argumentis: nolluit etenim iuſtiſſimus iudex, Deus illum qui tot & tanta mala intulerat eccleſiæ ſanctæ eius, & adhuc ſi poſſet ampliora facturus poſt tanta crudelitatis exercitia immunem abire, recedere impunitum. vt enim de cæteris malicijs taceamus, iam triginta anni tranſierunt & amplius ſicut à perſonis fide dignis audiuiſus ex quo in eccleſia caſtri Thermiarum diuina ſacramenta non fuerāt celebrata. Nocte igitur inſecuta, cælo quaſi diſrupto & cataſtæ ſapertis tam ſubito erupit aquæ abundantia pluuialis, quod inimici noſtri

qui aquæ penuria diu laborauerant & propter hoc reddere ſe propoſuerāt, aqua illa abundantiffimè ſunt reſecti: cithara noſtra in luctum vertitur, luctus hoſtiū in gaudium commutatur, ſtatim ſiquidē in tumorem verſi, reſumpſerūt vires & animos reſiſtendi, eò vtique crudelioreſ effecti & ad perſequendum noſ pernicioſioreſ, quo diuinū ſibi in neceſſitate admi-  
niculum preſumebant maniſeſtius affuiſſe. O ſtulta & nequam præſumptio, de illius ſe iacta-  
re adiutorio, cuius cultum abhorruerant, fidem etiam abdicarent dicebant ſiquidem. quia nol-  
lebat deus vt ſe redderent, pro ſe etiam factum aſſerebant, quod diuina iuſticia fecerat contra illos. Rebus ſic ſe habentibus: epiſcopus Bel-  
uacenſis, comes Robertus, & comes Pontiui, imperfecto Chriſti negotio, imo in arctiſſimo & periculoſo diſpendio dereliſto, receſſerunt  
ab exercitu, ad propria remeantes, & ſi nobis dicere liceat quod iſtis facere non libuit, non cōpleta ſua quadageſima receſſerunt ordina-  
tū ſiquidem erat à ſedis apoſt. legatiſ, eo quod pluri ni de peregriniſ tepidi erant, & ſemper  
ad propria ſuſpiranteſ, quod nulluſ conſeque-  
retur indulgentiam, quam cruceſignatiſ fece-  
rat Dominuſ Papa, qui in ſeruitio Ieſu Chriſti, vnā ad munuſ, non compleret quadageſi-  
mam. Summo autem diluculo, miſit comes noſter ad Raimundum dominum caſtri, &  
mandauit vt redderet ſicut & die præcedenti promiſerat caſtrum ſuum: ille autem aquæ  
abundantia reſectuſ, pro cuiuſ penuria red-

*Dei ope glo-  
riantur hæ-  
ratici, ad-  
uerſuſ quæ  
ſigna ſerūt.*

dere ſe voluerat, videns etiam robur exercitus  
recedere fere totum, à pacto quod fecerat in-  
conſtans & lubricus reſiliuit, duo tamen mili-  
tes qui in caſtro erant, quia die precedenti pro-  
miſerant firmiter Mareſchallo comitis noſtri  
quod ſe redderent, exeuntes à caſtro etiam co-  
miti reddiderūt. Cū rediſſet igitur mareſchal-  
lus ad comitem ipſum enim miſerat vt cum  
Raimundo loqueretur, & verba Rai nundi  
comiti retuliſſet, episcopus Carnotenſis qui in  
craftino volebat recedere, rogat & conſulit,  
vt mareſchallus ad Raimundum iterum remit-  
tatur, eique quemlibet offerat compoſitionis  
modum, dummodo reddat comiti caſtrum  
ſuum, & vt facilius reſpondendo poſſit perſua-  
dere quod quærit, conſulit episcopus Carno-  
tenſis, quod mareſchallus ducat ſecum episco-  
pum Carcaſſonenſem qui erat in exercitu, eò  
quod erat indigena & notus carnifici: inſuper  
mater eius quæ erat peſſima hæretica eſſet in  
caſtro: frater & ipſius episcopi nomine Gui-  
lhelmus de Rupeforti de quo ſupra fecimus  
mentionem. Iſte Guilelmus erat crudeliſſi-  
mus, vnusque de peioribus pro poſſe ſuo eccle-  
ſiæ inimicis. Venientes igitur dictus episcopus  
& mareſchallus iterum ad Raimundum, verbis  
preces, precibus minas addunt, inſtantiffime  
laborantes, vt tyrannus eorum conſiliis acqui-  
eſcens, ſecundum modum quem ſupra dixi-  
mus, reddat ſe comiti noſtro, imo Deo, ſed  
quia mareſchallus durum inuenerat, obſtina-  
tum in malicia ſua, episcopus Carcaſſonenſis

& mareſchallus, modo inueniunt durio-  
rem nolluit etiam ſuſtinere ſupradictus Raimun-  
dus, vt epiſcopus cum fratre Guilelmo ſecre-  
tius loqueretur nihil igitur proficientes epiſco-  
pus & mareſchallus ad comitem reuertuntur,  
necdum tamen plenè intelligebant noſtri, quod  
ſicut iam diximus diuina pietas hæc ordinabat,  
eccleſiæ ſuæ melius prouidendo. In caſtino  
ſummo diluculo reſeſſit epiſcopus Carnoten-  
ſis, comes exiit cum eo ab exercitu ipſum ali-  
quantulum proſecuturus. Cum autem paulu-  
lum longe eſſet ab exercitu, exeuntes aduerſa-  
rii multi & armati, vnum de noſtris volebant  
diſcindere mangonellis. Audiens autem comes  
clamorem exercitus, rediens cocitus venit ad  
illos qui machinam diſcindebant, eos in ca-  
ſtrum ſuum ſolus intrare compulit, vellent nol-  
lent, inſecutusque eos viriliter nō ſine proprio  
vitæ diſpendio diutius effugauit. O audacia  
principis. O virtus virilis, poſt diſceſſum igi-  
tur ſupradictorum nobiliū, epiſcoporum  
videlicet & comitum, videns comes noſter  
remanſiſſe ſe quaſi ſolum & pene penitus de-  
ſolatum, in multa anxietate & perturbatione  
poſitus, quid ageret nesciebat, nullo modo  
enim volebat ab obſidione recedere, nec ibi  
poterat amplius remanere, multos quippe &  
armatos habebat aduerſarios, adiutores pau-  
cos & ex parte maxima inimicos, ſicut enim  
prædiximus, totum robur exercitus reſeſſerat  
cum epiſcopis & comitibus ſupradictis. Erat  
præterea caſtrum Thermarum adhuc for-

tiſſimum, nec credebatur, quod niſi per multos & fortiſſimos capi poſſet, hyemps inſuper imminebat, quæ in locis illis æſperrima eſſe ſolet: in montanis quippe ſitum erat, ſicut iam diximus caſtrum Termarum, ideoque propter pluuiarum inundationem, vëtorum turbinem, niuium abundantiam ultra modum frigidus & quaſi inhabitabilis erat locus. Dum in hac tribulatione & anguſtia eſſet comes, & quod eligeret ignoraret, ecce quadam die ſuperuenerunt à Lotharingia pedites peregrini, de quorum aduentu exhilaratus comes, obſidionem firmavit contra Termas, & mediante induſtria venerabilis archidiaconi Guilelmi, reſumpſerunt vires noſtri, cœperuntque circa ea quæ ad obſidionem ſpectabãt ſtrenuè laborare: ſtatim machinas quæ antea parum profecerant, propius ad muros caſtri trãſferentes, laborabant in iſſis continue, murosque caſtri non modicum debilitabant, miroque modo incomprehenſibili dei iudicio, contigebat res mirabilis, quod machinæ dum ſæpediti nobiles erant in exercitu, parum aut nihil profecerant, poſt eorum diſceſſum ita recte iaciebãt, ac ſi à domino ſinguli lapides dirigerentur, & ſic, ſic erat: à domino quippe fiebat iſtud, eratque mirabile in oculis gentis noſtræ. Cum igitur noſtri diutius laboraſſent in machinis, murosque & turrim caſtri ex magna parte debilitaſſent, quadam die in feſto S. Cæcilie, fecit comes viam quamdam & . . . . \* cooperiri, per quam ſufflores ad murum accedere & ip-

ſum ſuffodere poſſent. Cum igitur comes in præparanda via illa tota die laboraſſet & ieiunaſſet, imminente nocte, in vigilia S. Clementis videlicet, ad ſuum rediit tentorium illi autẽ qui erant in caſtro, diuina diſponente clementia, & B. opitulante Clemente, verſi in terrorem & penitus deſperantes, ſtatim exeuntes de caſtro, fugam arripere attemptauerunt: quod illi de exercitu cognoſcentes, ſtatim clamore factò cœperunt diſcurrere vt comprehenderent fugientes. Quid amplius immoremur? Quidam capti ſunt viui, plures etiam interfecti. Peregrinus autem quidẽ Carnotenſis pauper & ignobilis, dum diſcurreret cum aliis, & fugientes ſequeretur hoſtes, diuino ordinante iudicio, Raimundum dominum caſtri, qui in quodam loco ſe abſconderat apprehendit, & apprehenſum noſtro comiti præſentauit: quod comes, quaſi amplum munus ſuſciciens, non quidẽ eum occidit, ſed in fundo turris Carcaſſonenſis retrudi fecit, vbi per plures annos, dignas pro meritis pœnas & miferias ſuſtinuit. Contigit autem quiddam in obſidione Termarum, quod prætermittere non debemus. Die quodã comes noſter, machinam quandam paruam, quæ lingua vulgari Catus dicitur, faciebat duci ad fodiendum caſtri murum. Dum igitur comes eſſet prope machinam illam & loqueretur cum quodam milite, brachiumque ſuum ſuper collum illius cauſa familiaritatis teneret, ecce lapis ingens iactatus à mangonello aduerſariorum, cum maximo impetu veniens ab alto, per-

cuffit in capite militem prænotatum, mira Dei operante virtute, comes qui militem illū quaſi amplexatus erat, illæſus permanſit, miles autem iſtum mortis ſuſcipiens expirauit. Alia etiam die dominica, erat comes in papilione ſuo, miſſamque audiebat. Contigit autem dei prouidentia clementia, dum ſtaret erectus comes & audiret miſſam, quod ſeruiens quidam deo diſponente, retro ipſum prope dorſum ipſius ſtaret, & ecce ſagitta per baliſtam ab aduerſario omiſſa ſeruientem illum percuffit & occidit, quod diuina pietate diſpoſitum, nullus debet ambigere, vt videlicet dum ſeruiens ille, ſtans retro comitem iſtum ſagittæ ſuſciperet, pius Deus eccleſiæ ſuæ ſanctæ, athletam ſuum ſtrenuiſſimū conſeruaret. Capto igitur caſtro Termarum, & à noſtris munito, in vigilia S. Clementis, comes noſter direxit aciem ad caſtrum quoddam quod dicitur Conſtantia, quod vacuum inueniens, venit ad aliud caſtrum quod viridepodium vocatur quod infra triduum ſibi redditum recepit. His itaque geſtis, propoſuit comes ire in albigenſem dioceſim, vt caſtra quæ à domino eius reſceſſerant, recuperaret venit ergo ad caſtrum quod Caſtra dicitur, & burgenſes reddiderunt ei caſtra, & ſubmiſerunt per omnia eius voluntati. Inde venit comes ad caſtrum de Lmbers de quo prius fecimus mentionem, inuenitque illud hominibus vacuum & victualibus plenum milites enim & burgenſes caſtri timore comitis omnes fugerant, eò quod in comitem prodicionem feciſſet



comes vero caſtrum illud muniuit ſtatim, & vſque in hodiernum diem in ſua habet poteſtate. Quid amplius inmoremur? omnia fere caſtra Albigenſis territorij citra Tarnum fluuium ſub eodem temporis ſpatio recuperauit nobilis comes Chriſti. Eodem tēpore venit comes Tholoſanus, ad caſtrum quoddam prope Albiam, cum comite noſtro colloquium habituro, iuit comes noſter ad illud colloquium, & hoſtes parati erant rapere eum, comes enim Tholoſe quosdam peſſimos traditores qui comitem noſtrum maniſeſtiſſime impugnabant adduxerat ſecum. Comes vero noſter dixit Comiti Tholoſano. Quid feciſtis, vos vocaſtis me ad colloquium, & vobiſcum meos traditores adduxiſtis. Reſpondit comes Tholoſæ, non adduxi. Cum hæc auდიſſet comes noſter, voluit eos rapere, comes autem Tholoſæ ſupplicauit ei & noluit ſuſtinere quod caperentur, ab illo igitur die cœpit comes Tholoſæ inimicitias quas aduerſus eccleſiam & comitem noſtrum conceperat aliquantulum exercere.

---

*Solemne colloquium Narbonæ inſtituitur ſuper negotijs Comitū Tholoſani & Fuxenſis, cui interſunt Rex Arragonenſis, ſedis apoſt. legati, Simo à monteforti, ſed ſine proſectu conuentus diſſoluitur.*

Cap. XLIII.

**N**On poſt multos dies, conuenerunt apud Narbonam Rex Arragonenſis, Comes

montisfortis, comes etiam Tholoſanus inter ſe colloquium habituri. Huic colloquio affuerūt Vtiſenſis epiſcopus & venerabilis abbas Ciftercii, qui præcipue poſt Deum Ieſu Chriſti negotium promouebat Iſte \* Vtiſenſis epiſcopus Raimundus nomine, à multis diebus ardeenter negotium fidei diligebat & quantum poterat promouebat, & illis diebus ſuper eodem negotio cum abbate Cifterciienſi legationis officio ſungebatur. Affuit & prædicto colloquio magiſter Theodiſius de quo ſuperius facta eſt mentio & multi alii viri ſapientes & boni. Tractatum fuit in prædicto colloquio de comite Tololæ & facta fuiſſet ei magna gratia & copioſa miſericordia, ſi idem comes tanis conſiliis acquieſcere voluiſſet: volebat ſiquidem abbas Ciftercii apoſt. ſedis legatus quod comes Tholoſanus, dummodo hæreticos de terra ſua expelleret, omnes dominicaturas & proprietates ſuas haberet integras & illæſas. Illa etiam iura quæ habebat in caſtris aliorum hæreticorum, quæ de feodo eius erant, quæ idem comes dicebat eſſe ad minus quinquaginta, volebat præſatus Legatus, vt quarta vel etiam tertia pars cederet in proprietatem comitis ſupradicti. Ipreuit ſupradictus comes illam magnam gratiam, Deo vtique in poſterum eccleſiæ ſuæ providente, & ita omni beneficio & gratia reddidit ſe indignum. Tractatum fuit præterea in prædicto colloquio de pace reformanda inter eccleſiam & ſuum immaniſſimum perſecutorem comitem videlicet Fuxenſem. Ordinatum etiam

\* Vtiſenſis

fuit ad preces regis Arragonum, quod ſi comes ille iuraret mandatum eccleſiæ ſe facturum, iuraret etiam quod cruce-ſignatos præcipue comitem montisfortis de cætero nullatenus impugnaret. Comes noſter redderet ei illud quod iam habebat de terra ipſius præter caſtrū quoddam quod Apamiæ nuncupatur: caſtrum ſiquidem illud nullo modo recuperare debebat, propter multas cauſas quæ inferius exprimuntur: ſed Deus æternus qui abſconditorum eſt cognitor, qui nouit omnia antequam fiant, nollens tot & tantas immaniſſimi hoſtis ſui crudelitates remanere impunitas, ſciensque quanta mala de hac compoſitione contingeret in futurum, alto ſuo & incomprehenſibili iudicio, indurauit cor comitis Fuxenſis, ita quod noluit recipere pacem iſtam, deo vtiq; eccleſiam ſuam miſericorditer viſitante, vt dum hoſtis pacem recipere recuſaret, futura deinde turbationis ſuæ ipſe iam confirmatiuam ſententiam in ſe daret. Nec prætereundum, quod rex Arragonum à quo comes Fuxi tenebat pro parte maxima terram ſuam, in caſtro Fuxi poſuit cuſtodes milites ſuos, & coram epiſcopo Vticenſi & abbate Cifterciienſi promiſit, quod per tegram illam nullum malum inferretur Chriſtianitati. Iurauit etiam idem Rex, coram dictis legatis, quod ſi comes Fuxi vnquam à communione S. eccleſiæ vellet recedere, & à familiaritate & amicitia & ſeruitio comitis montisfortis, rex ipſe ad primam ſæpedictorum legatorum vel comitis noſtri requiſitionem, in manus ipſius

comitis noſtri traderet caſtrum Fuxi. ſuper hoc dedit rex comiti noſtro litteras ſuas patentes, conuentionem iſtam plenius continentes: & ego qui litteras vidi, tenui & diligenter inſpexi, teſtimonium perhibeo veritati. Sed quia male poſtea rex ſeruauit quod promiſit, & quantum exinde noſtris reddiderit ſe infameh, luce clariuſ innotefcit.

*De malicia & tyrannide comitis Fuxi  
erga eccleſiam. Cap. XLIII.*

*Comitis Fuxi  
xenſis neſci  
da & impia  
facinora.*

**Q**uia vero locus poſcit, quia opportunitas ſe ingreſſit, hic de crudeli malignitate, & maligna crudelitate comitis Fuxi, quamuis partem centeſimam non poſſemus exprimere, aliquid breuiter perſtringamus. Primo ſciendum, quod hæreticos & hæreticorum fautores, in terra ſua tenuit, ſouit quantum potuit & promouit. In caſtro præterea Apamiarum, quod erat proprium abbatis & canonicorum B. Antonini, tenebat vxorem ſuam & duas ſorores hæreticas cum aliorum hæreticorum multitudine copioſa, qui in caſtro illo, inuitis prædictis canonicis & quantum poterant renitentiſſimis, publice & priuatim venenum ſuæ nequitie ſemittantes, corda ſimplicium ſeducebant. Iſſis etiam ſororibus & vxori in proprio alodio canonicorum ædificari domum fecerat dictus comes, caſtrum vero Apamiarum, canonicorum erat ſicut diximus, ſed comes ille tenebat illud ab abbate in vita ſua, & iurauerat

abbati ſuper ſanctam euchariftiam ; quod nullam abbati vel caſtro moleſtiam inferret: monaſterium ſiquidem canonicorum, ſitum eſt extra caſtrum ad dimidium miliarium. Quodã præterea tempore , milites duo conſanguinei & familiares dicti comitis qui erant hæretici peſſimi & maniſeſti, ad quorum conſilia comes ille omnia faciebat , matrem ſuam hæreſiarcham maximam, quæ erat amica \* comi-  
tis ſæpediti in caſtrū Apamiarū adduxerūt, vt *\* forte ami-  
tati* ibi reſidēs, virus diſſiminaret hæreticæ ſuperſtitionis, quod vidētes abbas & canonici memorati, & tantā Chriſti & eccleſiæ iniuriā ferre nō valētes hæreſiarcham à caſtro illo eiccerunt, quod audiens dictus proditor, comes videlicet fuxi, in iram verſus eſt & furōrem. Alter vero duorum illorum hæreticorum militum, qui erant filij dictæ hæreſiarchæ, veniens Apamias, in odium canonicorum, vnum de canonicis qui erat ſacerdos, diuina celebrantem ſuper altare cuiuſdam eccleſiæ præpe Apamias, carnifex crudeliſſimus, membratim diuiſit, & vſque in hodiernum diem, manet ipſum altare illius occiſi ſanguine rubricatum. Nec ſic quieuit furor carnificis, ſed vnum de fratribus monaſterii Apamiarum apprehendens, oculos illi eruit in odium religionis Chriſtianæ & canonicorum cōtemptum. ipſe etiam comes Fuxi nō multo poſt monaſterium ſupradictum, habens ſecum raptarios, mimos & meretrices vocanſque abbatem monaſterii, cui ſicut prædiximus ſuper corpus dominicum iurauerat, quod nullam inferret

moleſtiam, dixit ei vt omnes traderet & ſine mora claues monaſterii, quod abbas facere noluit. Verum tamen timens abbas ne Tyrannus ille eaſdem claues auferret per violentiam, intrauit & claues ſæpeditas poſuit ſuper corpus S. Antonini martyris, quod erat ſuper altare, cum multis aliis ſanctorum reliquiis, in cuius etiam Sancti honore, eccleſia illa erat fundata. Prædictus autem comes ſecutus abbatem, non deferens eccleſiæ, Sanctorum reliquias non attendens, deſuper corpus Sanctiſſimi martyris, ſacrorum impudentiſſimus violator, claues rapuit prænotatas. Quid amplius? abbatem & canonicos omnes in eadem concluſit eccleſia, obſeruatiſque ianuis, ibi eos tenuit per tres dies, ita quod per illud triduum non comederent, nec biberent, nec etiam ad quæſita naturæ egredi poterant. Tyrannus autem interim omnem ſubſtantiam monaſterii diripiens, in ipſo infirmitorio canonicorum in contemptum religionis, cum ſuis meretricibus dormiebat. Poſt triduum autem abbatem & canonicos de eccleſia à monaſterio fere nudos expulit, inſuper per totum caſtrum Apamiarum, quod erat proprium canonicorum ſicut dictum eſt, fecit preconis voce clamari, vt nullus auſus eſſet hoſpitiſ recipere aliquem de canonicis vel abbatem: facta eſt autem proclamatio huiusmodi, ſub pœna grauiffimæ ultionis. O nouum inhumanitatis genus, cum enim eccleſia, incarcerationis ſolet eſſe refugium & damnatis, iſte peruerſiſſimæ actor in ipſa eccleſia incarcerationis innocen-

res. ſapeditus etiam tyrannus ſtatim ipſam eccleſiam B. Antonini ex magna parte diruit, dormitorium & reſectorium canonicorum eorum, ſicut vitu probauimus deſtruxit, & inde munitionem in Caſtro Apamiarum fieri fecit. ad maiorum huius traditoris exaggerationem, rem quandam relatu dignam huic operi duximus inferendam.

---

*Comes Fuxenſis irreuerentur ſe gerit erga reliquias  
D. Antonini martyris, qua ſolemni  
proceſſione geſtabantur.*

Cap. XLV.

**E**Rat quedam eccleſia in ſupercilio montis cuiuſdam prope dictum monaſteriũ, quod cum ſemel ſicut conſuetũ habent in anno viſitarent canonici, & cum proceſſione veneranda, corpus ſui patroni venerabilis Antonini honorifice deportarent, prædictum comitem forte fortuitu equitantem contigit pertranſire, qui nec Deo, nec Sancto martyri, nec religioſæ proceſſioni deferens, ſaltem ſignis extrinſecis humiliari non potuit, nec de equo cui inſidebat curauit deſcendere, ſed exerto ſuperbiæ collo, & elatione ceruiçoſa, quæ ſibi plurima erat domeſtica pompaticæ præteruit. Quod videns quidam vir venerabilis, abbas videlicet de monte S. Mariæ Cisterciën. ordinis qui vnus de duodecim longe prædictis prædicatoribus ad prædicandum venerat, & tunc temporis proceſſioni illi intererat, exclamauit poſt ipſum,

*Abbas de  
mōte, nō va-  
nus vates.*

Comes tu non deſers domino tuo ſancto martyri, ſcias quod in villa in qua ex parte ſancti dominium habes modo, priuaberis ipſo dominio, itaut ſancto faciente, te viuente ſentias exhæredatum: cuius boni viri dicta, fides ſequitur, ſicut rei exitu maniſeſtiffime declaratur. crudelitates iſtas comitis Fuxi & illas quæ ſecuntur, audiui ab ore abbatis ipſius monaſterij Apamiarum viri fide digni, viri multæ religionis, viri perſpicuæ bonitatis.

---

*Sacrilegia aliaque facinora à Comite  
Fuxenſi per vim patrata.*

CAP. LXVI.

**Q**Uodam tempore ſæpeditus comes iuit cum multitudine ruptariorum ad quoddam monaſterium quod dicebatur S. Maria in terra comitis Vrgellensis, in quo erat ſedes episcopalis, canonici autem eccleſiæ illius, timentes à facie dicti comitis, receperunt ſe in eccleſia, vbi tandiu fuerunt ab eo oppreſſi, quod præſitis anguſtia urinas ſuas bibere ſunt compulſi, quibus tandem ſe reddentibus, intrans eccleſiam hoſtis eccleſiæ crudeliſſimus, omni abſtracta ſupelleſtili, crucibus & vasis ſacris fractis inſuper campanis, in ea præter parietes nihil dimiſit: præterea eccleſiam illam, quinquaginta milibus ſolidorum redimi fecit. Quo factò dixit ei quidam peſſimus miles ſuus. Ecce inquit deſtruximus S. Antoninum & S. Mariam, nihil adhuc nobis reſtat, niſi vt deſtruamus Deum. Alio



etiā tempore, vt idem comes & ſui ruptani  
prædictam ſpoliarent eccleſiam, ad tantam cru-  
delitatis dementiam deueniunt, quod ipſis  
imaginibus Crucifixi crura & brachia abſcindē-  
tes, inde piperem & herbas ad ciborum condi-  
mentum terebant in contemptum dominicæ  
paſſionis. O crudeliſſimi carniſices, ô peſſimi  
deriſores, ô crudeliores ipſis Chriſti crucifixo-  
ribus. O conſpuentibus ſæuiores. Cum vidilſēt  
miniſtri Herodis leſum mortuum, ait euange-  
liſta, nō fregerūt eius crura. O nouū immanitatis  
artificium. O inandixæ crudelitatis indicium. O  
hominē, comitem Fuxenſem dico, miſerrimū  
miſerorum. O beſtia omni fera crudeliorem, in  
ipſa etiā eccleſia equos ſuos collocantes rup-  
tarii, duci ipſos ſuper ſacroſancta altaria come-  
dere faciebant. Quadā die dictus tyrannus, cum  
multitudine magna armatorum, erat in quadā  
eccleſia, ſtatim armiger quidam ipſius comitis  
capiti imaginis crucifixi impoſuit galeam, &  
ipſam imaginem armavit ſcutō & calcaribus:  
moxque idem armiger lanceam arripiens, ima-  
ginem crebris ictibus impetebat, & dicebat ei  
vt ſe redimeret. O peruerſitas inexperta. Alio  
tempore dictus comes vocauit ad colloquium  
epiſcopos Tholoſanum videlicet & Conſora-  
tēſem & assignauit eis diem & locū: die autem  
illa qua illi epiſcopi perrexiūt ad colloquium,  
ſæpèdictus comes impugnavit totā die quoddā  
caſtrum proprium abbatis & canonicorum S.  
Antonini Apamienſis. O nequam & peruerſa  
traditio. Fecit, & aliud tyrannus memoratus

quod non credimus prætermittendum. Inierat  
fœdus cū comite montisfortis, ſicut longe ſu-  
perius diximus, filiumque ſuum ei tradiderat in  
obſidem factæ compoſitionis: venerabilis autem  
abbas Apamiarum, caſtrum ſuum iam tradide-  
rat comiti montisfortis. Venit igitur quodam  
die comes Fuxi cum ruptariis ſuis prope Apa-  
mias, ponensque ruptarios ſuos in inſidiis ac-  
ceſſit ad caſtrum, & mandauit burgenſibus vt  
exirent ad ipſum, cum eo colloquium habituri,  
promiſitque eis firmiſſime ſub iureiurando,  
quod ſecure exire poterant, quia non faceret  
eis malum: ſed ſtatim vt burgenſes egreſſi ſunt  
adeum, vocauit ſecreto ruptarios ſuos qui in  
inſidiis latitabant, qui venientes antequam  
burgenſes poſſent intrare caſtrum, multos ex eis  
cœperunt, & captos ſecum duxerunt. O ne-  
quam prodition. Dicebat etiam comes læpè  
memoratus, quod ſi omnes cruceſignatos con-  
tra hæreticos & cruce ſignandos, omnes etiam  
qui pro fidei negotio laborant, vniuerſos in-  
ſuper quibus hoc negotium placebat, manu  
ſua interfeciſſet, arbitraretur ſe obſequiū præ-  
ſtaſſe deo. Illud quoque ſciendum, quod ſæpe  
memoratus comes iurauit coram legatis domi-  
ni Papæ, quod de terra expelleret hæreticos,  
quod tamen nulla voluit facere ratione. Multa  
quidem & alia mala commiſit crudelliſſimus  
canis iſte in eccleſiam & in Deum, quod ſi vel-  
lemus per ordinem enarrare, nec nos poſſemus  
ſufficere, nec etiam qui dictis noſtris fidem de  
facili adhiberet: excedit quippe malicia modū.

Depredatus eſt monaſteria, eccleſias diſſipauit, omnique crudeli crudelior, Chriſtianorum cædes anhelans, in ſiti ſanguinis ſemper manſit. Diffitebatur hominem, imitabatur ſæuitiam beluinam, factus fera & non homo. His de eius malicia breuiter perſtriſtis, ad id quod dimiſimus reuertamur.

---

*Comes Monfortius regi Aragonum hominiſ  
iura perſoluit, pro ciuitate Carcaſſo-  
nenſi debita. Cap. XLVII.*

**I**N ſupradicto colloquio Narbonenſi, ſuppli-  
cauerunt Vticenſis epiſcopus & abbas Cister-  
ci regi Aragonum, vt reciperet in hominem  
comitem montisfortis, ciuitas enim Carcaſſo-  
næ erat de feodo regis Arragonenſis, quod cum  
ille facere nolluiſſet, in craſtino iterũ acceſſe-  
runt ad regem viri ſepediſti, prociderunt ad  
pedes eius, humiliter & inſtantiffime depre-  
cantes, vt hominũ comitis recipere dignare-  
tur: ipſe autem comes flexis ante regẽ genibus,  
ſuum hominiũ humiliter Offerebat. Tandem  
rex victus precibus acquieuit, & recepit comi-  
tem in hominem de ciuitate Carcaſſonæ, vt il-  
lam comes ciuitatem teneret à rege. Quibus  
geſtis rex & comes noſter, & comes Tholoſæ &  
Vticenſes epiſcopus exeuntes à Narbona, per-  
rexerunt uſque ad montempeſſulanum. Dum  
adhuc eſſent prænominati nobiles & prælati in  
monte peſſulano, tentatum eſt de contrahendo  
matrimonio inter primogenitum regis & filiam

comitis montisfortis. Quid plura? firmabatur ab vtraque parte matrimonium præſatum, videlicet à rege & comite noſtro, hinc & inde præſtito iuramento. Inſuper rex tradidit Comiti, præſatum primogenitum ſuum cuſtodien- dum: verumtamen rex qui comiti filium ſuum tradiderat, non multo poſt, dedit ſororẽ ſuam filio comitis Tholoſani in vxorem, vnde non modicum, nec immeritò, apud nos infamen ſe reddidit & ſuſpectum, iam enim quando ma- trimonium illud factum eſt, comes Tholoſæ perſequabatur manifeſte eccleſiam ſãctam Dei. Nec ſilendum, quod cum eſſent præſati viri in monte Peſſulano, & multi etiam epiſcopi & eccleſiarum prælati, tractatum fuit iterum de facto comitis Tholoſani. Voluerunt legati, epiſcopus videlicet Vticenſis & abbas Ciſterci- enſis, maximam gratiam & miſericordiam fa- cere dicto comiti ſicut ſuperius eſt expreſſum, ſed idem comes cum promiſiſſet impleturum ſe in craſtino, quidquid dicti legati mandaſſent, ſumo mane in craſtino reſceſſit à monte peſſu- lano iſtis legatis inſalutatis, viderat enim quandam auem quã indigenæ vocant auem S. Martini ad ſiniſtram volantem, & perterritus fuit valde ipſe enim more Saracenorum, in vo- latu & cantu auium & cæteris auguriis ſpem habebat.

---

*Episcopus Pariſienſis aliiſque nobiles veniunt  
in exercitum Monfortii comitis.*

Cap. XLVIII.

**A**N. verbiincar. 1210. circa mediam quadageſimam, venerunt de Francia cruceſignati nobiles & potentes; episcopus videlicet Parisienſis, Ingerrannus de Cociaco, \* Robertus de Tornaco, Iuellus de meduana & plures alii, hi nobiles viri, in Chriſti negotio ſe nobiliter habuerūt. Cū veniſſent autē Carcaſſonā, communicato cōſilio, omnes dicti peregrini in hoc cōſenſerunt, vt ad obſidēdum tēderent Cabaretum. Quia autem milites de Carcaſſonenſi dioceceſi, iam dudum timore noſtrorum, dimiſerant caſtra ſua, & fugerant Cabaretū, inter quos erant duo fratres ſecundum carnem, quorum vnus vocabatur Petrus miro, alter Petrus de S. Michaelē, iſti cōperunt Brichardum de Narliaco ſicut ſupra tetigimus. Exierant autē illi duo milites à Cabareto, & plures alii cum eis, & venerant ad Comitē noſtrum, & reddiderunt ſe illi, itaque comes illis dederat terras. Videns autem dominus Cabareti Petrus Rogerii, quod vellent comes & peregrini obſidere Cabaretū, conſiderās quod valde debilitatus eſſet, eo quod reſceſſiſſent ab eo milites ſupradicti, timore ductus, compoſuit cum comite noſtro & baronibus in hunc modum. Caſtrum Cabareti tradidit, inſuper præſatum Brichardum reddidit. Comes dedit ei terrā aliam competentem, reddito Cabareto, mox ad obſidendum caſtrum quod Vaurum dicitur, comes & barones acies direxerunt.

\* de Coucy.

**E**Rat autem caſtrum illud nobiliſſimum & ampliffimum, ſitum ſuper Agotum fluuium, diſtans quinque leucis à Tholoſa. Erat in caſtro illo Aymericuſ traditor ille, qui fuerat dominuſ montis regaliſ, & multi alii militeſ inimici cruciſ uſque ad octoginta, qui caſtrum intranerant & munierant contra noſtroſ. Domina ſiquidem caſtri vidua nomine Giralda, peſſima heretica & ſoror dicti Aymerici. Venienteſ igitur noſtri ad caſtrum, ex vna tantum parte illud obſederunt, non enim ſufficiebat exercituſ noſter, ad caſtrum ſepediſtum vndique obſidendam. Erectiſ igitur poſt aliquot dieſ machiniſ, coeperunt noſtri, ſicut moſ eſt, caſtrum impugnare, aduerſarii quantum poterant defendere, erat ſiquidem in caſtro infinita hominum multitudo, & armiſ optime munita, ita fere plureſ erant deſenſoreſ quam eſſent impugnatores. Nec prætereundum quod quando noſtri primo venerunt ante caſtrum, exierunt aduerſarii de caſtro, militemque vnum de noſtriſ coeperunt, & introductum ſtatim occiderunt. Quamuiſ autem noſtri ex vna parte obſediſſent, diuiſi tamē erāt in duoſ exercituſ, & ita diſpoſiti quod ſi neceſſitaſ ingrueret, exercituſ exercituſ nō poſſet ſine diſcrimine ſubuenire. Sed non multo poſt ſuperuenerunt à Francia nobileſ multi epiſcopuſ videlicet Lexouienſiſ, & epiſcopuſ Linocenſiſ\* comes etiam Antiſiodorenſiſ & multi alii peregrini: obſederunt igitur caſtrum ex alia parte, inſuper etiam factuſ ponte de ligno ſuper Agotum fluuium, tranſeunteſ noſtri aquam

*Forte legē-  
dum Linco-  
nenſiſ vel  
Lingonenſiſ.*

caſtrum vndique circumdederunt. Comes autē Tholoſæ eccleſiam Dei & comitem quantum poterat perſequēbatur, non tamen in mani- feſto, adhuc enim veniebant victualia exercitui noſtro à Tholoſa. Rebus ita ſe habentibus, venit comes Tholoſæ ad exercitum. Comes autem Antiochodorenſis & Robertus de Tornaco qui erant cognati eius germani, cœperunt monere comitem Tholoſæ vt rediens ad cor mandatis eccleſiæ obediret: ſed cum nihil profeciſſent, comes cum rancore & indignatione, reſciſſit à comite montisfortis: homines etiam Tholoſæ qui erāt in obſidione Vauri, reſceſſerunt ab exer- citu. Inhibuit etiam comes Tholoſæ ciuibz Tholoſanis, ne vltius deferrent victualia apud Vaurum. hic narrandum eſt quoddam ſcelus comitum Tholoſæ & Fuxi nequiſſimum: proditione inaudita.

---

*Peregrini multi proditorie à comite Fuxenſi,  
inſtigante Tholoſano interficiuntur.*

C A P. L.

**D**Vm fieret colloquium ſicut diximus pro- pe Vaurum, de pace inter comitē Tholo- ſæ & ſanctam eccleſiam reformanda, veniebat multitudo peregrinorū de Carcaſſona ad exer- citum: illi autem doli miniſtri, traditionis ar- tifices, comes videlicet Fuxenſis, Rogerus ber- nardi filius eius & Geraldus de pepios & multi de hominibus comitis Tholoſæ, poſuerunt ſe in inſidiis cum infinitis Ruptariis in quodam caſtro

quod vocatur Mōs. Gandii prope Podium Laurentii, quo cum peregrini deuenirent, illi insurrexerūt in eos, & quia inermes erāt & proditiōis ignari, ex ipsis innumerabiles occiderūt, omnēque occisorum pecuniam, Tholosani deportantes, ibi inter se diuiserunt. O beata occisorum agmina. O pretiosa in conspectu Dei mors sanctorum, nec silendum est, quod dum carnifices prædicti peregrinos occiderent memoratos, sacerdos quidam peregrinus confugit ad quandam ecclesiam quæ prope erat, vt pro ecclesia moriens in ecclesia moreretur. Traditor autem ille pessimus Rogerus Bernardi, filius comitis Fuxi, à patris sui non degenerans prauitate, sacerdotem secutus est memoratum, ingrediens autem audacter ecclesiam, ipsumque aggrediens, qualis homo esset inquisiuit, peregrinus inquit sum sacerdos, ad quem carnifex ostende mihi inquit quod sis sacerdos, at ille amoto caputio à capite (erat capa indutus) ostendit ei caracterem clericalem, crudelissimus autem ille loco sancto non deferens vel personæ, eleuata ascia acutissima quam tenebat, sacerdotemque per medium caracterem invalidissime percutiens, ministrum ecclesiæ in ecclesia interfecit. Iam ad id quod dimissimus redeamus. Non credimus autem prætermittendum quod comes Tholosanus, immanis Christi hostis & crudelissimus persecutor, in castro Vauti in quo erat fons & origo totius hæreseos, quianō erat comitis Tholoxæ, imo à multis annis expugnauerat Tholosanos ob solum Christianæ religionis odium,



quemdam Senefchallum ſuum latenter miſerat in caſtrum Vauri, plureſque milites vt caſtrum defenderent contra noſtros, quos capto caſtro comes noſter ibi reperit, & diu tenuit vinculatos. O nouum proditionis genus, intus milites ſuos ad caſtri deſenſionem poſuerat, foris quaſi præbens auxilium à Tholoſa deferri victualia permittebat. Sicut enim ſupra diximus in initio obſidionis Vauri, deferebantur ad exercitum victualia ſed modica à Tholoſa, ſed licet veniret victualia à Tholoſa, comes tamē Tolofę diſtrictè inhibebat ne machinæ afferrentur. Ciues etiam Tholoſani circa quinque millia à monitione venerabilis epiſcopi ſui Fulconis in auxiliū noſtrorum, ad obſidionem venerant ſæpeditam. Ipſe etiam epiſcopus pro fide catholica exulans, ibi aduenit: modum autem egreſſionis eius à Tholoſa, non duximus ſuperfluum enarrare.

---

*Fulco epiſcopus Tholoſanus epiſcopatu pulſus, magnæ animi conſtantia exulat, paratus etiam cervicem gladio pro Chriſti nomine præbere.*

### Cap. LI.

**E**Rat quodam die epiſcopus apud Tholoſam, Sabatho videlicet poſt mediam quadrageſimam, & ſicut mos eſt in epiſcopalibus eccleſiis, volebat die illâ ordines celebrare: verumtamen comes Tholoſæ tunc erat in ciuitate, qui pro exceſſu multiplici, ab apoſtolicæ ſedis legatis nominatim erat excommunicatus: itaque in aliqua villa in qua erat, non poterat quis diuina

mifteria celebrare, miſit igitur ad comitem epiſcopus humiliter rogans & monens, vt ipſe cauſa ludendi exiens à ciuitate, iret ſpatiatum, donec ſolummodo epiſcopus ordines celebraret, Tyrannus autem in furorem conuerſus, miſit ad epiſcopum militem vnum, mandans & ſub periculo capitis diſtricte præcipiens, vt de ciuitate Tholoſa & de tota terra comitis citius egrederetur. Vir autem venerabilis hæc audiens, in feruore ſpiritus, mente intrepida, clariffimo vultu, tale fertur militi dediffe reſponſum. Comes, inquit, Tholoſanus, non me fecit epiſcopum, nec per ipſum hic ordinatus ſum, vel pro ipſo: eccleſiaſtica me elegit humilitas, non intruſit violentia principalis, non ex eo propter eum, veniat ſi audet, paratus ſum excipere gladium, vt pertingam ad maiestatem per calicem paſſionis: veniat tyrannus ſtipatus militibus & armatus, ſolum me reperiet & inermen, attendo brauium, non timebo quid faciat mihi homo. O conſtantia animi. O mirificū robur mentis. Manens igitur intrepidus ille Dei famulus, de die in diem expectabat tyranni gladium, ſed cum ille non auderet eum interficere, vt pote qui eccleſiæ dei iam pridem mala intulerat tot & tanta, timebatque vt vulgo dicitur pelli ſuæ. Poſtquam epiſcopus quadraginta dies in illa mortis expectatione peregerat, de ciuitate egredi propoſuit Tholoſana: die igitur quodam in octauis reſurrectionis dominicæ, egrediens epiſcopus de ciuitate, ad comitem noſtrū qui erat in obſidione Vauri deuenit. Noſtri

autem in expugnatione castrī continue laborabant, aduersarii vero vt pote superbissimi, se instantissime defendebant, nec silendum est, quod sedentes in equis ferro coopertis, super muros discurrebant in derisum nostrorum, vt sic videlicet ostenderent muros amplissimos & fortissimos se habere.

\* *Vaurum à catholicis expugnatur, ibique multi nobiles viri suspendio necantur, alij flammis traduntur. Cap LII.*

\* *L'auaur.*

**Q**UODAM præterea die, erexerūt nostri prope muros castrī castella quædā de lignis, in cuius summitate Christi milites posuerāt signū. Aduersarii vero ad crucis vexillum instantius cum machinis iacentes, inde supradictæ crucis brachium confregerunt: statim canes impudentissimi, tantum emiserunt vlulatum pariter & cachinum, ac si de confractiōe crucis maximā victoriam reportarent: sed dedicator crucis, iniuriam istam miraculose & manifestissime vindicauit. Contigit autem non multo post res mirabilis & mirifice extollenda, quod crucis inimici, qui de crucis confractiōe exultauerant, cruce suas iniurias vindicāte, in festo crucis capiti fuerunt, sicut inferius ostendemus. Dum res ita ageretur, fecerunt nostri fieri machinam quæ vulgò catus vocatur, quæ cum parata esset, traxerunt eam vsque ad fossatum castrī. Post hæc attulerunt nostri in magno conamine ligna & ramos, facientesque fasciculos de ipsis lignis & ra-

*Crucis confractores, die festo S. crucis capiti! & morte multati.*

mis,proijciebant in foſſatum vt implerent illud ;  
aduerſarij vero vt pote aſtutiſſimi,fecerunt viam  
quamdam ſubterraneam pertingentem vſque  
prope machinam noſtram, exeuntesque de no-  
cte per viam illam, ligna & ramos quos noſtri in  
foſſatum proiecerant extrahebant,& deferebant  
in caſtrum. Quidam inſuper de aduerſarijs,ac-  
cedētes prope ſapedictā machinā, illos qui ſub  
protectione machinæ foſſatum implere non ceſ-  
ſabant, vncinis ferreis latenter & fraudulenter  
ad ſe trahere nitebātur. Quadam præterea nocte  
exeuntes aduerſarii à caſtro per viam ſubterra-  
neam, intrauerunt in foſſatum, iacentesque in-  
ſtantiſſime iaculos ignitos, ignem, ſtupam, a-  
dipem,& cætera ignis nutritiua, voluerunt com-  
burere machinam ſupradictam. Duo autem co-  
mites Alemanni, cuſtodiebant ipſa nocte vigilias  
circa machinā, ſtatim clamor attollitur in exer-  
citu, curritur ad arma, machinæque ſuccurritur  
dicti vero comites Alemanni,& qui cum eis erant  
Teutonici, videntes quod non poſſent pertinge-  
re ad hoſtes qui erant in foſſato, cum probitate  
magna & ſub magno diſcrimine proiecerūt ſe in  
foſſatū hoſtesque ſuos viriliter aggredientes, re-  
trulerunt eos in caſtrū, prius aliquibus ex eis in-  
terfectis & pluribus vulneratis. Interea cœperūt  
noſtri multum turbari, & de captione caſtri  
quodammodo deſperare, eo ſcilicet quod quid-  
quid de die in foſſato proijcere poſſent, aduerſa-  
rii de nocte extraherent, & in caſtrum deferrēt;  
ſed dum noſtri ita turbarentur, quidam ex eis  
ſubtilius excogitantes, aduerſus hoſtium inſidi-

as vtile remedium inuenerunt, fecerunt ſiquidē ante egreſſum viæ ſubterraneæ, per quam hoſtes egredi conſueuerant proijci ligna viridia & ramos, poſthæc appoſuerunt minuta ligna etiam ſicca, igem etiam & adipem & ſtupā & cætera ignis incentiua in ipſo viæ ſubterraneæ... iterumque deſuper proiecerunt ligna & ſegetes virides & herbam multam, ſtatim ſumus ex igne egrediens, ita impleuit totam viam ſubterraneam, quod aduerſarij vltorius non potuerunt egredi per viam illam præ fumo, ſumus etenim qui non poterat in altum prorumpere, propter ligna & ſegetes virides ſuperpoſitas, totam ſicut diximus viam ſæpeditam implebat, quod videntes noſtri ſolito liberius impleuerunt ſoſſatum. Quo impleto milites noſtri & ſeruientes armati, dictam machinam per multos agones ad murum verſus trahentes ſuffoſores muro appoſuerunt. Illi autem de caſtro, ligna ignem adipem, ſudes etiam acutiſſimos & maximos deſuper machinam proijcere non ceſſabant, ſed noſtris viriliter ac miraculoſe machinam defendentibus ſepeditam, nec machinam incendere nec ſoſſores à muro depellere potuerunt. Dum autem noſtri in expugnatione iſta iſtantiſſime laborarent, epiſcopi qui aderant & quidam venerabilis abbas curiæ Dei Ciſterciens. ordinis, qui de mandato legatorum, ipſorum vices in exercitu tunc agebat, vniuerſusque clerus congregati in vnum cum deuotione maxima *Veni Creator ſpiritus decantabant* quod videntes & audientes aduerſarij, ita Deo diſponente ſtupefacti ſunt,

& vires reſiſtendi pene penitus amiſerunt, quia ſicut poſtea confeſſi ſunt, plus timebant eos cantantes quam pugnantes, pſallentes quam inſilientes, orantes quam inſeſtantes. Muro igitur perforato, iam noſtris inſtrantibus, & aduerſariis cum iam non poſſent reſiſtere ſe reddentibus, volente Deo & noſtros miſericorditer viſitante, in feſto inuentionis S. Crucis, captum eſt caſtrū Vauri. Mox eductus eſt de caſtro Aimericus de quo ſupra tetigimus, qui fuerat dominus montis regalis & alii milites vſque ad octoginta, nobilis autē Comes propoſuit, quod omnes patibulo ſuſpēderētur, ſed cum Aimericus qui erat maior inter illos, ſuſpenſus fuiſſet, cadentibus furcis, quæ præ nimia feſtinatione bene non fuerant terræ affixæ, videns comes quod mora magna fieret, alios occidi præcipit, quos peregrini avidiſſime ſuſcipientes occiderunt citius in eodem loco. Dominam etiam caſtri quæ erat . . . . Aimerici & hæretica peſſima, in puteum proiectam, comes lapidibus obrui fecit innumera- biles etiam hæreticos, peregrini noſtri cum ingenti gaudio combuſſerunt.

---

*Rogeriꝝ de Comenge Comiti Monfortio ſe adiungit,  
ſed poſtea, quam dederat fidem fallit.*

#### CAP. LIII.

**S**Ciendum eſt autem, quod cum comes noſter eſſet in obſidione Vauri, quidam nobilis de Vaſconia nomine Rogeriꝝ de Comenge conſanguineus comitis Fuxi, venit ad eum vt ſe red-

deret ei: dum autem eſſet ante comitem in die paſſeues, vt faceret ei hominium, comes illa hora cœpit caſu ſternutare, audiens autem dictus Rogerius quod comes vnicum ſternitum emiſſiſſet, vocauit illos qui ſecum erant in partem, conſulens eos, & nolebat illa hora facere quod comiti propoſuerat, in terra enim obſeruant auguria ſtultiſſimi homines terriæ illius, qui firmiſſime credunt, quod ſi vnum ſternitum emiſſerint ipſe vel . . . . habens aliquid agere, nō poſſit ad bonum eis contingere illa die: veruntamen videns ille Rogerius, quod noſtri illum ſuper hoc deriderent, timensque ne comes notaret illum de ſuperſtitione peruerſa, quamuis inuitus fecit ei hominium & recepit ab eo terram ſuam, manſitque in eius ſeruitio diebus multis ſed poſtea à fidelitate quam ei fecerat, miſer & miſerabilis reſiliuit. Non credimus autem prætermittendum miraculum quoddam quod apud Vaurum relatione veridica cognouimus accidiſſe, cuiuſdam militis cruce ſignati capa, neſcio quo infortunio comburebatur contigit autem miraculoſo Dei iudicio, quod conbuſta tota capa, ſola illa particula in qua crux aſſuta erat, remanſit integra & penitus inconbuſta. Audiens autem dominus Podii Laurentii Sicardus, qui quondam fuerat cum comite noſtro, ſed ab eo receſſerat quando captum eſt Vaurum. timore ductus, dimittēs caſtrum Podii Laurentii, Tholoſam cum ſuis militibus properauit. Erat autem Podium Laurentii, quoddam nobile caſtrum, tribus leugis diſtans à Vauro in dioceſi Tholoſana, quod

*Cruce veſti  
aſſuta ma-  
net illæſa,  
veſte ipſa  
cremata.*

cum recuperallet comes noſter, dedit illud Guidoni de Lucio viro nobili & fideli, qui ſtatim illud intrauit & muniuit. Interea episcopus Pariſienſis & Ingelranus de corti, & Robertus de Tornaco, & Iuellus de Meduana recedentibus capto Vauro, ad propria remearūt. Capto caſtro Vauri, cum veniſſent noſtri in caſtrum, homines comitis Tholoſani attendentes etiā quod ipſe comes ceſſiſſet cum rancore à comite noſtro: præterea inhibuerat ne deferrētur ad exercitum machinæ & victualia à Tholoſa, inſuper & præcipue quod idē comes per legatos D. Papæ, pro multis exceſſibus excommunicatus erat & expoſitus, hiſ; inquā omnibus diligenter inſpectis propoſuit vt comitem illum, quaſi iam aperte dānātū, maniſteſtius impugnaret. Comes igitur noſter mouens caſtra, cœpit tendere ad quoddam caſtrum quod dicitur Mons Gandij, vbi à comite Fuxi peregrini fuerant interfecti. Factum eſt autem, dum exercitus tenderet ad caſtrum illud, & dum adhuc aliquantulum longe eſſet, apparuit in loco illo, vbi occiſi fuerant peregrini à comite Fuxi, columna ignis videntibus noſtris, lucens & descendens ſuper corpora occiſorum. Venientes autem noſtri ad locum, viderunt omnes occiſos iacere reſupinos, brachijs in modū crucis extenſis. O res mira. Iſtud audiui miraculum ab ore venerabilis episcopi Tholoſani Fulconis qui præſens erat: apud prædictum ergo caſtrum comes accedens, illud funditus euertit, homines enim caſtri effugerant præ timore. Inde perrexit comes noſter ad aliud caſtrum, quod dicitur



Caffer, & erat proprium comitis Tholoſani. Interim comes Tholoſæ, venit ad caſtrum nouum: erat autem caſtrum illud nobile, quod comes prædictus igne ſuccendit, timens ne caperetur à noſtris & vacuum dereliquit. Veniens comes noſter ad caſtrum de Caſſer, obſedit illud: milites autem comitis Tholoſæ qui erant in caſtro illo licet fortiffimo, videntes quod diu caſtrū illud tenere non valerent, reddiderunt ſe comiti tali conditione: promiſerunt quod redderent noſtris omnes hæreticos qui erant in caſtro, ipſi autem euaderent, factumque eſt ita, erant enim in caſtro illo multi hæretici perfecti. Irrauerunt igitur Caſtrum epiſcopi qui erant in exercitu, cœperuntque hæreticis prædicare, volentes eos ab errore reuocare: ſed cum nec vnum conuertere potuiſſet exierunt à caſtro, peregrini autem arripientes hæreticos ferme ſexaginta, eos cum ingenti gaudio combuſſerunt. hic autem maniſeſtiſſime apparuit, quantum comes Tholoſæ hæreticos diligeret, cum in modiciſſimo ipſius comitis caſtro, inuenti ſunt hæretici perfecti, amplius quam quinquaginta.

---

*Clerus Tholoſanus Chriſti corpus religioſe deſerens, vrbe ipſa, hæreticorum nutrice & interdicta excedit.*

### Cap. LIIII.

**H**is geſtis, epiſcopus Tholoſæ qui erat in exercitu, mandauit præpoſito eccleſiæ, aliisque clericis, vt de ciuitate Tholoſana egrede-

\* *A Tilio in  
memorial.  
vocatur Ber-  
trandus;*

rentur: qui ſtatim iuſſa complentes, nudis pedi-  
bus cum corpore Chriſti, egreſſi ſunt Tho-  
loſa. Capto autem caſtro de Caſler, comes noſter  
progrediens, venit ad aliud caſtrum comitis,  
quod dicitur Mons ferandus, erat autem ibi fra-  
ter comitis Tholoſæ nomine Balduinus, \* quem  
frater ſuus miſerat vt defenderet caſtrum illud,  
veniens comes ad Caſtrū, obſedit illud. poſt pau-  
cos autem dies, noſtris inſultum facientibus,  
videns comes Balduinus (ſic enim vocabatur)  
quod diu reſiſtere non valeret, reddidit caſtrū  
tali pacto, quod ipſe cum ſuis egrederetur liber,  
& liberatus præſtitit etiam iuramentum, quod  
ipſe de cætero eccleſiam vel comitem noſtrum  
nullatenus impugnaret, imo ſi vellet comes no-  
ſter, ipſe eum contra omnes & in omnibus adiu-  
uaret. Egreſſus igitur comes Balduinus de caſtro  
venit ad fratrem ſuum comitem videlicet Tho-  
loſanum, ſed poſt paucos dies, rediit ad comi-  
tem Montisfortis, venienſque ad eum rogavit,  
vt comes ipſum in hominem recipere dignaret-  
ur, & ipſe ei in omnibus & contra omnes fide-  
liter deſeruiret. Quid ultra? Annuir comes, reco-  
ciliatus eſt comes Balduinus eccleſiæ, de mini-  
ſtro diaboli, factus eſt miniſter Chriſti, fideliter  
quippe ſe habens, toto niſu hoſtes fidei ab illo  
die & deinceps expugnauit. O reſpectus, O miſe-  
ricordia redēptoris: ecce duo ex eodemque patre  
fratres, ſed inter ſe longe diſſimiles qui enim per  
porphetam dixit, Iacob dilexi, Eſau autem odio  
habui, vnum iſtorum incredulitatis limo infixū  
deſerens, alterum mirabiliter & miſericorditer

eripuit, ſecreto ſuo conſilio quo ipſe nouit. Nec ſilentio prætereundum, quod cum comes Balduinus exiſſet à Monteferrando, antequam veniret ad comitem noſtrum, quidam ruptarii, peregrinos qui à peregrinatione S. Iacobi redibant, in cruce-ſignatorum odium ſpoliauerunt, quod audiens comes Balduinus, diligenter inquiſiuit, qui eſſent qui hoc fecerant & omnia quæ à peregrinis rapuerant ex integro reddi fecit: hoc fecit, nuntium futuræ probitatis & fidelitatis comes nobilis Balduinus. Capto Monteferrando, & quibuſdam aliis caſtris per circuitû, munito etiam à noſtris caſtello nouo, quod ſicut ſupradictum eſt comes combuſſerat Tolofanus, tranſiens comes noſter fluuium Tarni, venit ad quoddam caſtrum quod dicitur Rabatense in territorio Albigenſi, quod cum ei redditum fuiſſet à Burgenſibus, inde vadens, proficiens & ſuccreſcens, ſex alia caſtra nobilia pari modo, ſine conditione aliqua acquiſiuit, quorû iſta ſunt nomina Mons acutus, Galliâcum, Cauſacum, S. Marcellus, Gueſpia, S. Anthoninus. Caſtra iſta inuicem prope poſita, comes Tolofæ abſtulerat Vicecomiti Biterrenſi.

*Peregrinatio  
ad S. Iacobũ  
in Hiſpania  
antiſſima.*

---

*Prima Tholoſæ obſidio per Barrenſem &  
Monfortenſem Comites.*

Cap. LV.

**H**is geſtis, nunciatum eſt comiti noſtro, quod comes de Barro ad Chriſti militiam properans Carcaſſonæ ..... quo audito,  
S ij

comes gauifus eſt gaudio magno valde, magna enim dicebantur de Comite illo: noſtri etiam de aduentu eius plurimum confidebant, ſed longe aliter ſe res habuit quam ſperabamus, vt oſtenderet dominus nomini ſuo dans gloriam, in ſe non in homine confidendum. Miſit vero comes noſter ad dictum comitem milites, qui eum adducerent verſus Tolofam, ſuper quandam ripariam, vbi ipſe comes noſter & exercitus eius ei occurrere deberēt, & factum eſt ita: comes autem Tolofæ & comes Fuxi & hoſtium multitudo, audientes exercitum venire verſus Tolofam, pergunt ad dictam ripariam, non enim diſtabat vltra dimidiam leugam à Tolofa, ibi conuenerunt noſtri ex vna parte, hoſtes ex alia, ipſi vero aduerſarij timentes ne transferrent noſtri pontem qui erat ſuper ripariam, citius dirui fecerant: noſtri vero circumeuntes vt poſſent vadum aliquod inuenire, inuenerunt alium pontem, ſed & ipſum tunc aduerſarij diruebant, ſed noſtri cum maxima probitate, quidā per ſuper pontem, quidam per aquam natantes fluuium tranſierunt, hoſtesque ſuos vſque ad ipſas portas Tolofæ viriliter effugarunt, inde redeuntes ad ripariam, ibi quidem manſerunt nocte illa, etiam ibi datum fuit conſilium, vt obſiderent Tolofam in craſtino. igitur noſtri mouerunt Tolofam, ibi fixere tētoria ante portas. Fuit in obſidione illa comes de Barro & plures nobiles viri de Allemannia. Obſeſſa eſt igitur ex vna parte ciuitas, non enim ſufficiebāt noſtri, vt à parte alia obſiderent. Erat autem in ciuitate

comes Tolofanus, & comes Conuenarum cognatus eius qui eum quantū poterat adiunabat. Comes etiam Fuxi & alij milites infiniti, ciues etiam Tolofani, quorum erat innumerabilis multitudo. Quid plura? ad comparationē multitudinis obſefforum, pauciſſimi videbantur. Quia vero longum eſſet, inſulſus omnes illius obſidionis exprimere, iſtud breuiter eſt dicendum, quod quotieſcumque aduerſarij exhibant vt noſtros infeſtarent, noſtris viriliter reſiſtentibus cum confuſione compulſi ſunt ciuitatem introire: Quodam etiam die, cum exiſſent hoſtes, noſtri audacius ipſos redire in ciuitatē cōpellerent, in ipſo inſultu occiderunt cognatum comitis Comigenſis, & Vuilelmum de rupe forti fratrem epiſcopi Carcaſſonæ Bernardi de quo ſuperius fecimus mentionem. Alio præterea die, dum pransi eſſent noſtri, & vt mos eſt poſt prandium pauſarent in meridie (aſtas quippe erat) ſcientes aduerſarij noſtros quieſcere, exeuntes per quandam occultā viam, in exercitum irruerunt: ſurgentes autem noſtri hoſtibusque viriliter reſiſtentes, in ciuitatem ipſos redire compellebant. Dum hæc fierent, Euiſtachius. . . . & Simon Caſtellanus de Malpha, viri nobiles qui ab exercitu exierant, vt præberent conductum illis qui ad exercitum victualia afferebant, eadem hora intrabant exercitum victualia conducentes, & dum eſſent in ingreſſu exercitus, obuiauērunt eis hoſtes, qui ſicut diximus exierant de ciuitate ipſosque capere attentarunt, ſed illis viriliter ſe defendentibus, vnus ex aduerſarijs iacto gladio,

ut eis mos eſt, dictum Euſtachium in latere per-  
cutiens, ipſum occidit. Caſtellanus autem Mal-  
phæ, per multos labores, & per miræ probitatis  
exercitia viuus & ſanus euasit. Facta eſt carità  
magna in exercitu deficientibus victualibus: in-  
ſuper vero bona dicebantur de comite Barrenſi,  
cunctis qui erant in exercitu ſiniſtram de illo ge-  
rentibus opinionem. O iuſtum Dei iudicium,  
ſperabatur ab hominibus, quod comes ille mira-  
bilis eſſet factururus, hominesque plus iuſto de ho-  
mine preſumebant: ſed Deus qui per prophetam  
dixerat, gloriam meam alteri non dabo, ſciens-  
que ſi noſtri in illa obſidione multum profice-  
rent, attribueretur homini & non Deo noluit ibi  
magnifice operari. Videns igitur comes noſter  
quod nihil proficeret, ſed magnum diſpendium  
fieret, & promotio negotij Chriſti, detrimentum  
pateretur, recedens ab obſidione Toſolæ, ve-  
nit ad caſtrum quoddam, verſus terram comitis  
Fuxi, quod dicitur Alta ripa, quod caſtrum cum  
munitione ſeruiantibus, ad caſtrum Apamiarum  
peruenit, & ecce ſubito venerunt ruptarij apud  
altam ripam, homines autem caſtri, ſtatim vo-  
luerunt capere ſeruiantes, quos comes noſter i-  
bi dimiſerat & tradere ruptarijs: illi autem reci-  
pientes ſe in munitione caſtri quæ modicæ erat  
fortitudinis, cœperunt ſe defendere. O furioſa  
traditio. O ſcelus nequam. Videntes autem ſer-  
uiantes ſæpè dicti, quod non poſſent reſiſtere, di-  
xerunt ruptarijs, quod redderent illis munitione  
n, dummodo paterentur illos abire viuos &  
indemnes. Et factum eſt ita ſed non multo poſt

comes noſter tranſijt per caſtrum ſupradictum & totum illud ſuccendit. Mouens comes noſter ab Apamiis, venit ad caſtrum quod dicitur Varille prope Fuxum, quod conbuſtum & vacuum inueniens, gente ſua munivit. In terra comitis Fuxi penetrans, caſtella ipſius plurima deuſtabat, ipſum etiam Burgum Fuxi totum conbuſſit. Peractis igitur circa Fuxum octo diebus, deſtructiſque arboribus, vineis extirpatis, comes noſter Apamiās eſt reuerſus: venerat autem ad ipſum comitem, Caturcenſis epiſcopus, miſſus a nobilibus territorij Caturcenſis, ſupplican- tibus vt accederet ad eos comes, & ipſi conſti- tuētes eum dominū, ab eo acciperent terras ſuas, comes autem Tolofanus dominium habuerat in territorio Caturcēſi. Tunc rogauit comes no- bilis, comitē de Barro & nobiles de Allemania vt irent cum eo, qui omnes conceſſerunt & ſe- ituros promiſerunt. Ire igitur cœperunt, ſed cū venirent prope caſtrum nouum, comes de Barro à promiſſione quam comiti fecerat reſiliuit, nec famæ ſuæ prouidens, vel honori, dixit ei quod nullatenus iret cum ipſo: mirati ſunt omnes, co- mes noſter vehementiſſime conturbatus, ſup- plicauit ipſe, rogauerunt vniuerſi & nihil proſi- cere potuerunt. Mox quæſiuit nobilis comes ab Alemannis ſi vellent ire cum eo, qui promiſerūt libentiſſime ſe ituros. Mouens igitur comes no- ſter, tendens verſus Caturcum, comes autem de Barro aliam viam tendens, cœpit tendere Car- caſſonam: in ipſa diſceſſione, tantum opprobriū ſuſtinuit comes de Barro, quod non poſſet de ſa-

cili explicari, illi enim qui erant in exercitu vſque eo conuitiis ipſum perſequebatur publicè, quod præ confuſione non audemus dicere & ſcribere quæ dicebant, ſicque factum eſt iuſto dei iudicio, vt qui veniens ad terram Albigenſium, in ciuitatibus & caſtellis honorabatur ab hominibus, ab omnibus timebatur, rediens confundere-  
 tur ab omnibus, in omnium oculis vilis factus. Tendens comes noſter Caturcum, tranſiit per quoddam caſtrum quod erat comitis Tolofæ, nomine Caſlutium\* in territorio Caturcēſi, & impetu facto, totum caſtri burgum extrinſecus ſuccendit. inde veniens Caturcum honorifice eſt ſuſceptus, & factis ibi paucis diebus, iuit cum Alemanis ſupradictis, conducens eos vſque ad villam quæ dicitur rupis amatoris, inde redierūt Alemanni in terram ſuam, comes autem cum pauciſſimis Caturcum eſt reuerſus: & dum eſſet comes Caturci, nuntiatum eſt ei, duos de militibus ſuis, Lambertum videlicet de Tureio & Galterum de Langatone fratrem epiſcopi Cantuarienſis\* à militibus comitis Fuxenſis eſſe captos. de modo captionis eorum, ſicut ab ore vtriuſque ipſorum audiuiſmus, aliquid breuiter exprimamus. Equitabant quadam die dicti milites prope terram comitis Fuxi, cum multis de indigenis, quod cum audiſſet comes Fuxi, cum maxima multitudine inſequutus eſt eos: indigenæ autem qui erant cum noſtris, qui ſicut dicitur proditionem iſtam fecerant, vt viderunt multitudinem venientem, ſtatim omnes fugerunt, ita noſtri tantum ſex remanſerunt: circūdantes igitur

\* Caylus.

\* Videlicet  
 Stephani  
 quem Innoc.  
 3 Cardinalē  
 creauit, cuiusque  
 obiit  
 tum recenſet  
 M. Paris ſub  
 an 1228.



illos ſex vndique aduerſariorum plurimi, comes enim Fuxi fugientes indigenas inſequabatur, equos ipſorum omnes occiderunt: amiſſis igitur equis noſtri, inimicorum circumdati multitudine, ſe viriliter defendebāt, tunc quidam aduerſariorum qui erat inter alios nobilior, cognatus comitis Fuxi, dixit præfato Lamberto, ipſum ſiquidem nouerat, vt ſe redderet, quod audiens vir multæ probitatis, nondum venit inquit hora: tum vt vidit quia non poſſet euadere, tali inquit conditione nos reddimus, ſi quinque nobis promiſeris, videlicet quod non occides nos, vel membra truncabis: præterea honeſta tenebimur cuſtodia, nec nos ab inuicem ſeparabis, & nos ad competentem induces redemptionem, nec in aliena poteſtate nos pones, ſi hæc omnia firmiter promiſeris, ſic nos tibi reddemus, quod ſi nollueris parati ſumus mori, ſed confiſidimus in domino quia non moriemur ſoli, ſed cariffime nos vendentes, auxiliante Chriſto, prius ex vobis plurimos occidemus: nondum ligatas habemus manus, nec capietis nos libere nec impune. Audiens dictus miles verba Lamberti, promiſit omnia quæ petebat libentius facturum. Veni igitur dixit Lambertus, & ſuper hoc in manu mea præſtes fidem. Ille autem non fuit auſus accedere ad eum, niſi noſtri ipſum prius ſecurum feciſſent. Aſſecurauit eum Lambertus & alij quinque, acceſſit ille ad eos & tali conditione captos duxit ſecum, qui mox quæ promiſerat male ſeruans, tradidit eos comiti Fuxenſi. Comes autem ille maximis catenis ligatos in tam deterri-

mo & tam anguſto poſuit carcere, quod nec ſtare, nec extenſi iacere valebant, lumen etiam non habebant nec candelam, & ſolummodo dum comedebant, vnum breuiſſimum foramen in illo erat ergaſtulo, per quod cibaria eis porrigebantur. Ibi longiſſimo tempore eos tenuit comes Fuxi, donec multa pecunia ſunt redempti. nunc ad id quod dimiſimus reuertamur, peractis apud Caturcum comes nobilis negotijs, pro quibus illuc aduenerat, propoſuit abire in terrā Albigenſē. Rediēs igitur à Caturco, tranſiēsque per caſtella ſua, & viſitans marchias ſuas, verſus Apamias remeauit. Venit igitur ad quandam munitionem prope Apamias, & inuenit eam contra ſe munitam, erant quidem in ea ſex milites & homines multi, comes vero ipſa die munitionem illam non potuit capere, ſed in craſtino mane in ſultu factō, porta ſuccenſa, ſuffoſo muro, ipſam munitionem vi cœpit & deſtruxit, tribus militibus qui erant in ea & hominibus interfectis, tres ſolum milites ad conſilium ſuorū reſeruauit, quia promiſerant, quod facerent reddi Lambertum de Tureyo & Gualterum de Langatone anglicum, quos ſicut dictum eſt, comes Fuxi tenebat: inde Apamias comes noſter peruenit & dum eſſet ibi, nuntiatum eſt ei, quod homines de Podio Laurentij facta proditione tradiderant villam Sicardo, qui fuerat dominus caſtri, & iam tam ipſe Sicardus cum ſuis militibus, quam homines illi milites Guidonis de Lucio qui cuſtodiebāt caſtrum in munitione poſitos impugnaret ſicut enim prædiximus, comes

noſter, caſtrum illud dederat dicto Guidoni, quo audito turbatus eſt comes, in auxilium militum properare cœpit, & cum veniſſet ad caſtrum nouum, venit ad eum qui diceret, milites dicti Guidonis turrem podii Laurentii reddidiſſe aduerſariis, & vere ſic erat, omnia mœnia caſtri: quidam ſiquidem miles, cui præcipue Guido ſæpèdictus cuſtodiam commiſeret caſtri ſui, pecunia vt dictum eſt mediante reddiderat aduerſariis turrem prædictam, ſed poſt aliquot dies cum de proditione in curia comitis accuſaretur miles ille, & nollet ſe defendere per duellum; memoratus Guido illum patibulo ſuſpendi fecit Dimiſſis comes apud caſtrum nouum quibuſdã militibus ſuis ad munitionem caſtri, ipſe iuit Carcaſſonam, verumtamen antequam recederet à caſtro nouo, quosdam milites & baliftarios miſerat apud montem Ferrandum, vt cuſtodierent caſtrum illud, iam enim comes Tholoſæ & cæteri aduerſarii fidei, vires reſumpſerant reſiſtendi, videntes comitem noſtrum eſſe quaſi ſolum, & diſcurrebant per terram vt poſſent caſtra quæ amiſerant per proditionem recuperare. Dum eſſet comes noſter Carcaſſonę: nunciatum eſt ei quod aduerſarii ſui in graui multitudine veniebant ad obſidendum caſtrum nouum, quo audito comes turbatus eſt valde: ſtatim miſit comes ad milites ſuos qui erant in caſtro nouo & mandauit ne timerent à facie aduerſariorũ quia ipſe veniret & adiuuaret eos.

*Comes Tholosanus, castrum nouum & Simonem  
Comitem illud defendentem obsidet.*

*Cap. LVI.*

*Aurea Christi-  
stiani princi-  
pis verba.*

**Q**Uadam igitur die dominica, cum esset comes Carcassonæ, & audisset missam & diuinis sacramentis communicasset, iturus statim ad castrum nouum, conuersus quidam Cisterciensis qui aderat, cœpit consolari eum & quantum poterat animari. Cui vir nobilis totum de Deo præsumens, putatis inquit quod timeam, Christi geritur negotium, vniuersa pro me orat ecclesia, scio quod non poterimus superari. his dictis ad castrum nouum, vir nobilissimus properauit, verum quædam castella prope castrum nouum iam à dominio eius recesserant, & de hominibus quos in castris illis posuerat, plures iam fuerāt ab aduersarijs per prodicionem interfecti. Dum igitur esset comes noster in castro nouo, ecce comes Tholosæ & comes Fuxi & Gasto de bearno & quidam nobilis Vasconix cum infinita multitudine à Tolosa egressi, properabant vt obsiderent castrum nouum. Veniebat etiā cum aduersarijs ille pessimus apostata, ille preuaricator, iniquus filius diaboli, minister antichristi Sauaricus videlicet de malleone, omnem excedens hæreticum, omni deterior infideli impugnator ecclesiæ, Christi hostis. O virū, imo virus pessimum, Sauaricum dico, qui scelestus & perditus, & pudens & imprudens, currens aduersus Deum exerto collo, etiam impugnare

auſus eſt eccleſiam ſanctam Dei. O hominem apoſtaſiæ principem, crudelitatis artificem, peruerſitatis actorem. O hominem malignorum participem, O peruerſorum conſortem, ô hominem opprobrium hominum, ô virtutis ignarum, ô hominem diabolicum, imo totum diabolum. Audientes noſtri tantam multitudinem aduenire, conſuluerūt quidam ex iſtis comiti vt aliquos de ſuis dimittens ad deſenſionem caſtri, ſecederet ad fanum Iouis, vel etiam Cacarſſonā: ſed habito ſaniori conſilio, deo melius prouidente, aduerſariorum aduentum in caſtro nouo, comes voluit expectare. Nec ſilendum, quod cum comes eſſet in caſtro nouo, & iam quaſi eſſet in manus inimici, ecce miſſus à Deo Guido de Luceio cū quinquaginta ferme militibus ſuperuenit, ſiquidē miſerat omnes comes nobilis Regi Arragonenſi in auxilium contra Turcos de quorum aduentu exhilaratus eſt comes, omnium noſtrorum animi confortati: rex autem ille vt pote peſſimus, qui nūquam dilexerat negotium fidei vel comitē noſtrum, militibus quos comes miſerat in eius auxilium, valde inurbanum ſe exhibuit, imo etiam dum milites ipſi redirent ad comitem noſtrum, de mandato ipſius comitis per literas eis factō, rex perfidiſſimus ſicut dictum fuit, ipſis noſtris militibus ad capiendos eos in via inſidias præparauerat: innotuit ſæpeditis militibus prodition, & à ſtrata publica declinauerunt. O crudelis pii operis recompensatio O tanti ſeruitii dura ſtipendia, iam propositum exequimur. Comite igitur apud caſtrum nouum,

secretius inimicorum suorum aduentum expectante, ecce quodam die subito, cum infinita multitudine venerant hostes, qui quasi locustæ terram operientes, circūquaque discurrere cœperant: vt autem appropinquauerant castro, statim homines de burgo exteriori, per desuper murum se precipitantes, & ad aduersarios transeferentes, burgum ipsis in primo accessu dimiserūt: Intranses igitur aduersarij burgū, cœperunt huc illuc discurrere, lætabundi, gaudentes Comes vero noster tunc erat in mensa: armantes autem se nostri postquā comederāt, de castro sunt egressi & quotquot de aduersarijs in burgo inuenerunt citius effugant, fugientesque aduersarios & tremantes de burgo viriliter eiecerunt, quo facto comes Tolosæ & qui cum ipso erant, fixerūt tentoria à parte castri super montem, posthæc ita fossatis, lignis, repagulis se cinxerunt, vt non tam obsidentes, quam obsessi viderentur, videbaturque quasi fortior, & ad accessum difficilior locus in quo erat exercitus obsidentium, quam castrum obsessum. cum autem sero esset, aduersarii intrauerunt burgum, erat enim hominibus vacuum, quia nostri propter paucitatem, non poterant illud munire, non enim erant in castro inter milites & seruientes, amplius quam quingenti homines, cum hostes fere centum milia esse crederetur. Timentes autem hostes qui burgum intrauerant, ne nostri expellerent eos, sicut antea fecerant, ipsum burgum lignis & quibuscumque potuerunt munierunt à parte murorum, ne ad eos exire possent, murumque forinse-

cū qui erat inter burgum & exercitum pluribus locis perforarunt, vt liberius fugere poſſēt, ſi neceſſitas immineret. In craſtino autem exeuntes noſtri de caſtro, & quidquid aduerſarij fecerant deſtruentes, ipſos de burgo ſicut prius fecerant proiecerunt, & fugientes vſque ad tentoria ſunt ſequuti: nec ſilendum credimus, in quo tunc diſcrimine, nobilis erat comes: comitiſſa quippe erat apud Vaurum, primogenitus eius Almaricus apud fanum-Iouis infirmabatur, filia quam in terra illa genuerant, nutriebatur apud montem regalem nec poterat alter alterum videre, vel in aliquo ſubuenire: illud quoque ſupprimendum non eſt, quod licet noſtri eſſent pauciſſimi, omni die exhibant, hoſtesque crebriſſime & valiſſime impetebant, nec enim ſicut iam diximus, noſtri videbantur obſeſſi, ſed potius obſidentes, tot vero repagulis ſicut dictum eſt, aduerſarii ſecinxerant, quod noſtri ad eos intrare non poterant, licet ardentiffime affectarent. Illud quoque adiiciendum eſt, quod ſeruientes noſtri ad hoſtiū oculos, cotidie equos noſtrorum longe à caſtro ad dimidiam leugam adaquandum ducebant, vineas etiam quæ erant prope exercitum pedites noſtri, videntibus & inuidentibus aduerſariis cotidie vindemiabant, erat enim tempus vindemiarum. Quadam autem die, peſſimus ille traditor comes Fuxi & filius eius Rogerius Bernardi, non impar malitia & magna pars exercitus, venientes prope caſtrum voluerunt impugnare noſtros, qui pro foribus caſtri armati ſtabant. Videntes autem noſtri illos appropinquare cum

maxima ipſos impetentes, ipſumque filium comitis Fuxi & plures alios de equis præcipitantes, ad ſua cum confuſione tentoria redire compulerunt. & quia non poſſemus omnes inſultus & euentus illius obſidionis ad plenum exprimere, iſtud breuiter aſſerimus, quod quotieſcumque aduerſarii ad noſtros accedere auſi ſunt, cauſa alicuius impetus faciendi, noſtri tota die, ante portas foris caſtrum manebant, bellum deſiderantes, ipſos cum maxima eorum erubeſcentia in ſua tentoria redaxerunt. Cum hæc aguntur, vicina caſtra per circuitū reſceſſerūt à dominio comitis noſtri & reddiderūt ſe comiti Tolofano. Die quadā illi de Cabareto, miſerunt ad comitem Tolofæ & mandauerūt ei, vt veniret vel mitteret ad eos, & ipſi ſtatim ei reddiderunt Cabaretū: caſtrū autē Cabareti, diſtabat a caſtro nouo quinque leugis. Nocte igitur quadā mouentes aduerſariorum plurimi à caſtris ſuis miſſi à comite Tolofano, cœperunt ire vt acciperent Cabaretum, cum autem eſſent hoſtes noſtri in itinere, diuina diſponente clementia, viam quæ ducebat Cabaretum perdiderūt, & diutius deuiantes per inuia, ad ſæpeditū caſtrum Cabareti peruenire nequiverunt, ſicque poſt longas vagationes, ad caſtra vnde exierant ſunt reuerſi. Interea erigi fecit comes Tolofæ machinam quæ dicitur mangonellus cœpitque iacere mangonellus in caſtrum, ſed obfuit noſtris in modico aut in nullo. Poſt aliquot autem dies parari fecit comes Tolofanus machinam quandam miræ magnitudinis, ad diruendum murum caſtri, iaciebantur au-



tem in machina illa maximi lapides, & quidquid contingere poterant diruebant. Cum ieciſſent autē hoſtes in machina præfata per multos dies acceſſit ad comitem Tolofæ quidam ſuus iaculator & dixit ei, vt quid in machina illa tot & tanta expenditis, vt quid muros caſtri huius deſtruere ſatagitis, nonne videtis cotidie, quod vſque ad tentoria noſtra veniunt hoſtes noſtri, & exire non audetis. certe deberetis velle quod ferreus eſſet murus, vt ad nos accedere non valerent: contingebat ſiquidē in illa obſidione præter ſolitum res mirabilis, quia cum obſidentes obſeſſos ſoleant impugnare, obſeſſi noſtri iure contrario, ſuos impetebant crebrius obſeſſores, noſtri præterea aduerſarios deridebant in hæc verba. Cur in machina veſtra & tanta & tot expenditis, in duruendo diutius laboratis, credite nobis, nos ab expenſa vobis parcemus, nos expediemus vos à labore, viginti ſolummodo marchas nobis date & nos iplius muri centum cubitos in longitudine funditus diruentes, terræ faciemus adæquare, ita vt ſi auſi fueritis, non obſtante muro ad nos libere tranſeatis. O virtus animi. O fortiſſimum robur mentis. Die quadam exiens comes noſter à caſtro, tendebat vt diſcinderet machinam ſupradictam: aduerſarii autem tot circa machinam illam fecerant repagula foſſataque, quod noſtri ad eam perſtingere nequiverunt: vir autem; fortiſſimus, comes videlicet noſter, ſedens in equo, foſſatum quoddam ampliſſimum & profundum tranſire voluit; & in ſuos irruere audacius inimicos, quod viden-

*Facetum & falſum urbani hominis dictum.*

tes quidam de noſtris, diſcrimenque inevitabile, ſi comes iſtud faceret attendētes, arripientes ipſum per frenum, tenuerunt ne ſe morti exponeret imminenti, quo facto omnes noſtri, nullo de ſuis amiſſo, ad caſtrum redierunt, pluribus de aduerſariis interfectis. Rebus ſic ſe habentibus, miſit comes noſter mareſchallum ſuum Guidonem de leueis virum fidelem & armis ſtrenuum vt à ſano Iouis & Carcaſſonæ faceret victualia deferri ad comitem, hominibus etiam Carcaſſonenſibus & Biterrenſibus præciperet, vt ad comitis auxilium feſtinarent, ſed cum nihil proficere poſſet, omnis quippe terra corruerat viam ſuā, ad comitem remeavit: comes iterum remiſit eum, & cum eo vicum nobilem Mathæum de Marliaco fratrem Buchardi: qui venientes ad homines terræ comitis, iterum atque iterum rogauerūt vt ad comitem veniret, minas precibus adiicientes: ſed cum peruerſi homines & iam vacillantes, nolentes eos audire, etiam tunc Aimericum dominum Narbonæ & ciues Narbonenſes adierunt, rogantes & monentes, vt ad adiuvādum comitem feſtinarent: reſponderunt ciues Narbonēſes & dixerunt mareſchallo, quod ſi Aimericus dominus eorum iret cum eis, ipſi eum ſequerentur, ipſe vero nullomodo vt pote vir multum argutiſſimus, potuit ad hoc induci. Exeuntes autem dicti milites noſtri à Narbona, de tam populosa ciuitate, vix trecentos homines extraxerunt, & cum veniſſent Carcaſſonam, de tota terra illa non potuerunt habere homines pluſquam quingentos, quos cum vellent du-

cere ad Comitē, illi nullomodo voluerunt, ſed omnes ſtatim ad propria reſugerunt. Interea perfidiſſimus comes Fuxi, quoddam caſtrum quod erat Buchardi de Marliaco prope Caſtrum nouum à parte orientali verſus Carcaſſonam, quod S. Martinus dicitur, & quaſdam alias munitiones in circuitu occupauerat & munierat contra noſtros. Comes autem mandauerat Buchardo de Marliaco & Martino algaïs, qui erant cum comitiſſa apud Vaurum, vt venirent ad caſtrum nouum. Iſte Martinus miles erat hispanus, quondam ex noſtris, ſed quam peſſime poſtea ſe habuit in ſequentibus oſtendetur.

*Comes Fuxi  
xens arcem  
S. Martini  
occupat.*

---

*Acerrimo conſictu, illuſtrique victoria, cruce ſignati Fuxi comitem ad arcem S. Martini proſtigant.*

Cap. LVII.

**E**Rat autem cum comite noſtro miles quidā Carcaſſonenſis de monte regali Guilelmus cognomine catus, cui dominus comes terram dederat, ipſumque militem fecerat, quem in tanta familiaritate habebat, quod filiam ipſius comitis dictus Guilelmus leuauerat de ſacro fonte, comes ſiquidem & comitiſſa & omnes noſtri, de ipſo ſuper omnes indigenas confidebant, adeo quod dominus comes, proprium ſuum primogenitum ipſi tradidit aliquando cuſtodiendum, miſerat autē comes a caſtro nouo, ad fanū Iouis, vt homines de caſtris vicinis in auxilium comitis adduceret ad caſtrum nouum, ſed iſte omni hoſte deterior, omnium peſſimus traditorum, in-

gratus beneficijs, oblitus amoris, associatis ſibi aliquibus indigenis, pari crudelitatis affectu, in tantam nequitiam pariter conſenſerunt, vt mareſchallum prædictum & ſocios eius redeuntes à Carcaſſona, caperent & traderent in manus comitis Fuxenſis. O iniquum prodicionis genus, O peſtis dura, O crudelitatis artificium, O adinuentio diabolica: innotuit autem mareſchallo prædicto, & ab inſidiis declinavit. Nec prætereundum quod plures homines terræ illius, aliqui etiã abbates qui caſtra multa habebant, receſſerunt tunc à comite noſtro, & iurauerunt fidelitatē comiti Tolofano. O iuramentum execrabile, ô inſidelitas infedilis. Interea Buchardus de Martiaco, & Martinus algais & quidam alii milites comitis noſtri venientes à caſtro Vauri, & ad auxilium comitis properantes, venerunt Saxiacum caſtrum Buchardi, quia non audebant venire recta via, à Vauro ad caſtrum nouum. Die autem præcedenti ingreſſum eorum in caſtrum nouum, comes Fuxi qui eorum aduentum præſciebat, exiens ierat ad caſtrum ſupradictũ, quod dicitur S. Martinus, per quod milites noſtri debebant tranſire, vt impugnaret eos. Nobilis vero comes noſter iſtud ſciens, Guidonem de Luceio, Caſtellanum de Malpha, vicecomitem Donges militesque alios uſque ad quadraginta, miſit ſuis in exilium, & mandauit quod in caſtrino ſine dubio, contra prædictum comitem Fuxi, pugnam eſſent habituri. Miſſis illis militibus, non remaſerunt cum comite inter milites & armigeros in equis amplius quam ſexaginta. Vi-

dēs autē comes Fuxi quod comes noſter miſiſſet ſuis in auxliū, recedens à caſtro S. Martini rediit ad exercitū vt inde aſſumens armatos, ſecum rediret ad impugnādum Mareſchallum & eos qui cum eo manebāt. In ierea comes noſter, Guilelmū catum, & milites indigenas qui cum eo in caſtro nouo allocutus eſt in hūc modū. Ecce inquit fratres chariſſimi comes Tolofæ & comes Fuxi, viri potentes cum infinita multitudine ſanguinem meum quærunt, ego autem ſum in medio hoſtium quali ſolus, rogo vos pro Deo, quatinus ſi timore vel amore ducti, vultis ire ad eos & à me recedere, non celetis, & ego ſanos & ſaluos vſque ad ipſos faciam vos conduci. O nobilitas viri. O excellentia principis reſpondēs autem alter iudas, Guilelmus videlicet catus dixit, abſit, domine mi, abſit vt à vobis recedamus, etenim & ſi omnes vos reliquerint, vſque ad mortem vobiſcum perſeuerabo. Similiter autem & omnes dixerūt ſed non multō poſt, dictus traditor, cum quibuſdam ſociis ſuis reſceſſit à comite, factus de familiariſſimo, crudeliſſimus perſequutor. hiſ ita geſtis, Mareſchallus & Buchar-  
 dus de Marliaco, & qui cum ipſo erant ſummo  
 maeè, audita miſſa, facta confeſſione & com  
 munionem dominici corporis ſuſcepta, aſcenſis  
 equis ad comitem dirigunt iter ſuum. Comes  
 autem Fuxenſis, ſentiens eos venire, accepta ſe-  
 cum de melioribus exercitus totius innumera  
 multitudine equitum armatorum, pluribuſque  
 etiam milibus peditum electorum, pugnaturus  
 contra noſtros obuiam properauit, fecerat autē

*Liberrima  
 comitis Mō.  
 fortis ad mi-  
 lites oratio.*

*Veterū mi-  
 litum ſum-  
 ma pietas &  
 deuotio, qua  
 hodie plane  
 refrigit.*

idem comes tres turmas: comes autem noſter quierat illa die ante fores caſtri noui, & aduentū ſuorum ſollicitus expectabat, videns quod comes Fuxi ad dimicandum contra eos properaret, illos qui ſecum erant conſuluit quid facere tunc deberent, diuerſis diuerſa ſentientibus, dicentibus quibusdam ipſum debere ad custodiam caſtri remanere, aliis è contrario dicentibus vt ad auxiliandum ſuis militibus properaret, vir indefeſſæ virtutis, vir probitatis inuictæ dixiſſe perhibetur: pauciſſimi in caſtro iſto remaniſimus, totūque Chriſti negotium pendet ex hoc bello, abſit vt milites noſtri moriantur in prælio glorioſi, ego viuus & ignominioſus euadam, volo vincere cum meis vel cum meis mori, eamus & nos, & ſi neceſſe fuerit moriamur cum illis, quis inter hæc ſe à lacrimis cōtineret, ſic fatur lacrymans, ſtatimq; ſuis properat in ſuccurſū. Comes autem Fuxi vt appropinquauit noſtris, tres turmas quas fecerat in vnā redegit. Hic adiiciendum, quod epiſcopus Caturcenſis & quidam monachus Ciſterciēſis qui de mandato abbatis Ciſtercii, de negotio Ieſu Chriſti curam gerebant, veniebant cum mareschallo, qui videntes hoſtes venientes, bellumque imminere, cœperunt hortari noſtros, vt viriliter ſe haberent, promittentes ſi miſſime, quod ſi tam glorioſo certamine pro fide occumberent Chriſtiana, remiſſionem adepti peccatorum, omni ſtatim gloria & honore coronati, mercedem reciperent ſui certaminis & laboris. Strenuiſſimi autem milites noſtri, certi quidem de præmio,

*Comes Monfortius, cor-  
da virum  
fouet hortā-  
do reuocat-  
que vigorem  
militibus.*

ſed & bonam de reportanda victoria ſpem habentes, hilares & intrepidi hoſtibus occurrebāt: illi autem veniebant in vnum conglobati: ordinauerunt autem ipſi aduerſarii aciem ſuam: illi qui in equis ſedebant, ferro coopertis incedebant medii: reliqui autem equites ex vna parte, pedites vero ex altera optime muniti: habito igitur noſtri inter ſe conſilio, quod illos qui habebant equos coopertos prius impeterent. Dum hæc fierent, aſpiciebant noſtri à longe, viderunt comitem noſtrum exeuntem à caſtro nouo, & in eorum auxilium properantem: ſtatim duplicata audacia, animoſiores effecti, inuocato Chriſto in hoſtes ſe medios immiſerunt, ipſoque dicto citius penetrarunt: illi autem, victi in momento & confuſi, fugæ præſidia arripuerunt, quod videntes noſtri, ſtatim ad pedites qui ſtabant à parte altera ſe vertentes, de illis innumerabiles occiderunt. Nec ſilendum, quod ſicut

mareſchallus veridica relatione aſſeruit, contra vnumquemque ex noſtris, erant hoſtes plura quam triginta, agnoſcatur igitur operata diuinitas, nō enim potuit comes noſter bello intereſſe, quamuis ſub feſtinatione maxima adveniret, iam enim ſuis militibus, victoriam dederat victor Chriſtus. Inſequentibus igitur noſtris fugientes aduerſarios & extremos quoſque cædetibus, facta eſt hoſtium ſuages magna: de noſtris autem non occubuerunt amplius quam triginta, cum de noſtris innumerabiles fuerint interfecti. Nec prætereundū, quod Martinus Algaïs de quo ſupra tetigimus, in primo inſultu de bel-

*Victoria non in hominum multitudine peſita eſt, ſed dignis hanc Deus conce- dit.*

lo reſiliens fugere cœpit: quē venerabilis epiſcō-  
 pus Caturcenſis, qui prope erat fugientem vi-  
 dēs, & quid factū eſſet requirens, mortui, inquit  
 ille, ſumus omnes, quod vir catholicus non cre-  
 dens, ipſumque durius obiurgans, redire com-  
 pulit ad certamen. Prætereundum etiam non  
 eſt, quod fugientes hoſtes præ timore mortis,  
 exclamabant fortiter, Mōs-ſortis, Mons-ſortis,  
 vt ſic ſe fingerent eſſe de noſtris, & manus per-  
 ſequentium euaderent arte tali. Noſtri vero at-  
 tem iſtam, arte alia deludebant: cum enim au-  
 diret aliquis de noſtris, quempiam hoſtium ex-  
 clamare Mons ſortis præ timore, dicebat ei. Si  
 noſter es occide iſtum fugientem, demonſtrato  
 videlicet de fugientibus, at ille timore ductus  
 ſuum ſocium occidebat, ſed ille qui ſocium oc-  
 ciderat, occidebatur, mercedem recipiens frau-  
 dis ſuæ & ſceleris à noſtris. O res mirabilis &  
 inaudita, qui enim cauſa occidendi noſtros  
 ad bellum acceſſerant, iuſto Dei iudicio, ſuos  
 meripſos occidentes nobis famulabantur licet  
 inuiti. Poſtquam noſtri hoſtes diutius fugauerāt  
 & occiderant infinitos, ſterit comes in medio  
 campo, vt ſuos qui inſequentes hoſtes circum-  
 quaque diſperſerant, recolligentes congrega-  
 ret. Interea ille apoſtatatum omnium præcipu-  
 us, Sauaricus videlicet de Malleone & magnā  
 multitudo armatorum, egreſſi à loco caſtrorum,  
 ad fores acceſſerant caſtri noui, ibique ſtantes  
 cum magna ſuperbiā, eleuatis vexillis, belli exi-  
 tum expectabant, plurimi etiam ex ipſis inferius  
 burgum intrantes, cœperunt acrius impugnare

*Fallite fal-  
 lentes, ſic  
 ars deludi-  
 tur arte.*



illos qui in caſtro remanſerant, quinque videlicet ſolummodo milites & pauciſſimos ſervientes, ſed quamvis eſſent pauciſſimi, infinitos hoſtes armis & balis tis munitiſſimos, de ipſo burgo repellentes, ſe ſtrenuiſſime defendebant. Videns igitur dictus proditor Sauaricus videlicet, noſtros in campo belli obtinuiſſe victoriã, cernensque quod illi qui erant cum eo, caſtrum capere non potuiſſent, recollectis ſuis, confuſus ad tentoria remeavit. Comes autem noſter & qui cum eo erant, à campo reportata victoria reuerſentes, in ipſa tentoria aduerſariorum irrumperenolluerunt. O inuicti milites. O Chriſti tyrones, ſicut iam ſupradictum eſt, hoſtes tot ſe repagulis concluſerant & ſoſſatis, quod noſtri niſi de equis deſcenderent, ad eos accedere non valebant: quod cum comes facere ſeſtinaret, conſuluerunt quidam, vt differret in diem alteram, eo quod recentes eſſent hoſtes, noſtri vero prælio fatigati: acquieuit comes vt pote qui omnia agens cum conſilio & ſemper, in his obtemperare voluit. Rediens igitur in caſtrum vir nobilis, ſciens quia Dei eſſe virtutem, Dei eſſe victoriam, deſcendens de equo in ipſo introitu caſtri noui, nudus pedes ad eccleſiam perrexit, omnipotenti Deo pro collatis beneficijs gratias repenſurus, in qua eccleſia decantantes noſtri cum deuotione & exultatione maxima, *Te Deum laudamus*, in hymnis & confeſſionibus benedicebant dominum qui magnafecit in populo ſuo, & victoriam de ſuis contulit inimicis. Non credimus autem prætereundum quoddã

*Gratia Deo  
ob victoriam  
aguntur.*

miraculum, quod cōtigit ipſo tempore, in quadam abbazia ordinis Cifterciēſis, quæ eſt in territorio Tholoſano & dicitur Grandis-ſylua. Monachi domus illius in magna afflictione poſiti erant, quia ſi nobilis comes Montis-ſortis caperetur in caſtro nouo, vel occumberet in bello imminebat eis mors & gladius: comes ſiquidem Tolofanus & complices ſui, ſuper omnes, exoſos habebant monachos Cifterciēſis ordinis, & præcipue ædum illam, eo quod abbas Cifterciēſis Arnaldus apoſt. ſedis legatus, cui exhæredationem ſuam præ cæteris imputabant, abbas fuerat domus illius. Quadam itaque die dum quidam monachus dictæ domus vir religioſus & ſanctus, celebraret diuina, in ipſa eucharistiæ conſecratione, ex intima cordis deuotione, pro dicto comite Montis-ſortis, qui tunc temporis in dicto caſtro nouo obſeſſus erat ſupplicauit: ad quem vox diuina. Quid pro eo oras? tot pro ipſo ſunt orantes, quod oratione tua non eſt opus.

*Vox cœlitus  
miſſa, ad re-  
ligioſum ſa-  
cris operan-  
tem.*

---

*Caſtrum nouum obſidione liberatur.*

*Cap. LVIII.*

**I**N terea comes Fuxi, nouum proditiōis artificium adinuenit, imitans videlicet patrem tuum diabolum, qui cum in vno fuerit ſuperatus, ad alia nocendi conuertitur argumenta. miſit igitur nuncios ſuos longe lateque per caſtella, qui comitem Montis-ſortis in bello ſuperatum aſſererent, quidam etiam excoria-

*Falſus rumor  
ſpargitur de  
Mon-ſortio  
Comite in  
prælio victo.*

tum dicerent & ſuſpenſum, qua de cauſa reddi-  
derunt ſe id tēporis aduerſariis noſtris. In craſti-  
no vero glorioſa victoriā, conſuluerunt comiti  
noſtro milites ſui, vt exiret de caſtro nouo, quos-  
dā de ſuis dimittens ibi, pergensque per terram  
ſuā, homines quos poſſet adunaret. Exiens igi-  
tur comes de caſtro nouo perrexit Narbonam:  
veniebant autem de Francia tunc peregrini, Ala-  
nus videlicet de Rociaco vir multæ probitatis,  
& quidam alij ſed pauci. Comes autem Toloſæ  
& qui cum ipſo erant, videntes, quod nihil in  
obſidione caſtri noui proficerent, per aliquot di-  
es combuſta machina ſua, cum magna confuſio-  
ne ad propria ſunt reuerſi. Nec ſilendum quod  
non fuerunt auſi egredi de caſtris ſuis, donec ag-  
nouerunt comitem noſtrum à caſtro exiſſe. Dū  
igitur eſſet comes noſter apud Narbonam, ha-  
beretque ſecum ſupradictos peregrinos, plures  
etiam congregaſſet de hominibus indigenis,  
vt rediens pugnaſet contra comitem Tolo-  
ſanum & eos qui cum eo erant, nuntiatum eſt  
ei quod comes dictus & ſui ceſſerant ab obſi-  
dione caſtri noui, comes autem noſter dimiſſis  
indigenis quos adunauerat, peregrinos tantum  
ducens ſecum, redijt ad caſtrum nouum, & pro-  
poſuit quod omnes in circuitu munitiones quæ  
ab eius dominio ceſſerant funditus euerteret.  
Quod dum fieret, nuntiatum eſt ei, quoddam  
caſtrum nomine Conſtantianum verſus Termas  
ab eius iuriſdictione reſiſſe, & ſe inimicis fidei  
reddidiſſe, quo audito ſtatim properauit comes

*Arcx Cenſ  
ſtantiana  
hereticis de-  
ditur.*

vt caſtrum illud obſideret: quod caſtrum cum per aliquot dies impugnaffet, videntes qui intus erant, quod non poterant reſiſtere, ſe & caſtrum comiti reddiderunt, vt ſuam de iſſis faceret per omnia voluntatem, quo facto rediit comes ad caſtrum nouum: ſtatim nunciatur comiti noſtro quod homines caſtri, quod dicitur Mons- acutus in diœceſi Albienſi, reddiderant ſe comiti Tholoſano, munitioneſque caſtri & eos quos comes noſter in eo cuſtodiendo poſuerat, impugnabant, properauit comes noſter, ſed antequam poſſet peruenire, illi qui erant in munitione prædicta, iam reddiderant aduerſarijs munitionem. Quid plura? omnia in circuitu caſtra nobiliſſima & fortiſſima exceptis duobus pauciſſimis, tunc quaſi in vno die reddiderunt ſe comiti Tolofano. Nomina autem caſtrorum nobilium, quę tunc temporis ſunt amiſſa, ſunt hæc, in Albienſi diœceſi. Raſtaſten, Mons- acutus, Galliacum, caſtrum de Graua, Cahuſacum, S. Marcellus, Gueſpia, S. Antoninus. In diœceſi autem Tolofana, iam ſe reddiderant ante obſidionem caſtri noui, in ipſo tempore obſidionis Podium Laurentij, Caſſer, S. Fœlix, Mons-ferandus, Auiniô, S. Michael, Cuc & Sauerdunû: præterea perdita ſunt alia caſtra minora, quę nō poſſemus per ſingula enarrare, dicuntur ſiquidem amplius quam quinquaginta. Quandam autem peſſimam & inauditam traditionem quę facta eſt tūc in caſtro de Grauis quod eſt in diœceſi Albienſi, non credimus prætermittendam. Nobilis comes noſter, cuidam militi Frã-

cigenæ caſtrum illud tradiderat: miles autem ille credebat ſe hominibus caſtri pluſquam opus eſſet, illi autem de eius morte cogitabant. Quadam vero die, faciebat ſæpedictus miles dolia ſua reſici à quodam carpentario dicti caſtri, & dum idem carpentarius vnum dolum reſeciſſet, dixit præfato militi vt inſpiceret & videret vtrum dolum eſſet bene reparatum, qui cum caput in dolum ſubmiſiſſet, carpentarius eleuata ſecuri, caput illius amputauit. O crudelitas inaudita: Statim inſurrexerunt homines caſtri, & paucos Francigenas qui erant in caſtro occiderūt, quod cum audiſſet nobilis comes Balduinus, de quo ſupra tetigimus, frater comitis Tolofani, quadã die ſummo diluculo venit ante caſtrum, at illi exeuntes obuiam, putantes quod ipſe eſſet comes Tholoſæ, eo quod ſimilia arma portaret, introduxerunt eum in caſtrum, & lætabundi & gaudentes, crudelitatem quam fecerant narrauerunt: ille autem cum armata multitudine in eos inſiliens, ſecit omnes à minimo uſque ad maximum interfecit. Videns comes noſter, quod tot & tanta caſtra amiſiſſet, venit Apamias, vt caſtrum illud muniſſet, & cum ibi moraretur, mandauit ei comes Fuxi, quod ſi ſolummodo quatuor dies expectaret, veniret ipſe & pugnaret contra ipſum. Comes autem noſter remandauit ei, quod non ſolummodo quatuor dies, imo pluſquam decem apud Apamias expectaret, comes autem Fuxi non fuit auſus venire: inſuper milites noſtri, etiam ſine comite noſtro, terram Fuxenſem intrauerunt, & quoddam caſtrū

*Gratiſſi archi  
prefectus mi-  
les incautus  
obtruncatur.*

dicti comitis destruxerunt. Poſthæc reuerſus eſt comes noſter verſus Fanum Iouis, miſitque caſtellanum de Malfa, & Gaufridum fratrem eius milites ſtrenuos cum alijs pauciſſimis ad quoddam caſtrum, vt facerent de ferri bladum à caſtro ad Fanum Iouis, ad munendum caſtrum ipſum, qui cum redirent à caſtro prædicto, filius comitis Fuxi, à patris nequitia non degenerans, poſuit ſe in inſidijs iuxta viam per quam dicti milites venire debebant, habebat autem traditor ille ſecum armatorum multitudinem copioſam. Tranſeuntibus autem noſtris ſurgētes hoſtes: de inſidijs, aggreſſi ſunt eos, circumdantesque dictum Gaufridum, ipſum vndique infeſtabāt. Ille autem vt pote miles optimus, ſe viriliter defendebat, habebat vero pauciſſimos adiutores: cum ergo equum ſuum iam amiſiſſet, & eſſet iā in ſuprema neceſſitate, dicebant ei hoſtes vt ſe redderet: vir autem miræ probitatis, tale fertur dediſſe reſponſum: Chriſto inquit, me reddidi, abſit vt eius me reddam inimicis, ſicque inter hoſtium ictus, glorioſum vt credimus, ſpiritum exhalauit. Occubuit etiam cum eo quidam ſtrenuiſſimus iuuenis cognatus dicti Gaufridi & alij pauci, miles quidam vero nomine Droco, viuū ſe reddidit, quem comes Fuxi detinuit incarceratum, Caſtellanus autem de Malfa viuus euadens, a niſſis fratre & cognato, gembundus ad caſtrum à quo reſceſſerant remeauit. Poſt hæc reuertentes noſtri ad locum, & tollentes corpora occiſorum ſepelierunt ea in quadam abbazia ord. Ciſterciensis quæ dicebatur Bolbonia. Tē-

pore illo Guilelmus venerabilis archidiaconus <sup>G. parif. ar-</sup>  
 Pariſienſis, & quidam alius magiſter Iacobus de <sup>chidiaconus</sup>  
 vitriaco, de mādato & ad preces epiſcopi Vticē- <sup>& M. I. de</sup>  
 ſis, quem dominus papa pro negotio fidei, con- <sup>Vitriaco, crm-</sup>  
 tra hæreticos legatum præfecerat, qui etiam ip- <sup>ciadem con-</sup>  
 ſum negotium diligebat, & efficaciter promo- <sup>tra Albigen-</sup>  
 uebat, prædicationis officium aſſumpſerunt, qui <sup>ſes felici ad-</sup>  
 zelo fidei ſuccenſi, Franciam imo Alemaniam <sup>modum ſuc-</sup>  
 circumeuntes, tota hyeme illa, incredibilem fi- <sup>ceſſu prædi-</sup>  
 delium multitudinem, ad Chriſti militiam ſigno  
 crucis in pectoribus ſignauerunt, iſti ſiquidem  
 duo, præcipue poſt Deum, fidei negotium in  
 partibus Gallicanis & Teutonicis promouerunt.

---

*R. Maluicinus centum ſtipatus militibus ex  
 Gallia, Monfortio comiti ſuppetias venit.*

Cap. LIX.

**R**Ebus ſic ſe habentibus, ille nobiliſſimus  
 militum, ille Chriſti ſeruus, ille Ieſu ne-  
 gotij amator præcipuus & promotor Robertus  
 videlicet malus-vicinus, qui præcedenti ætate  
 perrexerat in Franciam, redibathabens ſecum de  
 electis militibus Franciæ pluſquam centum, qui  
 omnes ducem ſuum fecerant & magiſtrum. Hi  
 omnes ad auditionibus virorum venerabilium,  
 epiſcopi videlicet Tholoſani & abbatis vallium  
 ſignati, accinxerant ſe ad militiam Ieſu-Chriſti,  
 qui tota hyeme illa, in ſeruitio Ieſu-Chriſti per-  
 ſeuerantes, ſupradictum negotium, quod in  
 multa depreſſione tunc erat nobiliter ciexerūt.  
 Audiens comes dictos milites aduenire, iuit ob-

uia n eis vſque Carcaſſona n, quo cum perue-  
niſſet, fit exultatio incredibilis inter noſtros,  
fit gaudium magnum valde : inde venit comes  
cum dictis militibus, vſque Fanum Iouis. Ipſo  
tempore comes Fuxi, obſederat quoddam ca-  
ſtrum cuiuſdam militis indigenæ nomine Gui-  
ſelmi Daura, qui comiti noſtro adhaerens, ipſum  
quantum poterat adiuuabat. Erat autem caſtrū  
illud, prope terram comitis Fuxi, & vocabatur  
Carun : Comes autem Fuxi, iam illud caſtrum,  
impugnauerat per 15. dies. Mouentes igitur no-  
ſtri à Fano Iouis properabant vt comitem Fuxi  
amouerent ab obſidione dicti caſtri. Comes  
autem ille, audiens noſtros aduenire, relictis ibi  
machinis ſuis, cum magna confuſione fugiens,  
ab obſidione reſceſſit : noſtri vero per aliquot di-  
es, deuſtantes terram eius, quatuor de caſtellis  
eius deſtruxerunt. Inde redeuntes ad fanum Iou-  
is, properauerunt vt obſiderent quoddam ca-  
ſtrum in Tholoſana diœceſi, quod dicitur Po-  
nauireda, quod caſtrum cum per aliquot dies im-  
pugnaffent, quodam die factò inſultu, ſolſatum  
caſtri vi impleuerunt, ſed nocte ſuperueniente,  
non cœperunt caſtrum ipſa die, videntes autem  
qui in caſtro erant quod quaſi capti erant, media  
noctē perforātis murum, clanculo auſugerant,  
quo factò ſtatim nunciatur comiti, quod caſtrū  
quoddam nomine Albedunum in diœceſi Nar-  
bonenſi, ab eius dominio reſceſſiſſet, quo dunt  
pergeret comes, dominus caſtri venit obuiam ei,  
& ſe & caſtrum, eius tradidit voluntati.

*Caſtella 4.  
Comitis Fu-  
xi à catho-  
licis direpta  
& deuſta-  
ta.*



*Venit Guido de Monte-forti ad comitem Montis-  
fortis fratrem ſuum de vltamarinis partibus,  
cuius aduentu mirifice exultat comes.*

## Cap. LX.

**H**is geſtis venit comes ad illud nobile caſtrū  
in diœceſi Albigenſi, quod dicitur Caſtra,  
vbi dum moraretur, & ageretur feſtum domi-  
nicæ Natiuitatis, venit ad ipſum Guido frater  
eius germanus, rediens à partibus tranſmarinis.  
Iſte Guido frater comitis cum ipſo ierat vltra  
mare, ſed redeunte comite, remanſit iſte Guido  
in partibus tranſmarinis, quia duxerat ibi vxorē  
nobiliffimam de regio ſemine, quæ erat domina  
Sydonis, quæ etiam veniebat cum eo, cum filiis  
ſuis, quos de ipſo Guidone ſuſceperat. Nec ſi-  
lendum quod dum veniret dictus Guido ad co-  
mitem, quædam caſtella in territorio Albienſi  
quæ reſilierāt à dominio comitis ſæpemenora-  
ti, Guidoni ſe reddiderunt, quanta autem in ad-  
uentu fratris fuerit comitis & noſtrorum exul-  
tatio, non eſt qui poſſet explicare. Poſt paucos  
autem dies, properauerunt noſtri, ad obſiden-  
dum quoddā caſtrum in Albienſi diœceſi, quod  
dicitur Tudelle, & erat patris Giraldi de Pepios  
illius peſſimi traditoris. Impugnantes autem  
noſtri caſtrum, poſt paucos dies illud cæperunt,  
& fere omnes in ore gladii interfecerūt, ſolum-  
modo pater Giraldi . . . . euasit, quem comes  
reddidit pro quodam milite, quem comes Fuxi  
tenebat in vinculis nomine Drocone de com-

*Obſidio Ca-  
huſaci.*

penſo conſanguineo Roberti maluicini. Poſt hæc properauit comes nobilis, vt obſideret quoddam caſtrum quod dicitur Cahuſacum in territorio Albienſi, vbi cum media hycine, præter ſolitum eſſet in obſidione, & pauciſſimos haberet ſecum, per multos labores & anguſtias cœpit illud caſtrum. Comes autem Tolofæ & comes Comingeuſis, & comes Fuxi cum infinita multitudine congregati erant apud quoddam caſtrum proximum nomine Galliacum, miſeruntque nuncios ad comitem noſtrum, mādantes quod venirent ad impugnandum eum. Hoc autem dicebant, vt ſi poſſent terrere comitem noſtrum, ſuam forte dimitteret obſidionem. Miſerunt ſemel, miſerunt iterum, & tamen non ſunt auſi venire, videns autem comes, quod non venirēt, dixit ſuis, ex quo non veniūt certe ego ibo & viſitabo illos, & accipiens ſecū armatos de ſuis, properare cœpit tendens verſus Galliacum, cum paucis ibat ſpirans & anhelans bellum. Quod audiēs comes Tolofæ & qui cū eo erant, exeūtes à Galliaco, fugerunt verſus quoddā caſtrum proximū, nomine Montem acutū. comes autē noſter ſequutus eſt eos, vique ad caſtrum illud, quod videntes illi inde fugerūt, at illi egreſſi à caſtro illo, fugerunt verſus Tolofam. Videns igitur comes noſter, quod non auderent eum expectare, ad caſtrum vnde venerat remeauit. His ita rite peractis, miſit dominus comes, ad abbatem Cisterciensē qui erat apud Albiā, quærens ab eo quid factū opus eſſet. Conſilium autem abbatis fuit, vt comes ob-

*Obſidio S.  
Marcelli.*

ſideret caſtrum illud S. Marcelli , quod prope  
Albiam ad tres leugas ſitum erat. Comes vero  
Toloſæ , cuidam peſſimo traditori Geraldo de  
pepios, commiſerat caſtrum illud. Venientes igi-  
tur noſtri ad caſtrum, tantum ab vna parte obſe-  
derunt illud : erant ſiquidem pauciſſimi , caſtrū  
vero magnum & fortiſſimum. Statim certa ma-  
china noſtri cœperunt fortiter impugnare. Poſt  
aliquot vero dies comes Toloſæ & comes comi-  
gēſis & comes Fuxi , cū incredibili multitudine  
veniētes, intrauerunt caſtrum vt illud defende-  
rent contra noſtros : & quia caſtrum licet am-  
plum, non potuit capere tantam multitudinem,  
fixerunt tētoria ſua plurimi hoſtium ex alia par-  
te caſtri : quo facto , noſtri ab expugnatione ca-  
ſtri non deſiſtebant, aduerſarij ſe quantum po-  
terant defendebant : O res mirabilis & ſtupē-  
da, cum obſidentes ſolant obſeſſos numero &  
fortitudine ſuperare, obſeſſi ferme in decuplo  
plures erant quam obſidentes : non enim erant  
noſtri amplius quā centum milites, cū hoſtes eſ-  
ſent amplius quā quingenti : habebant præterea  
dicti omnes, innumerabilem peditum multitu-  
dinem, noſtri vero habebant pedites nullos aut  
pauciſſimos. O grande factum. O nouitas inex-  
perta: nec ſilēdum quod quotieſcumque aduer-  
ſarij, exire auſi ſūt aduerſus noſtros, ſtatim à no-  
ſtris cum virtute maxima ſunt repulſi. Quodam  
denique die comes Fuxi, cum multis exiēs de ca-  
ſtro veniebat vt noſtram petrariam debilitaret,  
quod vidētes ſeruientes noſtri, ipſoſque ſolo ia-  
ctu lapidum viriliter repellētes, ante quā milites

noſtri armari potuiſſent, in caſtrum recluſerunt. Facta eſt autem cariftia magna in exercitu, non enim poterant noſtri habere victualia, niſi ab Albia: aduerſarii præterea noſtri cum maxima multitudine exeuntes, ita ſtratas publicas obſervabant, quod illi de Albia non audebant venire ad exercitum, niſi comes dimidium gentis ſuæ mitteret pro conductu. Peraſto igitur in obſidione illa menſe vno, ſciens comes quod ſi paucos milites quos habebat diuideret, dimidiam partem ſecum retinens, dimidiam pro victualibus mittens, exeuntes aduerſarii qui infiniti erant, hos vel illos expugnarent: tamen evidenti neceſſitate compellente perplexus, poſtquam per plures dies panis in exercitu defecerat, ab obſidione receſſit. nec prætermittendum, quod cum comes ipſa die paſceus, vt pote totus catholicus, & diuino ſeruitio mancipatus, in papilione ſuo, Dominicæ paſſionis officium faceret ſolemniſter celebrari, audientes aduerſarii clericos noſtros cantantes, in ſubſannationem & deriſum, aſcendentes muros, vlulatum teterimum emittebāt. O peruerſa infidelitas. O infidelis peruerſitas: ſi quis autem diligenter conſideret, ampliorem in iſta obſidione honorem & gloriam conſecutus eſt comes noſter, quam vnquam fuerat, in alicuius caſtri licet fortiſſimi captione: ab illo ſiquidem tempore & deinceps, eius probitas magna emicuit, conſtantia plus refulſit. Nec ſilendum quod cum comes noſter à caſtro recederet ſæpedito, aduerſarii licet infiniti, non ſunt auſi exire, vt noſtros recedentes

*Comitis Mō.  
fortij eximia  
pietas & in  
Deum deuotio,*

aliquantulum impugnarent. Miraculum quod cōtiguit ipſo tempore, in diœceſi Rutenenſi, nolumus præterire. Prædicabat namque quadam die dominica in quodam caſtro abbas quidam de Bonaualle, ord. Cifterciensis, eccleſia autem modica erat, & non poterat capere populum qui aderat: quæ de cauſa egreſſi erant omnes, & ante fores eccleſiæ, prædicationē abbatis audiebant: circa finē vero prædicationis, cū venerabilis abbas vellet hortari populū qui aderat, ſuper aſſumēdis crucibus cōtra Albigēſes, ſubito vidētibus cunctis apparuit crux in aëre quæ verſus partes Tolofanæ tēdere videbatur. Miraculū iſtud audiui ab ore dicti abbatis, viri religioſi & grādis auctoritatis. Recedēs comes ab obſidione S. Marcelli, ipſa die ſcilicet in vigilia Paſchæ, venit Albiam, actum ibi feſtum dominicæ reſurrectionis. Aduenerat autem ibi à Francia, venerabilis abbas Vallium de quo ſupra fecimus mentionem: erat enim electus in episcopum Carcaſſonenſē, quē cum comes & milites noſtri in prædicta reperiffēt ciuitate, gauiſi ſunt valde, omnes enim ipſum aſſectū præcipuū diligebant: erat etiam à multis annis familiariffimus comiti, idem inſuper comes, quaſi ab infantia, eius conſilijs ſe ſubdiderat, ad eius ſe habuerat voluntatem. Ipſo etiam tempore electus fuerat abbas Ciftercij Arnaldus, de quo ſæpe fecimus mentionē in archiepiſcopum Narbonenſem. Ipſa die paſchæ, exiens comes Tolofæ, & qui cum eo erant à caſtro S. Marcelli, venerunt Galliacum quod tribus leugis diſtat ab Albia. Cogitans autem comes

*Crux ingēs  
in cælo ap-  
paret & cor-  
nitur.*

*Abbates duo  
Ciftercij nē-  
pe archiepiſ-  
copus Nar-  
bonenſis, &  
Guido val-  
lis-Sarnen-  
ſis Carcaſſo-  
nenſis epiſc-  
opus, cuius  
nepos erat  
Petrus huius  
hiſtoria ſcrip-  
tor, crean-  
tur.*

noſter ne forte gloriarentur aduerſarii, ſe viciffe noſtros, volenſque palam oſtendere, quod à facie eorum non timebat, in craſtino paſchæ, exiens ab Albia cum ſuis, iuit Galliacum, ſuos invitans ad prælium inimicos. Et cum illi non eſſēt auſi egredi aduerſus eum, ipſe Albiam remeavit. Electus autem Carcaſſonenſium, de quo ſupra tetigimus, erat in ciuitate illa, & ego cum eo, me enim adduxerat ſecum de francia, ob ſolatum ſuum in terra aliena peregrinus, cum eſſem monachus & nepos ipſius.

\*Hantpoul,

*Obſidio\* alti pulli, & expugnatio fortiffima  
atque captio glorioſa.*

CAP. LXI.

**P**Eractis apud Albiam aliquot diebus, perrexit comes cum ſuis ad caſtrum quod dicitur Caſtra, vbi cum feciſſemus paucos dies, habitato comes conſilio, propoſuit comes obſidere quoddam caſtrum inter Caſtra & Cabaretum, quod dicitur Altus pullus, caſtrum ſiquidem illud, circa tempus obſidionis caſtri noui, reddiderat ſe comiti Tolofano. Exeuntes igitur à caſtris quadā die dominica, ſcilicet in quindenā paſchæ, venimus ante caſtrum prædictum, hoſtes autem qui ad defendendum intrauerant caſtrum illud, cuius ſuburbia magna, exeuntes aduerſus noſtros, cœperunt eos acrius infeſtare noſtri vero, mox illos in caſtrum retrudentes, à parte vna caſtri fixere tentoria, erant enim pauci. Caſtrum autem alti pulli, in altiffimi & ar-

duiſſimi montis arduitate, ſuper rupes maximas & quaſi inaccessibiles ſitum erat, tantæ ſiquidē erat fortitudinis ſicut ipſe vidi oculis & experientia didici, quod ſi aperta eſſent ianuæ caſtri, & nullus penitus reſiſteret, non poſſet quis ſine graui difficultate ipſum Caſtrum perambulare, & ad turrim ipſius pertingere. Præparantes igitur noſtri petrariam vnā, ipſam die tertia aduentus ſui erexerunt, & fecerunt iacere ad turrem caſtri. Eadem etiam die armauerunt ſe noſtri milites, deſcendentesque in vallem ad pedes caſtri, voluerunt aſcendere in caſtrum, ſi fortè illud capere poſſēt per inſultum. Factum eſt autem dum intraſſent primum burgum, aſcendentes illi de caſtro ſuper muros & domos, cœperunt ingētes lapides creberrimōſque iacere ſuper noſtros. Alii autē in loco per quem noſtri intrauerāt igne copioſū accenderunt: videntes igitur noſtri quod nihil proficerēt, eo quod hominibus quaſi inaccessibilis eſſet locus ille, iactus etiā lapidum ſuſtinere non poſſent, per medium ignē, non ſine graui diſpēdio exierunt. Quadā autem die peſſimā & crudeliſſimā traditionem quā fecerant illi de caſtro, non credimus præmittendam. Erat autem cum comite noſtro, miles indigena cognatus cuiuſdam traditoris, qui erat in caſtro, qui etiam ex parte dominus fuerat Cabareti. Mandauerunt igitur illi de caſtro comiti noſtro, vt mitteret ad eos dictum militem vt haberent cum eo colloquium de compoſitione, & per ipſum quod vellent, comiti remanderent. Dum igitur acceſſiſſet ad eos, deliçen-

tia comitis miles prædictus, loquereturquæ cum eis in porta caſtri, quidam de illis de caſtro ſagittam iſtubaliſtæ dirigens, ipſum grauiffime vulnerauit. Oproditio crudeliſſima. Sed non multo poſt, ſcilicet ipſo die vel in craſtino, contingit iuſto Dei iudicio, quod ille traditor, qui dictum militem noſtrum cognatum ſuum, ad colloquium vocauerat, in eodem loco vbi vulneratus fuerat, in crure videlicet, ipſe à quodam de noſtris validiſſimum vulnus accepit. O iuſta diuinæ vltionis menſura. Interea petratia noſtra, ad turrem caſtri continue iaciebat. Die autē quarta ab initio obſidionis, poſt occaſum ſolis, orta eſt ſpiſſiſſima nebula: illi de caſtro, diuino timore correpti, naſta occasione apti temporis, exeuntes de caſtro fugere cœperunt, quod noſtri percipientes, ſtatim clamore facto, in caſtrū irruerunt, & quotquot inuenerunt de hoſtibus interfecerunt. Alii autem in ipſa obſcuriſſima nocte, illos qui fugiebant inſequuti, aliquos ex eis cōprehēderunt: in craſtino autem, fecit comes caſtrum illud dirui & comburi: quibus geſtis, milites qui venerant à Francia cum Roberto malo-uicino, ſicut ſuperius dictum eſt, & tota hyeme præcedente fuerant cum comite, recedentes ab eo fere omnes ad propria remearunt.

---

*Infurgunt Narbonenſes malicioſe contra Almaricum filium Simonis comitis.*

Cap. LXII.



**S**Celus quoddam ciuium Narbonenſiũ, quod ipſo tempore perpetrarunt non credimus omittere: ciues enim Narbonenſes, homines erant peſſimi, & nunquam dilexerant negotium Ieſu Chriſti, licet per ipſum negotium, infinita proueniſſent eis bona. Quodam die Guido frater comitis noſtri, & primogenitus comitis Almaricus Narbonam perrexerunt, & cum eſſet in ciuitate illa, dictus Almaricus, vt pote puer, cauſa ſpatiandi intrauit palatium Aimerici domini Narbonæ, palatium autem illud vetuſtũ erat, & quaſi in ſolitudinis defectum redactum. cum igitur dictus Almaricus, quandam fenestrã palatii manu tangeret, & vellet eam aperire, fenestra illa nimia vetuſtate conſumpta, caſu cecidit quo facto Almaricus, rediit ad domum Templariorum vbi tunc hoſpitabatur. Guido vero frater comitis, hora illa erat in domo archiepiſcopi Narbonenſis, & ſtatim ciues Narbonenſes quærentes occaſionem ad faciendum malum, impoſuerunt prædicto paruo filio videlicet comitis, quod voluiſſet vi intrare palatium Aimerici Omodica ſcleris perficiendi occaſio, imo nulla. Statim armauerunt ſe ciues præſati, & currentes donec venirent ad locum vbi erat puer, in ipſam domum Templariorum irrumperere ſatagebant: videns autem puer, quia quærebant animam eius, armavit ſe & in quadam turre domus templariorum ſe recipiens, à facie hoſtium ſe abſcondit, at illi domum ſæpè dictam inſtantiffime impugnabant: alii Fræcigenas quos in ciuitate reperiabant apprehendentes, plures

occiderunt. Orabes iniquorum, duos etiam armigeros proprios comitis interemerunt. Guido vero frater comitis in domo archiepiscopi erat hora illa, & egredi non audebat. Postquam vero dicti ciues diutius impugnaverant domum in qua erat Almaricus, tandem consilio cuiusdam ciuis Narbonensis, quieuerunt ab impugnatione illa, sicque puer de graui periculo liberatus, uiuus per Dei gratiam & sanus euasit. nunc ad id quod dimissimus reuertamur. Recedens comes nobilis à castro altipulli cum militibus paucissimis, intrauit terram comitis Tolosani, post paucos autem dies, venerunt ad eum plures de Almannia peregrini: cœperunt præterea de die in diem venire peregrini, qui ut supra diximus, ad prædicationem Guilelmi venerabilis archidiaconi Parisiensis & M. Iacobi de vitriaco, crucesignati erant: & quia non possemus omnia sigillatim exprimere, quomodo videlicet misericors Deus à diebus illis, negotium suum cœpit mirabiliter promouere, hæc breuiter dicimus, quod comes noster, in breuissimo tempore plura castra vi cœpit, multa etiam vacua inuenit. Nomina autem castrorum, quæ infra tres septimanas recuperauit comes sunt ista. castrum quod dicitur Cuc, Mons. Maurus, S. Felix, Caſſer, Mons. ferandus, Auinio, S. Michael, & alia multa. Dum autem esset exercitus apud castrum quod dicitur Sanctus Michael distabatque vna leuga à castro nouo, superuenit episcopus Carcaſſonenſis Guido, qui fuerat abbas valium & ego cum eo, ipse enim post captionem

*Areas & caſtella intra tres septimanas à comite recuperata.*

altipulli, reſſerat ab exercitu adhuc electus,  
& perrexerat Narbonam, vt cum Domino ab-  
bate Ciftercienſi, qui etiam erat electus in ar-  
chiepiſcopum Narbonenſem, conſecrationis  
beneficium ſortiretur. Deſtructo igitur funditus  
caſtro quod dicitur S. Michael, propoſuit co-  
mes obſidere illud nobile caſtrum quod dicitur  
Podium Laurentii, quod etiam ſicut ſupra di-  
ximus, anno præcedenti à dominio eius reſſe-  
rat. Mouentes igitur & ad caſtrum illud ten-  
dentes, fiximus tentoria in loco prope Podium  
Laurētii, ad duas ferme leugas. Ipſa die ſuperue-  
nerunt peregrini, præpoſitus videlicet Coloniē-  
ſis eccleſiæ potēs & nobilis, plureſque cum eo  
nobiles Alemanni: comes autē Tolofæ erat apud  
Podiū Laurētii cum ſuis ruptariis infinitis, verū-  
tamen audiēs noſtros appropinquare, expectare  
nō eſt auſus, ſed cum velocitate exiens de caſtro,  
omneſq; caſtri homines ſecum trahēs, fugit ver-  
ſus Tolofam, caſtrum vacuum derelinquens. O  
vecordia hominis. O contēptibilis ſtupor men-  
tis. in craſtino ſūmo diluculo veniētes ad caſtrū,  
& inueniētes ipſum vacuū vltcrius proceſſimus,  
& fiximus tentoria in quadam valle. Guido au-  
tem de Luceio, cui comes iam dudum dederat  
caſtrum illud Podii-Laurentii, intrauit illud &  
gēte ſua muniuit. Exercitus autem moratus eſt  
duos dies prope caſtrum in quadā valle: ibi nun-  
ciatū eſt comiti noſtro, quod peregrini multi &  
magni Rothomagēſis videlicet archiepiſcopus  
Robertus, & electus Laudunenſis Robertus,  
Guilelmus venerabilis archidiaconus Pariſien-

*Comes Rai-  
mundus ab-  
iecti & de-  
miſſi animi.*

ſis plureſque alii nobiles & ignobiles veniebāt à Francia Carcaſſoniam, videns autem comes quod multum exercitum haberet ſecum, habito conſilio, Guidonem fratrem ſuum & Guidonem mareſchallum miſit obuiam dictis perigrinis Carcaſſoniam, vt alium facientes exercitum per ſe, ad alias partes ſe verterēt, Chriſti negotium promoturi. Comes autem inouens cœpit tendere apud caſtrum de Rabasteſx: vt autem prætermittentes ſuperflua, ad magis vtilia attingamus, dicamus breuiter, quod illa tria caſtra nobilia, videlicet Rabasteſx, Mons-acutus, Gallicum, de quibus ſapius fecimus mentionem, tunc quaſi vno die ſine obſidione & difficultate aliqua, ſe noſtro comiti reddiderunt. Audientes burgēſes caſtri, quod dicitur S. Marcellus, quod comes noſter, recuperatis pluribus caſtris, ad obſidendum eos properaret, timore ducti, miſerunt ad eum ſupplicantes, vt eos in pace recipere dignaretur, & ipſi voluntati eius traderent caſtrum. Comes autem ſcelera eorum recogitās & peruerſitates inauditas, nullo modo voluit componere cum eis, ſed nuncios eorum ad ipſos remittens, mandauit quod pacem eius vel concordiam, nullo pondere vel pretio poſſent aliquādo adipiſci: quod audientes dicti homines, fugientes de caſtro ſuo, ipſum vacuum reliquerunt, ad quod cum veniſſemus fecit illud comes comburi, turrimque eius & omnes muros, terræ penitus adæquari: inde progredientes, venimus ad illud proximum caſtrum, quod Gueſpia dicebatur, quod cum inueniſſemus vacuum, iuſſit co-

*Caſtellum S.  
Marcelli penitus dirutum.*

mes illud deſtrui & comburi, vnde proficiſcens comes, in vltiora procedens perrexit vt obſideret S. Antoninum: comes autem Tolofæ, dederat caſtrum illud, cuidam militi homini peſſimo & peruerſo. Factum eſt autem, dum pergeremus ad caſtrum illud, epiſcopus Albienſis præceſſerat nos, & venerat ad caſtrum ſæpeditum, oblatum pacem, moniturusque dictum militem vt noſtro comiti redderet caſtrum illud: ille autē vt pote ſuperbiſſimus, cum magna indignatione reſpōdit, ſciat comes Montis-fortis, quod burdonarii nunquā poterunt capere caſtrum meū, burdonarios autē vocabat peregrinos, eo quod baculos deferre ſolerent, quos lingua comuni burdones vocamus. Audiens hoc comes, *Obſidio caſtri S. Antonini.* feſtinavit ad obſidionem caſtri ſæpediti. Quadam vero die dominica, in octauis videlicet Pentecoſtes, venimus ad caſtrum S. Antonini, illud obſeſſuri, & fiximus tentoria ex vna parte caſtri ante portas. Caſtrum autem illud nobiliſſimum, in valle quadam, ad pedes montis, in loco amœniſſimo ſitum erat. Inter montem & caſtrum iuxta muros ipſius caſtri, perlucida fluebat aqua: ex alia autem parte caſtri, erat grata planicies, partemque illam noſtri occupauerant obſeſſores. Excuntes autem aduerſarij à caſtro, cœperunt tota die noſtros ſagittis à longe infeſtare. Adueſperascente die, egreſſi hoſtes à caſtro, cœperunt aliquantulum progredi, noſtros, que de longe aggredi, ſagittas ſuas vſque ad tentoria dirigentes, quod videntes ſeruientes exercitus, & præ confuſione diutius ſuſtinere non

valentes aggreſſi ſunt aduerſarios, ipſoſque in caſtrum ſuum repellere cœperunt. Quid plura? ſit clamor in exercitu, currunt peregrini pauperes & inermes, ipſoque comite noſtro & militibus exercitus neſcientibus & inconfultis, caſtrū impugnare cœperunt, tantaque & tam incredible & penitus inaudita probitate aduerſarios impetebant, quod ex continuo iactu lapidum timorem mittentes in eos pariter & ſtuporem, abſtulerunt eis in vnius horæ ſpatio tres fortiſſimas barbicanas. O quaſi ſine ferro pugna. O victoria glorioſa. Teſtem enim inuoco Deum, quod poſt redditionem caſtri, intraui ipſum caſtrum, & vidi parietes domorum, quaſi corroſos ex ictibus lapidū, quos noſtri iecerāt peregrini. videntes autem illi de caſtro, quod amiſſiſſēt barbicanas, exeuntes à caſtro ex alia parte, per aquā fugere cœperunt, quod vidētes peregrini noſtri tranſierunt aquam illā, & quotquot apprehēdere potuerunt, in ore gladij peremerūt. Captis barbicanis, peregrini noſtri retraxerunt ſe ab inſultu, iam enim inclinata die, nox imminebat. Circa mediam igitur noctem, videns dominus caſtri, quod amiſſis barbicanis, quaſi captum erat caſtrum, miſit ad comitem noſtrum, quaſi paratus reddere caſtrum, dummodo ipſe poſſet euadere: quem redditionis modum, cum comes renueret, dominus caſtri, iterum miſit ad eum: exponens ei ſua per omnia voluntati. Summo igitur diluculo, iuſſit comes omnes extrahi de caſtro, habitoque cum ſuis conſilio, quod ſi homines vt pote rudes & agricolas interfici faceret,

castrum illud destructis habitatoribus, redigeretur in solitudinem, saniori igitur comes vius consilio, dimisit homines, dominum vero castri qui totius huius mali causa fuerat, retrudi iussit in imo carceris Carcassonenfis, ubi in custodia, & vinculis, per multos detentus est dies: milites etiam paucos qui erant cum eo, fecit comes carceri mancipari.

---

*Vocatus comes ab episcopo Aginensi, vadit  
& recipit ciuitatem.*

*Cap. LXIII.*

**E**Rāt autem tunc temporis in exercitu Vticēsis & Tolosanus episcopi & episcopus Carcassonæ, qui nunquam ab exercitu recedebat. Communicato igitur um istis consilio, in hoc comes eiusque milites consenserunt, vt dirigeret comes aciem suam, versus territorium Aginnense, episcopus siquidem Aginnensis, iam pridem mandauerat comiti nostro, quod si ad partes Aginnēses se transferret, ipse & sui cōtanguinei, qui potentes erant in terra illa, eum pro posse suo adiuuarent. Erat enim Aginnum ciuitas nobilis, inter Tolosam & Burdegalam in a mœnissimo loco sita: ciuitas illa in territorio suo à diebus antiquis fuerat regis Angliæ: sed rex Richardus, quando dedit sororem suam Ioannā Raimundo comiti Tolosano in uxorem, ciuitatē sæpeditā cum territorio suo, dedit pro matrimonio sororis suæ, comiti Tolosano. Dominus etiam Papa, comiti nostro dederat in mandatis,

*Situs & descriptio  
urbis  
Aginensis.*

vt omnes tam hæreticos, quam hæreticorum  
 fautores impugnaret auxilio cruce-signatorum.  
 Mouentes igitur à caſtro S. Antonini, venimus  
 recto grefſu, ad quoddam caſtrum comitis To-  
 loſani, quod dicebatur Mons-cuc. Nec ſilen-  
 dum quod munitiones, per quas tranſiebamus,  
 quæ timore noſtrorum, ab incolis erāt dereli-  
 ctæ, de quibus poterat prouenire malum aliquod  
 Chriſtianitati, faciebat comes, funditus euer-  
 ti vel comburi. Quoddam præterea nobile caſtrum  
 quod eſt prope S. Antoninum nomine Caſluti-  
 um, quod tenebat comes Tolofæ, traditum eſt  
 tunc tēporis comiti noſtro, mediāte induſtriaviri  
 nobilis & fidelis, comitis videlicet Balduino. Co-  
 mes enim noſter iā habuerat antea caſtrum illud,  
 ſed homines de caſtro anno præterito ab eo recel-  
 ſerat & reddiderat caſtrum comiti Tolofano. Au-  
 diētes autē homines caſtri de mōte, tunc noſtros  
 aduenire, timore ducti omnes fugerunt, caſtrum  
 vacuum relinquentes: erat autem caſtrum illud  
 nobile, & in optimo & fortiſſimo loco ſitum.  
 Comes vero noſter dedit ipſum ſupradicto co-  
 miti Balduino, fratri comitis Tolofani. Inde  
 progredientes, venimus prope quoddam ca-  
 ſtrum ad duas leugas, quod dicebatur Pēna,\* in  
 territorio Aginnenſi: caſtrum illud commiſe-  
 rat comes Tolofæ cuidā militi ſeneſchallo ſuo,  
 qui dicebatur Hugo dalfar & erat Nauarrus: in-  
 ſuper & filiam ſuam non de legitimo matrimo-  
 nio, eidem militi dederat in vxorem. Audiens  
 comes aduenire comitem Montis-fortis, aduna-  
 uit ruptarios ſuos fortes & muniſſimos circiter

\* Penne en  
 Agenois.



quadringentos. Omnes autem homines caſtri, à minimo uſque ad maximum expulit à caſtro: ipſe uero cum ruptarijs ſuis in munitionem ſe recipiens, victualibusque copioſiſſimis, omnibusque quæ ad deſenſionem neceſſaria videbantur, munitionem ipſam optime muniens, parauit ſe ad reſiſtendum: quod audiens comes noſter, propoſuit obſidere illud, ſed habito cum ſuis conſilio, prius ire uoluit Aginnum, ut in poſtate ſua reciperet ciuitatem. Aſſumens igitur de militibus exercitus ſecum quos uoluit, perrexit Aginnum, exercitu in loco in quo erat eius reditum expectante, perueniensque Aginnum, honorificè eſt ſuſceptus. Iuſuper & ciues conſtituentes eum dominum ſuum, præſtito ſacramento fidelitatis, tradiderunt ei ciuitatem. Quibus omnibus rite peractis, comes ad exercitum remeauit, caſtrum de Penna obſeſſurus. Anno Domini 1212.3. Non. Iuni, die Dominica

uenimus ad deſtruendum caſtrum Pennæ, illud adiuuante domino obſeſſuri. Hugo autem d'Alfar qui erat cuſtos caſtri, de quo ſupra tetigimus, uidens appropinquante exercitum ſignatorum, ſe & ruptarios ſuos, in caſtri munitione recepit, per totum burgum inferius ignem mittens. erat autem caſtrum Pennæ, nobiliſſimum in territorio Aginnenſi, in cuiusdã ſiquidem colliſ amœnitate ſitum, latiſſimis & fœcundiſſimis circumquaque vallibus cingebatur: ornabat quippe caſtrum hinc terrarum opulencia, illinc pratorum planities gratioſa, hinc delectabilis ſyluarum amœnitas, illinc lætificans fertilitas vinearum,

*Obſidio Pæ-  
na, eiſde-  
que expu-  
gnatio.*

*Pennæ ca-  
ſtrum à Ri-  
chardo R.  
anglia mu-  
nitum.*

arridebat inſuper æris deſiderata ſalubritas, cir-  
cumcūſectum opulenta iocunditas fluuiorum,  
ipſa autem caſtri munitio ſupra rupem fundata  
maximam & natiuam, muris munita for-  
tiſſimis, quaſi inexpugnabilis videbatur, Richar-  
dus ſiquidem rex Angliæ, cuius ſupradiximus fu-  
erat caſtrum Pennæ, munitionem ſupradictam  
fortiſſimè munierat, puteumque in ea fodi fece-  
rat, quia caſtrum illud erat, quaſi caput & clauis  
totius territorii Aginnenſis. Prædictus autem co-  
mes, Hugo videlicet cui comes Tolofæ caſtrū il-  
lud dederat, munitionem illam adeo munierat e-  
lectis bellatoribus, & minutis victualibus, inſuper  
& machinis quæ dicuntur petrariæ, lignis, ferro  
& omnibus ad defendendam munitionem neceſ-  
ſariis, quod non poſſet quis credere munitionem  
ſæpedictam, per multorum annorum curricula  
poſſe capi. Fecerat denique intra ſæpedictā mu-  
nitionem officinas fabrorum duas, furnum & mo-  
lendinum. Multiplici ergo munimine ſeptus, ob-  
ſidionem quaſi intrepidus expectabat. Veni-  
entes autem noſtri ante caſtrum, fixere tentoria  
circumquaque: in ipſa autem ſixione tabernacu-  
lorum, cœperunt aliqui de caſtro egredi, noſtroſ-  
que ſagittis acius infeſtare. Poſt aliquot autem  
dies, intra burgum quod conbuſtum fuerat, e-  
rexerunt noſtri petrarias vt iacerent verſus mu-  
nitionem: quod videntes illi de caſtro, erexerūt  
& ipſi petrarias, ad perturbandum & impedi-  
dum noſtras, iacientesque lapides magnos & cre-  
berrimos, noſtros haud modicum infeſtabant.  
Poſt hæc noſtri, plures petrarias erexerunt: ve-

rumtamen quamuis machinę noſtrę continuè iacerent, domos quę in munitione erant cōfringerent, muros ipſius munitionis debilitabant in modico aut in nullo. Erat autem tempus æſtiuū & calidiſſimum, circa feſtum videlicet B. Ioannis Baptiſtę. Nec ſilendum credimus, quod comes noſter, paucos habebat milites, licet multos haberet pedites peregrinos. Vnde contingebat, quod quotiens noſtri cauſa impugnationis accedebant ad munitionem, aduerſariis quia muniti erant & docti ad prælium ſe viriliter deſcendentibus parum aut nihil proficere poterāt. Quadam die etiam cum noſtri ſæpedictam munitionem infeſtarent, quoddam repagulum de lignis muro proximum vi cœperunt, ſed aduerſarii per deſuper murū, creberrimos lapides iacentes, noſtros ſtatim à repagulo quod cœperant repulerunt, cumque noſtri ſe in interiora recepſſent, exeuntes aduerſarij, in ipſo ardore diei veniebant vt comburerent machinas noſtras, afferentes ſecum ignem & ſtipulam & cætera ad ignis neceſſariū incentiuum: ſed noſtris viriliter reſiſtentibus, petrarias noſtras, non ſolum comburere, ſed nec ad ipſas quidem accedere poterant. Non ſolum autem illa die exierunt aduerſarij contra noſtros, ſed per multas vices exhibant, noſtroſque prout poterant infeſtabant. Erat in obſidione illa venerabilis epiſcopus Carcaſſonę, de quo ſæpius mentionem fecimus, & ego cum eo. Hic in exercitu domini, de mandato archiepiſcopi Narbonenſis, qui fuerat abbas Cifterciēſis, & erat legatus, ſicut ſuperius eſt præmiſſum, vice fungens legati, in

feruore ſpiritus indefeſſo, in labore corporis incredibilio, officium prædicationis, cæteraque ad obſidionem pertinentia ſedulus exercebat, vt breuiter dicam, tanto & tam importabili cura. ū ſibi inuicem ſuccedentium pondere premebamur, quod vix licebat nobis coſedere, vix modicum pauſare. Nec prætermittendum, quod dum eſſet comes in obſidione Pennæ, venerunt ad eum omnes nobiles terræ illius, & facientes ei hominum, acceperunt ab eo terras ſuas. Dum res ita ſe haberet, Guido de Monte-forti, frater comitis noſtri, & archiepiſcopus Rothomagenſis Robertus, & electus Laudunenſis Robertus, & Guilelmus archidiaconus Pariſienſis & Ingerannus de boua, cui comes noſter iam pridem terram comitis Fuxi pro parte conceſſerat, pluresque alij peregrini, egreſſi à Carcaſſona, verſus terram Fuxenſem, ſe tranſtulerant & venerant ad quoddā caſtrum quod dicitur Anclanetum, quod ſtatim per inſultum vi capientes, hoſtes qui in eo erant ceciderunt, quod audientes illi qui erant in caſtris vicinis, caſtella ſua tradentes incendio, à facie noſtrorum fugerunt : noſtri vero caſtra illa perambulantes, ea funditus euertebant. Inde procedentes verſus Tolofam, caſtra multa & fortiſſima, quæ derelicta erant vacua, penitus deſtruxerunt: ex quo etiā cœperunt Anclanetum, non inuenerunt qui auderet eos, in aliquo caſtro licet fortiſſimo expectare: timor quippe magnus, irruerat, ſuper omnes habitatores terræ illius. Dū ita viriliter ſe haberent noſtri prædicti, miſit ad eos comes noſter, mandans vt venirent ad eum a-

puḁ Pennam. Peregrini ſiquidem qui erant cum eo, reſecta quadragena ſua in exercitu, volebant ſe à omnes, ad propria remeare: properantes igitur viri prædicti, veniebant ad comitem. Quodã autẽ die venerunt ad caſtrum fortiſſimum, quod dicitur Penna in Albienſi: caſtrum illud adhuc Chriſtianitati & comiti reſiſtebat, ſemperque ruptarijs erat plenum. Cum ergo veniſſent ſupradicti peregrini ante caſtrum illud, ruptarij qui erant in caſtro exeuntes aduerſus noſtros, vnum de noſtris militibus occiderunt: noſtri autem nolentes in captione caſtri diutius morari, eo quod comes noſter vocaret eos ſub feſtinatione, deſtructis in circuitu caſtri ſegetibus & vineis, recedentes noſtri ad comitem feſtinabant. Illi autem de caſtro poſt diſceſſum noſtrorum, qui ibi fuerant per aliquot dies, venerunt ad locum vbi noſtri militẽ qui occiſus fuerat tradiderant ſepulturæ, extrahentes corpus de tumulo & per plateas diſtrahentes, beſtijs & aubus expoſuerunt. O iniqua rabies. O crudelitas inaudita. Peruenientes ſæpius dicti peregrini ad comitẽ qui erat in obſidione Pennæ, ab eo cum ingenti gaudio ſunt ſuſcepti, ſtatimque diuiſis circumquaque agnominibus, fixere tentoria prope caſtrum: comes autem cum ſuis militibus obſedit caſtrum à parte occidentis, in illa enim parte erant machinæ noſtræ adaptatæ: Guido vero frater comitis, ab alia parte ſcilicet ab oriente fixit tentoria, & in illa parte erigens machinam, cœpit & ipſe caſtrum fortiter impugnare. Quid plura? multiplices adhuc eriguntur machinæ, inſtant noſtri

*Corpus militis exhumatum, ſeris præda obicitur.*

impugnationi caſtri: erant autem circa caſtri circuitum nouem machinæ erectæ, & quia nec omnia, quæ in illa obſidione geſta ſunt ſigillatim exprimere non ualemus, attingamus ad ſumma. Videns comes noſter quod machinæ noſtræ non poterant diruere murum caſtri, fecit fieri aliam machinam, longe præ cæteris maioris magnitudinis, & dum machina illa pararetur, archiepiſcopus Rothomagenſis, & electus Laudunenſis & cæteri qui cum eis erāt, expleta quadragena ſua, recedere volebant, ſingulis etiam diebus, completa quadragena ſua recedebant peregrini, ueniebant autem nulli aut pauciſſimi. Sciens igitur comes noſter, quod quaſi ſolus remanebat, in multa anguſtia poſitus, acceſſit ad maiores exercitus, & ſupplicauit ne Chriſti negotium, in tanta neceſſitate defererent, ſed adhuc ibi per aliquantulum temporis ſpatium morarentur: dicebatur autem, quod multitudo magna peregrinorum ueniens à Francia erat Carcaſſonæ, & uere ſic erat: nec ſilendum, quod præpoſitus Coloniæ: ſis, omneſque Alemanni, qui multi & nobiles cū eo, & poſt eum uenerant, iam ab exercitu reſceſſerant. Audiens electus Laudunenſis, preces comitis non exaudiuit, ſed quādam infirmitatem præ tendens nullo modo potuit detineri: ſimiliter & cæteri fere omnes fecerunt, ſolummodo archiepiſcopus Rothomagenſis, qui ſe in ſeruitio dei laudabiliter habuerat, ſecum tenens propriis ſumptibus plurimos milites, & familiam multam, nimis, ipſe benignus, benigne comiti acquieuit, & tandiu cum eo remanſit, donec nouis ſuper-

*Præpoſitus  
Coloniænſis  
caſtris diſ-  
cedit.*

uenientibus peregrinis, ipſe de licentia & voluntate comitis, cum honore ad propria remeauit. Cum ergo receſſiſſet epiſcopus Laudunenſis, & pars magna exercitus, cœpit venerabilis archidiaconus Guilelmus, vir magnæ conſtantię & mirificæ probitatis, in his quæ ad obſidionem pertinebant inſtantiffime laborare: epiſcopus autem Carcaſſonenſis, propter quædam negotia perrexerat Carcaſſonã, interea illa magna machina, quam ſuperius commemorauimus parabatur, quæ dum parata fuiſſet, fecit eam dictus archidiaconus à parte quadam erigi prope caſtrum, illa autem machina, vt pote magna magnos iaciens lapides, murum caſtri paulatim debilitare cœpit. Poſt aliquot vero dies, ſuperuenerunt peregrini, de quibus ſupra fecimus mentionem, abbas videlicet S. Remigii Remenſis, & quidam abbas Sueſſionenſis, Decanus etiam Antiſiodorenſis, qui ibi poſtea deſunctus eſt, & archidiaconus Cathalaunenſis, viri magni & litterati, plures & milites & pedites peregrini: qui cū veniſſent, venerabilis epiſcopus Rothomagenſis, de voluntate & beneuolentia comitis recedens ab exercitu repatriauiſſet: illi autem qui ſuperuenerant, cœperunt in expugnatione caſtri ſtrenuè laborare. Quodam die aduerſarii noſtri, pauperes & mulieres quos ſecum habebant, eiecerunt à caſtro, & expoſuerunt morti, ne victualia eorum conſumerent. Comes autem noſter, eiectos illos noluit occidere, ſed redire repulit in caſtrū. O nobilitas principis, dedignatus eſt occidere, quos non cœperat, nec de illorum morte credi-

dit adepturum ſe gloriam, de quorum captione, non fuerat aſſecutus victoriam. Igitur cum machina noſtræ diutius ieciſſent intra munitionem, omneſque domos & refugia quæ in ea erant confregiſſent, machina inſuper magna quæ de nouo erecta fuerat, ipſum murum munitionis debilitare cœpiſſet, videntes illi qui in caſtro erant, quod non poterant diu ſe tenere, & ſi caſtrum vi caperetur, omnes in manu gladii traderentur, attendentes inſuper quod nullum habituri eſſent ſuccurſum à comite Tolofano, tentauerunt cum noſtris, de compoſitione, in hunc modum: debebant reddere comiti noſtro caſtrum, dummodo ipſi euaderent cum armis ſuis: quo audito, habuit comes cum ſuis conſilium, vtrum reciperet compoſitionem quam aduerſarii offerebant. Attendentes autem noſtri, quod ſerè omnes peregrini erant quaſi in reſeſſu, completa ſcilicet quadrageſima ſua, & quod comes remaneret ibi quaſi ſolus, conſiderantes etiã quod illi de caſtro, adhuc per multos dies poterant reſiſtere, cogitantes inſuper quod comes multa alia & magna neceſſario habebat facere, hyemps vero imminebat, in qua non poterat obſidionem tenere, his inquã omnibus circumſpectis, conſuluerunt comiti vt acquieſceret compoſitioni quam aduerſarii offerebant. Anno igitur incarnati verbi 1212. 12. mēſe Iulij, in feſto S. Iacobi eiectis aduerſarijs, recepit comes nobile caſtrum Pennæ. Die autem cratiſſima ſuperuenit venerabilis archiepiſcopus Remenſis Albericus, vir multæ bonitatis, qui negotium Ieſu Chriſti deuotiſſimo amplexabatur affectu,



venitque cum eo cantor Remenſis, & quidam alii peregrini : non credimus autem ſupprimendum, quod dum eſſet comes noſter in obſidione Pennæ, rogauit Robertum malum vicinum, vt ipſe pergeret ad quandam villam valde uobilem nomine Marmandam, quæ fuerat comitis Tolofæ, acciperetque eam ex parte comitis noſtri & cuſtodiret : vir autem nobiliſſimus, licet grauifſima infirmitate laboraret, nō recuſans laborem, nec fatiſcentem præſtendens infirmitatem, libenter ac liberaliter acquieuit. Hic eſt enim de cuius præcipue circumſpecta prouidentia, ſaluberri-  
moque conſilio pendeſcit comes, imo totum negotium Ieſu-Chriſti. Veniens Robertus ad villam prædictam, honorifice à burgenſibus eſt ſuſceptus, ſed quidam ſeruiētes comitis Tolofæ, qui cuſtodiebant munitionem caſtri, nolluerunt ſe reddere, ſed cœperunt reſiſtere, ipſamque defendere munitionem : quod videns vir ſtrenuus videlicet Robertus, ſtatim ante munitionem, fecit erigi vnum mangonellum, qui cum aliquot lapides ieciſſet, dicti ſeruientes reddiderunt munitionem. Māſit autem Robertus in villa illa aliquantis diebus, & poſt hæc rediit ad comitem apud Pennam. Capto caſtro Pennæ & munito, propoſuit comes noſter vt obſideret quoddam caſtrum proximum nomine Biron : Caſtrum illud, dederat comes Tolofæ cuidam traditori nomine Martino Algais, quia ſicut in ſuperioribus diximus, fuerat cum comite noſtro, ſed poſtea proditione facta ab eo receſſerat : hic in caſtro prænotato moram faciens, aduentum noſtrorum

*Marmanda  
in poteſtatē  
comitis Mō-  
fortij venit.*

ibi voluit expectare, quod iuſto Dei iudicio pro-  
 uiſum, rei exitus demonſtrauit. Venientes igitur  
 noſtri ante caſtrum obſederunt illud, poſt hoc  
 impugnatione, \* poſt multos labores, & miræ pro-  
 bitatis exercitia, aſcendentes muros, vi burgum  
 cœperunt. Statim aduerſarii, ſe in munitionem  
 receperunt, videntesque quod non poterant re-  
 ſiſtere, quæſierunt pacem, parati reddere municio-  
 nem illam, dummodo euaderent ipſi viui, quod  
 comes nullatenus facere volebat: verumtamen  
 timens comes, ne furtive euaderet dictus traditor,  
 Martinus videlicet Algaïs, propter cuius captio-  
 nem, comes præcipuè obſederat caſtrū illud, ob-  
 tulit aduerſariis, quod ſi traditorem illum in ma-  
 nibus eius traderent, ipſe eos ab imminentis mor-  
 tis anguſtia liberaret. Quo audito, illi auidiſſimè  
 currerunt, Martinumque arripientes, ipſum co-  
 miti tradiderunt, quem comes arripiente, obtulit  
 ei confessionem, ſicut aliis dampnatis facere con-  
 ſueuerat vir catholicus, poſt hæc ligatum ad cau-  
 dam equi, per exercitum diſtrahi fecit, diſtractū-  
 que dignè pro meritis patibulo ſuſpendi. Venit  
 ibi ad eum, nobilis quidam princeps Vaſconię  
 Gaſto de Bearno, homo peſſimus, qui ſemper  
 adhæſerat comiti Tolofano, facturus collo-  
 quium de compositione: Comes autem noſter,  
 quia ipſa die componere nequiverunt, alterum ei  
 diem assignauit apud Aginnum, ſed ille pacis ini-  
 micus, à compositionis pacto reſiliens, ad diem il-  
 lam venire noluit. Dum hæc agerentur, nobilis  
 Comitiſſa Montis fortis, & venerabilis epiſcopus  
 Carcaſſonenſis & ego cum eo, à partibus Carcaſ-

\* *Locus &  
 ger.*

*M. Algaïs  
 hispanus  
 proditor pa-  
 tibus affigi-  
 tur.*

ſonę properabamus ad comitem, habentes nobiſcum paucos pauperes & peregrinos. Nec ſilendū quod dum perginus, multi de peregrinis noſtris, propter calorem feruentiſſimum & arduitatē vię, deficiebant in viā: venerabilis autem Carcaſſonenſis epiſcopus & nobilis comitiſſa, eorum dolori compatiētes, eos tota die in equis ſuis, retro ſe deportabant, aliquando etiam, vterque ipſorum, epiſcopus videlicet & Comitiſſa, ſuper equū ſuum duos leuari faciebant per grinos, ipſi autem pedites incedebant. O compaſſio pia epiſcopi. O nobilis humilitas Comitiſſę. Cum autem veniſſemus Caturcum, ad comitem properantes, dictum eſt nobis, quod illic propè erant caſtella, in quibus ruptarij & inimici fidei morabantur: cum ergo accederemus ad caſtella, & eſſemus pauciſſimi, diuina clementia mirabiliter operante, perierunt hoſtes & à facie noſtra fugientes, plura caſtra & fortiſſima vacua reliquerunt, quę poſtquam deſtruximus, venimus ad comitem apud Pennam. His omnibus ritè peractis, habito comes nobilis cum ſuis conſilio, propoſuit obſidere quoddam caſtrum nomine Moſaicum, quod erat in poteſtate comitis Tolofani. Venientes igitur ad caſtrum in vigilia aſſumptionis B. Marię, obſedimus illud: Caſtrum autem Moſaici ſitum erat ad pedem mōtis in quadam planicie, propè fluuium Tarni, in loco plurimum fertili & amœno, vocatur Moſaicum, à moys, quod eſt aqua, eo videlicet, quod dulciſſimis intus fontibus abundat. Homines autem caſtri, cum auდიſſent noſtros accedere, vocauerunt ad ſe ruptarios, & homines Tholoſanos

*Obſidio Moſaicæ.*

quamplurimos, vt eorum auxilio reſiſtere noſtris poſſent, erant autem ruptarii illi, homines peruerſi & peſſimi: cum enim caſtrum illud, iamdudum fuiſſet à legatis D. Papæ interdictum, eo quod faneret hæreticis, impugnaretque eccleſiam cum comite Tolofano, dicti ruptarii in contemptum Dei & noſtrum, campanas eccleſiæ, quæ in caſtro erat nobilis & ampliffima, omni die, ad omnem horam, feſtiuè faciebant pulſari. Rex ſiquidem Franciæ Pipinus in caſtro illo monaſterium mille fecerat monachorum. Poſt paucos dies, fecit comes parari machinas & erigi propè caſtrum quæ iaciētes cœperunt aliquantulum murum debilitare, erexerunt autem & aduerſarii machinas ſuas, & fecerunt iacere contra noſtras: viri autem venerabiles, & huius negotii rectores & magiſtri, ſcilicet episcopus Carcaſſon. & Guilelmus archidiaconus Pariſienſ. in his quæ obſidioni erant neceſſaria inſtantiffime laborabant: archiepiscopus etiam Remenſis, qui ibi erat, verbum prædicationis & exhortationis, ſapiffimè & libentiſſimè peregrinis miniſtrans, & in his quæ opus erant obſidioni ſe humiliter exponens, & ſua liberaliter expendens, valde erat neceſſarius negotio Jeſu-Chriſti: quodam autem die exierunt aduerſarii à caſtro, & cœperunt venire vt debilitarent machinas noſtras: currens autem comes noſter & quidā de noſtris armati, hoſtes in munitionem ſuam retrudebant. In illo autem conflictu, quidam de aduerſariis ſagittam dirigens, comitem noſtrum in pede vulneravit, ſed & quendam iuuenem de noſtris, qui erat nepos archiepiscopi Remenſis, ca-

*Cænobium  
à Pipino re-  
ge extructū,  
in quo dege-  
re debent  
mille mona-  
chi.*

*Archiep. Re-  
menſ. præco-  
dominici  
verbi.*

pientes, illum poſt ſe traxerunt, quem occidentes, & turpiter detruncâtes, ad nos præiecerunt. Venerabilis autem archiepiſcopus anunculus occiſi iuuenis, licet affectu diligeret eum ſingulari, propter ſeruitium tamen Ieſu-Chriſti, mortem nepotiſæquanimitè ſuſtinens, & multa animi virtute diſſimulans, cunctis qui in exercitu erant, miræ patientiæ & magnanimitatis exemplum demonſtrat. Nec ſilendum eſt, quod circa huius obſidionis initium, cum præ paucitate peregrinorum, non poſſemus caſtrum vndique obſidere, exibant quotidie aduerſarii à caſtro, venientesque per ſuper montem, qui caſtrum ſupereminebat, cū multa ſuperbia exercitum infeſtabāt, peregrini autem noſtri, aſcendētes ad eos tota die contra illos dimicabant. Quotieſcumque vero aduerſarij, aliquē de peregrinis noſtris occiderant, in contemptum noſtrorum, circumdantes corpus occiſi, in ipſum ſinguli gladios infigebant: tantæ enim crudelitatis erant, quod non ſufficiebat eis, ſi aliquem noſtrorum occiſum viderent, niſi noua adiicientes vulnera, omnes quotquot erant hoſtes, corpus defuncti, gladijs ſuis tranſuerberabāt. O pugna contēptibilis. O rabies iniquorum. Cum autem hæc agerentur, cœperunt venire de die in diem à Francia peregrini: epiſcopus etiam Tullenſis Reginaldus, die quadam cum alijs peregrinis ſuperuenit. Creſcente igitur peregrinorum multitudine, occupauerunt dictum montem, venientibuſque paulatim peregrinis, ſicut antea facere conſueuerant, caſtrum ferè vndique obſederunt. Nec ſilentio prætereundum, quod antequam caſtrum

*Nepos Archiep. Remenſis mēbratim diſcerpitur.*

*Albigenſes in mortuos imaniſſimè ſaniunt.*

undique eſſet obſeſſum, exeuntes aduerſarii à caſtro, & aſcendentes in montem, quando videbāt epīſcopum Carcaſſonē, ſermonem exhortationis ad populum, habentem, in turbam populi qui ſermonem audiebat, cum baliftis ſagittas iaciebant, ſed per Dei gratiam nullum lædere potuerunt: & quia non omnia quæ ibi geſta ſunt, poſſemus latius exprimere, accingamur ad ſumma. Poſtquam machinæ noſtræ diu iecerant, & debilitarant muros caſtri, fecit fieri comes machinam quandam, quam lingua vulgaris Catum dicit, quæ cum facta eſſet, iuſſit comes trahi eā ad foſſatū caſtri, quod latiſſimum & profundiffimū erat, aqua etiam plenum. Aduerſarij autem, quædam extra foſſata repagula de lignis fecerant, & poſt illa repagula, iterum aliud foſſatum, manebantque ſemper inter illa duo foſſata, & inde exhibant ſæpius & inſeſtabant noſtros, interea dicta machina noſtra ad foſſatum trahebatur. Erat autem cooperta pelliſus bouinis recentibus, ne ab hoſtibus poſſet cōburi: aduerſarii autem quandam machinam petriariam, faciebant iacere aſſiduè ſuper machinam illam, vt diruerent illam. Dum autem eſſet machina ſæpedicta ſuper primum foſſatum, nihilque ſuper eſſet, niſi vt ipſum foſſatum ſub protectione à noſtris impleretur, quodam die poſt occaſum ſolis, exeuntes aduerſarii à caſtro, attulerunt ignem, ligna ſicca, ſtipulam, ſtupam, carnes ſalſas, adipem oleum, & cætera ignis incentiua, cœperuntque inſtantiffimè proiicere, vt cōburerent machinam noſtram. Habebant præterea baliftarios, qui noſtros defendentes machinam, grauiffimè vulnera-

bant. Quid plura? altius erupit flamma, turbati  
 fumus omnes. Comes autem & frater eius Guido  
 erant inter machinam. Proicientes igitur aduer-  
 sarii indefesse ad incendendum ignem necessaria,  
 nostri constantissimè & cum multo labore, vinū,  
 aquam, terram in ignem mittebant, alii autem in-  
 strumentis ferreis, frustra carnum & vasa oleo ple-  
 na, quæ aduersarii iactabant, ab igne extrahebant.  
 Sic itaque nostri per incredibiles caloris & laboris  
 anxietates, quod sine lachrymis videri vix posset,  
 sæpè dictam machinam, ab igne exemerunt. In  
 crastino autem, armantes se peregrini nostri ad ca-  
 strum vndique accesserunt, intrantesque audacis-  
 simè primum fossatum, per multos labores & cō-  
 stantissimas probitates, repagula lignea cōfringe-  
 bant, aduersarii autem, qui inter repagula & in  
 barbacanis erant, ipsas barbacanas, prout poterāt  
 defendebant. Cum fieret autem insultus iste, e-  
 piscopus Carcassonæ, & ego per exercitum dis-  
 currebamus nostros exhortantes. Archiepiscopus  
 autem Remensis, & Tulensis & Albiensis epis-  
 copi, & Guilelmus archidiaconus Parisiensis, ab-  
 bas etiam Mosaici cum quibusdam monachis, re-  
 liquusque clerus exercitus, in montis descensu  
 ante castrum stabant, induti vestibus albis, & nu-  
 dis pedibus tenentes ante se crucem, cū reliquiis  
 sanctorum, voce altissima & deuotissima cantabāt,  
*Veni creator spiritus*, diuinum auxilium flagitantes,  
 nec defuit exorantibus paracletus, sed mox vt ver-  
 sum hymni, scilicet, *Hostem repellas longius*, tertio  
 repetentes incœperunt, exterriti aduersarii diui-  
 nitus & repulsi, dimissis barbacanis, ad castrum

*Catholicorū  
 præsum,  
 mira deuo-  
 tio & fer-  
 uor religio-  
 nis.*

cōfugerunt, seque intra murorum ambitum con-  
cluserunt. Interea burgenſes cuiusdam caſtri co-  
mitis Tolofæ quod proximum erat, & vocabatur  
caſtrū Sarracenum, venerunt ad comitem noſtrū  
& reddiderūt ei caſtrum illud: miſit etiam comes  
Guidonem fratrem ſuum, & comitem Balduinū  
fratrem comitis Tolofæ, & alios milites ad aliud  
caſtrum nobile, quod erat comitis Tolofæ, diſtans  
quinque leugis à Tolofa, ſuper Garumnā fluui-  
um ſitum, nomine Verdunū, homines autem  
caſtri illius, ſine conditione aliqua reddiderunt ſe  
comiti noſtro. ſimiliter autem omnia in circuitu  
caſtra ſe reddiderunt, excepto vno, quod dicitur  
Mons-Albanus. Audientes burgenſes Moſaici,  
quod caſtella quæ in circuitu erant, ſe reddiderant  
comiti noſtro, videntes etiam quod reſiſtere non  
valebant, miſerunt ad comitem, poſtulantes pa-  
cem: cogitans autem comes, quod erat adhuc ſa-  
tis fortè, nec poterat capi vi, ſine multa noſtrorū  
interfectione, attendens etiam quod ſi caperetur  
vi, deſtrueretur villa quæ optima erat & propria  
monachorum. Videns inſuper, quod omnes qui  
in caſtro erant pariter interirent, dixit tali condi-  
tione reciperet illos, ſi ruptarios illos, & omnes  
qui cauſa munitionis caſtri venerant à Tolofa,  
traderēt in manus eius, ipſi inſuper iurarent ſuper  
ſacroſancta euangelia, quod non impugnarent de  
cætero Chriſtianos, quibus ritè peractis, traditiſ-  
que ruptariis & hominibus Tolofanis, recepit co-  
mes caſtrum & reſtituit ipſum abbati, ſaluo eo  
quod de iure habuerant in caſtro comites Tolofa-  
ni. Accipientes autem peregrini noſtri ruptarios,



anidiſſime interfecerunt. Nec ſilendum credimus, quod caſtrum Moyſiaci, quod in vigilia aſumptionis B. Mariæ obſeſſum fuerat, in feſto Natiuitatis eiſdem virginis captum fuit: agnoſcitur ergo, operata B. Virgo. Mouens comes à Moyſiaco, propoſuit obſidere caſtrum quoddam prope Fuxum, nomine Sauerdunum in diœceſi Tolofana caſtrum illud à dominio comitis noſtri reſceſſerat, comesque Fuxi qui illud tenebat, occasione caſtri illius, caſtrum Apamiarum plurimum iuſteſtabat. Interea quidam peregrini nobiles de Alemannia, venerant Carcaſſonam. Ingerrannus autem de Boua, cui ſupradiximus, comes noſter conceſſerat pro parte magna terram Comitſ Fuxi, alii etiam milites noſtri qui cuſtodiebant terram Carcaſſonenſem, dictos Alemannos apud Appamias duxerunt: comes autem Tolofæ & comes Fuxi, erant apud Sauerdunum; mouentes autem milites noſtri cum Alemannis, properabant verſus Sauerdunum, quo audito, comes Tolofæ & comes Fuxi fugerunt à Sauerduno, ſicque ſine conditione vel pugna, Ingerrannus recuperauit Sauerdunum. Dum hæc agerentur, comes noſter cum ſuo exercitu, à Moyſiaco veniebat, & cum eſſet prope Sauerdunum, ipſe iuit Appamias vbi erant Alemanni, exercitus vero perrexit Sauerdunum. Comes autem aſſumens Alemannos, equitauit ante caſtrū Fuxi, & inde rediit ad exercitum, qui reſceſſerat à Sauerduno, & perrexerat ad altam ripam, homines autem altæ ripæ à facie eorum fugerant, & dimiſerant caſtrum vacuum, comes autem muniuit caſtrum Altæ ripæ, quia

*Recuperatur  
Sauerdunū  
diœceſ. To-  
loſanæ oppi-  
dum.*

*Altæ ripæ  
caſtrum à  
comite Simo-  
ne munitū*

per illud ſuos arcere poterat inimicos, erat enim ſitum inter Tolofam & Fuxum. His geſtis propoſuit comes inuadere terram comitis Conuenerum, venitque ad caſtrum quoddam, quod erat prope Tolofam nomine Murellum, erat enim caſtrum illud amœniſſimum, ſuper Garonnâ fluuium ſitum: cū autem appropinquaremus caſtro Murelli, homines caſtri timentes à facie noſtra, fugerant & intrauerunt Tolofam: ſed & quidam ex iſtis, in pontem caſtri qui erat ligneus & longiſſimus ſuper Garonnâ, per quem tranſire debebamus ignem miſerunt. Cum veniſſemus igitur ante caſtrum, & ponte conbuſto, non poſſemus in ipſum intrare, comes & plures de noſtris, mittentes ſe in aquâ quæ profunda erat & valida, non ſine grandi periculo tranſierunt: exercitus autem fixit tentoria citra aquam: ſtatim currens comes cum quibuſdam ſuis ad pontem, ignem cum multo labore extinxerunt, ſtatimque tanta abundantia aquæ pluuiæ erupit, à deoque aqua prædicta excreuit, quod nemo ſine graui propriæ vitæ periculo, poterat illam tranſire. Veſpere autem factò, videns nobilis comes, quod fere omnes milites & fortiores exercitus tranſeuntes per aquam intraſſent caſtrum, pedites autem & inualidi non valentes tranſire, remanſiſſent citra aquam, vocauit mareſchallum ſuum & dixit ei, volo redire in exercitum: cui ille, quid inquit, quid dicitis? robur exercitus totum eſt in caſtro iſto, vltra aquam nō ſunt niſi pedites peregrini, præterea tam magna & valida eſt aqua, quod nullus modo poſſet eam tranſire, inſuper venire poſſent Tolofani,

& vos & omnes peregrinos interficere. Reſpon-  
dit comes mareſchallo, abſit à me vt faciam quod  
conſulitis, pauperes Chriſti expoſiti ſunt gladio, *Simonis co-*  
& ego in munitione manebo, fiat de me voluntas *mitis glorio-*  
Domini, certe ego ibo & manebo cum eis, ſtatim *ſum reſpon-*  
exiens à caſtro, tranſiuit aquam & rediit ad exer- *ſum,*  
citum peditum, manſitque ibi cum pauciſſimis,  
ſcilicet quatuor vel quinque militibus plures dies,  
donec factò ponte, totus tranſiuit exercitus. O  
magna probitas principis. O virtus inuiſta, nol-  
luit enim cum militibus manere in caſtro, dum  
modo pauperes expoſiti peregrini erāt in campo.

---

*Comes Monfortienſis ſan-gaudentium occupat,  
Toloſam modis omnibus diuexat. Comes  
Raimundus ad Arragonenſem re-  
gem confugit, vt ab eo auxilia  
impetret. Cap. LXIII.*

**D**Vm comes noſter moraretur in caſtro Mu-  
relli: venerunt ad eum epiſcopi Conuena-  
rum & Conſorananſium, viri venerabiles & Deo  
pleni, qui negotium Ieſu-Chriſti vnico dilige-  
bant affectu, exlubitione operis promouebant,  
quorum etiam conſilio & induſtria, comes adie-  
rat partes illas, monuerunt igitur comitem vt vl-  
terius procederet, & ſine pugna & gladio maxi-  
mam reciperet Vuaſconiaꝝ partem: properans igi-  
tur comes, perrexit ad caſtrum quoddam quod  
dicebatur S. Gaudentius, & fuerat comitis Con-  
uenarum, homines autem caſtri tradentes ei ca-  
ſtrum ipſum cum gaudio receperunt, venerunt

etiam ibi ad eum nobiles illius, facientesque ei hominum, receperunt ab eo terras ſuas: inſuper penetrās montana apud Fuxum, terrā Rogerii de Cominges nepotis comitis Fuxi ex parte maxima deuastaui. Interea Carcaſſonenſis epiſcopus, qui cum quibuſdam peregrinis, in caſtro Murelli remanſerat, circa munitionem caſtri ipſius aſſidue laborabat. Peractis comes noſter in Vuaſconia negotiis pro quibus perrexerat rediit Murellum, non enim habebat milites peregrinos, niſi comitem Tullenſem, & quosdam alios milites pauciſſimos, ſed quamuis eſſet cum paucis, frequenter tamen equitabat vſque ad portas Tolofæ: illi autem qui in Tolofa erant innumerabiles & munitiſſimi, non audebant exire ſaduerſus eum, ipſe vero omnia in circuitu deuastans, munitiones ante ipſorum oculos deuastabat. Erat autem Tolofa ciuitas vltra modum plena populo, quia Biterrenſes, & Carcaſſonenſes, & Tolofani hæretici & hæreticorum fautores & ruptarii, amiſſis diuino iudicio terris ſuis, Tolofam intrauerant, adeoque implegerāt, quod ipſa clauſtra monachorum ciuitatis, expulſis canonicis fecerant pecorū ouilia & ſtabula equorum. O nidus hæreticorum Tolofa, ô tabernacula prædonū. Nec præmittendum, quomodo afflicta & obſeſſa erat tunc Tolofa: Comes enim noſter erat ex vna parte apud Murellum, quidam milites noſtri ex alia parte apud Verdunum: comes Balduinus ex alia, Guido frater comitis ex altera. Hi omnes ex omni parte Tolofam circumdantes, & vſque propè portas ipſius ſæpius equitantes, eam non mo-

*Tolofa hæreſeon parēs, fautrix, receptrix.*

dicum infeſtabant. Comes autem Tolofæ qui peccatis ſuis exigentibus exhæreditatus, præter Tolofam & Montem Albanum, perdiderat terram ſuam, ad regem Arragonum confugerat, ab eo ſuper recuperatione terræ ſuæ, conſilium & auxilium quæſiturus. O iuſtum iuſtiſſimi iudicis dei iudicium : O miſericordiſſimi fratris videlicet P. de caſtro nouo, veridica ſententia, dicebat ſiquidem vir bonus, ſicut ab illis audiui, qui ab illius ore ſæpius audierant. Negotium inquiebat Ieſu-Chriſti, in partibus iſtis, nunquam proſperum ſortietur effectum, donec aliquis de nobis prædicatoribus, pro defenſione fidei moriatur, & vtinam ego prior, perſecutoris exciperem gladium. Ecce miſer ille comes Tolofanus, cum mortem huic ſanctiſſimo viro videlicet intuliſſet, eo quod ipſum de perpetratis nequitijs, publicè & in facie redargueret vir bonus, poſt hæc ſe enaſiſſe putauit, poſt hæc recuperare ſe credidit terram ſuam, ſed domino retribuente vindictam, ſanguinemque ſui martyris vindicante, vnde ſperauit ſe habere lucrum, niſi diſpendium grauiffimum, inde damnum irrecuperabile reportauit. Diligenter etiam eſt notandum, quod dictus comes miſer ille, occiſorem viri Dei, in maximo amore & familiaritate receperat, adeo quod per ciuitates & caſtella ipſum ducens, quaſi pro ſpectaculo omnibus dicebat. Iſte ſolus me diligit, iſte ſolus concordat maximè votis meis : iſte eripuit me ab inimico, licet autem crudeliſſimum homicidam illum, comes prædictus ita extolleret, ipſum muta etiam animalia abhorrebant. Sicut enim multorum & proborum virorum canonico-

*Homicidij  
ultio diui-  
næ.*

rum Tolofanæ eccleſiæ, veridica relatione audi-  
mus, ab illo die quo prædictus homicida, memo-  
ratum virum Dei occidit, in deteſtationem tanti  
ſcleris, nunquam canis dignatus eſt accipere de  
manu eius. O res miranda. O res inaudita. Hoc  
idcirco inferimus, vt quam iuſtè comes Tolofæ  
exhæreditatus ſit oſtendamus. Dum res ita ſe ha-  
beret, vt ſupradictum eſt, Rogerius Bernardi filius  
comitis Fuxenſis, propè Carcaſſonam cum rup-  
tariis tranſiens, equitabat quodam die verſus Nar-  
bonam, vt ſi quos inueniret peregrinos, vinctos  
perduceret Fuxum, aut morte crudeliſſima con-  
demnaret. Factum eſt igitur, dum iret, obuios  
habuit paucos peregrinos, qui tendebant ad comi-  
tem noſtrum, venientes à partibus Gallicanis: pe-  
regrini autem illi, videntes hoſtes venientes, pu-  
tantesque quod eſſent de noſtris, intrepidi aduer-  
ſariis occurrebant. \* Traditores ſiquidem prædi-  
cti, in his nequitia ſua prouidebant, quia videli-  
cet lento paſſu, & per ſtratam publicam ambula-  
bant, vt non eſſet facilè aduertere, quod non eſſet  
de noſtris. Vt autem appropinquauerunt ad inui-  
cem, ſtatim crudeliſſimi carnifices, inſurrexerunt  
in noſtros qui pauci erant & inermes, vt potè pro-  
ditionis ignari, occidentesque plures de noſtris,  
& membratim dilacerantes, reliquos ſecum du-  
xerunt vſque Fuxum, vbi eos tenètes in vinculis,  
tormentis valiſſimis dilaniabant: cum maximo  
ſiquidem ſtudio, noua quotidie & in experta exco-  
gitabant ſupplicia, quibus ſuos affligerent capti-  
uos: ſicut enim ab ore cuiusdam militis noſtri au-  
diui, qui ibi tenebatur in vinculis, qui præſens

*\* Fertur etiã  
pro certo,  
quod aliqui  
eorum, ſu-  
per arma de-  
ferebant ha-  
bitum mo-  
nachorum  
Cifterciienſi-  
um & alios  
precedebat.  
Hæc habet-  
ur in mar-  
gine M. S.*

erat & videbat, captiuos ſuos cruciabant illi tot & tantis tormentis, quod Diocletiano & Maximiano poſſet æquiparati malitia, vel etiam anteferri. Vt enim prætermittamus ibi minima, ipſos ſacerdotes & diuini myſterii tractatores frequentius ſuspendebant: quandoque etiam quod dictu horribile eſt, ligatis ad genitalia membra funibus, ferociſſimè diſtrahebant. O crudelitas immanis, O rabies inaudita.

---

*Conuentus epiſcoporum & Baronum apud \* Apamiam celebratur à Simone Cemite, vbi multa decreta leges & ſtatuuntur, quas ſe comes ſeruaturum pollicetur.*

*\* Pamiez.*

Cap. LXV.

**A**N. Inc. Dom. 1212. menſe Nouembris, cōuocauit nobilis comes Montisfortis epiſcopos & nobiles terræ ſuæ, apud caſtrum Apamiarum celebraturus colloquium generale. Cauſa autem colloquii huius iſta fuit, vt comes noſter, in terra quam acquiſierat, ſanctæque R. E. ſubiugauerat, inſtitui faceret bonos mores, hæretica ſpurcitia procul pulſa, quæ totam corruerat terram illam, bonæ tam cultu religionis Chriſtianæ, quæ etiam de temporali pace & quiete, conſuetudines plantarentur. Terra ſiquidem illa, ab antiquis diebus depredationibus patuerat & rapinis, opprimebat quippè potens impotentem, fortior minus fortem. Voluit igitur comes nobilis, cunctas cōſuetudines fixosque limites terræ dominis ponere quos tranſgredi non liceret, quatinus etiā milites

de ſuis certis & rectis redditibus rectè viuerent : minor etiam populus ſub alis dominorum poſſet viuere, immoderatis exactiõibus non grauatus : ad quas conſuetudines ſtatuendas , electi fuerunt viri duodecim qui ſuper ſacroſancta euangelia iurauerunt, quod pro poſſe ſuo tales conſuetudines ponerèt, per quas eccleſia ſua libertate gauderet, tota etiam terra in ſtatu firmaretur meliori. De illis autem 12. electoribus , quatuor fuerunt eccleſiaſtici , duo ſcilicet epiſcopi, Toſolanus & Conſoranenſis , vnus Templarius, vnusque hoſpitalarius, quatuor præterea francigenæ milites, quatuor etiam indigenæ , duo milites & duo burgenſes, per quos dictæ conſuetudines, ſatis competenter poſitæ & firmatæ. Vt autem conſuetudines illæ inuiolabiliter ſeruarentur, antequam proferretur in medium, nobilis comes, omneſque milites ſui ſuper quatuor euangelia iurauerūt, quod ſupra memoratas conſuetudines, nunquam præſumeret violare: vt etiam maiorem obtinerent firmitatem redactę ſunt in ſcriptum, ſigillo etiam comitis & omnium epiſcoporum, qui ibi plures erant firmatæ & munitæ. Dum hæc agerentur apud Apami-  
as, hoſtes fidei à Toſola egreſſi, diſcurrere cœperunt per Vnaſconiam & facere mala quæcumque potuerunt. Venerabilis autem epiſcopus Conuenarum, aſſumptis ſecū aliquibus de militibus noſtris, perrexit in Vaſconiam , terramque illam ab hoſtibus fidei viriliter defendebat : nobilis autem comes noſter perrexit Carcaſſonam & inde Biterriam, habiturus colloquium , cum archiepiſcopo Narbonenſi , ſuper his quæ ſpectabant ad negotiū



Ieſu-Chriſti. Dum autem eſſemus apud Biter-  
rim, & ſedes episcopalis vacaret, canonici illius  
eccleſiæ, communi aſſenſu, elegerunt venerabilē  
archidiaconum Pariſienſem Guilelmum in ſuum  
episcopum & paſtorem, ſed ipſe nulla ratione, ad  
hoc potuit induci, vt electioni eorum aſſenſum  
præberet.

*G. Pariſiar.  
chidiaconus,  
in episcopum  
Pietri exſe-  
electus ele-  
ctionis conſe-  
ſum non præ-  
bet.*

*Rex Arragonenſis venit Tolofam & colloquium ha-  
bet cum comite Simone, & apoſtol. ſed. legato.*

Cap. LXVI.

**C**Irca feſtum vero dominicæ apparitionis, rex  
Arragonum Petrus, qui negotio fidei pluri-  
mum inuidebat, venit Tolofam, & fecit ibi mili-  
tes, excommunicatis & hæreticis communican-  
do: mandauitque rex archiepifcopo Narbonenſi  
apoſt. ſedis legato, & comiti noſtro, quod vole-  
bat habere colloquium cum eis, & de pace & de  
compositione inter cemitē noſtrum & hoſtes fi-  
dei tentare. Igitur aſſignata fuit communi aſſenſu  
dies & locus inter Tolofam & Vaurum, vbi col-  
loquium celebrari deberet. Cum igitur veniſſe-  
mus ad locum conſilij, rex cœpit rogare archiepif-  
copum Narbonenſem & episcopos, de reſtituen-  
dis terris comitibus Tolofano, Conuenarum, &  
Fuxenſi, & Gaſtoni de bearno: archiepifcopus  
autem Narbonenſis reſpondit regi, vt omnes pe-  
titiones ſuas redigeret in ſcriptum, & ſcriptas &  
ſigillatas mitteret episcopis apud Vaurum. Rex  
vero Arragonenſis, poſtquam applauſum magnū  
fecerat comiti noſtro, & fratri & filiis eius, roga-

uit ipsum comitē, ut octo diebus desisteret à malefaciendo inimicis suis, cui nobilissimus & urbanissimus respondit: non desistam inquit, à malefaciendo, sed ob reuerentiam vestram, cessabo hijs octo diebus à benefaciendo. Similiter autem & rex promisit ex parte hostium nostrorū, quod ipso tempore colloquii, non facerēt nostris malum. Sed ipsi infidelissimi, cum scirent nostros conuenisse ad colloquium, licet nos per regem fecissent securos, discurrere cœperunt per terram nostram versus Carcassonam, & multa mala facientes, plurimos etiā occiderunt. O fraus nequam: die tertio postquam recessit rex à loco colloquij, & intrauit Tolosam, teripit petitiones suas ad archiepiscopos & episcopos nostros, in hæc verba.

---

Petitiones regis Arragonensium ad prælatos in Concilio apud Vaurum congregatos.

*Comes Tolosanus ad ecclesiam amplecti vult.*

**Q**uoniam Sacrosancta mater ecclesia non solum verba, sed verbera quoque docetur habere, deuotus ecclesie filius P. Deo miserante Rex Arragonensis, pro comite Tolosano, ad sinum eiusdem matris ecclesie cupiente redire, & à sanctitate vestra peti humiliter, & regat instanter, quatinus faciendo satisfactionem personalem pro excessibus quibuscumque, prout ipsi ecclesie visum fuerit expedire, ac pro damnis & iniurijs illatis diuersis ecclesijs & prælatis satisfaciendo sed quod clementia matris ecclesie, ipso comiti duxerit insungendum, restituatur clementer & misericorditer ad possessiones suas, & alia

que amiſit quod ſi forte . . . . . comitis nolle eccleſia ipſius regis petitionem audire : petit & rogat hoc idem pro filio, ita tamen quod puer nihilominus ſatisfaciat perſonaliter pro exceſſibus, vel in frontaria Saracenorum cum militibus eundo in ſubſidium Chriſtianorum, vel in partibus tranſmarinis, ſecundum quod eccleſia melius arbitrabitur expedire & infans in terra ſua, in tam diligenti cuſtodia, & tam fideliter, ad honorem Dei & S. R. E. habeatur, uſquequo de bonitate ſua, ſigna compareat manifeſta.

Et quoniam comes Conuenſarum, nec fuit vnquam hereticus, nec eorum ſuſceptor, ſed potius impugnator, & ideo terram dicitur amiſiſſe, quod aſtiterit conſobrino & domino ſuo, comiti Toſano: petit idem Rex & rogat pro eo, ſicut pro vaſſallo ſuo, ut reſtituatur ad terram ſuam, ſatisfaciendo quoque ad arbitrium eccleſiæ, ſi eum apparuerit in aliquo deliquiſſe.

Item, comes Fuxenſis, cum nec ſit, nec fuerit hereticus, pro eo memoratus rex petit, & rogat ſicut pro conſanguineo ſuo chariſſimo, cui ſine verecundia in iure ſic deſe non poteſt, quatinus pro reuerentia ipſius & gratia reſtituatur ad ſua, ſatisfaciendo nihilominus eccleſiæ, in his & pro his, quibus clementia matris eccleſiæ eum apparuerit deliquiſſe.

Item, pro Gaſtione de Bearno Vaſſallo ſuo, petit ſape dictus Rex & rogat affectuoſe, quatinus reſtituatur ad terram ſuam & fidelitates Vaſſalorum ſuorum, maxime cum paratus ſit parere, & ad arbitrium eccleſiæ ſatisfacere coram iudicibus non ſuſpectis, ſi nobis cauſam ipſius audire & expedire non licet.

In omnibus tamen præmiſſis, duxit memoratus rex, miſericordiam potius quam iudicium inuocandum, mit-

tens ad clementiam veſtram clericos & barones ſuos ſu-  
per præmiſſis, ratum habiturus, quicquid à vobis cum eis  
fuerit ordinatum. Supplicans ut talem habere dignemini  
circumſpectionem & diligentiam in hoc factò, ut in nego-  
tio Chriſtianitatis in partibus Hiſpaniæ, ad honorem Dei  
& S. matris eccleſiæ dilatationem, prædictorum baronum  
& comitis Montis fortis ſubſidium. \* ..... poſſit.  
Datum Tolofæ 17. Cal. Februarij.

\* Forte in-  
pendi.

### Reſponſio Concilij.

**I**lluſtri & dilecto in Chriſto P. Dei gratia regi Arra-  
gonum, comiti Barchilonenſium, Concilium apud  
Vaurum\* ſalutem, & ſinceram in domino dilectionem.  
Petitiones & preces vidimus, quas pro Tolofano & eius  
filio & Fuxenſi & Conuenarum comitibus, & nobili vi-  
ro Gaſtone de Bearno, veſtra regalis ſerenitas deſtinavit:  
in quibus etiam literis, inter cætera eccleſiæ filium dicitis  
vos d. notum: ſuper quo domino Ieſu-Chriſto, ac regali  
veſtræ celtudini, gratiarum referimus actiones, & in  
cunctis quibus ſecundum Deum poſſemus, propter illam  
mutuam dilectionem, qua vos ſancta romana mater Ec-  
cleſia, ſicut intelligimus, amplectitur, & vos ipſam, nec  
non & ob reverentiam excellentiæ veſtræ regalis, admit-  
teremus affectuoſius preces veſtras. Super eo quod pro co-  
mite Tolofæ petitis & rogatis, hæc duximus ſerenitati  
regiæ reſpondendum, quod tam cauſa comitis quam filij,  
qua pendet ex factò patris, auctoritate ſuperioris eſt à no-  
bis exempta cum idē comes Tolofæ, Regienſi epiſcopo &  
Magiſtro Theodſio, à Domino Papa, negotium ſuum fe-  
cerit ſub certa forma committi. Vnde ſicut credimus, me-  
moriter retinetis, quæ & quantas gratias, dicto comiti

\* LAMANY.

poſt multos exceſſus ipſius, dominus! Papa fecit: necnon  
 & quam gr̃atiam, ad interceſſionem veſtram & preces,  
 venerabilis Narbonenſis archiepiſcopus, apoſt ſedis lega-  
 tus, tunc abbas Ciſterciꝝ apud Narbonam & Montem-  
 peſſulanum, eidem comiti faciebat, biennio ſi bene memi-  
 niuſiam tranſaſto. Volebat ſiquidem idem legatus, om-  
 nes dominicaturas & proprietates, eidem comiti remane-  
 re integras & illaſas: & vt illa iura quę habebat in ca-  
 ſtris aliorum hereticorum, quę de feodo eius erāt, ſine al-  
 berga, ſine quiſta, ſine caualgata, eidem integra remane-  
 rent. De illis preterea caſtris quę erant aliorum hereti-  
 corum, quę de feodo eius non erant, quę idem comes dice-  
 bat eſſe quinquaginta, volebat praſatus legatus, vt quar-  
 talis & tertia pars eorum, caderet in proprietatem comi-  
 tis ſupradicti. Spr̃eta vero comes illa magna gratia Do-  
 mini Papę ac praedicti legati & eccleſiæ Dei, veniens di-  
 recte contra omnia iuramenta, quę olim praſtuerat in  
 manibus legatorum, & addens iniquitatem iniquitati,  
 crimina criminibus, mala malis, eccleſiam Dei & Chri-  
 ſtianitatem, fidem & pacem cum hereticis & ruptariis  
 impugnavit & damnificauit, adeo vt omni gratia & be-  
 neficio reddiderit ſe indignum.

Comes Rai-  
 mūdus om-  
 ni gratia &  
 fauore eccle-  
 ſiæ, iudica-

Quod autem pro comite petitis Conuenarum, taliter turindignus  
 ſuper hoc duximus reſpondendum. pro certo intelleximus,  
 quod cum poſt exceſſus ſuos multiplices, & iuramenti  
 tranſgreſſionem fœdus cum hereticis & eorum fautori-  
 bus contraxiſſet, & ipſam eccleſiam, licet nunquam in  
 aliquolaſus eſſet, cum eiſdem peſſilentibus impugnaſſet,  
 licet poſtmodum diligenter fuerit admonitus, vt ceſſaret  
 a cœpriſ, & rediens ad cor, tandem reconciliaretur eccle-  
 ſiaſtica vnitati: nihilominus idem comes, in ſua ne-  
 quitia extitit, excommunicationis & anathematis vincu-

lo alligatus de quo etiam ut dicitur, comes Tolosa afferere consuevit, quod ipse comes Conuenarum, eum ad guerram impulit & induxit. Vnde idem comes, actor per hoc guerra & malorum quæ ecclesiæ multipliciter prouenerunt extitit. Verumtamen si talem se exhibuerit, ut absolutionis beneficium mereatur, postmodum cum fuerit absolutus, & habuerit potestatem standi iudicio, si de aliquo quereletur, ecclesiæ ei iustitiam non negabit.

Petit præterea regia celsitudo, pro comite Fuxensi, ad quod taliter respondemus, quod constat de ipso, quod hæreticorum extitit à longo tempore receptator, præfertim cū non sit dubium, quia credentes hæreticorum, hæretici sint dicendi: qui etiam post multiplices excessus suos, post præstita iuramenta, post obligationes tam personarū quā rerum, post iniectionem manuum in clericos, & destructionem eorum in carcerem, pro quibus causis & multis alijs anathematibus mucrone percussus: post illā etiam gratiam, quam idem legatus ad intercessionem vestram, olim ipsi comiti faciebat, cruentam eadem exercuit in signatos, tā laicos quā clericos, qui in paupertate & simplicitate sua, contra Vauri hæreticos in Dei seruitium ambulabāt, qualis autem & quanta erat illa gratia, bene recolite sicut credimus, regia celsitudo, ad cuius preces cum eodem comite, compositionem faciebat dictus legatus. Sed quod non fuit facta illa compositio per ipsum comitem stetit: extant enim litteræ ad dominum comitem Montis fortis regali sigillo munitæ, talem clausulam continentes. Diciamus etiam vobis, quod si comes Fuxensis, nolluerit stare placito illi, & vos postea non audieritis preces nostras pro eo, non erimus inde vobis dipacati: verumtamen si dederit operam, ut absolutionis beneficium consequatur, & post modum, cum absolutionis fuerit gratiam consequutus, de aliquo

Comes Fuxensis ob violentas manus in clericos iniectas, anathematibus mucrone confossus.

quereretur, iuſtitiam ei eccleſia non negabit.

Poſtulat in ſuper & rogatis, pro Caſtore de bearno, ut reſtiteretur ad terram ſuam, & ad fidelitates vaſſalorum ſuorum, ſuper quo vobis taliter reſpondimus. Ve alia multa, imo potius infinita, qui in ipſum Caſtorem dicuntur ad præſens ſilentio tranſeamus, conſœderatus tamen hæreticis & receptatoribus ſeu deſenſoribus eorū cōtra eccleſiam & ſiganatos, eſt eccleſiarum & eccleſiaſticarum perſonarum maniſeſtiſſimus perſecutor. Venit ita auxilium Tolosanorum ad obſidionem caſtri noui. Interfectorem fr. P. de caſtro nouo, apoſtol. ſedis legatus habet ſecum, ruptarios diu tenuit atque tenet.

In anno præterito, ruptarios in cathedralē eccleſiam Oleronis induxit, ubi amputato fune de quo pendebat pi-  
 xis, continens corpus Domini noſtri Jeſu-Chriſti in ter-  
 ram cecidit, & quod nefas eſt dicere, ipſum corpus domi-  
 nicum eſt per terram expenſum tranſgreſſus iuramenta,  
 manus in clericos violentas iniecit: pro quibus & alijs  
 cauſis pluribus quas ad præſens tacemus, idem Caſte, ex-  
 communicationis & anathematis eſt nexibus innodatus.  
 Verumtamen ſi ſatisfecerit eccleſia, prout debet, & ab-  
 ſolutionis beneficium conſequetur: & conqueſtus fuerit de  
 aliquo, audietur de iure ſuo. Aliter ſiquidem, pro prædi-  
 ctis ſic excommunicatis, clariffime princeps, veſtram re-  
 giam maiestatem intercedere non deceret, nec nos pro tali-  
 bus & in talibus audemus aliter reſpondere. Ad  
 hac, ſeruitutem veſtram regalem mouemus &horta-  
 mur in domino, quatenus ad memoriam reuocare di-  
 gnemini \* honorem quem vobis fecit ſedes apoſtolica, & \* Petrus etc.  
 illum quem in præſentiarum, illuſtri regi Sicilia ſororio nim anno  
 veſtro facit, quid etiam D. Paſe in veſtra promiſiſtis 1204. Ro-  
 vñctione, & quid vobis ſedes apoſt. dederit in mandatis, ma ab Inr.

Corpus Chri-  
 ſti ciſta ero-  
 ptum, lūmi-  
 ſparſum in  
 eccleſia Ole-  
 renſi.

3. regis in-  
signibus do-  
coratus eſt,  
cuius rei ſū-  
ma cum pō-  
pa peracta,  
literarium  
monumentū  
profert Cia-  
con in eodem  
Innocentio.

*Oramus vt Deus ad honorem ſuum, & S. R. eccleſia, per multa tempora vos conſeruet. Quod ſi per hanc noſtram reſponſionem, veſtra regia maieltati non fuerit ſatisfa- Etum, nos ob reuerentiam veſtram & gratiam, D. Papa curabimus intimare. Datum Vau 15. Cal. Februarii.*

Audiens rex Arragonum, reſponſiones prælato-  
rū noſtrorum, videnſque petitiones quas fecerat,  
penitus reſutatis, affectūque ſuum non poſſe per-  
duci ad effectum, alium circumuentionis modum  
inuenit. Miſit itaque nuncios ad prælatos, man-  
dans & rogans, quatinus inducerent comitē Mon-  
tiſfortis, ad hoc, vt comiti Tolofano, cæterisque  
fidei Chriſtianæ inimicis treugas daret, vſque ad  
futurū proximum Penthecoſtem, vel ſaltem vſque  
in Paſcha: quod audientes prælati noſtri, animad-  
uertentesque quod rex ob nihil aliud peteret hoc,  
niſi vt hoc audiretur in Francia, ſicque deuotio te-  
peſceret ſignatorum, petitionē iſtam ſicut & pri-  
ma fecerant reſutarunt. Quia vero longum eſſet  
omnia enarrare per ordinem, quæ rex ille manda-  
uit, & noſtri ei reſpondenda duxerunt: iſtud bre-  
uiter dicamus, quod hæc fuit tota intentio dicti re-  
gis, laborare videlicet, vt comes Tolofæ & alii re-  
ligionis Chriſtianæ inimici ſui, reſtituerentur ad  
terras ſuas, vel ſaltem iſtis treugæ darentur à no-  
ſtris, ob intentionem ſuperius memoratam. No-  
ſtri vero, viri prouidi & conſtantes, nec terras red-  
dere, nec treugas concedere voluerunt. Videns  
rex quod nihil proficere potuiſſet, in grauē diſpē-  
dum famæ ſuæ pariter & honoris, appoſuit quod  
excommunicatos & terras eorum quas adhuc te-  
nebant, in ſua protectione reciperet: & vt ſuā ne-



quiti um, aliquantulum palliaret, ſede n apoſt. ap-  
penauit, prælati autem noſtri, huic appellationi  
quia multiplicibus ex cauſis friuola erat & inua-  
lida minimè detulerunt: ſed archiepiſcopus Nar-  
bonenſis apoſt. ſedis legatus miſit litteras in hūc  
modum.

*Illuſtriſſimo domino Petro, Dei gratia regi Arra-  
gonenſi, Frater A. diuina miſeratione Narbonenſis ar-  
chiepiſcopus, apoſt. ſedis legatus, ſalutem in charitate  
animi, & viſceribus leſu Chriſti. Intelleximus non ſine  
turbatione multa, ac amaritudine animi, quod ciuitatem  
Toloſæ, ac caſtrum Montis Albani & terras propter  
crimen hæreſeos, ac alia multa & nefanda facinora tra-  
ditas Sathana ac ab omni communione matris eccleſiæ ſe-  
paratas, & cruce-ſignatis auctoritate Dei, cuius no-  
men in his grauiter blaſphematur expoſitas, diſpoſitis in  
protectione ac cuſtodia veſtra recipere, ac eas contra Chri-  
ſti exercitum deſenſare. Cum igitur hac ſi vera ſint (quod  
Deus auertat) non ſolum in ſalutis veſtræ diſpendium,  
ſed in honoris regij, ac opinionis veſtræ & ſamæ poſſint  
cedere detrimentum. Nos qui ſalutem veſtram, & glo-  
riam & honorem Zelamus, totis viſceribus charitatis;  
ceſſitudinem regiam rogamus, conſulimus, monemus &  
hortamur in Domino, & in potentia virtutis huius, &  
parte Dei redemptoris noſtri leſu-Chriſti, ac ſanctiſſi-  
mi vicarij eius Domini noſtri ſummi pontificis, auctori-  
tate legationis qua fungimur, inhibemus, & modis qui-  
bus poſſumus obteſtamur, ne per vos, vel per alios, terras  
recipiatis, vel diſendatis prædictas. Optamus autem;  
quatinus tam vobis quam & ipsis, taliter dignemini pro-  
uidere, ne communicando excommunicatis & maledictis  
hæreticis & fautoribus eorundem, labem excommuni-*

*Littera ar-  
chiep. Nar-  
bonenſis ad  
regem Arra-  
gonum.*

cationis incurrere vos contingat. Vnum autem non volumus ſeueritatem veſtram latere quod ſi quos de veſtris, in deſenſionem prædictæ terræ duxeritis relinquendos, cum omnes excommunicati ſint ipſo iure, vos denunciari excommunicatos, tanquam deſenſores hæreticorum publice faciemus.

Rex Arragonenſis, in nullo reſipiscens, ſed quæ male propoſuerat, peius adimplens, hæreticos omnes & excommunicatos comites Tolosanum videlicet, Conuenarum & Fuxenſem, Gaſtonem de Bearno, omneſque milites Tolosanos & Carcaſſonenſes, qui pro hæreſi exhæreditati Tolosam confugerant, ciues etiam Tolosanos in ſua protectione ſuſcepit, & ab ipſis iuramentum recepit: ciuitatem etiam Tolosanam quæ eſt propriè de dominio regis Franciæ, & totum illud terræ, quod illi adhuc tenebant, in ſua cuſtodia recipere præſumpſit. Non credimus omittendum, quod cum eſſent noſtri prope dictum colloquium apud Vaurum, comesque Montis. fortis ob reuerentiã regis, diebus colloquii, inimicis treugas diſſet: & rex ſimiliter ex parte aduerſariorũ treugas firmaret, ipſo tẽpore colloquii manentibus treugis, noſtrisque non cauentibus, equitarunt hoſtes pluries per terrã noſtrã prædãque multam capiẽtes, plurimoſque in ſuper homines occidẽtes, multos captos ducẽtes, mala ubiq; grauiffima intulerũt: ſuper quibus malis, cum rex ſæpius requireretur à noſtris, non fecit ullatenus emendari. Vidẽtes igitur noſtri, quod rex detineret eos nuntiis, litteris, & etiã appellacionibus ſuperfluis, & nichilominus tempore colloquii & treugarũ noſtros ab

*Induciarum  
tempore, hæ  
retici inſidi  
antur catho.  
lici in eoſque  
ſeuiunt.*

excommunicatis quorum cauſam fouebat, permitterent apertiffime & ſæpiſſime infeſtari, à Vauro receſſerunt, verumtamen antequam recederent, ſcripſerunt D. Papæ de communi negotio eccleſiæ, & de præſato colloquio in hunc modum.

Litteræ Synodi Vaurenſis ad D. Papam  
Innocentium.

**S**ANCTIſſimo patri in Chriſto ac Beatiſſ. Domino ſuo Innocentio Dei gratia ſummo pontifici, deuoti & humiles ſerui eius, archiepiſcopi, epiſcopi, & alij eccleſiarum prælati, apud Vaurum pro Sanctæ fidei negotio congregati, cum omni affectione, longum vitæ ſpatium, & ſalutis, ad agendas paternitatis vestræ ſolicitudini dignas gratias, cum nec lingua nec calamus nobis ſufficiant, retributorem omnium bonorum exoramus, ut noſtrum in hac parte ſuppleat defectum & abunde vobis retribuatur omne bonum, quod nobis & noſtris alijs que partium noſtrarum eccleſiis tribuiſtis. Cum enim in partibus iſtis, peſtis hæretica, antiquitus ſeminata, noſtris partibus, vſque adeo ſucceuiſſet, quod cultus diuinus ibidem haberetur omnino in opprobrium & deriſum & in clerum & bona eccleſiaſtica, hinc hæretici, inibi ruptarij graſſarentur, & tam princeps quam populus, in reprobum ſenſum datus, à fidei rectitudine deuiavit, vt per veſtros exercitus ſignatorum, quos ad emundandas ſpurcicias peſtis huius, ſapienſiſſime deſtinaviſtis, & Chriſtianiffimum eorum principem, comitem Montis-forſis, intrepidum omnino aſſetam & inuictum dominici prælij bellatorem: eccleſia quæ tam miſerabiliter ibi corruerat, cepit imbi cæperit re-

*Hæreſis Dei cultum deſtruit, eccleſiam ſanctos ſpo-*  
liat ſacra profanat.

lenare, & in parte maxima deſtructis aduerſitatibus & erroribus vniuerſis, terra dudum à cultoribus horum dogmatum conculca, demum diuino cultui aſueſcat: reſtant vero adhuc reliquie dictæ peſtis Tolofa videlicet ciuitas, cum caſtris aliquot, vbi tanquam ſordes in ſentnam cadentes, reſiduum prauitatis hæreticæ ſe collegit: quorum princeps, comes ſcilicet Tolofa, qui ab antiquis temporibus ſicut multoties iam audiſtis hæreticorum & fautor extitit & deſenſor & pro veribus quæ ſibi remaſerunt, impugnât eccleſiam, & quoad poteſt pro fidei hoſtibus, eius cultoribus ſe opponit. Ex quo enim rediit à Sanctitatis veſtræ præſentia cum mandatis, in quibus, vltra omnem meritorum exigentiam ſuorum, egeratis miſericorditer cum eodem, introiuit, ſicut manifeſte videtur angelus Sathana in cor eius, & gratiæ veſtræ beneficiarum ingratus, de his quæ coram vobis promiſerat, nihil impleuit, imo pedagias ſapius abiurata, vehementer adauxit, & ad omnes quos ſciuit noſtros & eccleſiæ aduerſarios ſe conuertit. Sane per Othonem Dei & eccleſiæ inimicum, opinatus contra ipſam eccleſiam vires aſſumere, ſub ipſius confidentia manifeſte ſicut aſſeritur minabatur quod eccleſiam de ſimbis ſuis & clerum radicitus extirparet: hæreticos & ruptarios, quos multoties abiurauerat extunc feruentius ſolito fouere ſtudiit & tenere. Cum enim catholicorum exercitus obſideret Vaurum, vbi ſedes erat Sathanae, & quaſi huius erroris hæretici provincia, ipſe in ſubſidiū peruerſorum, miſit milites & clientes, & in caſtro ſuo quod Caſſer appellatur, fuerunt inuenti & combuſti à cruceſignatis pluſquam quinquaginta hæretici, præter credentium eorum multitudinem copioſam Inuocant etiam contra Dei exercitum, & auaricum inimicum eccleſiæ, Regis Angliæ Senefchallum, cum quo Chriſt

Albigèſes 50  
combuſti

flipugilem prædictum comitem Montis-fortis, apud ca-  
 strum nouum Arri obsidere præsumpsit: sed Christi dex-  
 tera faciente, cito fuit eius præsumptio, in confusionem  
 conuersa, ita quod pauci catholici, infinitam Arrianor-  
 um multitudinem effugarunt. Prædictorum autem O-  
 rhonis & regis Angliæ confidentia defraudatus, ut qui  
 baculo arundineo nitebatur, cogitauit iniquitatem abomi-  
 nabilem, & ad regem Marrichitarum nuncios destinauit.  
 subsidium eius, non solū in terræ nostræ, sed totius Chri-  
 stianitatis exitium implorando, sed conatum ipsius diuina  
 pietas impediuit. episcopum Agennensem à sede propria  
 expellendo, bonis omnibus spoliari. & abbatem de Mo-  
 siaco cæpit, & abbatem Montis-Albani seie per unum  
 annum tenuit captiuatum, ruptarij quoque ipsius & cõ-  
 plices peregrinos clericos & laicos innumerabiles, varijs  
 tormentis affecerunt & nonnullos detinent ac diutius te-  
 nuere captiuos, in his omnibus, non auersus est furor eius,  
 sed adhuc manus eius extenta, ita ut fiat cotidie semetip-  
 so deterior, & omnia mala quæ potest per seipsum & filiū  
 & complices suos Fuxensem & Conuenarum comites &  
 Gastonem de Bearno, viros sceleratissimos & peruersos  
 contra Dei ecclesiam operetur. Cum autem ultione diui-  
 na & censura ecclesiastica memoratus athleta fidei, co-  
 mes christianiissimus terras ipsorum, tanquam hostium  
 Dei & ecclesiæ, sancto & iusto occupauit prælio fere to-  
 tas, ipsi adhuc in sua persistentes malitia & humiliari sub  
 potenti manu Dei contemnentes, nuper ad regem Arra-  
 nonum recurrerunt, per quem forte intendunt vestram cir-  
 cumueniri clementiam, & ecclesiam suggillare. Adduxe-  
 runt enim ipsum Tolosam nobiscum, qui de mandato le-  
 gati & delegatorum nostrorum apud Vaurum conuenera-  
 mus, colloquium habiturum, qui quæ aut qualia proposuit,

Rex Arra-  
 on. in infid-  
 elium con-  
 christiano-  
 impie pro-  
 sus in pra-  
 rat.

Quæ nos ei duxerimus reſpondenda, ex reſcriptis quæ vobis ſigillata mittimus, plenius cognoscetis. Omnes igitur unanimiter & concorditer hæc præmiſſa, ſanctitati vestræ intimamus, liberantes animas noſtras, ne per deſectum ſignificandi in negotio fidei, de contingentibus aliquid omittatur: pro certo namque ſciatis quod ſi terra quæ dictis tyrannis, cum tanta iuſticia & multa Chriſtianorum effuſione ſanguinis eſt ablata, ipsis aut hæredibus eorum reſtituatur, non ſolum fieret noſſimus error perior priore, ſed exinde excidium clero & eccleſiæ inestimabile immineret: ad hæc quoniam enormitates abominabiles & alia ſcelera prædictorum, per ſingula præſenti pagina non credimus annotanda, ne libram texere videremur, quæ ad in ore nunciorum poſuimus, quæ ſanctis auribus vestris, poterunt viva voce reſerri.

*Legati ad ſi-  
mum ponti-  
ficem à con-  
ſilio Vauſeſſi  
miſſi,*

Nuncii qui detulerunt litteras iſtas ad D. Papam fuerunt hii. Venerabilis Conuenarum episcopus, abbas de Claraco, archidiaconus Pariſienſis Guilelmus, M. Theodifiſus, & clericus quidam, qui diu fuerat corrector litterarum, in curia D. Papæ, & dicebatur Petrus marci. priuſquam autem venirent ad curiam dicti viri prouidi & discreti, rex Arragonum per nuncios ſuos circumuenire intendebat ſimplicitatem apoſtolicam, & per ſuggeſtionem falſitatis & veritatis ſuppreſſionem, impetrauerat litteras in quibus D. Papa, præcipiebat comiti Montis fortis, quatenus comitibus Conuenarum\* & Faxi, & Gaſtoni de Bearno, redderet terras ſuas. Scripſit etiam archiepiscopo Narbonenſi alias litteras in quibus D. Papa, indulgentiam quam fecerat proficiſcentibus contra hæreticos Albigenſes videbatur reuocare.

*\* Cominges.*

Venientes igitur nuncii noſtri ad curiam romanā, D. Papam inuenerunt aliquantulum durum, eo-  
quod nimis credulus fuiſſet falſis ſuggeſtionibus  
nunciorum regis Arragonenſium: ſed poſtea ve-  
ritate comperta per nuncios noſtros, quicquid  
fecerat ad regis nunciorum ſuggeſtionem, reuo-  
cavit in irritum, & ipſi regi miſit literas in hæc  
verba.

---

Literæ D. Papæ regi Arragonenſium,  
ne opponat ſe negotio  
eccleſiæ.

**I**nnocentius epiſcopus, ſeruus ſervorum Dei, Petro il-  
luſtri regi Arragonenſium. Is in cuius manu ſunt om-  
nium corda regum, inſpiret tibi humiliter exoratus, ut  
prudenter attendens, quod iuxta mandatum apoſtolicum,  
nos oportet arguere, obſecrare increpare, noſtras increpa-  
tiones, quas paterna affectione in te depromimus, deno-  
tatione recipias filiali, & ſic obtemperes ſalubribus monitiſ  
& conſilijs, & correptionem apoſtolicam recipiendo, de-  
monſtres te in his, & affectum habuiſſe ſincerum in qui-  
bus abſque dubio, per effectum noſceris deliquiſſe. Sane  
ad totius ſere mundi noſtitiā iam peruenit, nec ſerenita-  
tem tuam credimus ignorare, aut etiam diffidere, quod  
inter ceteros principes Chriſtianos, te ſpecialiter ſtudimus  
honorare, per quod & potentia tibi accreuit & fama: &  
utinam cum his & prudentia & deuotio paruer, cum his  
accreuiſſent: quod licet nobis gratum exiſſet, tibi tamē  
amplius expediret. Verum in hoc, ne tibi prouidiſſe di-  
gnosceris, nec nobis ut decuit detuliſſe, quia cum Tolosa-  
nices, tanquam putrida membra ſint præciſi excommu-

nacationis mucrone & ipſa ciuitas ſuppoſita ſit interdicto: pro eo quod quidam eorum maniſeſti ſunt hæretici, plures vero credentes, fautores & receptatores eorum ac deſenſores adeo vt alij quoque quos Chriſti exercitus, imo verus ipſe Chriſtus, qui contra ipſos ſuis adinventionibus prouocant, à ſuis fecit tabernaculis emigrare, ad Tolofam quaſi quandam ſentinam erroris confugerint ciuitatem, in diuini timoris obliuiſ quaſi praualeſcere valeas contra dominum, vel auertere manum eius contra eos exigentibus ſuis culpis extentam, ipſos in deſenſionem ſub ſpecie putatis impietatem exercens, in ſcandalū populi Chriſtiani & propriæ ſainæ diſpēdium recepiſti. Nuper igitur auditis quæ venerabilis frater noſter Segoburnſis epiſcopus, ac dilectus filius Columbus nunciꝝ, ac nunciꝝ legatorū noſtrorum & comitis Montis fortis in præſentia noſtra proponere voluerunt, & litteris hinc inde directis & linis intellectis, habito cum fratribus tractatu ac conſilio diligenti, volentes honori tuo quantum ad ſamam, ſalutiquantum ad animam, indemnitati quantum ad terram paternæ ſollicitudine præcauere ſerenitati tuæ, in virtute Spiritus S. ſub obſpectu diuinæ ac apoſt. gratiæ prouidimus iniungendum vt prænominatos deſeras Tolofanos, non obſtante promiſſione vel obligatione quacumque præſtita, & eluſionem eccl. ſiaſtica diſciplinæ, ipſis quandiu tales extiterint, non impenſurus conſilium, auxilium vel fauorem. ſi vero iſdem ad eccleſiæ redire deſiderant unitatem, prout fuit à dictis nuncijs tuis propoſitum, coram nobis, nos vero, fratris noſtri F. Tolofano epiſcopo, viro integre opinionis & vitæ, qui teſtimonium habet non ſolum ab his qui intus, ſed ab his etiam qui ſunt foris, noſtris damus litteris in mandatis, vt adiunctis ſibi duobus, eos qui volluerint de corde puro & conſcientiâ bonâ, & fide



non fita vedire, ſufficienti ab eis cautione recepta, reconciliet eccleſiaſtica vnitati: illos vero quos in erroris ſui tenebris perſiſtentes, idem episcopus de labe . . . . . heretica prauitatis, exterminari faciat à ciuitate iam dicta, & bona eorum omnia conſiſcari, ita quod nullo vnquam tempore recipiantur in ipſa, niſi forte diuinitus inſpirati, ſe veros fidei orthodoxæ Chriſtianos, exhibitione bonorum operum demonſtrarent, & ſic ipſa ciuitas reconciliata pariter & purgata, ſub apoſt. ſedis protectione conſiſtat, non moleſtanda de cætero à comite prædicto vel alijs catholicis, ſed defendenda potius & ſouenda. Miramur inſuper & mouemur, quod pro terra nobilium veſtrorū comitis Fuxēſis & Conuenarum & Gaſtonis de Bearno reſtituenda ſibi, per nuncios tuos, apoſtolicum ſuppreſſa veritate mendacium exprimentes, ſubripſiſti mandatum, cum propter multa & magna eorum flagitia ob hereticorum fauorem quos manifeſtè defendunt, excommunicationis ſint vinculo innodati: vnde cum mandatū pro talibus ſic obtentū non teneat, illud tanquam ſubreptū penitus reuocamus. Si vero idem eccleſiaſtica vnitati reconciliari deſiderant, prout dicunt, ven. fratri noſtro Narbonenſi archiepiscopo apoſt. ſedis legato, noſtris damus literis in mandatis, vt recipiens ab ipſis non ſolum iuratoriæ cautionem, cum ſua iam ſint iuramenta tranſgreſſi, ſed & aliam quam viderint expedire, beneficium abſolutionis impendat, & iſis rite præmiſſis, quaſi vera deuotionis indicijs, legatū de latere noſtro, virum honeſtum prouidum & conſtantiem, ad partes illas curabimus deſtinare, qui non declinans ad dexteram vel ad ſiniſtram, ſed incedens regia via, ſemper quæ recte facta inuenerit, approbet & conſirmet, et rata corrigat & emendet, & tam nobilibus antedictis quā alijs cōquerentibus, exhiberi faciat iuſtiæ complementum.

*Inducias ſu-  
mus pontifex  
ſeri mādāt.*

*Interim ergo inter te & terram tuam & dictum comitem  
Montis fortis, volumus & mandamus firmas treugas  
fieri & ſeruari. Mandantes nichilominus comiti antedi-  
cto, vt pro terra quam à te tenet, reuerenter exhibeat  
quod exhibere tenetur. Illud autem excellentiam tuam  
volumus non latere, quod ſi Tolofani & nobiles ſupradi-  
cti, adhuc quoque in errore ſuo duxerint perſiſtendum,  
nos per indulgentias innotatas, cruce-ſignatos & fideles  
alioſ excitamus, vt ad extirpandam peſtem hanc, diuino  
freti auxilio, inſurgentes tam contra ipſos, quam contra  
quoſlibet alioſ receptatores & deſenſoreſ ipſorum, qui plus  
ipſiſ hereticis ſunt nociui, procedant in nomine domini Sa-  
baoth. Monemus igitur ſerenum tuam, rogamus &  
obſecramus in domino, quatinus quæ promiſimus, promp-  
to animo, quantum ad te pertinet exequaris, pro certo ſcitu-  
rus, quod ſi aliter (quod non credimus) ducereſ faciendum,  
præter indignationem dominicam, quam ex hoc contra te  
proculdubio euocareſ, graue & irreparabile poſſeſ incurre-  
re detrimentum, nec nos quantumcumque diligamus per-  
ſonam, tibi contra fideſ Chriſtianæ negotium, poſſemus  
parcere vel deferre quantum enim tibi immineret pericu-  
lum, ſi Deo & eccleſiæ præſentum in cauſa fideſ te oppo-  
neret, vt conſummationem ſancti operis impediret, non ſo-  
lum vetera, ſed etiam moderna poſſunt te exempla moue-  
re Datum Laterani 12. Cal. Iunij pontif. noſtri an. 19.*

*Fautores ha-  
reticorum ip-  
ſiſ deteriores.*

Post conſummatum prælatorum conciliū apud  
Vaurum, cui ex Arragonenſiſ exiſſet ad Tolofa,  
& plures de militibus ſuiſ ob ciuitatiſ cuſtodiā, &  
hoſtium Chriſti auxiliū dimiſſet in eadē ciuitate,  
poſt paucos dieſ mādauit comiti noſtro, quod vo-  
lebat habere cū eo colloquium prope Narbonē,  
comiſ autem noſter volens deferre regi vt Do-

mino quantum poſſet ſecundum Deum & obedire, reſpondit quod libenter iret ad colloquium prenotatum: rex autem non venit ad locum colloquii, nec vnquã venire propoſuerat, ſed tã de Arragonenſibus quam de Tolofanis hæreticis, & ruptariis multi venerunt, & timebatur, ne venientẽ comitem cum paucis ad colloquium proditioſe caperent: innotuit comiti quod fiebat, & à loco colloquii declinavit.

---

*Rex Arragonum, Comiti Montis-fortis per  
foeciales bellum indicit.*

*Cap. LXVII.*

**P**OST paucos vero dies, præfatus rex miſit nuncios ad comitem ferentes ipſius litteras, in quibus continebatur, quod rex diffidebat comitem, & ei quantum poterat minabatur verũtamen comes noſter, licet rex illum cum tanta ſuperbia diffidaret, nullum damnum voluit inferre terræ regis, à quo diebus ſingulis mala multa & graua ſuſtinebat, homines ſiquidem Catholonenſes intrabant terram noſtram, & eam quantum poterant infeſtabant. Poſt aliquot vero dies, miſit comes noſter ad regem, Lãbertum de Turreio probum militem & diſcretum, quærebatque à rege per prædictum militem, vtrum ſuper diffidatione præmiſſa per nuncios regis reſita ſe haberet, mädabatque etiam ei, quod in nullo vnquam ei fore fecerat, ſed paratus erat ei reddere quod debebat. Offerebat inſuper, quod ſi de ipſo rex conquereretur ſuper terris hæreticorũ, quæ de mandato ſummi pontificis, auxilio cruce ſignatorum ac-

quiſierat, paratus erat ſtare iuri in curia D. Papæ, vel in curia D. Narbonenſis archiepiſcopi, apoſt. ſedis legati: quaſdam etiam litteras tradidit militi prænotato, quas regi præſentari præcepit, ſi in ſua obſtinatia duceret permanendum. continentia autem litterarum hæc erat. Scribebat comes regi, abſque ſalutatione, ſignificans ei, quod ex quo ipſe poſt tot iuris, & pacis oblationes ſibi factas, in ſua diffidatione & obſtinacia permanebat, comes eum ſimiliter diffidebat, dicēs quod nullo ei de cætero iure ſeruitii tenebatur, ſed per Dei auxilium tam de ipſo, quam de aliis ſe defenderet eccleſiæ inimicis. Veniens ſæpedictus miles ad regem, corā ipſo multisque baronibus terræ ſuæ, diligenter & provide omnia, quæ comes in eius ore poſuerat, per ordinem enarrauit: obſtinatus autem rex, omnem reſpuit modum pacis, nec à diffidatione ſua contra comitem, animum voluit reuocare. Satim ſæpedictus nuncius, litteras comitis ſuper diffidatione regi præſetavit, quæ in communi tam ipſius regis quam baronum ſuorum audientia ſunt perlectæ: quibus lectis & plenius intellectis, rex & ſui in iram verſi ſunt & furorem. Poſt hæc emiſſo nuncio ab aula regia & diligenter cuſtodito, quaſiuit rex à ſuis conſilium, quid facere deberet de nuncio ſupradicto. Conſuluerunt autem eum quidam barones ſui quod mitteret ad comitem noſtrum, mandans & præcipiens vt veniens ad ipſum in ſua curia, faceret ei vt ſuo domino quod debebat: quod ſi comes nollet venire, iudicabant ipſum nuncium reum mortis. In craſtino autem venit nuncius ad curiam,

& quæ die præcedenti ex parte comitis dixerat, diligentius replicauit audacter ſe etiam obtulit, quod ſi quis de militibus regis vellet dicere, quod comes noſter, regem iniuſtè offendidiſſet, vel extitiſſet ei aliquando infidelis, paratus erat in ipſa curia regis, dominum ſuper fidelitate defendere, per duellum: ſed cum nullus auderet eum impetere, omnes tamen clamarēt durius contra illum, tandem ad preces quorundam Arragonenſium militum, quibus aliquātulum erat notus, dimiſſus à rege poſt multam mortis pericula, ad comitem remeauit. Ex tunc ſapedictus rex, qui à retroactis diebus, perſecutus fuerat comitem Ieſu-Chriſti, ſed tantum in occulto, cœpit ipſum grauare in omnibus & perſequi manifeſtè.

---

*Ludovicus regis Gallie filius, ſumpta bellicæ  
crucis teſſera, multos ad eam ſu-  
mendam inducit.*

Cap. LXVIII.

**A**Nno ab incar. Dom. 1212: menſe febr. Lu- An. 1212  
dovicus filius regis Franciæ, mitiſſimus iu-  
uenis, & bonæ indolis adoleſcens, ſigno crucis  
ſignauit ſe contra hæreticos: quo audito, infiniti  
militeſeius amore & æmulatione prouocati, ſi-  
gnum crucis viuificæ aſſumpſerunt. Rex vero  
Fræciæ audiens, quod filius ſuus cruce ſignatus ef-  
ſet, multum doluit, ſed cauſam doloris eiꝯ non  
eſt noſtrum exponere. Prima vero die quadrage-  
ſimæ, celebrauit rex generale colloquium in ciui-  
tate Pariſienſi, vt ordinaret de motione filij ſui, &  
ſciret, qui & quanti & quales irent cum eo. Erāt

tunc Pariſiis Tolofanus & Carcaſſonēſis epiſcopi, viri totius ſanctitatis, qui tunc venerant in Frāci-  
am, vt promouerent negotiū fidei, contra hæreti-  
cos peſtilentes. Rex autē Arragonenſis qui quā-  
tum poterat, impediēbat negotium, nuncios ſuos  
miſit ad regē Franciæ, epiſcopū ſcilicet Barcilo-  
nenſem, & quosdam milites cum eo: duabus au-  
tem de cauſis, miſit rex Arragonum nuncios illos.  
Sollicitabat enim regem Franciæ per nuncios ſu-  
os, vt daret ei filiam ſuam in vxorem: ſæpēdictus  
enim rex Arragonum, vxorem ſuam legitimam,  
filiam Guilelmi de Monte peſſulano, dimittere  
volebat, imo quantum in ſe erat iam dimiſerat:  
ipſa autem ad D. Papam acceſſerat, conquærens  
quod vir ſuus iniuſte dimiſiſſet eam. Summus au-  
tem pontifex, cognita plenius veritate, dedit ſen-  
tentiam contra regem & confirmauit matrimo-  
nium, inter ipſum & præfatam reginam. Volebat  
autem rex ille, habere filiam regis Franciæ in vxorē,  
vt ſic poſſet eum per talem confæderationē  
ſibi allicere, & auocare cor eius à dilectione ne-  
gotii fidei, & auxilio nobilis comitis Montisfor-  
tis: ſed videntes ſupradiſti nuncii regis Arrago-  
num, iam manifeſtum & publicum eſſe in curia  
regis Franciæ, quod D. Papa confirmāſſet matrimo-  
nium, inter regem & reginam Arragonum,  
non fuerunt auſi de contrahendo matrimonio,  
pro quo venerant facere mentionem. Secunda  
autem cauſa aduentus eorum in Franciam, hæc  
fuit: ſæpē memoratus rex, ciuitatem Tolofanam,  
quæ ab antiquo fuit & erat receptaculum hæreti-  
corum & ſentina, necnon ipſos hæreticos & fau-

*Rex Arrago-  
num legatos  
ad regem  
Galliæ miſi-  
tis,*

tores eorum in ſua cuſtodia & proteſtione receperat, excommunicatis hæreticis plenè & planè communicans, laborabatque quantum poterat, quaſi ſub ſpecie pietatis, impietatem exercens, ad hoc vt peregrinorum deuotio ceſſaret & zelus tepelceret ſignatorum, volens ciuitatem Tolofā, & quædam circumadiacentia caſtra, quæ adhuc Chriſtianitatē impugnabant manere illa ſa, vt ſic totum ſacroſanctę fidei negotiū, poſſet poſtmodum deſtruire, & penitus diſſipare. Ob hoc etiam miſit litteras quaſdam regi Franciæ & Comitiffæ Campaniæ, & multis alijs, ſigillatas ſigillis multorum epiſcoporum terræ ſuæ, in quibus D. Papa intendebat reuocare indulgētiam quam fecerat contra hæreticos ſæpius memoratos, litterasque illas faciebat publicare per Franciam, vt à peregrinatione contra hæreticos, animos omnium reuocaret. His breuiter perſtriſtis, de illius malitia propoſitū exequamur. Videns epiſcopus Babilonenſis, & alii nuncii regis Arragonum, qui venerant ad hoc vt laborarent, quod peregrini non irent contra hæreticos, quia Ludouicus filius regis Franciæ & multi nobiles cum eo, contra hæreticos ſe ſignallent, non fuerunt auſi etiam mutire de reuocatione noſtrorum à deuotione peregrinationis prædictæ, ſic nihil eorum pro quibus venerant facientes, ad regem Arragonum ſūt reuerſi. Rex autem Franciæ, qui ſicut diximus, conuocauerat barones ſuos Pariſijs, ordinauit de peregrinatione filij & aliorum qui cruce ſignati erant, & motionis diem præfixit, in octaua videlicet dominicę reſurrectionis. Quid plura? ſit in-

gens Chriſtianorum gaudium & exultatio, hæreticis autem mœror & timor magnus: ſed heu poſt modicum, cithara noſtra in luctum conuertitur, luctus hoſtium in gaudiũ commutatur: antiquus enim hoſtis generis humani diabolus, vidēs quod negotium Chriſti eſſet quaſi in conſummatione, mediante labore, & induſtria cruceſignatorum, nouum nocendi artificium inueniens, impedire voluit quod doluit conſummarī: ſuſcitauit enim regi Franciæ guerras & occupationes tot & tantas, quod oportuit eum retardare filium ſuum & cruceſignatos ab executione propoſitæ peregrinationis.

---

*Manaſſes Aurelianenſis & Guillelmus Autiſſiodorenſis epiſcopi fratres, crucem aduerſus Albigenſes aſſumunt.*

Cap. LXIX.

**E**A tempeſtate, epiſcopus Aurelianenſis Manafſes, & Autiſſiodorenſis epiſcopus Guillelmus viri per omnia laudabiles & conſtantes, duo magna imo præcipua, tunc temporis Gallicanæ eccleſiæ lumina, fratres in ſuper ſecundum carnē germani, crucem aſſumpſerant contra hæreticos ſuperius cōprehenſos: hi videntes ſignatorũ multitudinē remanſiſſe, ſciētesque negotium fidei, in arcto discrimine conſtitutum, pro eo quod hoſtes fidei, pro remanſione peregrinorũ, cornua ſolito crudeliuſ aſſumpſiſſent, collectis ſecum militibus quotquot potuerunt, miro feruore ſpiritus & virtute iter arripuerunt contra hæreticos, parati non



ſolum ſua expendere, ſed & ſeipſos ſi opportue-  
rit, periculis & morti exponere pro ſeruitio Ieſu-  
Chriſti. Properantes igitur viri Deo pleni, recto  
itinere peruenerunt Carcaſſonam, de quorum ad-  
uentu, nobilis comes Montis fortis, & pauci qui  
cum eo erant, gauiſi ſunt gaudio magno valde.  
Inuenerunt autem dicti epiſcopi noſtros, in ca-  
ſtro quodam prope Carcaſſonam, quod dicitur  
Fanum Iouis: fecerunt autem in caſtro illo pau-  
cos dies, poſt quos, perrexit comes cum epiſco-  
pis ad caſtrum Murelli prope Tolofam, de quo  
ſupra fecimus mentionem: inde equitarunt no-  
ſtri ante Tolofam, vt Chriſti & ſuos auerent cre-  
brius inimicos, ſed miles quidam nomine Alar-  
dus de Eſtrepiq & alij pauci qui non ſatis bene ſe  
habuerant in negotio Chriſti, noluerunt ire cum  
eo: comes autem non habebat tantum exercitum  
vt circa Tolofam, vel aliquod aliud forte caſtrum  
poſſet obſidionem firmare, propoſuit frequenter  
equitare ante Tolofam cum exercitu quem ha-  
bebat, vt & munitiones quę circa Tolofam erant  
multę & fortes euertaret, arbores decorticaret,  
ſegetes & vineas extirpatet: tempus ſiquidem  
meſſionis inſtabat, ſicut autem propoſuit, ita &  
fecit. Sæpe dicti autem epiſcopi, ſemper erant cū  
comite, ſequę quotidie pro Chriſti ſeruitio peri-  
culis exponebant: de ſuo præterea dabant larga  
dona militibus, qui cum eis erant in ſeruitio Dei,  
redimebant captiuos, & cætera largę & ſanctę  
probitatis officia viri ſanctiſſimi ſollicitè exerce-  
bant. Quia vero non poſſemus omnia ſigillatim  
exprimere, iſtud breuiter dicimus, quod infra

17. *castella  
à catholicis  
breui expu-  
gnata.*

paucos dies, ſeptemdecim munitiones euerterunt noſtri, ſegetes etiam Tolofæ, vineas & arbores ex parte maxima deſtruxerunt. Nec ſilendum eſt, quod cum noſtri equitarent ante Tolofā, & Tolofani & ruptarii qui erant Tolofæ duplo plures quam noſtri, frequenter exhibant, & noſtros à lōgè infeſtabant: ſed quoties noſtri ipſos volebant impetere, ipſi fugam arripiebant. Inter munitiones autem quas noſtri deſtruxerunt, erat quædam munitio propè Tolofam ſatis debilis & immunita. Quidam autem milites ſtrenuæ probitatis, ſcilicet Petrus de Siſſi, Simon Liſefnes, Robertus de Sartis, qui ſuportauerant ab initio pōdus guerræ, rogauerunt comitem, vt dimitteret eis munitionem illam, vt ibi morantes, equitarent ante Tolofam, & infeſtarent ſæpius Tolofanos. Comes autem licet inuitus, victus tamen precibus eorum, annuit eis. Circa feſtum natiuitatis B. Ioannis Baptiſtæ, comes voluit vt primogenitus ſuus Almaricus fieret nouus miles. Ordinauit autem comes de conſilio ſuorum, qui in caſtro nouo, quod eſt inter Tolofam & Carcaſſonam, celebraretur iſta nouæ militiæ ſolemnitas, in feſto natiuitatis B. Ioannis. Dum hæc agerentur à comite, & illis qui cum eo erant, Guido de Monteforti, frater germanus comitis, erat in obſidione cuiuſdam caſtri, quod dicitur Podium celſum in diœceſi Albienſi, à quo recedens, properauit ad comitem fratrem ſuum qui & ipſe properabat, ad caſtrum nouum Arii, propter nouam filii ſui Almerici militiam, de quo ſupra tetigimus, eo quod inſtaret natiuitas B. Ioannis. Venerunt etiam ſui

barones & milites de terra comitis, ad nouæ militiæ feſtiuitatem : modum autem ipſum, quo prædictus filius comitis, factus fuit miles Chriſti, exprimere volumus, vt potè nouum & à ſeculis inauditum.

---

*Almaricus filius comitis Simonis fit miles.*

Cap. LXX.

**A**N. verbi incarnati 1213. comes nobilis Mōtis- fortis, & plures Barones & milites ipſius, in feſto natiuitatis B. Ioannis, conuenerunt apud caſtrum nouum Arrii erant autem cum comite duo venerabiles epiſcopi memorati, & quidam milites peregrini. Chriſtiſſimus autem comes, voluit & rogauit Aurelianenſem epiſcopum, vt filium ſuum Chriſti militem faceret, & ipſemet traderet ei cingulum militare : venerabilis autem epiſcopus, diu multum reſtitit, ſed tandem victus precibus comitis & noſtrorum, petētibus acquieuit : comes autem quia tempus æſtium erat, & quia caſtrum nouum non poterat competenter capere tantam multitudinem, eoquod iam ſemel vel bis fuiſſet deſtructum, in amœna planicie iuxta caſtrum, fecit ſigi plures papillones. ipſa autem die natiuitatis S. Ioannis, venerabilis Aurelianenſis epiſcopus, induit ſe pontificalibus indumentis, celebraturus in papillione quodam, miſſæ ſolemnitatem. Conuenerunt autem tam clerici, quam milites ad audiendam miſſam : aſtante igitur epiſcopo ante altare, & miſſā

*Duo epiſco-  
pi baltheo  
militari Al-  
maricum  
accingunt,*

celebrante, apprehendens comes Almaricum primogenitum ſuum per dexteram, & Comitiffa per ſiniſtram, acceſſerunt ad altare, & obtulerunt illum domino, rogantes epiſcopum vt faceret eum militem, ad ſeruitium Ieſu Chriſti. Quid plura? ſtatim Aurelianenſis & Autiſiodorenſis epiſcopi, flexis genibus ante altare, cinxerunt puerum cingulo militari, incipientes cum deuotione maxima, *Veni creator ſpiritus.* O nouus & inexpertus militiæ modus, quis ibi ſe à lachrimis contineret? hoc modo & ordine ſæpè dictus puer, cum magna ſolemnitate, factus eſt nouus miles, qua ſolemnitate expleta, mouens comes poſt paucos dies à caſtro nouo cum epiſcopis & filio ſuo, equitauit ante Tolofam, captiſque aliquibus de Tolofanis, perrexerunt noſtri Murellum: venerunt ibi ad comitem, nobiles Vaſconia plures, vocauit enim eos & voluit comes, vt facerent hominium paruo filio ſuo, & factum eſt ita. Poſt paucos autem dies, mouit comes à Murello verſus Vaſconiam, ducens filium ſuum, vt traderet ei partem Vaſconia iam acquiſitam, & per Dei auxilium, acquireret acquirendam. Epiſcopi autem remaſerunt Murelli, die tertia ad propria reuerſuri: ſuam enim peregrinationem diebus 40. laudabiliter, vt potè per omnia laudabiles expleuerant, cum labore magno & expenſis. Die autem tertia mouentes epiſcopi à Murello, tendebant Carcaſſonem. Videntes autem Tolofani, & alij hoſtes fidei, quod comes noſter pergeret cum filio ſuo in Vaſconiam, epiſcopi vero & qui cum ipſis erant peregrini, reuenterentur ad propria, nocta occa-

ſione ſecuritatis : egreſſi à Tolofa cum exercitu magno, obſederunt milites quosdam de noſtris, ſcilicet Petrum de Siſſi, Simonem de Seſne, Rogerum de Sartis & alios paucos, qui ſicut diximus ſuperius, munitionem quandam ſatis debilem & immunitam tenebant prope Tolofam. Venientes aduerſarij ad munitionem illam, cœperunt noſtros acriter impugnare, obſeſſi quantum poterant ſe defendere. Poſt paucos autem dies, videntes obſeſſi noſtri, quod non poſſent diu ſe tenere, cogitantes etiam, quod non poterant habere tempeſtuum ſuccurſum, eo quod comes perrexiffet in Vaſconiam, epiſcopi autem & peregrini reuerterentur ad propria, poſt duras anguſtias, reddiderunt ſe aduerſariis, tali tamen conditione & ſecuritate appoſita, quod aduerſarij conſervarent vitam & membra. Illud autem ſupprimendū non eſt, quod prædicti epiſcopi, qui iam erant Carcaſſonæ, cū audiſſent milites noſtros, obſeſſos eſſe prope Tolofam, conſuluerunt, monuerunt & ſupplicauerūt peregrinis, qui cum ipſis erant, vt cum eis reuerterentur ad ſuccurſum obſeſſorum. O viri per omnia commendabiles. O viri virtutis, acquieverunt omnes, egreſſique à Carcaſſona, feſtinabant vt ſuccurerent obſeſſis, ſed cum veniſſent prope caſtrum novum Arii, dictum eſt eis, quod iam capti erant obſeſſi noſtri à Tolofanis, & vere ſicerat: quod audientes cum dolore multo, reuerſi ſunt Carcaſſonam: aduerſarii autem, duxerunt milites captos Tolofam. Statim omnibus infidelibus deteriores, non deferentes promiſſioni vel ſacramento, milites noſtros,

quos vt dictum eſt , de vita & mēbris ſecuros fecerant, diſtrahi fecerunt ad caudas equorum per plateas ciuitatis, & diſtractos in patibulis ſuſpenderunt. O graue traditionis & crudelitatis genus. Nobilis autē comes Montis-fortis, qui ſicut diximus, duxerat filium ſuum in Vaſconiam , & multa caſtra & fortia, iam per Dei auxilium acquiſierat , cum audiſſet quod Tolofani obſediſſent milites ſuos prope Tolofam , dimittens filium ſuum in Vaſconia , feſtinanter rediit vt ſuccurreret obſeſſis: ſed antequam ad eos peruenire poſſet, iam capti erant & Tolofam perducti. Rex

*Rex arrago. per nuncios falſa pontifici exponit.* Arragonenſis Petrus, præterita hyeme, nuncios ſuos miſerat Romam , inſinuans D. Papæ per falſiſſimam ſuggeſtionem, quod comes Montis-fortis, iniuſte abſtulſſet terras ſuas Comitibus Conuenarum & Fuxi & Gaſtoni de Bearno: dicebat etiam rex, quod tres nobiles prædicti, nunquam fuerant hæretici, licet maniſeſtiſſimū eſſet, quod hæreticos fouiſſent & ſanctam eccleſiā toto niſu impugnafſent: inſcavit D. Papæ quod negotium fidei conſummatum eſſet contra hæreticos, ipſis hæreticis procul fugatis, & de terra Albigeſi penitus exterminatis, ideoque neceſſe erat, quod D. Papa indulgentiam quam fecerat proficiſcentibus contra hæreticos, penitus reuocaret, eamque transferret, vel contra paganos Iſpanienſes, vel ad ſubſidium terræ ſanctæ. O inaudita ſub ſpecie pietatis impietas, hoc enim dicebat rex peſſimus, non quod de anguſtiis & neceſſitatibus S. eccleſiæ pertineret ad eum, ſed vt negotium Chriſti contra hæreticos, quod per multos annos

cum maximo labore, & multa ſanguinis effuſione fuerat miraculoſe promotum, ipſe ſuffocaret & deſtrueret in momento, ſicut maniſeſtiſſimis indi-  
ciis demonſtravit. Summus autem pontifex ni- *Cito crede-  
re nocet.*  
mis credulus ſiſis ſuggeſtionibus dicti regis, ip-  
ſius petitionibus facile acquieuit. Miſit nempe  
litteras ſuas comiti Montis-ſortis, mandans ei &  
præcipiens, vt prænotatis comitibus Conuenariū  
& Fuxi & Gaſtoni de Bearno, viris ſcleratiſſimis  
& perditis, terras ſuas, quaſi iuſto Dei iudicio,  
auxilio cruce ſignatorum acquiſierat, redderet  
indilate, ſuam præterea indulgentiam, quam fece-  
rat proficiſcentibus contra hæreticos reuocavit.  
Poſt modum etiam, miſit D. Papa legatū ſuum  
in Franciam Magiſtrum Robertū de\* Corecone, *Illius habe-  
tur comme-  
moratio in  
necrologio  
eccleſiæ Tre-  
centſ. ad diē  
6. feb. ibique  
Rob. de Tor-  
con nomina-  
tur à Ciaco.  
in lxxv. 3  
vocatū R.  
Corſon, & à  
M. parisi in  
Henr. 1. R.  
de Sumerco-  
te, quem ve-  
neno ſubla-  
tum aſſerit  
ſub an.  
1241. u.*  
Anglicum natione, cum multis paribus littera-  
rum & indulgentiarum, vt ſollicite prædicaret, &  
prædicari feceret, pro ſuccurſu terræ hieroſoly-  
mitanæ. Qui legatus veniens in Franciam ſollici-  
tudine non pigra, iniuratum exequens officium,  
cœpit diſcurrere per Franciam, archiepiſcopo-  
rum & epiſcoporum concilia celebrare, prædica-  
tores inſtituere, modis que omnibus terræ ſanctæ  
negotium promouere. prædicatores quoque illos  
qui laborabant pro negotio fidei, contra hæreti-  
cos ſæpeditos, eidem negotio abſtulit, & fecit  
eos pro terræ ſanctæ negotio prædicare, & ita  
quantum ad humanum iudiciū, quaſi in aboli-  
tionem venit negotium fidei cōtra hæreticos pe-  
ſtilentes. In tota ſiquidem Francia non erat niſi  
vnuſ, venerabilis ſcilicet Carcaſſonenſis epiſco-  
pus, vir eximæ ſanctitatis, qui pro ſæpedito fi-

dei negotio laboraret: ipſe enim cū magna inſtantiā, diſcurrebat per Franciā & negotiū fidei ne in obliuionē veniret, omnimode in quantū poterat promouebat. his de ſtatu Frāciæ præmiſſis ad narrationis ſeriē redeamus. Cū emanaffent literæ apoſtolicæ à curia, in quibus D. Papa mādabat comiti Mōtis fortis, vt redderet terras tribus nobilibus ſupradictis: chriſtianiſſimus comes noſter & epiſcopi terræ Albigenſis, miſerunt nuncios ſuos ad D. Papā, epiſcopū videlicet Conuenarū, archidiaconū Pariſienſem Guilelmū, quendam etiam abbatem de Claraco, viros prouidos & conſtantes: duos etiam clericos, quos D. Papa iam miſerat à latere ſuo comiti Montis fortis, Magiſtrum ſcilicet Theodiſium Piſannum, qui negotium fidei, miro amplexabatur affectu, & Petrum Marci, qui fuerat notarius D. Papæ, & erat de Nemaufenſi \* diœceſi oriundus. Hi omnes venientes ad curiam ipſam, tam duram & admodum ſibi difficilem inuenerunt, quia nuncii regis Arragonenſis, quorum quidam morabantur in curia, animos ferè omnium qui erant in curia, per ſuggeſtionem falſitatis inclinauerant ſibi, tandem poſt multos labores, D. Papa agitata plenius veritate, per nuncios comitis miſit literas regi Arragonenſi, in quibus aſperimè increpabat eum, eo quod Tolofanos & alios hæreticos, in ſua protectione & cuſtodia recepiſſet: iniungebatque ei diſtiniſſimè, in virtute Spiritus S. vt ab eis recederet indilatè, nec eis impenderet de cætero auxilium, vel fauorem. Conquærebatur inſuper per literas D. Papa, de rege Arragonenſi, eo quod per falſi ſug-

\* *Niſmes.*



geſtionem omnimodam, impetraſſet literas apoſtolicas, de reſtituendis terris, comitibus Conuenarū, Fuxi & Gaſtoni de Bearno : vnde D. Papa literas illas tanquā ſubreptitias reuocabat. Mandabat præterea in eiſdem literis nobilibus prædictis & ciuibus Tolofanis, vt ad concilium & voluntatem Narbonenſis archiepiſcopi apoſt. ſed. legati & epiſcopi Tolofani, ſatisfacerent Deo & redirent ad eccleſiæ vnitatem, quod ſi nollent, D. Papa præcipiebat, per memoratas indulgentias populos excitari contra Tolofanos & fautores eorum. hæc fuit ſumma literarum, quibus litteris impetratis nuncii noſtri à curia redierunt. Nobilis autem comes Montis fortis, & qui cum eo erāt, graui tunc temporis discrimine arctabantur, erant enim quaſi ſoli, & pene penitus deſolati, eo quod pauci vel nulli in eorum auxilium venirent à Francia peregrini: ſicut enim iam diximus, iam pene in obliuionem venerat negotium fidei per nouam prædicationem legati, quem D. Papa miſerat in Franciam pro negotio terræ ſanctæ, ideoque fere nulli ſignabant ſe cruce contra hæreticos peſſilētes. Rex præterea Franciæ, per inteſtinas guerras quas habebat, non permittebat, quod milites, qui ſe iam diu cruce ſignauerant contra hæreticos, attingerent ad perficiendum vota ſua : ſuper hæc omnia, dicebat ut in tota terra Albigenſium, & celebri iam erat ſermone vulgatum, quod rex Aragonenſis, congregabat exercitus ſuos, vt intraret cum ſuperbia terrā noſtram, militesque Chriſti de terra illa penitus extirparet. Comes autem, noſter, iteratō discrimine, miſit ad filium ſuū, qui

*Francia in:  
teſtibus bellis  
æſtuat.*

in Vasconia erat in obsidione castri, quod dicitur  
Rupes fortis mandans ei, vt recedens ab obsidio-  
ne festinanter veniret ad eum: timebat enim ne si  
rex intraret Vasconiam, cum exercitu suo, posset  
eum comprehendere, eo quod paucissimos franci-  
genas secum haberet: pius autē dominus Iesus, qui  
semper adiutor est in opportunitatibus in tribula-  
tione, ita ordinauit, vt filius patris mandato obe-  
diret, & de dimissa obsidione, erubescentiam non  
haberet: ea siquidem nocte, qua litteræ comitis  
venerunt, aduersarii qui erant in castro obsessi,  
rogauerunt ea quæ pacis sunt, parati reddere ca-  
strum & captiuos quos tenebant fermè sexaginta,  
dummodo ipsi permitterentur abire illasi: quo,  
quia instabat necessitas, concessio, Almaricus fi-  
lius comitis, castrum illud muniens paucis militi-  
bus, ad patrem suum properauit: tota autem terra  
Albigensium, in multa turbatione & vacillatio-  
ne erat posita: hostes siquidem fidei, & milites  
Regis Arragonensis, quia iam longam moram  
fecerant in Tolosa, circuibant per ante castella  
nostra, inuitantes indigenas ad apostasiam & red-  
ditionem nostram. Plures autem ex ipsis ob secu-  
ritatem regis Arragonensis, quem cum maximo  
desiderio expectabāt, conuertebāt se ad aduersarios  
& ita plura castra magna & fortia reamissimus. Ea  
tempestate, nobilis comes Montis fortis & e-  
piscopi terræ Albigensis, duos abbates miserunt  
ad regem Arragonum, qui litteras & mandatum  
D. Papæ deferrent ad eum, supplicantes ei, iuxta  
mandatum apostolicum, vt ab hæreticorum au-  
xilio desisteret, nec Christianitatem impugnaret.

rex autem, vt potè fallax & ſubdoluſ, Reſpondit in dolo, quod omnia quęcumque mandabat ei ſumus pontifex, libenter adimpleret: ſed licet ſemper promitteret mādātum apoſtolicum libentiſſimè ſe facturum: nolluit tamen reuocare milites ſuos, quos præterita hieme Tolofæ dimiſerat, per quos cum Tolofanis & aliis hæreticis, Chriſtianitatem impugnaret: ſed & alios plures Tolofam miſit milites. prætereā de terra ſua, quos poterat adunabat & in ſuper ſicut audiuiſmus, partem terræ ſuæ non modicam, pignori obligauit, vt haberet, vnde conducere poſſet ſtipendiarios in auxilium hæreticorū & Chriſtianitatis impugnationem. O crudelitas ſubdola, ô proditione crudeliſſima: licet enim toto poſſe ſuo, exercitus contra nos adunaret, promittebat tamen, quod mandatum D. Papæ de deferendis hæreticis & excommunicatis libenter adimpleret, vt nos immunitos redderet & ſecuros, ſed quia non ſit prudentia, nec concilium contra dominum, rei exitus demonſtrauit. Per id tempus, ſæpemenoratus rex Arragonenſis, vt iniquitatem quam contra Chriſtū & ſuos cōceperat parturiret, egreſſus de terra ſua, cū infinita equitū multitudine, ingreſſus eſt Vaſconia, volens ſi poſſet totā terram quæ per Dei gratiam & auxilium cruceſignatorum, fuerat acquiſita, hæreticis reddere, & ſuo dominio ſubiugare. Ingreſſus fines Vaſconia, cœpit tendere verſus Tolofam, plura autem caſtella Vaſconia, per quæ tranſitum faciebat, timore eius reddiderunt ſe illi. Quid vltra? ſit in tota terra illa ſermo de aduētū regis celeberrimus, gaudent indigenæ plures, plu-

res apoſtatant, reliqui ad apoſtatandum ſe parant. Rex autem impius, cum circuiſſet plura caſtella, venit ante Murellum quoddam nobile caſtrum, ſed quoad fortitudinem ſatis debile, diſtanſ tribus leugis à Tolofa: ſed licet muris eſſet debile & foſſatis, erat tamen munitum militibus triginta, & paucis peditibus, quos nobilis comes Montisfortis, ibi ad cuſtodiam caſtri dimiſerat, qui Tolofanos præ cæteris impugnabant. Veniens Rex Arragonum Tolofam, congregauit Tolofanos & alios hæreticos, vt obſidionem firmaret circa Murellum.

---

*Obſidio Murelli. Cap. LXXI.*

**A**Nno D. noſtri Ieſu-Chriſti 1213. 4. Id. ſept. feria 3. poſt Natiuitatem B. Mariæ rex Arragonum Petrus, congregatis comitibus Tolofano, Conuenarum & Fuxi, & copioſo exercitu Arragonenſium & Tolofanorum, Murellum obſedit: erat autem caſtrum Murelli ſitum ſuper Garonam fluuium prope Tolofam ad tres leugas verſus Vaſconiam. Accedentes aduerſarii ad caſtrum Murelli, ſtatim primo incurſu, primum caſtri burgum intrauerunt, quia obſeſſi noſtri, non poterant illud munire, pauci quidem erant, & ſe in aliud burgum aliquantulū fortius receperāt, ipſum tamē primum caſtri burgū hoſtes citius dimiſerunt. Statim milites noſtri de caſtro, miſerūt ad nobilem Comitē Montisfortis, ſignificātes ei quod obſeſſi erant, & rogantes quod ſuccurreret eis, quia modica, imo quaſi nulla habebant victu;

alia & de caſtro egredi non audebant. Erat comes apud caſtrum quod dicitur Fano Iouis, diſtans octo leugis à Murello, propoſuerat enim ire Murellum, vt muniret illud tam hominibus quam virtualibus, pro eo quod de aduentu regis Arragonum, & de obſidione Murelli, aliquid ſuſpicaretur: in ipſa autem nocte, qua comes prepoſuerat egredi à Fano Iouis, Comitiffa noſtra quę ibi erat, ſomnium vidit, vnde perterrita fuit valde: videbatur enim ei, quod ab vtroque brachio ſuo, in magna abundantia exhibat ſanguis: quod ſomniũ, cum manè comiti referret, & diceret, vehementiſſime ſuper hoc ſe turbatam, comes reſpondit, quaſi vna de mulieribus eſtis locuta, putatis enim quod more Hiſpanorum ſequamur ſomniavel auguria: certè & ſi ſomniaſſem hac nocte, me interficiendum eſſe in bello ad quod propero, ſecurus & libentius irem, vt ſtultitiæ hiſpanorum & hominum terræ huius. qui ſomnia curant, & auguria, plenius contrairem, his dictis, exiit comes à Fano Iouis, & properabat cum ſuis verſus Sauerdunum, & dum eſſet in via, venit ad eum nuncius miſſus à militibus, qui in caſtro Murelli erant obſeſſi, ferens eorum litteras continentes, quod rex Arragonum obſidionem firmaveſſet ante Murellũ: quo audito, omnes noſtri iam de futura victoria ſpem habentes, gaudiũ ſunt valde: ſtatim comes mandavit Comitiffæ, quæ & ipſa recedens à Fano Iouis, tendebat Carcaſſonam, milites quotquot potuit congregavit. Rogavit inſuper quendam nobilem de Francia, vicecomitem videlicet Corbolicum, qui peracta peregrinatione ſua, reuerte-

*Hiſpani ſcđ  
norum vā  
ni obſerva  
tores.*

242  
batur ad propria, vt rediret, & festinaret ad succursum comitis nostri, qui libenter adquieuit, & libenter se redditurum spondit. Mouentes igitur prænотatus vicecomes cum suis & pauci milites quos sicut diximus Comitissa mittebat Comiti in succursum, venerunt ad Fanum-Iouis. Comes autem noster, & qui cum eo erant, properantes Sauerdunum, venerunt prope quandam abbatiam Cisterciensis ordinis, quæ dicitur Bolbona, ad quam diuertens comes noster, intrauit ecclesiâ causa orationis, vt etiam se & suos, orationibus mōnachorum commendaret, & cum prolixius & diutius orasset, arripens ensē quo erat præcinctus, posuit illum super altare dicens: O bone domine. O Iesu benigne, tu me licet indignum, ad tua prælia elegisti, desuper altare tuum, hodie arma accipio, vt præliaturus prælia tua, à te accipiam iustitiam præliandi, his dictis, exiens comes cū suis, venit Sauerdunum. Erant autem cum comite septem episcopi, & tres abbates, quos Narbonensis archiepiscopus apost. sedis legatus congregari fecerat, vt cum rege Arragonensi, de pace & concordia loquerentur, sed & quidam milites circiter triginta, nuperrime venerant à Francia, vt votum suæ peregrinationis complerent, inter quos erat quidam miles iuuenis, & frater comitis nostri ex parte matris, nomine Guilelmus de Barris, à domino facta sunt ista. Cum venisset comes Sauerdunum, conuocatis militibus qui cum ipso venerant, quæsiuit ab eis auxilium, quid facto opus esset, ipse autem de hoc omnimode aspirabat, sicut ab ore ipsius postea audiuius, vt ipsa

*G. de Barris  
frater uterius  
nus Monfortis  
comitis.*

eadē nocte iret & intraret Murellū, quia princeps fideliffimus multū de ſuis ſollicitus erat obſeſſis, cæteri autem volebant nocte illa manere Sauerduni, eo quod erant ieiuni & laſſi, & dicebāt quod forſiā oporteret eos, in ipſa via cum hoſtibus habere conflictum: acquieuit comes licet inuitus, vt pote qui ſemper omnia cum concilio faciebat. Incraſtino ſummē aſiluculo vocauit capellanium ſuum, facienſque confeſſionem, ordinauit teſtamentum ſuum, ipſumque teſtamentum ſcriptum & ſigillatum, miſit ad dominum abatem Bolbonæ, mandans & ordinans, quod ſi contingeret ipſum in bello occumbere, mitteretur romam prænotatum teſtamentum, & confirmaretur ad D. Papa. Poſtquam autem factus eſt dies, epiſcopi qui erant Sauerduni & comes, & omnes ſui conuenerunt ad eccleſiam. Statim vnus ex ipſis ſacris veſtibus ſe induit, miſſā celebraturus, in honorem B Mariæ virginis in qua miſſa omnes epiſcopi, excommunicauerunt comitem Tolosanū & filium eius: comitē Fuxi & filium eius. comitē Cōuenarum & omnes fautores & coadiutores & deſeſores eorum, in qua ſētentia proculdubio rex Arragonum inuolutus eſt, licet epiſcopi ex induſtria, nomen eius ſuppreſſerint: tamen pro eo facta fuit excommunicatio, quia ipſe non ſolum erat adiutor dictorum comitum & deſenſor ſed totius militiæ quæ exercebatur in obſidione Murelli, caput erat & auctōr. Celebrata miſſa, comes & ſui armis ſe induūt, & egredientes à Sauerduno in quadā planicie iuxta caſtrū ordinauerūt acies, in nomine S. & indiuiduę Trinitatis. Et procedē-

*Comites Tolosanus, Fuxis & Cōuenarum coadiutores à communionē eccleſiæ anathemate ſemouentur.*

tes venerunt ad quoddam caſtrum quod dicitur Alta-ripa, quod medium eſt inter Sauerdunum & Murellum: inde progredientes, venerunt ad quēdam locum tranſitu difficilem, inter Altam-ripā & Murellum, in quo loco arbitrati ſunt noſtri quod haberent obuios hoſtes, quia lutoſus erat locus, via aſtricta & aquoſa: erat autem prope locum illum quādam eccleſia, in qua ſecundum conſuetudinem intrauit comes cauſa orationis: inundabat autem ipſa hora pluuiā, & milites noſtros non modicum infeſtabat, ſed orante milite Ieſu-Chriſti, videlicet comite noſtro ceſſauit pluuiā, fiunt nubiſa in ſerenum. O Immenſa bonitas conditoris. Cum ſur exiſſet comes ab oratione, reſcendiſſe equis locum prædictum tranſierunt, nullumque hoſilem obicem inuenerunt. Inde progredientes, venerunt, uſque prope Murellum citra Garonam. Rex autem Arragonenſis, & qui cum eo erant à parte alia, ultra Garonnam, caſtrum obſederāt, multiplicati ſuper arenam maris. Milites autem noſtri, ut pote ardentiſſimi, conſuluerunt comiti, ut ſtatim intrans caſtrum, bellum cum hoſtibus cōmitteret ipſo die, ſed comes nullo modo voluit, quod ipſa die fieret bellum, quia erat hora veſpertina, & noſtri tam milites quam equi, erant laſi: hoſtes vero recedentes. præterea ipſe comes omnem volebat exhibere humilitatem & offerre regi Arragonum verba pacis, & ſupplicare ne contra eccleſiam veniens, ſe Chriſti iungeret inimicis. His ergo de cauſis, noluit comes, quod congreſſus fieret ipſo die. Tranſeuntes igitur pontē, intrauerunt Mu-

*Simonis comitis oratio. ne, nubibus diſcuſſis dies ſerenior emicet.*



rellum, ſtatim epiſcopi noſtri, plures & pluries nuncios miſerunt ad regem, orantes & de precâtes vt miſereri dignaretur eccleſiæ ſanctæ Dei, ſed rex vt obſtinatiſſimus, nullis ipſorum petitionibus acquieſcere voluit, nec aliquid pacifice reſpondere, ſicut inferius continetur. In ipſa nocte, vicecomes Corbolienſis, & pauci milites Fran- cigenæ, qui veniebant à Carcaſſona, de quibus ſupra tetigimus, intraverunt Murellum, de quo- rum aduentu, comes & qui cum eo, gauiſi ſunt valde: nec prætermittendum, quod in caſtro Mu- relli, non erant victualia quæ poſſent ſufficere noſtris in ſolum diem, & ipſa quidem nocte rex ita ſe habuit.

---

*D strenuiſſima pugna & gloriſſima victoria  
comitis Montis ſortis & ſuorum, habita in  
campo Murelli de rege Arrago-  
num, & hoſtibus fidei.*

Cap. LXXII.

**I**N craſtino ſummo mane, intrauit comes baſi- licam ſuam, quæ erat in munitione caſtri, audi- tum miſſam: epiſcopi autem noſtri & milites, per- rexerunt ad eccleſiam quæ erat in burgo, vt & ipſi miſſam audirent. Comes autem audita miſſa, de munitione exiit in burgum cum ſuis, & à ſuis conſilium habiturus, & noſtri ſimul loquerentur, erant inermes, pro eo quod de pace cum rege quo- dammodo per epiſcopos tractabatur. Statim e- piſcopi, de communi noſtrorum aſſenſu, diſcal- ciatis pedibus voluerunt ire ad regem, ſupplica;

turi ei ne eccleſiam impugnaret: & cum miſiſſent nuncium, qui talem epiſcoporum nunciaret aduentum, ecce plures de hoſtibus armati in equis intrauerunt burgū in quo erāt noſtri, erant enim fores apertæ, quia nobilis comes, non permittebat vt clauderentur, mox comes noſter, alloquutus eſt epiſcopos dicens, videtis quia nihil proficitis, ſed magis tumultus fit, ſatis, imo pluſquam ſatis ſuſtinuimus, tempus eſt vt nobis detis licentiā dimicandi, epiſcopi autem, quia neceſſitas ſic urgebat, conceſſerunt eis: tunc noſtri recedentes à loco illo colloqui, perrexerunt vnusquiſque in domum ſuam vt ſe armarent: cum autem intraret comes munitionem caſtri, vt ſe armaret & tranſiret per ante baſilicam ſuam, ſubito introſpexit & vidit Vri cenſem epiſcopum celebrantem miſſam & dicentem, *Dominus vobiscum*, poſt euangelium ad offerendam, ſtatim cucurrit comes chriſtiſſimus, & flexis in terram genibus, & iunctis manibus ante epiſcopum, dixit ei, do & vobis offero animam meam & corpus meum. O deuotio principis: poſt hæc intrans munitionem, armis ſe muniuit, rediēsque iterum ad epiſcopum, in prænotata baſilica, denuo obtulit ſe ei & arma ſua: ſed cum flecteret genua ante altare, brachile eius à quo dependebant caligæ ferreæ, ruptum eſt medium ſed vir catholicus ex eo quod acciderat, nihil timoris, nihil turbationis concipiens, aliud brachile afferri præcepit, quo facto egreſſus eſt de baſilica comes, cui egredienti, adductus eſt equus ſuus, quem cum vellet aſcendere, eſſetque in loco eminenti, ita quod videri poſſet à Tolosa;

*Comes in terram prænotatam, cor-  
pus animæ,  
que ſuum,  
Dei obſequio  
denotet.*

nis, quiſerant foris caſtrum, equus eleuato capite, percuffit comitem, & à ſe aliquantulum reſilire fecit: quod videntes Tolofani, in deriſionem comitis, vlulatum maximum emiſerunt: quibus comes catholicus dixit: vos modo clamando deridetis me, ſed conſido in domino, quod victor clamabo poſt vos vſque ad portas Tolofæ. Quo dicto comes aſcendit equum, venienſque ad milites qui in burgo erant, inuenit eos armatos & paratos ad bellum. Conſuluit autem comiti, miles quidã, vt numerari faceret milites ſuos, & ſciret quot eſſent. Cui Comes nobilis, non eſt inquit opus, ſatis ſumus ad ſuperandum, per Dei auxilium, hoſtes noſtros, omnes autem noſtri, inter milites & ſeruientes in equis, non erant pluſquam octingenti, cum hoſtes centum millia eſſe crederentur, pauciſſimos autem & quaſi nullos pedites, noſtri habebant. Inſuper & comes nobilis inhibuerat nequis pedes egrederetur ad pugnam. Dum igitur comes & milites noſtri mutuo loquerentur, & de bello tractarent, ecce epifcopus Tolofanus aduenit habens mitram in capite, in manibus vero, viuificæ lignum crucis. Mox noſtri cœperunt deſcendere de equis & ſinguli crucem adorare: epifcopus autem Conuenarum, vir miræ ſanctitatis, videns quod in iſta adoratione crucis à ſingulis, nimia fieret mora, aripiens de manu Tolofani epifcopi lignum crucis, aſcendens in locum eminentiorem, ſignauit eos dicens: Ite in nomine Ieſu-Chriſti, & ego vobis teſtis ſum, & in die iudicii fideiuſſor exiſto, quia quicumque in iſto glorioſo occubuerit bello, abſque vlla purgatorii

*Exhortatio  
Conuenarum  
epiſcepi ad  
catholicos milites.*

pena, æterna præmia & martyrum gloriam conſequetur dummodo confellus ſit & contritus, vel ſalte n firmum habeat propoſitum, quod ſtatim peracto bello, ſuper peccatis de quibus nondum fecit confeſſionem; oſtendet ſe ſacerdoti. Qua promiſſione, ad inſtantiam noſtrorū militum repetita ſæpius, & multoties ab epiſcopis confirmata, ſtatim noſtri per cordis contritionem, & oris confeſſionem mundati à peccatis, donantes ſibi metiſſis, ſi quis aduerſus aliquem querelam haberet, egrediuntur de caſtro, & tribus aciebus diſpoſitis, in nomine Trinitatis, contra hoſtes intrepidi procedebant. Epiſcopi autem & clerici intrauerunt eccleſiam, deprecaturi dominum pro ſeruis ſuis, qui ſe pro eius nomine, morti exponebant imminenti: qui orantes & clamantes in cælum, tantum pro imminenti anguſtia, mugitum emittebant in cælum, quod vlulantes dici deberent potius quam orantes. Ibant igitur milites Chriſti gaudentes ad locum certaminis, parati pro eius nomine, non ſolum contumeliam, ſed & mortem pati. Qui egreſſi de caſtro, in campi planicie iuxta caſtrum, viderunt hoſtes paratos ad pugnam, quaſi totum mundum. Statim prima acies noſtra, audacter in hoſtes inſiliit, & in ipſos medios ſe immiſit: mox ſecunda ſubſequitur, hoſtes penetrat ſicut prima, in quo congreſſu rex Aragonenſis occubuit, & multi Arragonenſes cum eo: ipſe enim vt potè ſuperbiſſimus, in ſecunda acie ſe poſuerat, cum reges, ſemper eſſe ſoleant in extrema Inſuper arma ſua mutauerat, armisque ſe induerat alienis. Videns co-

*Rex Arrago-  
num in præ-  
lio occiſus.*

mes noſter, duas acies ſuas in medios hoſtes merſas, & quaſi non comparere, irruit à ſiniſtris in hoſtes, qui ſtabant ex aduerſo innumerabiles. Stabant autem ordinati ad pugnam, iuxta foſſatum quoddam, quod erat inter ipſos & comitem noſtrum: ſtatim irruens comes in hoſtes prænотatos, & licet non videret aliquā viam, per quam ad eos poſſet pertingere, inuenit tandem in foſſato modiciſſimam ſemitam, ordinatione diuina, vt credimus tunc paratam, per quam tranſiens, in hoſtes ſe dedit, & vt pote miles Chriſti fortiſſimus, ipſos fortiſſime penetrauit, nec ſilendum eſt, quod cum comes, vellet in ipſos irruere, ipſi eum cum gladiis ſuis, tanto niſu à parte dextera pupegerūt, quod pro nimia ictuū impulſione, ruptus eſt ei ſtaphus ſiniſter: nobilis vero comes, calcar ſiniſtri pedis voluit inſigere cooperturæ equi, ſed ipſum calcar contraſtum de pede reſiliuit, miles tamen validiſſimus non cecidit, ſed hoſtes validè percuffit. Quidam autem de aduerſarijs, comitem noſtrum validè percuffit in capite, vir autem nobilis, dictum militem, cum pugno cecidit ſubtus mentum, de equo cadere fecit, quod videntes ſocij dicti militis, qui infiniti erant, ſed & cæteri omnes aduerſarij noſtri, victi citius & confuſi, fugæ præſidia quæſierunt: quod videntes noſtri, illi videlicet, qui fuerant in prima acie & in ſecunda, iſtantiſſime inſequuti ſunt fugientes, & grauiſſime proſequuti, extremos etenim cadentes, ex ipſis multa milia occiderunt. Comes vero noſter, & illi qui cum eo erant, lento curſu poſt noſtros qui eos inſequuntur, de industria ſequebantur, vt ſi

*Comes Mon-*  
*fortius in ca-*  
*pite percuffus*

forte hostes conglobarent se, & resumerent animos resistendi, nostri qui fugientes, diuisi alter ab altero consequebantur, ad comitem possent habere recursum. Nec silendum, quod comes nobilissimus, non est dignatus in bello aliquem percutere, ex quo fugientes vidit, & vertere sibi tergum. Dum hæc agerentur, ciues Tolosani, qui remanserant in exercitu infiniti ad pugnam parati, in expugnando castro totis viribus laborabant. Quod videns episcopus Tolosanus qui erat in castro vir bonus & mitis, eorumque miserie compatiens: quendam virum religiosum misit ad eos, monens, & consulens, ut iam tandem conuerterentur ad dominum deum suum, armaque sua deponerent, & ipse eos eriperet à morte imminenti: in cuius assecurationis testimonium, misit eis cucullam suam, monachus quippe erat, illi autem ut potè obstinati & diuinitus excæcati, responderunt quod rex Arragonensis vicerat omnes nostros, episcopus autem volebat eos morti tradere, non saluare, & hac de causa, auferentes cucullam nuncio, ipsum lanceis grauitè verberarunt. Interea milites nostri reuertebantur à cæde, cum victoria gloriosa, venientesque ad ipsos Tolosanos, ex ipsis plura milia occiderunt. Post hæc præcepit comes quibusdam de suis, ut ducerent eum ad locum vbi rex Arragonensis fuerat interfectus, locum siquidem & horam interfectionis ipsius, penitus ignorabat. Veniens igitur comes ad locum, inuenit corpus regis Arragonensis prostratum in medio campo nudum, pedites siquidem nostri, ipsum iam nudauerant, quia visa victoria, egressi e-

rant de caſtro, & quos adhuc viuos iacentes inuenire potuerant, peremerant. Piſſimus autem comes, videns regem iacentem proſtratum, deſcendit de equo, alterum David, ſuper Saül alterum repreſentans. His omnibus ritè peractis, & de hoſtibus fidei, tam ſubmerſione quam gladio, circiter viginti millibus interfectis, chriſtianiſſimus comes intelligens tantum miraculum, Dei virtute, non humanis viribus factum eſſe, ab illo loco ubi deſcenderat, nudus pedes ad eccleſiam perrexit, omnipotenti Deo pro collata victoria gratias repenſurus: equum etiam ſuum & arma dedit pauperibus in elemoſinam: vtr autem veritas huius pugne mirabilis & glorioſe victoriae, audientium cordibus plenius inſigatur, litteras quas epiſcopi & abbates qui aderant, ad vniuerſos Chriſti fideles miferunt, operi noſtro duximus inferendas.

*Albigenſium*  
20 millia in  
pralio Mu-  
relli perierūt  
unicus autē  
miles catho-  
licus, pauci-  
que pedites  
ut inferius  
diximus.

*Litterae pralatorum qui in exercitu Simonis  
comitis erant, cum de fidei ho-  
ſtibus triumphauit.*

Cap. LXXIII.

**G**Loria in excelsis Deo, & in terra pax hominibus, qui ſanctam eccleſiam, bona diligunt voluntate, Deus fortis & potens, Deus potens in pralio Quinta feria infra octauas natiuitatis B. Mariae virginis, ſancta conceſſit eccleſiae, deuictis miraculoſe inimicis fidei Chriſtiana victoriae glorioſam, & triumphum glorioſum, in hunc modum. Poſt correptionem affectuoſiſſimam, zelo paternae pietatis à ſummo pontifice diligentiffime regi factam At-

*Has litteras*  
M. parisiſe;  
ruiſt hitoriz  
Angl. in Io-  
an. rege ad  
an. 1213,

ragonenſi, inhibitionemque diſcretiſſimam, ne inimicis  
 fieri, præſtaret auxilium, conſilium vel ſauorem, ſed ab  
 eiſdem recederet indilatare, & treugas haberet firmiſſimas  
 cum comite Montis fortis, quibuſdam etiam litteris, quas  
 eiſdem regis nuucij per falſiſſimam ſuggeſtionem contra  
 comitem Montis fortis impetrarant de terris reddendis  
 comitibus Fuxenſi, Conuenarum & Gaſtoni de Bearno,  
 poſt veritatis cognitionem caſſatis à D. Papa, & tanquã  
 nullius valoris penitus reuocatis: idem rex correptionem  
 patris ſanctiſſimi, non deuotiſſime recipiens ſiali, ſed trã-  
 ſiſſet contra mandatum apoſtolicum ſuperbe recalcitrans  
 quaſi cor habens durius induratum, licet venerabiles pa-  
 tres, Narbonenſis archiepiſcopus apoſt. ſedis legatus, &  
 Tolofanus epiſcopus, ſibi literas & mandatum ſummi pō-  
 tiſicis tranſmiſiſſent, mala quæ prudem conceperat, voluit  
 poſtmodum parturire: quia in terram qua per virtutem  
 Dei, auxilio ſignatorum contra hæreticos & eorum defen-  
 ſores fuerat acquiſita, intrauit cum exercitu, eamque con-  
 tra mandatum apoſtolicum ſubiugare, ac prædictis ini-  
 micis reddere attentauit, parte eius iam ſibi aliquantulũ  
 ſubiugata, cum pars multa reſidui, ob ipſius ſecuritatẽ  
 apoſtatare intenderet, & ſe ad apoſtatandum iam para-  
 ret. Congregatis in ſimul, comitibus Tolofa, Fuxi & Cō-  
 uenarum & Tolofanorum exercitu magno valde, feria 3.  
 poſt natiuitatem B. Mariæ Murelli, caſtrum obſedit: quo  
 audi opatrum venerabilium, archiepiſcoporum, epiſcopo-  
 rum & abbatum, quos venerabilis pater Narbonenſis ar-  
 chiepiſcopus, apoſt. ſedis legatus, propter ſanctum negoti-  
 um ſecerat congregari, qui vt de dicto negotio & de pace  
 tractarent, diligenter aduenerant, in Chriſto vnanimẽs &  
 deuoti. Simo comes Montis-fortis, habens ſecum quosdã  
 nobiles & potentes cruce-ſignatos, qui nuperrime de Fran-



eiſ venerant, ipſi & Chriſti negotio in ſuccurſum, ſuam-  
que familiam, quæ in Chriſti negotio diu ſecum laboraue-  
rat, iter arripuit ad caſtrum obſeſſum viriliter ſuccuren-  
dum. Et dam die martis infra octavas ſupradictas, ve-  
niſſet iſte Chriſti exercitus, ad quoddam caſtrum quod di-  
citur Sauerdunum, venerabilis epiſcopus Toſolæ, cui com-  
miſſa erat à ſummo pontifice Toſolanorū recôciliatio, licet  
de recôciliatione ter vel quater monuiſſet, cuius admonitio-  
nibus licet ſalubribus, acquieſcere poſponebant, reſpondē-  
tes ſuper hoc nullatenus reſpondere: ad dictos regē & Toſo-  
lanos in obſidione Murelli aſſiſtentes ſuas miſit literas. ſi-  
gnificās eis quod epiſcopi memorati veniebant ut de pace &  
concordia diligenter tractarent, & petebat ſibi dari ducatum ſecurum. In craſtino autem, prima die mercurij ſub-  
ſequenti, quia res ſic urgebat, ſupradictus exercitus exiit  
Sauerduno, feſtinans ad ſuccurſum Murelli celeriter  
aduenire, dicti vero epiſcopi memorati propoſuerāt, apud  
quoddam caſtrum quod dicitur Alia ripa, quod medium  
inter Sauerdunum & Murellum, diſtatque ab utroque  
duabus leugis, ut ibi miſſum nuncium expectarent, qui  
nuncius rediens ex parte regis reſpondit, quod ex quo epiſ-  
copi cum exercitu veniebant, non daret eis ducatum: ipſi  
quidem alio modo non poterant ire ſine manifeſto periculo  
propter guerram. Cum epiſcopi & Chriſti exercitus Mu-  
rellum accederent, ex parte civium Toſolanorum, prior  
hoſpitalis Toſolæ ad epiſcopum Toſolanum inſus venit,  
ferens eorum literas in quibus continebatur, quod modis  
omnibus parati erant D. Papæ & ipſius epiſcopi facere  
voluntatem, quod quidem eis bonum fuiſſet, ſi compen-  
ſaſſent verius facta dictis. Eidem vero priori ſtatim re-  
miſſo ab epiſcopo reſpondit rex, quod ducatum epiſcopo  
non præberet, ſed ſi vellet ire Toſolam, ut cum Toſolanis

Kk

loqueretur, cum concederet illuc ire, & hoc deriſorie ſuit  
 ſeruus non dictum: ad quod epiſcopus. Non decet inquit ſeruum ciui-  
 debet in ea tatem intrare, de qua dominus ſuus exul eſt eiectus, nec  
 urbe confi- ego, cum corpus Chriſti de ciuitate illa eiectum fuerit, il-  
 ſtere, unde luc reuertar, donec Deus meus & dominus meus reuertan-  
 eius domi- tur: verumtamen dicti epiſcopi cum exercitu Mirellum  
 nus expul- ſus eſt. intraverūt die mercurij ſuperius memorata: qui ſollicitu-  
 dine non pigra, duos viros religioſos ad regem & ciues To-  
 loſanos deſtinarunt, qui à rege tale habuerunt reſponſum,  
 quod propter quatuor ribaldos, quos epiſcopi ſecum ad-  
 duxerāt, petebant colloquium habere cum ipſo, & hac di-  
 xit in deriſum & contemptum ſignatorum. Tolofani vero  
 prædictis nuncijs reſponderunt, quod in craſtino ſu-  
 per hoc reſponderent, & hac de cauſa eos uſque in cra-  
 ſtinum tenuerunt. In craſtino autem prima die io-  
 uis, reſponderunt, quod ipſi regi Arragonenſi erant confe-  
 derati, & nichil facerent, niſi regis in omnibus voluntate-  
 tem: quod cum rediunt manē, ipſa die iouis nuncij retu-  
 liſſent, epiſcopi & abbates diſcalciatis pedibus, ire pro-  
 poſuerunt ad regem: & cum quendam religioſum mitte-  
 rent, adnunciandum regi aduentum ipſorum in hunc mo-  
 dum, patefactis ianuis, cum comes Montis-ſortis ac cruce  
 ſignati eſſent incrimis, pro eo quod de pace, epiſcopi &  
 abbates inſimul loquebantur, hoſtes Dei ſuperbe ac frau-  
 dulenter armati, vicinū ſubintrare cum impetu attenta-  
 runt, ſed per Dei gratiam, à ſuo fuerunt deſiderio deſtra-  
 dati. Quorum ſuperbiam comes & cruce ſignati viden-  
 tes, cum ſine periculo & damno maximo, vltius differ-  
 re non poſſent, per cordis contritionem & oris confeſſionē,  
 ut pote viri cultores fidei Chriſtiana, mundati ſalubriter  
 à peccatis, armis ſuis ſe viriliter accinxerunt, venientes-  
 que ad ſepediſtum Tolofæ epiſcopum, qui auctoritate D.

Narbonenſis archiepiſcopi apoſt. ſedis legati, legationis officio fungebatur, exeundi licentiam contra hoſtes ſi dei humiliter petierunt, qua quia negotium erat in arcto conſtitutum neceſſitatis articulo compellente conſeſſa, pro eo quod ipſa domum in qua epiſcopi morabantur, ipſi hoſtes erectus iam machinis, aliſque bellicis inſtrumentis, feſtinabant protinus impugnare, balistarum quarellis, iaculis atque lanceis emiſſis hoſtiliter circumquaque Chriſti milites reuerendi, ligni dominici ſignaculo cum inſignis pontificalibus conſignati, in nomine S. Trinitatis tribus aciebus diſpoſitis exierunt. Hoſtes vero è contrario, multas habentes acies, & multum magnas, ſuiſiam munitis armis tentoria ſunt egreſſi. Quos licet multos milites & populum multum nimis, clientes Chriſti de ipſius auxilio conſidentes, & licet illorum reſpectu pauciſſimi, magnam multitudinem non verentes, armati ex alto viriliter ſunt aggreſſi. Statim virtus altiſſimi, per manus ſeruorum ſuorum hoſtes ſuos conſregit, & comminuit in momento, terga enim vertentes, in fugam facti ſunt, tanquam pulvis ante faciem venti, & angelus domini perſequens eos erat: hi turpiter fugientes, turpi fuga mortis periculum euaserunt, alij vitantes gladios, aquæ periculo perierunt, quamplures vero fuerunt in ore gladij deuorati. De illuſtri rege Arrazonenſi, qui cum interſectis occubuit plurimum eſt dolendum, quia princeps tam potens, & nobilis, qui ſi vellet, poſſet & deberet eccleſia ſancta utilis multum eſſe, nunc Chriſti adunetu hoſtibus, Chriſti amicos, & ſancta eccleſiam, improbe perturbabat. Cæterum, cum victores à cade & perſecutione hoſtium reuicerentur cū victoria glorioſa: ſapiedictus Tolofanus epiſcopus, Tolofanorū ſtragi & miſeria caritatiue & miſerabiliter compatiens, corde pio, eos qui de ſtragis reſiduo, adhuc in-

Arragoniū  
rex in prælio  
occumbit.

tra ſua tentoria morabantur, ſaluare cupiens ne perirent, ut ſaltem tantorum flagellorum verbere caſtigati, citum periculum euadentes, conuerterentur ad dominum, & uenerent in fide catholica permannſuri, miſſa eis per quemdā religioſum virum cuculla qua indutus erat, mandauit eis, quod nunc demum, arma ſua & ſuam deponerent feritatem, & inermes uenirent ad ipſum, ut eos ſaluaret de morte: qui adhuc quoque in ſua perſeuerantes malitia, & ſe, qui iam victi erant, uiciſſe Chriſti populum autumantes, non ſolum parere ſui epiſcopi ammonitionibus contempſerunt, verum etiam ablata cuculla, ipſum nuncium auſterius verberarunt: poſt quos Chriſti militia recurſum faciens, circa ſua diſſugientes tentoria interemerunt. Certus hoſtium interfectorum, tam nobilium quam aliorum numerus, præ multitudine nullatenus ſciri poteſt: de militibus autem Chriſti vnus ſolus interemptus eſt in conſultu, & pauciſſimi ſeruientes. Omnis igitur populus Chriſtianus, pro Chriſtianorum victoria, mente pia & toto cordis affectu gratias agat Chriſto, qui per paucos fideles, infidelium multitudinem innumerabilem ſuperauit, & ſancſtam eccleſiam ſuam, de hoſtibus ſuis conceſſit fideliter triumphare, ipſi honor & gloria, in ſecula ſeculorum amē. Noſ Tolofanus, 1. Nemaufenſis, 2. Vitiçſis 3. Lodouçſis, 4. Biterrēſis, 5. Agatenſis, 6. & Conuenarū epiſcopi, & de Claraco, villa magna & S. Tiberij abbates qui mandato venerabilis patris Narbonenſis archiepiſcopi, apoſt. ſedis legati veneramus, & de pace ac concordia tractare, cum ſumma diligentia ſummoque ſtudio nitebamur, præſcripta omnia ſicut quæ vidimus & audiuiſmus, eſſe veriſſima, in verba Dei perhibemus, conſignātes ea noſtrorum munimine ſigillorum, ut pote reſeruari digna, in memoriam ſempuernam. Datum Murelli, in craſtino victo-

1. Niſmes

2. Vzes.

3. Lodeſue.

4. Beziers.

5. Agde.

6. Cominges

*ri.e.glorioſa, ſcilicet ſexta feria, intra octauas natiuitatis  
B. Mariæ an. Dom. 1213.*

*Parta victoria apud Murellum, Tolofani ad eorum  
reconciliationem obſides præſulibus dare  
offerunt. Cap. LXXIII.*

**P**ost glorioſam & inauditam victoriam, ſeptē  
epiſcopi prænotati, & tres abbates, qui ad-  
huc erant in caſtro Murelli, credentes quod ciues  
Tolofani tanto miraculo Dei pariter & flagello  
territi, citius faciliuſque à ſuis poſſent erroribus  
reuocari, ad gremium matris eccleſiæ ſecundum  
mandatum, poteſtatem & ſeriē mandati apoſtoli-  
ci, ruruſum tractarunt rogando, monendo, terrē-  
do eos inducere ad eccleſiæ vnitatem, cumque  
promitterent Tolofani, ſe mandatum apoſtoli-  
cum adimplere, viuā voce petierunt ab eis epiſ-  
copi ſufficientem cautionem ſtandi mādato apo-  
ſtólico, videlicet obſides ducentos de ciuibus,  
quoniam iuratoria cautione nullatenus poſſent  
eſſe contenti, cum multoties Tolofani, ſua iura-  
menta, ſuper hoc eodemque negotio fuerint  
transgreſſi: qui poſt multas altercationes verbe-  
rum, ſexaginta tantum obſides de ſuis ciuibus ſe  
daturus promiſerunt: epiſcopi vero, ob maiorem  
ſecuritatem, propter magnitudinem ciuitatis, &  
dolofam indomabilemque populi multitudinē:  
& quia etiam alia vice datos obſides ſuper eodem  
negotio, de ditioribus ciuitatis, in commiſſum ca-  
dere permiſerunt, vſque ad ducentos petebant:  
ipſi vero ſubterfugiū quærentes, ſexaginta ſe da-  
tuos & non plures promittebant. Statim epiſco-

\* *Legendum  
excusationis*

pi, ne aliquam cauſam \* excommunicationis habere poſſent Tolofani, aut occaſionem aliquam ſubterfugendi, & ſuos errores palliandi, reſponderunt epiſcopi, ſexaginta obſides quos promittebant, ſe libenter ſuſcipere, & ſic eos reconciliare, & in pace eccleſiæ & vnitæ fidei catholicæ conſeruare. Ipiſi autem, iam amplius ſuas malitias, non valentes velare, reſponderunt, quod nullo modo obſides darent, per hoc manifeſtè denudantes, quod non niſi in fraudem & intentionem dolofam de 60 obſidibus, priorem fecerant promiſſionem. Hic annectendum eſt, quod homines cuiuſdam nobilis caſtri in diœceſi Albigenſi cui nomen Rebaſtenx, qui paulo ante reſceſſerat à Deo & noſtris, & ſe reddiderat Tolofanis, audita prædicta victoria, omnes præ timore fugerunt, caſtrūque hominibus vacuum dimiſerunt. Guido autem de Monte forti, frater comitis Montisfortis, cuius fuerat caſtrum, miſit & occupauit illud & gente ſua muniuit. Poſt paucos dies, ſuperuenerunt à Francia peregrini ſed pauci, epiſcopus videlicet Atrebatenſis Radulphus & pauci milites cum eo, & milites peregrini non multi. Comes autem noſter & omnes qui cum eo erant, equitauerunt in terram comitis Fuxi, ipſumque Fuxi burgum, inferius combuſſerunt, & inde vterius per terram comitis dicti equitantes, quidquid extra munitiōnes inuenire poterant combuſſerunt.

*Guido Mon-  
fortius arcē  
Rebaſtenſem  
receptam  
præſidiis firmat.*

---

*Comitis Fuxenſis terras, Monfortius inuadit, Narbona & Monpeſſulus rebellant.*

*Cap. LXXV.*

**P**ost hæc, nunciatum est comiti nostro, quod quidam nobiles provincię, rupto pacis fœdere, perturbabant ecclesiam sanctã Dei, insuper & stratas publicas observantes, cruce-signatis venientibus à franciã, mala quę poterant inferabant. Habito igitur comes cum suis consilio, proposuit descendere ad partes illas, ut perturbatores pacis opprimeret, & stratas publicas, ab incurſu malignantium, redderet expeditas. Mouens igitur comes cum peregrinis, qui cum eo erant, venit Narbonam, ciues autem Narbonenses, quia semper exolum habuerant Christi negotium, & illi quam multoties sed latenter se opposuerant, nulla unquam ratione, ad hoc potuerunt induci, ut comitẽ nostrum cum peregrinis suis, aut etiã peregrinos sine comite, suam intrare permetterẽt ciuitatem, & ideo oportuit tunc, omnes nostros manere foris nocte illa in hortis & virgultis ciuitatis: inde in crastino venerunt Biterim, & inde post duos dies progredientes, venerunt vsque ad Montempeſſulanum. Homines autem Montispeſſulani pares Narbonensibus in malitia, nullo modo permiserunt comitem nostrum, nec illos qui cum eo erant villam suam intrare, ad hospitandum nocte illa, sed fecerunt illis per omnia sicut ciues Narbonenses fecerant. Mouentes igitur à Montempeſſulano, venerunt Nemausum, ciues vero Nemausenses, primo quidem noluerunt comitem in suam introire ciuitatem, sed videntes eius iram & indignationem, ipsum & omnes qui cum illo erant in ciuitatem receperunt, & multa eis debitę humanitatis obsequia impenderunt. Inde progredi-

ens comes noſter, venit ad caſtrum de Boucolio ubi à dominis caſtri, honorificè eſt ſuſceptus. Inde perrexit comes in villam quæ Argentata dicitur eo quod in partibus illis eſſet quidam nobilis nomine Pontius de Monte lauri qui epiſcopos terræ, pacem & eccleſiam in quantum poterat perturbabat. Omnes autem cruciſignati, iam reſceſſerant à comite, nec habebat niſi ſecū paucos ſtipendiarios & archiepiſcopum Narbonenſem: audiens prædictus Pontius aduentum comitis noſtri, timore ductus venit ad eum, & ſe & ſua eius volūtati reddidit. Erat præterea in partibus illis, nobilis quidam potēs ſed malus, Ademarum Pictanenſis\* qui negotium Chriſti ſemper exoſum habuerat, & corde adhæſerat comiti Tolofano: hic aduentum comitis noſtri audiens, munivit caſtra ſua, milites etiam quos potuit in quodam caſtro adunavit, ut ſi comes tranſitum, faceret iuxta caſtrum, illo exiret cum ſuis, & impugnaret illud: ſed cum comes nobilis per ante caſtrum tranſiret, licet cum pauciſſimis, memoratus Ademarum, quāvis multos haberet ſecum, non eſt auſus egredi contra noſtros. Dum eſſet comes noſter in partibus illis, venit ad eum Dux Burgundiæ Odo, vir potens & bonus, qui negotium fidei contra hæreticos, inſuper & comitem noſtrum multo amplectebatur affectu: venerunt etiam cum duce, Lugdunenſis & Viennenſis archiepiſcopi. Dum ergo eſſent Dux & comes noſter propè Valentiam, apud Romanam vocauerunt inimicum eccleſiæ Ademarum Pictanenſem ad colloquium, conuocatus venit, ſed ſuper his quæ pacis erant, nolluit comiti vel

\* Gallicè Ademar de Poitiers, cuius poſteri in Delphinatu ſua ſortuerunt, & comitatu Dienſem & Valentinenſem tenuerunt.



duciaſſentire. Item vocauerunt eum Dux & comes noſter ad colloquium, & tunc quidem nihil proficere potuerunt. Videns igitur quod nihil proficere poſſet, motus ira & indignatione Dux contra Ademarus, promiſit comiti noſtro, quod niſi ſupradictus Ademarus ſtaret per omnia mandato eccleſiæ, & haberet ſe ad voluntatem comitis noſtri, & ſuper his bonam faceret ſecuritatem, ipſe Dux cum comite noſtro eum impugnaret. Statim etiam vocauit plures milites ſuos, iturus cum comite noſtro cōtra Ademarus ſæpius memoratum: quod audiens Ademarus, tandem neceſſitate ductus, venit ad Ducem & comitem noſtrum, & ſe obtulit eorum per omnia voluntati, tradidit etiam quædam caſtra ſua pro ſecuritate, quæ comes commiſit Duci cuſtodienda. Interea venerabilis pater Narbonenſis archiepiſcopus, vir concilio prouidus & omnino vittuoſus, ad cuius monitionem etiam prædictus Dux Burgundiæ ad partes venerat Viennenſes, cœpit tentare cum duce de negotio, pro quo ipſum vocauerat, de contrahendo videlicet matrimonio inter primogenitum comitis noſtri nomine Almaricum, & filium Delphini, qui erat princeps potens, & frater germanus ipſius ducis. Acquieuit Dux cōſilio & voluntati archiepiſcopi. Interea dum hæc agerētur, Arragonenſes ruptarii, & alii fidei inimici, cœperunt diſcurrere per terram comitis noſtri, venientesque uſque Biterrim, fecerunt mala quæcumque potuerunt: ſed & plures de militibus terræ comitis noſtri periuri effecti, & innatæ ſibi maliciæ recidiuū patientes, à Deo & eccleſia

*De nuptiis  
inter Al-  
maricum &  
Delphini fi-  
liam agitur.*

& dominio comitis noſtri reſceſſerūt. Nobilis ve-  
ro comes, peractis in prouincia negotiis, pro qui-  
bus ad partes illas acceſſerat, rediit ad terram ſuā:  
ſtatimque terram hoſtium ſuorum aggrediens,  
equitauit ante Tolofam, vbi per dies quindecim  
moram faciēs, multas munitiones diruit penitus  
& deſtruxit. Dum res ita ſe haberet, magiſter Ro-  
bertus de Corceone Cardinalis, apoſt. ſedis lega-  
tus, qui ſicut ſuperius diximus, laborabat in Fran-  
cia quantum poterat pro negotio terrę ſanctę,  
prædicatoresque noſtros, qui pro negotio fidei  
contra hæreticos prædicare ſoliti erant, nobis ab-  
ſtulerat, faciebatque illos pro ſuccurſu terrę ſan-  
ctę inſtantius prædicare, ad bonorum & pruden-  
tum virorum conſilium, quosdam de prædictis  
prædicatoribus nobis reddidit, vt pro negotio fi-  
dei prædicarent. Ipſe etiam ad expugnandos hæ-  
reticos Tolofanos, ſuſcepit in pectore viuificę ſi-  
gnum crucis. Quid ultra? Reuixit prædicatio pro  
negotio fidei in Francia, multi cruce ſe ſignant, ſit  
comiti & noſtris, gaudium magnum valde. Pro-  
ditionem crudeliſſimam, quæ facta fuit illo tem-  
pore in comitem Balduinum, prætereire nec volu-  
mus nec debemus. Iſte comes Balduinus frater  
comitis Tolofani, & regis Francię conſobrinus,  
lōge à fratris malicia, & in Chriſti militia totis vi-  
ribus ſe exercens, comitem Mōtis fortis & chri-  
ſtianitatem, contra fratrem ſuum & alios hoſtes  
fidei, quantum poterat adiuuabat. Quadam igi-  
tur die, ſecunda videlicet feria poſt primam do-  
minicam quadrageſimę, venit prædictus comes  
ad quoddam caſtrum in Caturcenſi dioceſi quod

Olima dicitur. Statim milites de caſtro illo qui erāt homines ipſius comitis miſerunt ad ruptarios & quosdam milites indigenas peſſimos traditores qui erant in quodam vicino caſtro, quod dicitur mons Lenardus, & ſignificauerunt eis quod comes Balduinus erat in Olima, mandantes vt venirent, & ſine difficultate aliqua, traderent eis comitem Balduinū. Hoc idem ſignificauerunt cuidam traditori peſſimo ſed occulto, Raterio videlicet de caſtro nouo. Iſte Raterius, iam diu inierat ſœdus cū comite Montis-ſortis, & iurauerat ei, fidelitatem. Comes etiam Balduinus, de ipſo quaſi de amico cōfidebat. Quid plura? venit mox, & comes Balduinus ſecurus, vt pote inter ſuos, ſomno ſe dedit & quieti. Erat autem cum comite Balduino miles quidā Francigena nomine Guilelmus de Contris, cui comes Montis-ſortis dederat caſtrum quoddam, quod dicitur Sarracenum. Quidam etiam ſeruens Frācigena, cuſtodiebat caſtrū quod Moſiacū nominatur. Quiſcentibus igitur comite & illis qui cum eo erāt, in diuerſis domibus ab inuicē ſeparatis, dominus caſtri, clauē cameræ in qua comes Balduinus dormiebat arripiens, obſerato hoſtio, de caſtro ad prædictum Raterium & ruptarios properauit quibus clauem oſtendens dixit: Quid tardatis ecce hoſtis veſter in manibus veſtris, properate & eum vobis tradam dormientem pariter & inermen, nec ſolū ipſum, ſed plures de veſtris hoſtibus vobis tradam: quo audito gaudētes ruptarii, & velociffime concurrentes, ad portas Olimæ deueniunt. Statim dominus caſtri qui erat Dux cornu qui comprehendere volebant co-

mitem videlicet alter iudas, conuocatis ſecretiſſime hominibus caſtri, diligenter quaſiuit à ſingulis, quot de ſociis comitis Balduini quiſque haberet apud ſe hoſpitantes: quo diligenter quaſito, ad hoſtia domorum duplo plures de ruptariis armatos poni fecit, quam eſſent de noſtris dormientes inermes: Statim accenſis candelis innumera- bilibus, clamor attolitur, hoſtes in noſtros ir- rununt imparatos. Raterius autem de caſtro nouo & prænотatus dominus caſtri, venientes ad came- ram in qua comes nobilis Balduinus dormiebat, aperienſque oſtium, cœperunt ipſum dormien- tem inermem imo nudum: quidam autem de no- ſtris qui erant per caſtrum occiſi ſunt, alii capti, nonnulli fuga opitulante euaserunt. Nec præter- eundum, quod quidã de noſtris, quem viuum cœ- perant præſtitoque iuramento, ipſum de vita ſe- curum fecerāt & de membris, in ipſa poſt modum eccleſia latitantem occiderunt. Arripientes ad- uerſarii comitem Balduinum, duxerunt eum ad quoddam caſtrum ipſius comitis, quod dicitur Mons Euæ in territorio Caturcenſi, homines autem caſtri, vt potè peſſimi, ruptarios qui domi- num ſuum ducebant captum, libenter receperūt: mox ruptarij dixerunt comiti Balduino, vt face- ret eis reddi turrem caſtri, quam quidam Frācige- næ, de mandato ipſius cuſtodiebant. Ipſe autem comes diſtriſtiſſimè inhibuit Francigenis illis, ne aliqua ratione turrem redderent, etiamſi viderent ipſum comitem ſuſpendi in patibulo, ſed ſe inſtā- tiſſimè defenderent, donec haberent ſuccurſum, à nobili comite Montis-ſortis: O virtus principis.

*Balduinus  
comes, inar-  
dita prodi-  
tione in le-  
ctulo quieſ-  
cēs inuaditur.*

O mirificum robur mentis. Quo audito ruptarii irati ſunt valdè, ipſumque comitem per duos dies ieiunare fecerunt, quibus tranſactis, fecit vocari comes capellanus quendam diligentiffimum, ei- que puram fecit confeſſionem, qua facta, communionem poſtulavit corporis Ieſu-Chriſti : ſed dum capellanus afferret divini miſterii ſacramenta, ſuperuenit quidam peſſimas ruptarius, iurans & firmiſſime conteſtans, quod comes Balduinus non comederet nec biberet, donec redderet ruptarium quendam quem cœperat, & teneri in vinculis faciebat, ad quæ comes. O crudeliſſime inquit, nunquid panis aut vini abundantiam, aut fructum carnis quaſiui, qui nihil ad corporis ſuſtentationem, ſed ad animæ ſalutem, divini miſterii cō-unionem petii. Iterum carniſex, cœpit firmiter afferendo iurare, quod nec comederet, nec biberet, niſi faceret, quod petebat, ad quæ denuo vir nobilis : ex quo inquit mihi diuinis ſacramentis communicare non permittitur, oſtendatur mihi ſaltem euchariftia, videlicet ſalus mea, vt in vita iſta, videam ſaluatorem meum : quæ à capellano leuata & oſtenſa, Comes eam deuotiſſime adorauit. Dum hæc agerentur, illi qui erant in turre caſtri, timore mortis, tradiderunt turrem ruptarijs, recepto tamen prius ab eis iuramento, quod ipſos abire dimitterent, ſanos pariter & indemnes : ſed traditores peſſimi, ſpreta religione iuramenti, ipſos ſtatim, patibuli morte turpiſſima condemnarunt. Quo facto, arripientes comitem Balduinū, duxerunt eum ad quoddam caſtrum comitis Toſolani, quod dicitur Mons-albanus, vbi eum te-

*Albigenſes  
perſidi patibulo  
affigunt,  
quibus ſalutem  
iurati  
promiſerant*

nentes in vinculis, aduentum Tolosani comitis expectabant. Post paucos vero dies, venit comes Tolosanus, habens secum illos pessimos traditores, comitem videlicet Fuxi, & Rogerium Bernardi filium eius, & quendam militem de terra regis Arragonensis, qui dicebatur Bernardus de Portellis: statim ad mandatum comitis Tolosani, eductus est de castro Montis-albani comes nobilissimus Balduinus. Id autem quod sequitur, quis vnquam sine lachrymis legere poterit, vel audire. Mox comes Fuxi, & filius eius, à patris malitia non degenerans & Bernardus de Portellis ligauerunt funem in collo viri nobilissimi, ipsum de voluntate, imo de præcepto comitis Tolosani suspensuri, quod videns vir christianissimus, instanter ac humiliter quæsiuit confessionem & vaticum, sed canes crudelissimi, vtrumque ei penitus denegarunt, quibus miles Christi. Ex quo inquit, non licet me ostendere sacerdoti, testis est mihi Deus, quod prompta voluntate semper & ardenti Christianitatem & dominum meum comitē Montis-fortis, & pro hac & in hac defensione volo mori. Vix verba compleuerat, ecce tres prænotati traditores, elegantes eum à terra, ad nuncis arborem suspenderunt. O crudelitas inaudita. O alterum Caym, iuno longè peiorem Caym, comitem dico Tolosanum, cui non suffecit fratrem, & talem Fratrem occidere, nisi ipsum inaudita mortis crudelitate damnalet.

*Balduinus,  
impio fratris  
sui comitis  
Tolosani  
inssu de nuce  
indignissi-  
me suspen-  
ditur.*

*Aimericus & ciues Narbonenſes, comitis Montis-  
fortis hoſtes in urbem admittunt, eamque  
ob cauſam, territorium Narbo-  
nenſe comes deuſtat.*

Cap. LXXVI.

**C**Irca idem tempus, Aimericus dominus Narbonæ & ciues Narbonenſes, qui nunquam dilexerant negotium Ieſu-Chriſti, vt iniquitatem quam longe ante conceperant, parturirent, reſeſerunt manifeſte à Deo, receperuntque in ciuitatem ſuam ruptarios, necnon Arragonenſes & Cathalonenſes, vt per eos expellerent ſi poſſent nobilem comitem Montis-ſortis, Arragonenſes ſiquidem & Cathalonenſes proſequebantur dictum comitem in vindictam ſui regis. Malitiam autem iſtam perpetraverunt Narbonenſes, non quia comes eos læderet in aliquo, vel laſiſſet, ſed quia putabant, quod cruce ſignati de cætero non uenirent, ſed aliter diſponebat ille, qui ſapientes in ſua aſtutia comprehendit. Dum enim congregati eſſent Narbonæ omnes quos prædiximus hoſtes noſtri, vt impetum facerent vnanimes in comitem noſtrum & paucos qui cum ipſo erant: ecce ſubito uenerunt à Francia peregrini, Guilelmus videlicet de Barris, vir probata militiæ, pluresque milites cum eo, quibus adiunctus, & à quibus adiutus comes noſter, venit prope Narbonam, diſcurrensque & deuſtans terram Aymerici domini Narbonæ, eius fere omnia caſtra cœpit. Quadam autem die, propoſuit comes noſter equitare ante

*Narbonæ  
congregati  
hæretici, im-  
petum in co-  
mitem Mon-  
tis ſortis mo-  
liuntur.*

Narbonam, armatiſque omnibus ſuis, & tribus aciebus diſpoſitis, ipſe comes in prima fronte, appropinquauit portæ ciuitatis. Hoſtes autem noſtri, egreſſi erant de ciuitate, & ſtabant in porta. Miles autem inuiſtus, videlicet comes noſter, per locum arduum & inacceſſibilem, in ipſos ſubito voluit inſilire, hoſtes autem qui ſtabant in loco eminenti, ipſum tot lanceis impulerunt, quod rupta ſella equi in quo ſedebat, cecidit ipſe de equo: ſtatim concurrunt vndique hoſtes ad capiendum vel occidendum comitem, noſtri ad protegendum, ſed noſtri gratia Dei per multos labores, comitem viriliter erexerunt. Poſt hæc Guillelmus qui erat in extrema acie, & noſtri omnes impetum fecerunt in hoſtes, ipſoſque in ciuitatē intrare citius compulerunt: quo facto comes & noſtri, ad locum vnde ipſa die venerant ſunt reuerſi.

*Comes in  
pugna equo  
delapſus.*

---

*Petrus Beneuentanus Card. apoſt. ſedis legatus,  
comes Fuxenſem & Conuenarum eccleſia reconciliat.*

**Cap. LXXVII.**

**D**Um hæc agerentur, magiſter Petrus Beneuentanus Cardinalis apoſt. ſedis legatus miſſus à D. Papa veniebat ad partes Narbonenſes, vt de his quæ pacis erant & fidei ordinaret. Audiens autem legatus, quomodo ſe habebant Narbonenſes, mandauit eis & diſtincte præcepit, vt firmas treugas haberent cum comite Montis-ſortis, quæ



uſque ipſe veniret. Idem etiam mandauit comiti noſtro, ne ſcilicet læderet in aliquo Narbonenſes. Poſt paucos autem dies, venit legatus & intrauit Narbonam, viſo tamen prius comite noſtro, & habito cum ipſo colloquio diligenti. Statim acceſſerunt ad eum hoſtes fidei, comes ſcilicet Conuenarum & Fuxi, & alii multi qui exigentibus meritis fuerant ex hæredati, pro reſtitutione ſua, ipſi legato ſupplicaturi legatus ſapiens & diſcretus, omnes reconciliauit, recipiens ab eis non ſolum iuratoriæ cautionem, ſtandi mandato eccleſiæ ſed etiam quædam caſtra fortiſſima, quæ adhuc remaſſerant hoſtibus prænotatis. Rebus ſic ſe habentibus, homines de Moſiaco, tradiderunt villam Moſiaci per proditionem comiti Tolofano. Illi autem qui erant in villa ex parte comitis noſtri, receperunt ſe in munitionem villæ ſatis debilem & immunitam. Comes vero Tolofanus, in graui multitudine ruptariorum, cœpit impugnare munitionem illam per tres continuas ſeptimanas: ſed obſeſſi noſtri quamuis pauciſſimi, ſe viriliter defendebant. Quod audiens comes nobilis, ſtatim properauit in ſubſidium obſeſſorum: ſed comes Tolofanus & qui cum eo erant, plures etiam de hominibus dictæ villæ, qui factæ proditionis capitales fuerant & actores, præſcientes aduentum comitis noſtri, cum ſumma feſtinatione fugerunt, obſidionem quam diu tenuerant dimittentes. Comes autem noſter & qui cum eo erant, audientes quod hoſtes prædicti auſugiſſet, deſcenderunt ad partes Aginnenſes vt caſtrum quod dicitur Manſum, in extremis ſinibus diœ-

ceſis Aginſenſis, quod ipſo anno apoſtatauerat, ſi poſſent caperent per inſultum. Rex etenim Angliæ Ioannes, qui ſemper aduerſatus fuerat negotio Ieſu-Chriſti, & comiti Montis-fortis, ipſo anno verſus partes perrexit Aginſenſes, plures de nobilioribus terræ illius, in eius ſperantes auxilium, receſſerunt à Deo & dominio comitis Montis-fortis: ſed poſtea per Dei gratiam, fruſtrati ſunt à ſpe ſua. Properans igitur comes noſter cum ſuis ad prædictum caſtrum, venit ad quendam locum, ubi oportebat eum tranſire Garonam. Habebat autem nauiculas paucas immunitas, homines autem . . . . quod eſt caſtrum quoddam regis Angliæ, aſcenderant cum nauibus multis & armaturis, ut noſtris tranſitum prohiberent, ſed noſtri intrantes aquam, ipſis inuitis libere tranſierunt. Venientes ad caſtrum ſupradictum ſcilicet Manſum, illud per triduum impugnarunt, ſed quia non habebant machinas, nec comes poterat ibi firmare obſidionem, eo quod ad mandatum legati, oportebat eum redire ad partes Narbonenſes, receſſit à caſtro ſæpèdicto ad partes proprias Narbonenſes.

*Comes Mō-  
fortius ob-  
ſidionem ca-  
ſtri manſi-  
re inſecta  
dimittit.*

---

*Carcaſſona antiſtes, de Gallia cum ingenti peregrinorum multitudine reuertitur.*

Cap. LXXVIII.

**A**Nno verbi incarn. 1214. venerabilis Carcaſſonæ epiſcopus, qui toto præcedenti anno pro negotio fidei contra hæreticos, diſcutiendo & prædicando, laborauerat in partibus Gallica-

nis, circa octauam dominicæ reſurrectionis, iter ad partes arripuit Albigenſes: ipſe etenim omnibus cruce-ſignatis, tam illis quos ſignauerat, quã aliis qui de manu magiſtri Iacobi de Vitriaco, viri per omnia laudabilis, & quorundam aliorum, ſuſceperant ſignum crucis, diem motionis alligauerat, ita quod in quindena paſchæ, eſſent pariter congregati, profeſturi cum eo per partes Lugdunenſes contra hæreticos peſtilentes: Sed M. Robertus de Corceone apoſt. ſedis legatus, & venerab. Archidiaconus Guilelmus, cruceſignatis ſuis diem præfixerant, vt eſſent in quindena paſchæ Biterris, contra prænotatos hæreticos, per partes alias profeſturi. Mouentes igitur à Niueriniſ episcopopus Carcaſſonenſis peregrinique ſupradiſti, itinere proſpero, ad montem deuenerunt peſſulanium, ego autem eram cum episcopopo Carcaſſonenſi: ibi inuenimus Pariſienſem archidiaconum & peregrinos qui cum ipſo venerant à partibus Gallicanis. Cardinalis vero, ſcilicet M. Robertus de Corceone, in partibus Podienſibus, quibuſdam negotiis occupatus. Proſciſcenteſque à monte Peſſulano, venimus prope Biterrim ad caſtrũ S. Tiberii, ibique occurrit nobis nobilis comes Montis-ſortis: eramus autẽ tam equites quã pedites circiter centum milia \* peregrini, inter quos vnus de militibus, erat vicecomes caſtri Duniſis, plureſque alii milites, quos non eſt opus per ſingulos numerare. Progrediẽtes à partibus Biterreniſibus venimus Carcaſſonam, ibique fecimus paucos dies. Notabiliter autẽ notandum eſt & pro miraculo illo eſt habendus, totus illius anni euen-

\* Verbum milia irreptum in textum, & delendum.

tus, ſicut ſupradiximus, quādo venit ſupra memoratus Petrus Bencuētanus in terram Albigenſem, Arragonenſes, Cathalonenſes erant Narbonę cōgregati contra Chriſtianitatem & comitem Montis-ſortis & hac de cauſa, comes noſter erat prope Narbonam, nec ſape poterat elongare, quia hoſtes, ſtatim totam terram in circuitu deuſtarent. Sed & Tolofani & Arragonenſes & Caturcenſes à remotis partibus mouebant ei guerras multum graues. Dum in hac tribulatione eſſet athleta Chriſti, non defuit adiutor in opportunitatibus in tribulatione, in vno ſiquidem & eodem temporis ſpatio, venit legatus à Curia Romana, venerunt à Francia peregrini. O magna multitudo miſericordię Dei, nec enim peregrini, ſicut multis viſum eſt, ſine legato aliquid magni feciſſent, nec legatus ſine peregrinis adeo profeciſſet, ſi enim hoſtes fidei non timerent peregrinos, non obediſſent legato: rursus ſi non veniſſet legatus, peregrini qui tunc venerunt, contra tot & tantos hoſtes parum proficere potuiſſent. Egit ergo miſericorditer diuina diſpoſitio, vt dum legatus, hoſtes fidei, qui Narbonę erant congregati alliceret & compelleret fraude pia, comes Montis-ſortis & peregrini qui venerant à Francia, poſſent tranſire ad partes Caturcenſes & Aginnenſes, & ſuos imo Chriſti impugnare inimicos. O legati fraus pia. O Pietas fraudulenta.

---

*Guido de Monte-ſorti & peregrini terras R. de caſtronouo inuadunt & deuſtant.*

**C**um feciſſent ſupradicti peregrini paucos dies Carcaſſonæ, nobilis comes Montis-ſortis rogauit eos, vt cum epiſcopo Carcaſſonenſi & Guidone de Monte forti fratre germano ipſius comitis, ad partes Rutenenſes accederent, & etiam Caturcenſes, vt terras tam Raterii de caſtro nouo, qui nobiliſſimum & chriſtianiſſimum comitem Balduinum, crudeliſſime prodiderat, quam aliorum hoſtium Chriſti penitus deuaſtarent. Ipſe vero comes cum ſuo primogenito Almarico, deſcendit vſque Valentiam, inuenitque ibi ducem Burgundiæ & Delphinum, habitoque ſuper præſato matrimonio conſilio & aſſenſu. Comes noſter quia non erat tempus congruum ad contrahendum, nec ipſe propter multimodas guerræ neceſſitates, ibi poterat facere multos dies, dictam puellam duxit ſecum Carcaſſonam, ibique fuerunt nuptiæ celebratæ. Peregrini vero, qui iã diu à Carcaſſona exierant, & iam epiſcopatum intrauerant Caturcenſem, terras hoſtium fidei, quæ timore eorum erant dereliſtæ vacuæ, vaſtanerunt. Nec prætereundum eſt, quod cum tranſiremus per epiſcopatum Rutenenſem, venimus ad quoddã caſtrum quod Mauriliacũ vocatur, illi autem de caſtro voluerunt nobis reſiſtere, quia miræ fortitudinis erat caſtrum & penitus inacceſſibile. Erat autẽ in exercitu noſtro magiſter Robert⁹ de Corceone apoſt. ſedis legatus, de quo ſupra tetigimus, qui nuperime venerat à partibus Gallicanis: mox noſtri in ſuo aduentu acceſſerunt ad caſtrũ & cœperunt hoſtes ſuos acriter impugnare. Vidẽtes illi de caſtro, quod amplius reſiſtere nõ valerent, reddiderunt ſe

*Nuptia in  
ter Almaricū  
cum & Del-  
phini filiam  
celebratur.*

*Capitur  
Mauriliacũ.*

ipſa die legato, ad ipſius per omnia voluntatē: noſtri vero de volūtate legati, caſtrū penitus deſtruxerūt. Nec ſilendū, quod ibi inuenimus ſeptē hæreticos, de ſecta illa quæ Vualdenſiū dicebatur, qui ad legatum adducti, ſuam incredulitatem plenius ſunt confeſſi, quos noſtri arripientes peregrini, cum ingenti gaudio combuſſerunt. Poſt hæc nūciatū eſt comiti noſtro, quod quidā milites Aginneſes, qui præcedēti anno ab eius dominio reſceſſerāt, caſtrum quoddā munierant, quod dicitur mōs

*\* Mörpezat. \* Piſatus.* Quid plura? acceſſimus ad illud obſidēdum: prænotati vero milites de monte piſato, audientes aduentum cruceſignatorum, timore ducti fugerunt, caſtrum vacuum dimittentes, noſtri vero venientes ad caſtrum, illud penitus deſtruxerunt. Mouens comes noſter à monte Piſato, cœpit vltèrius progredi per epiſcopatum Aginnenſē, vt caſtra quæ præcedenti anno a ſuo dominio reſceſſerant occuparet: omnes autem aduerſarii timore ducti, antequam comes accederet ad eos reddiderunt ſe illi, quoddam nobile quod Marmada vocatur. Comes autem ob maiorem ſecuritatem, ne iterum apoſtatarent ſicut conſueuerant, fere omnes turres & muros dirui faciebat, exceptis paucis de fortioribus caſtris, quæ ipſe tã ſibi quam Francigenis munire voluit & tenere. Veniens comes ad obſidendum caſtrum Marmadæ, inuenit illud contra ſe munitum: miles enim quidam regis Angliæ, quosdam ſeruientes in caſtrum adduxerat, vexillumque ſuum in ſummitate caſtri poſuerat, vt caſtrum defenderet contra noſtros, ſed appropinquantibus noſtris, & in ipſo

*Locus munitus.*

aduentu ſuo ad muros accedentibus, poſt modicā deſenſionem de caſtro fugere cœperunt, recipiētesque ſe in nauibus per Garonam fluuium celeriter deſcēdebant ad quoddam caſtrum proximum regis Angliæ, quod Regula dicebatur: ſeruientes vero regis Angliæ, qui ad deſenſionem caſtri venerant, ſe in tuto receperunt. Noſtri vero intrantes caſtrum, bona illius omnia diripuerunt: ſeruientes vero regis Angliæ, qui erant in turre, comes viuos & ſanos abire dimiſit. Poſt hæc datum fuit comiti à ſuis conſilium, vt non funditus deſtrueret caſtrum, eo quod eſſet ſatis nobile, & in extremitate terræ ſuæ, ſed conſuluerunt vt turrim maiorem muniret cæterasque turres, & partem murorum dirueret, quo factō, reuerſus eſt comes Aginnum. Erat autem caſtrum Caſſanolij nobile & fortiffimum in territorio Aginnenſi, ad pedem ſiquidem cuiuſdam montis, in amœniſſima planicie ſitum erat, ſed & aquis circumfluentibus, & natiuis rupibus cingebatur: erat in caſtro illo ſedes hæreticorum vna de principalibus, & fuerat ab antiquo, homines autem caſtri illius, erant pro magna parte raptores & periuri, repleti omni iniquitate & genere peccatorum, iam enim ſemel & iterum, reddiderant ſe Chriſtianitati, nunc etiam & tertia vice, chriſtianitati & comiti noſtro reſiſtere attentarunt. Erat autem caſtri illius dominus maior, Hugo de Rominiaco frater epiſcopi Aginnēſis, hic comitis familiaris fuerat & amicus: ſed ipſo anno rupia familiaritate & ſacramento, per proditionem, à Deo reſceſſerat, & comite memorato: collegerant etiam ſe alij proditores quam-

*Obſidio Caſ.  
ſonolij.*

plurimi in caſtro illo. Veniens igitur nobilis comes Montis-fortis cum exercitu ante caſtrum, in vigilia apoſt. Petri & Pauli obſidionem firmauit ex vna parte ſuper montem, non enim ſufficiebat exercitus eius, ad caſtrum in circuitu obſidendū. Poſt paucos autem dies, fecit comes machinas erigi, ad diruendos muros caſtri: machinæ autem illæ, & ad muros & intra caſtrum inſtantius iacentes, in breui domos caſtri plurimas diruerunt, poſt aliquot autem dies, ſuperuenientibus peregrinis, deſcendens comes de monte, fixit tentoria in planicie prope caſtrum, partem exercitus habens ſecum, plures vero remaſerunt in monte, cum nobiliſſimo & probiſſimo iuvene Almarico filio comitis, & venerabili epiſcopo Carcaſſonæ Guidone, qui ibi legati fungens officio, ad expugnationem & captionem caſtri inſtantiffimè atque efficaciffimè laborabat. Fecit autem comes in planicie vbi ſe locauerat, erigi machinas quæ petrariæ nuncupantur die noctuque iacentes, muros caſtri debilitabant plurimum. Quadā autem nocte circa aurorā, exeuntes plures ex aduerſariis de caſtro, aſcenderunt in montem impetum facturi vnanimiter in exercitum, venientesque ad tentorium, in quo Almaricus filius comitis dormiebat, irruerūt in eum validiſſimè, ipſum capturi vel occiſuri ſi poſſent, ſed currentes noſtri, & hoſtes viriliter inſeſtantes, ad caſtrum ſuum redire compulerunt. Dum hæc agerentur in obſidione illa, rex Angliæ, Ioannes, qui dolens de exhæredatione nepotis ſui, videlicet filii comitis Tolofani, bonis noſtris ſucceſſibus inuidebat, acceſſerat prope partes illas,



ad Petragoriſeſem videlicet ciuitatē, habens ſecū exercitum magnum valde, confugerant enim plures de hoſtibus ad ipſum, qui peccatis ſuis exigētibz, iuſto Dei iudicio fuerant exheredati, quos idem aſſumpſit, & diu tenuit, non ſine multorum ſcandalo, & graui propriæ famæ iactura. Illi vero qui erant in caſtro obleſſi, frequentes nuncios mittebant ad regem prædictum petentes ſuccurſum, & ipſe eos per nuncios & promiſſiones plurimum animabat. Quid plura? fit rumor celebris in exercitu noſtro, quia rex ſæpèdictus, volebat in nos irruere, & feciſſet forſitā ſi auiſus fuiſſet. Comes autem fortiſſimus Montis-fortis, in nullo perterritus eſt de auditis, ſed firmiter propoſuit, quod ſi rex vellet irruere in exercitum, non ideo recederet ab obſidione, ſed ſe & ſuos defendentes pugnaret contra eum, ſed ſæpèdictus rex, ſaniori vſus conſilio, nihil de his quæ dicebantur. & quæ forſitam propoſuerat agere attentauit. Nec ſilēdum quod M. Robertus de Corceone Card. apoſt. ſedis legatus de quo ſupra fecimus mentionem, venit ad exercitum in obſidione Caſſanolii, & paucos ibi faciens dies, laborabat prout potuit, vt pote homo bonæ voluntatis ad expugnationem caſtri, ſed negotiis iniunctæ ſibi legationis ipſum reuocantibus, non expectauit vſque dum caperetur caſtrum. Igitur laborantibus nobis in obſidione illa, & per iactus machinarum, muris caſtri pro magna parte debilitatis: quadam nocte, conuocatis comes de maioribus exercitus, & quodam artifice carpentario, inquiſiuit ab artifice illo, quomodo poſſent noſtri ad muros accedere, &

caſtrum capere per inſultum, erat enim aqua profunda inter exercitum & caſtrum, & quoniam oportebat tranſire ſi vellent noſtri ad muros accedere, & non erat ibi pons, quia aduerſarii ipſum à parte exteriori diruerant ante aduentum noſtrum. Multis multa dicentibus, tandem ad conſilium dicti artificis, in hoc conuenerunt vt fieret pons de lignis & cledis, qui per mirabile artificium ſuper dolia magna impulſus, per aquam noſtros ultra portaret. Statim venerabilis epiſcopus Carcaſſonæ, qui vt ultra ingredi etiam poſſet, die noctuque laborabat in his quæ obſidioni opus erant, conuocata multitudine peregrinorum, fecit afferri copioſa ligna ad faciendum pontem. Poſtquam autem factus eſt pons, armantes ſe noſtri, parauerunt ſe ad inſultum, impellentefque pontem, ad aquam uſque venerunt: ſed mox vt pons aquam tetigit, pro ſui ponderoſitate, & quia ripa aquæ à parte illa alta erat, ad ima tanto impetu dilapſus eſt, quod nullo modo retrahi potuit vel leuari, ſicque totus labor noſter quoad Pontem illum quaſſatus eſt in momento. Poſt paucos autem dies, fecerunt noſtri alterius modi pontem, ſi forte poſſent per ipſum aquam illam tranſire, parauerunt etiam nauiculas paucas, per quas licet cum magno discrimine, pars noſtrorum tranſiret, omnibuſque paratis, armantes ſe noſtri, pontem trahunt ad aquam, alii autem nauiculas aſcenderunt. Illi autem de caſtro habentes petraras, multas contra noſtros inſtantiffime & validiffime iaciebant. Quid plura? proijciunt noſtri pontem ſuper aquam ſed nihil profecerunt, quia ni-

mis brevis & omnino inſufficiens erat ponticulus ille: ſit mœror & luctus noſtris, gaudium & exultatio inimicis. Conſtantiſſimus autem comes ex his quæ acciderant nihil deſperationis concipiēs, conuocat artifices ſuos conſolans eos & mandās, vt attentarent parare machinas ad tranſeundum aquā, magiſter vero artificum, mirum & inauditū excogitauit machinæ modum, fecit enim afferri ligna multa & magna, & primo ſuper ligna maxima conſtruere quaſi domum amplam de lignis, tectum habentem de cledis, non cacuminatū ſed planum: poſtea ſuper medium tecti, erexit quaſi turrem altiſſimam de lignis & cledis, quinque habentem in altum manſiones, in quibus baliſtarii ſtare poſſent. Poſt hæc in circuitu turris illius, fecit ſuper tectum memoratum quaſi murū de cledis, in quibus ſtare poſſent multi de noſtris qui turrem defenderent, habentesque aquam multā incupis magnis, vt extinguerere poſſent ſi hoſtes proiicerent ignem ob hoc etiam videlicet, ne hoſtes poſſent incendere machinam illam, fecit artifex ipſam operiri totam ex parte anteriori coriis bouinis. Omnibus igitur paratis, cœperunt noſtri, trahere & impellere machinam verſus aquam hoſtes vero lapides grandes & creberrimos cum petrariis è contra iaciebant, ſed nocebant per Dei gratiam in modico aut in nullo. Cum ergo noſtri, machinam impulſſent vſque ad aquam, attulerūt in cophinis terram, ligna & huiusmodi ad proijciendum in aquam illi: qui erant ſub tecto inferiori ſecuri & inermes implebant foſſatum, baliſtarii & alii qui erant in ſuperioribus munitioni-

bus, impetus hoſtium coercebant. Quadam autem nocte aduerſarij quidam n uiculam impleverunt lignis ſiccis, carne falſa, adipe, & aliis lignis incentiuiſ, volentes eam impellere ad machinā noſtram, vt comburerent eam, ſed non potuerunt, quia ſeruientes noſtri nauiculam illam combuſſerunt. Quid vltra? laborantibus noſtris in implendo foſſato, tranſibat machina noſtra ſicca pariter & illaſa, quantum enim implebant de foſſato, tantumdem machinam vltcrius impellebant. Quadam igitur die dominica videntes aduerſarii tranſeunte machina, ſibi captionis periculum imminere, proiecerunt ignem contra machinam, ſed noſtris cum aqua ignem extinguentibus, nihil proficere potuerunt, iam enim propinqui erāt noſtri & aduerſarii, qui ſe mutuo cum lanceis impetebant. Cogitās igitur comes noſter, ne forte aduerſarii de nocte cōburerent machinā ipſam eadē die dominica circa veſperam, fecit armari ſuos, & omnes concrepantibus tubis vocari ad inſultum: epiſcopus autem Carcaſſonæ & clerici qui erāt in exercitu cum eo, conuenerunt in locum eminentiorem prope caſtrum clamaturi in cœlum & pro noſtris pugnātibus oraturi. Mox igitur noſtri intrantes machinam, ruptis anterioribus machinæ cledis, cum multa probitate tranſire foſſatum. Interea clerici noſtri, *Veni creator Spiritus*. cum deuotione maxima decantabant: aduerſarii autem videntes irruentes noſtros, receperunt ſe intra muros, & cœperunt noſtros per deſuper muros iactu lapidum creberriſmo grauiter infeſtare: noſtri vero quia imminebat nox, &

quia non habebant ſcalas, muros cōſcendere ne-  
 quiuerunt, ſed intra muros & foſſatum, in modica  
 quadam planicie ſtantes, barbacanas quas hoſtes  
 extra muros fecerant, ipſa nocte deſtruxerunt. In  
 craſtino vero, tota die laborauerunt artiſices no-  
 ſtri in ſcalis faciendis & aliis machinis, vt die ter-  
 tia, caſtrum aſcenderent per inſultum, quod ſci-  
 entes & timentes milites ruptarii qui erant in ca-  
 ſtro, ſequenti nocte exeuntes cum armis quaſi in-  
 ſultum facturi in exercitum, omnes fugerunt,  
 plures autem de noſtris, inſequuti ſunt eos diutius  
 ſed comprehendere nequiuerunt, reliqui vero  
 accedentes ad caſtrum media nocte, vi intraue-  
 runt, aponenteſque ignem, combuſſerunt illud,  
 & quos inuenire potuerunt in ore gladii pereme-  
 runt, per omnia benediſtus Deus, qui tradidit im-  
 pios, & ſi non omnes. Poſt hæc fecit comes noſter,  
 quaſi ſolo tenus, deſtrui in circuitu muros caſtri,  
 ſicque captum eſt & caſſatum Caſſanolium 16.  
 Cal. Sept. ad laudem Domini noſtri, cui eſt honor  
 & gloria in ſæcula ſæculorum.

---

*De deſtructione caſtri Domæ in Petragoricenſi diœceſi,  
 quod erat peſſimi tyranni G. de Cabuſaco.*

Cap. LXXX.

**H**Is ita geſtis, ſignificatum eſt comiti noſtro,  
 quod in epiſcopatu Petragoricenſi, erant ca-  
 ſtra in quibus habitabant pacis & fidei inimici, &  
 vere ſic erat. Propoſuit igitur comes progredi &  
 inuadere caſtra, vt per Dei gratiam & auxilium  
 peregrinorum, expulſis ruptariis & raptoribus re-  
 legatis, pacem eccleſijs, imo toti terræ Petrago-

ricenſi relinqueret: omnes autem Chriſti, & nobilis comitis noſtri aduerſarij, audito quod captū eſſet Caſſanolum, tanto timore percuſſi ſunt, quod in nulla munitione etiam fortiſſima, aduentum comitis & exercitus, auſi ſunt expectare. Mouens igitur exercitus à Caſſanolio, venit ad vnum de caſtris, quod Doma dicebatur, & inuenit illud vacuum & abſque defenſore, erat autem caſtrum nobile & fortiſſimum ſuper Dordoniam fluium, in amœniſſimo loco ſitum. Statim comes noſter, turrem caſtri quæ erat altiſſima & pulcherrima, & pene uſque ad ſummum munita, ſubfodi fecit & dirui: ad dimidiam vero leugam, erat caſtrum aliud miræ fortitudinis, quod dicebatur Mons- fortis. Dominus vero caſtri, nomine Bernardus de Caſuacio, homo crudeliſſimus & omnium peſſimus, timore ductus, fugerat à facie comitis noſtri, caſtro ſuo vacuo derelicto, tot enim & tantæ erant crudelitates, rapinæ, enormitates illius nequiſſimi & ſceleratiſſimi, quod vix poſſent credi, aut etiam cogitari. Et cum talis eſſet, procurauerat ei diabolus adiutorium ſimile ſibi, vxorem videlicet, quæ erat ſoror vicecomitis Turenæ. Hæc altera Ieſabel, imo longe peior & crudelior quam Ieſabel, omnium malatum erat peſſima fœminarum, & viro in crudelitate non impar & malitia. Ambo igitur, cum eſſent nequiſſimi, ſpoliabant, imo deſtruebant eccleſias, peregrinos inuadebāt, mēbris innoxios detruncabant, ita quod in vnico monaſterio monachorum nigroꝝ, quod Sarlatium \* dicitur, inuenti ſunt à noſtris centum quinquaginta inter viros & mulieres, qui manibus vel

\* Gallicè  
Sarlat, nūc

pedibus amputatis, eratis oculis, ſive cæteris mēbris cæſis, à prædicto tyranno & vxore eius fuerāt mutilati. Ipſa enim vxor tyranni, totius pietatis oblita, pauperibus mulieribus, vel mammillas faciebat extrahi, vel pollices abſcindi, vt ſic ad laborandum inutiles redderentur. O crudelitas inaudita: ſed his omiſſis, cum nec milleſimam malitiarum dicti Tyranni & vxoris eius partem poſſemus exprimere, ad propoſitum redeamus. Deſtructo igitur & everſo caſtro Domæ, voluit comes noſter ſubvertere caſtrum Montis-ſortis, quod erat ſicut diximus, præfati tyranni. Mox epiſcopus Carcaſſonæ, qui totum pro negotio Chriſti, ſe laboribus exponebat, aſſumens ſecum partem peregrinorum, abiit & fecit dirui caſtrum illud, adeo autem fortiſſimi erat muri illius, quod vix poterāt dirui, eo quod cementum in lapidem obduruiſſet, vnde etiam multos dies oportuit noſtros facere diruendo caſtro. Ibant peregrini mane ad operandum, & ſero reuertebantur ad locum caſtrorum, exercitus enim non recellebat à Doma, eo quod aptior & competentior exercitui erat locus. Erat præterea prope Montem fortem aliud caſtellum nomine caſtrum novum, non impar cæteris in malitia, & hoc ipſum timore exercitus fuerat dereliſtū. Propoſuit autem comes noſter tenere & occupare caſtrum illud, vt per hæc melius poſſet, pacis compoſcere turbatores: ſicut cogitavit, ita & fecit. Erat inſuper quartum caſtrum ſatis forte nomine Bænatium, huius caſtri dominus peſſimus erat, & eccleſiarum moleſtiſſimus oppreſſor: dedit autem ei comes no-

*epiſcopatus  
à Ican. 22.  
ſummo Pontif. inſtitutus.*

ſter optionem, vt vnum eligeret de duobus, videlicet vt infra terminum à comite & ab iſſis qui ibi erant præfixum, reſtitueret male ablata, aut humiliaretur muri caſtri ipſius, & ad hoc exequendū data fuerunt induciæ per plures dies, ſed cum intra dies illos, de rapinis nō feciſſet reſtitutionem, noluit comes noſter humiliare munitionem caſtri Bænacij, inuitoque tyranno & multum dolente, fecit comes noſter humiliare turrem & muros caſtri Bænacij: allegabat enim maleſicus ſapedictus, caſtrum ſuum non debere humiliari, eo quod ipſe ſolus erat in terra illa, qui iuuaret regem Fræciæ, contra regem Anglorum: ſed comes allegationes iſtas, vanas ſciens & friuolas, non deſtitit à propoſito. Iam etiam allegationes prædictas, tyrannus memoratus expoſuerat regi Franciæ, ſed nihil proficere potuit. In hunc modum, ſubiugata ſunt quatuor caſtra illa, Doma videlicet, Mōsfortis, Caſtrum nouum, Bænacium. In his 4. caſtris, à centum annis & antea, ſedes fuerat ſathana, ab his egreſſa fuerat iniquitas ſuper faciē terræ. Iſtis igitur ſubiugatis, per peregrinorum laborem, & probitatem expertiſſimam comitis Montisfortis, reddita eſt pax & tranquillitas, non ſolum Petiagoricenſibus, ſed etiam Caturciſibus & Aginnenſibus & Lemouicenſibus pro magna parte. His igitur ad gloriam nominis Chriſti peractis, rediit comes noſter & exercitus ad partes Aginnenſes, & data ſibi opportunitate, fecit dirui munitiones quæ erant per diœceſim Aginnenſem. Poſtea venit comes Figiacum, auditurus loco regis Franciæ, cauſas & quaſtiones indigena;



rum, rex enim commiſerat ei in partibus illis vices ſuas in multis. Multa audinit & multa correxit, & plura correxiſſet, ſed noluit excedere fines regii mādati. Inde progreſſus verſus diœceſim Ruthenenſem, occupauit quoddam caſtrum fortiſſimum prope Figiacum, nomine Capdecanacum, vbi ab antiquo fuerat nidus & refugium ruptariorum. Inde venit comes cum exercitu\* Ruthenam *\* Rhodes.* ciuitatem, impetiit autem comes comitem Ruthenenſem de multis, ipſe enim comes Ruthenenſis, homo ligius erat comitis noſtri, ſed quoddam quærens ſubterfugium dicebat, quod partē terræ ſuæ maximam, tenebat à rege Angliæ. Quid plura? Poſt multas altercationes, recognouit totam terram ſuā tenere à comite noſtro, & de tota terra ſua fecit ei hominium, & ita facti ſunt amici & concordēs. Erat prope Ruthenam, caſtrum quoddam forte, nomine Seueracum, in quo *Obſidio Seueraci,* habitabant ruptarii turbatores, tot enim & tanta mala proueniebant à caſtro illo, quod non poſſet de facili exprimi. Illi ſiquidem qui erant in caſtro illo, non ſolum Ruthenenſem diœceſim infeſtabant, ſed totam terram in circuitu ad Podium B. Mariæ. Dum igitur comes noſter eſſet apud Ruthenā, mandauit domino caſtri vt redderet ei ipſū caſtrum, ille vero de fortitudine munitiōis conſiſus, cogitans etiā quod comes tunc temporis non poſſet obſidionem circa caſtrum tenere, eo quod hyemps erat, & caſtrum illud in montanis, & in locis frigidis eſſet ſitum, noluit reddere caſtrum ſuum. Quadam igitur nocte Guido de monte forti, frater comitis noſtri germanus, aſſumptis

militibus & ſeruiſſimis ſecum, exiens à ciuitate Ruthenenſi, equitauit de nocte, uſque prope caſtrum ſæpedictum, & ſumme diluculo, illuſcente aurora, irruit ſubito in burgum inferius, cœpitque illud in momento & occupauit. Illi autem de burgo receperunt ſe in inferiorem munitionem, in ſummitate ſiquidem montis ſita erat munitio, burgum uero forinſecum à munitione illa per deſcenſum montis protendebatur. Ideo autem dictus Guido occupauit burgum, ne aduerſarii ueniente exercitu poſſent illud comburere. Veniens igitur comes cum exercitu ad caſtrum Seueraci, inuenit dictū burgum illaſū, domosque plurimas exercitui aptas ad manendū, quas occupantes noſtri, firmauerunt obſidionem: à domino factum eſt iſtud, qui uerus eſt in opportunitate adiutor, & pius in neceſſitate prouiſor. Paucis diebus tranſactis, erexerunt machinam vnā quæ petraria dicitur, & fecerunt iacere contra caſtrum: aduerſarii uero vnā ſimiliter machinam erexerunt, & cum ipſa, noſtros quantū poterant, infeſtabant. Nec ſilendū quod obſeſſos illos ita attenuauerat dominus in uictualibus quod nimia penuria arētabatur, frigus præterea & hyemis aſperitas, ita eos affligebat, ut pote qui modicas, & uiliſſimas habebant veſtes, quod nesciebant quid ageſſent. Si quis autem de paupertate & miſeria eorum miretur, nouerit, quod ita ſubito præoccupati fuerunt, quod non licuerit eis, nec armis nec uictualibus ſe munire, non enim putabant, ſicut diximus, quod noſtri media hyeme, & in locis tam frigidis, poſſent obſidionem tenere. Poſt paucos uero dies,

fame & ſiti & frigore & nuditate afflicti, poſtula-  
uerunt pacem. Quid plura? Poſt longum & va-  
rium de modo compoſitionis tractatum, tandem  
ad proborum conſilium, in hoc conuenerunt, tam  
noſtri quam dominus caſtri, quod ipſe redderet  
comiti caſtrum, & comes ipſum caſtrum epiſcopo  
Ruthenenſi, & cuidam nobili militi qui dicebatur  
Petrus Brimondi traderet cuſtodiendum, factum-  
que eſt ita. Statim nobilis comes de mera liberta-  
te ſua, reddidit ſupradicto domino Seuaraci totam  
aliam terram ſuam, quam occupauerat Guido de  
Monte forti: prius tamen quam redderet ei ter-  
ram ſuam, induxit eum ad hoc, quod hominibus  
ſuis malum non inferret, eo quod ſe reddidiſſent  
memorato Guidoni. Poſt hæc etiam nobilis co-  
mes, vt pote liberaliſſimus, reddidit ei Seueracum  
recepta ab ipſo hominii fidelitate & ſacramento,  
& ita in gratiam & familiaritatem comitis eſt ſuſ-  
ceptus. Nec prætermittendum, quod per reddi-  
tionem caſtri Seuaraci, toti terræ illi reddita eſt  
pax & quies, in omnibus laudandus eſt Deus, am-  
plectendus athleta ipſius fideliffimus, comes vide-  
licet Chriſtianiſſimus Montis-fortis. His omni-  
bus rite peractis, Magiſter Petrus Beneuentanus,  
apoſt. ſedis legatus, de quo ſupra fecimus men-  
tionem, reuerſus à paribus Arragonenſibus, in  
quibus pro grauibus negotiis fecerat longam mo-  
ram, conuocauit celeberrimum & generaliffimū  
Conciliū in quindena natiuitatis dominicæ apud  
Montem peſſulanum.

*Concilium apud Montem peſſulanum legatus celebrat,  
 cui interſunt 5. Archiepiſcopi, & 28 Epifcopi ſuper  
 dominio terra conquiſita, cuius comes à Mon-  
 te-ſorti. princeps vno totius concilij ore  
 & conſenſu conſtituitur.*

Cap. LXXXI.

**A**N. ab incar. D. 1214. in quindena natiuitatis  
 dominicæ, conuenerunt apud Montem-  
 peſſulanum Archiepiſcopi & Epifcopi vocati à  
 M. Petro Beneuentano Apoſt. ſedis legato ad  
 Concilium, vt de his, quæ pacis erāt & fidei, idem  
 legatus ſecundum prælatorum conſilium ordina-  
 ret. Conuenerunt autem ad illud Concilium quin-  
 que Archiepiſcopi, videlicet Narbonenſis, 1. Ac-  
 citanus, 2. Ebredunenſis, 3. Arelatenſis, 4. A-  
 quenſis. Fuerunt epifcopi 28. pluresque de baro-  
 nibus terræ ibi affuerunt. Nobilis autem comes  
 Montis-ſorti non intrauit cum aliis Montem-  
 peſſulanum, ſed manſit diebus Concilij in quo-  
 dam vicino caſtro quod erat epifcopi Magalonen-  
 ſis. Homines autem Montis-peſſulani, vt potè  
 peſſimi & ſuperbiſſimi, ſemper exoſum habebant  
 comitem & omnes Francigenas, ita quod ipſum  
 comitem non permittebant Montem-peſſula-  
 num intrare: hac de cauſa manſit ſicut diximus in  
 caſtro prædicto, veniebatque cotidie vſque Mon-  
 tem-peſſulanum in domo fratrum militiæ templi  
 foris murum, vbi egrediebantur foris ad eum . . .  
 archiepiſcopi & epifcopi, quoties opus erat. Igi-  
 tur conuenientibus vt prædictum eſt legato, ar-

1. Auch.
2. Ambrü.
3. Arles.
4. Aix.

chiepiſcopis & epiſcopis, abbatibus & aliis eccleſiarum prælatiſ apud Montem peſſolanum, fecit legatus ſermonem, in eccleſia B. virginis Mariæ. Poſtea vocavit in domo in qua manebat, archiepiſcopos quinque & epiſcopos 28. abbates & alios eccleſiarum prælatos innumerabiles: quibus in vnum congregatiſ, primo eoſ allocutus eſt in hæc verba. Repeto & requiro à vobis, ſub obteſtatione diuini iudicii & obedientiæ debito, quo romanæ eccleſiæ tenemini, vt omni gratia, odio, liuore poſt poſitiſ, detiſ nobiſ fidele conſilium, ſecundum ſcientiam veſtram, cui melius & vtilius, ad honorem Dei & S. matris eccleſiæ & pacem terræ ad expugnandam vel expurgandam ſpurticiam hæreticorum concedi & aſſignari debebat Tolofa, quam comes Tolofanus tenuit & aliæ terræ quas occupauerunt exercitus Chriſtianorum cruceſignatorum. Omnes archiepiſcopi & epiſcopi, longam & diligentem deliberationem, vnusquiſque cum abbatibus ſuæ diœceſiſ & familiaribus clericis ſuiſ, & qui bonum videbatur & rectum redigere in ſcriptum, & in hoc tandem omnium & ſingulorum vota & conſilia conueniunt, vt nobilem comitem Montis fortis eligerēt in totius terræ illius principem & monarcham. O res miranda, ſi creandus eſt epiſcopus aut abbas, vix in vnā perſonam conueniunt pauciſſimorum conſenſuſ, ecce in electione principis tantæ terræ, tot & tantæ perſonæ, in memoratum Chriſti pugilem, ſine aliqua diſſentione vota ſua vnanimitè contulerunt: à Deo præculdubio factum eſt iſtud, & eſt mirabile in oculiſ noſtriſ. Poſtquā

*Locus montis  
luſ.*

ergo archiepiſcopi & epiſcopi elegerant prænobilem comitem modo quo prædiximus, inſtantiffime requiſierunt à legato, vt ipſe ſtatim traderet totam terram eidem comiti, ſed habito recurſu ad litteras D. Papæ, quæ miſerat legato, inuentum eſt, quod legatus non poterat iſtud facere, inconfulto D. Papæ: & hac de cauſa, communi aſſenſu tam legatorum quam prælatorum, Ebredunenſis archiepiſcopus Girardus, vir multæ ſcientiæ & totius bonitatis, miſſus eſt Romam, & quidam clerici cum eo, litteras tam legati quam prælatorum ferentes ſecum, in quibus ſupplicabant prælati omnes D. Papæ inſtantiffime, vt nobilem comitem Montis fortis, quem vnanimiter elegerant, concederet eis in terræ dominum & monarcham. Illud autem non credimus reticendam, quod dū celebraretur memoratum concilium in Montepellulano, quodam die legatus comitem noſtrum qui erat foris muros, in domo militiæ templi fecit vocari, vt intraret ad ipſum & prælatos: ſtatim comes intrauit cum paucis, militibus vero ſuis, qui cum eo pauci intrauerant cauſa ſpatiandi per villam euagantibus, comes erat cum legato & prælatis ipſe & duo filii eius, mox illi de villa vt pote nequiſſimi armauerunt ſe clanculo pro magna parte, intranteſque eccleſiam B. Mariæ, poſtquam comes intrauerat, totam viam per quam ipſum redire putabāt obſeruantes, expectantabant reditum eius, vt eum occiderent ſi poſſēt, ſed pius dominus, aliter & longe melius ordinabat. Innotuit ergo comiti noſtro quod fiebat, & per aliam viam quam intrauerat exiens, ab inſidijs declinauit. His omnibus

rite geſtis, & celebrato per multos dies concilio, prælati qui aderant, ad propria redierunt: legatus autem & comes noſter, venerunt Carcaſſonam. Interea legatus episcopum Tolosanum miſit Tolosam, vt ex parte ipſius occuparet & munitet caſtrū Narbonenſe, ſic enim vocabatur munitio & palatium comitis Tolofani. Ciues autem Tolofani, ad mandatum domini legati, imo potius, timore ipſius, filium comitis Tolofani fecerunt exire à munitione iam dicta, quam hætenus tenebant, & tradiderunt eam ex parte legati episcopo ſuo, qui intrans munitionem tenuit eam, & munit eam militibus & ſeruientibus, tamen in ſumptibus ciuium & expenſis.

---

*Primus aduentus Ludonici filij regis Francia in partes Albigenſium.*

*Cap. LXXXII.*

**A**N. verbi incarnati 1215. Ludouicus filius regis Franciæ primogenitus, qui triennio iam tranſacto, crucem contra hæreticos aſſumpſerat, ſed multis & grauibus guerris fuerat impeditus, ſopitis pro magna parte guerris, quas contra hoſtes multas & multum graues habebat pater eius, ipſe iter arripuit ad partes Albigenſium, vt votum ſuæ peregrinationis expleret. Venerunt cum eo multi nobiles & potentes, qui omnes ad diem quam eis præfixerat, in die S. Dominicæ reſurrectionis, conuenerunt ad Lugdunum. Fuerunt ibi cum Ludouico, episcopus Beluacenſis Philippus, Comes S. Pauli, Galterus comes Pontiui, \* Comes \* *Ponthieu.*

\* Seez.

Sagiſienſis,\* & de Alancone Robertus, Guiſcardus de Bello-ioco, Matheus de Monte-Maurenciacø, vicecomes Meleduni, & multi alij probi milites nobiles & potentes. Fuit etiam ibi venerabilis epiſcopus Carcaſſonæ Guido, qui ad preces nobilis comitis Montisfortis, paulo ante pro negotio fidei, ad partes deſcenderat gallicanas, & cum Ludouico veniebat. Ludouicus autem & qui cum eo erant, ipſum tenerrime diligebant, eiufque voluntati & conſilij in omnibus acquieſcebant. In craſtino Paſchæ, mouens epiſcopus cum ſuis à Lugduno, venit Viennam: comes autem Montisfortis occurrebat domino ſuo, Ludouico videlicet, lætabundus & gaudens, & deſcenderat uſque Viennam: quanta autem fuerit in mutua illa obuiatione & viſione exultatio, non eſſet facile exprimere. Progrediens Ludouicus cum ſuis Vienna, venit Valentiam: legatus autem de quo ſupra tetigimus, ſcilicet Magiſter Petrus Beneuentanus, occurrebat Ludouico, & venerat uſque Valentiam. Sicut in ſuperioribus expreſſimus, memoratus legatus, ciues Tolofanos & Narbonenſes & alios qui fuerant contra chriſtianitatem & comitem Montisfortis abſoluerat, ſecreto ſuo & prouido conſilio, quo ipſe nouit: Tolofanam inſuper & Narbonenſem ciuitates & alia caſtra hoſtium Chriſti in partibus Albigenſibus, in manu ſua & protectione tenebat, timebatque ne Ludouicus, vt pote primogenitus Regis Frænciæ, & totius terræ quam legatus tenebat dominus principalis, aliquid poteſtatiue vellet facere contra conſilium & ordinationem legati, aut occupando



ciuitates & caſtella, quæ legatus tenebat, aut etiã deſtruendo, ideoque ſicut dicebatur & erat veriſimile, non placebat legato aduentus & præſentia Ludouici, nec miũ. Cum enim tota terra ſæpius memorata, veneno hæreticæ prauitatis infecta fuiſſet, rex Franciæ vt pote dominus principalis, admonitus fuerat, & multoties requiſitus, vt tanto morbo manum apponeret expulſiuam, & ab hæretica ſpurcitia, purgare intēderet, regnum ſuum: ipſe vero non appoſuerat conſilium vel auxilium vt deberet, & ideo cum terra illa per D. Papam auxilio ſignatorum fuiſſet acquiſita, non videbatur legato, quod Ludouicus deberet aut poſſet, contra ordinationes eius aliquid attentare. Videbatur etiam legato, qui cruce ſignatus erat, & tanquam peregrinus veniebat, vnde non deberet eius diſpoſitioni in aliquo contraire. Ludouicus autem vt potè mitis & benigniſſimus, reſpondit legato, quod ad volūtatem ipſius & conſilium ſe haberet. Exiens Ludouicus à Valentia, venit ad villam S. Ægidii. Dum eſſet Ludouicus in villa S. Ægidii, & comes nobilis Montis fortis cum eo, venerunt à curia Rom. nuncii, quos ſicut ſupra memoratum eſt, legatus & Archiepiſcopi & Epicoſci patriæ Prouincialis miſerant ad Dominum Papam, poſtulantes ibi Dominum & Monarcham nobiliſſimum & chriſtianiſſimum comitem Montis fortis. Dominus autem Papa, miſit literas legato & prælatis & etiã comiti Mōti fortis, ſub eadem forma, quibus continebatur, quod ipſe dominus Papa, totam terram, quam comes tenuerat Tolofanus, terras etiam illas quas cruce-

*Comendatur terra acquiſita comiti Montis fortis.*

ſignati acquiſierant, & quas legatus tenebat per obſides & cuſtodes, commendabat comiti Montis-ſortis cuſtodiendam, donec in Concilio generali, quod in Calend. Nonemb. illius anni Romæ conuocauerat, de terris prædictis plenius ordinaret: hoc audito Ludouicus & comes noſter, ſignificauerunt Legato de aduentu nunciorum. Legatus autem tunc erat prope S. Ægidium cum pluri- bus Episcopis in ciuitate Arelatenſi.

---

Forma litterarum D. Papæ ad comitem Montis ſortis hæc eſt,

**I**nnocentius episcopus, seruus seruorum Dei, dilecto filio suo nobili viro S. Comiti Montis-ſortis salutem & apost. ben. Nobilitatem tuam dignis in domino laudibus commendamus, quia pura dilectione, mente sincera & viribus indefectis, tanquam verus & strenuus miles Christi, & inuictus catholica fidei propugnator, prælia domini laudabiliter præliaris, vnde in omnem fere terram, tua fidei & fidei sonus exiit, propter quod, super caput tuum, multe benedictiones effunduntur, ad gratiam tibi amplius acquirendam, & totius ecclesie præcamina congeruntur, & multiplicatis intercessoribus; corona tibi gloria conseruatur, reddenda tibi à iusto iudice in futurum, quam propter tua merita, speramus esse tibi repositam nunc in cælis.

Eya miles Christi, ministerium tuum imple, curiens per propositum tibi stadium, donec brauium comprehendas, nec in tribulationibus vnquam deficias. sciens collateraliter tibi assistere Deum Sabaoth, Dominum videlicet exercituum, ac principem militiae Christianæ, nec velis bellicos

Exhortatio  
feruentissi-  
mi summi  
pontificis ad  
Simonem  
comitem.

*ſudores abſtergere, antequam palmam victoriam conſequaris, qui nimo cum bene inchoaveris bonum principium, ac media quæ poſtimodum laudabiliter proſequi curaviſti, per longanimitatem & perſeverantiam quæ coronat, laudabilius optato ſine ſtudeas conſummare, ſciens iuxta verbum apoſtoli, neminem eſſe coronandum, niſi legitime decertantem. Cum igitur totam terram quam comes tenuit, Tolofanus, cum alijs terris à cruceſignatis obtentis, quæ à dilecto filio noſtro Petro S. Mariae in \* Aquito Diacono Card. apoſt. ſedis Legato tenentur per obſides vel cuſtodes, uſque ad tempus Concilij generalis, in quo de ipſis conſilio prælatorum, plenius poſſimus ſalubriter ordinare, prudentiæ tuæ duximus committendas, ut eas conſerves, cuſtodias & defendas, concedentes tibi redditus & proveniunt earum, cum iuſtitijs, & cum alijs ad iuriſdictionem ſpectantibus, cum nec poſſis, nec debeas proprijs ſtipendijs militare, ſalvis expenſis, promunitione & cuſtodia caſtrotum, quæ de mandato noſtro tenentur, nobilitatem tuam cum omni diligentia commoneamus, totis affectibus in domino poſtulantibus pro numine, ac ſub obreſtatione divini numinis obſecrantes in remiſſionem peccaminum iniungendo, quatenus non reſugias hanc pro Chriſto legationem recipere, cum ipſe pro te à patre legatione ſuſcepta tanquam gigas cucurrit uſque ad crucis patibulum & ad mortem, cum te totum deuocris in Chriſti obſequio, non deficias fatigatus, nec recuſes uſque ad finem, bonam pro Chriſto militiam exercere, nec unquam in cor tuum aſcendat, ut tam dulcibus paternis obuius moritis & mandatis, ſed potius toto deſiderio & affectu, amplecti ſtudeas quæ mandamus, ut in perpetuum Chriſti amplexibus fouearis, qui te ad amplexus inuitans, extendit pro te brachia indeſeſſa: provida etiam deliberatione diligenter attendas, ne in va-*

\*Ciacon.habet Aquiro.

cum cucurreris, aut etiam laboraueris, ſi per tuam negligentiam, locuſtarum multitudo, quæ de abyſſi puteo ſunt egreſſæ, ſed per tuum miniſterium, de terra quam occupauerant eiectæ, ipſam quod abſit iterum occupauerint in exterminium plebis Dei. Nos autem quia pro certo ſperamus, quod de tua ſalute ſollicitus, nunquam debeas mandatis apoſtolicis obuiare, Baronibus, Conſulibus & alijs Chriſti fidelibus in terris prædictis conſtitutis; dedimus in mandatis, in virtute Spiritus S. præcipientes diſtriçtè, quatinus plenarie intendentes mandata tua ſuper negotio pacis & fidei, & alijs quæ ſuperius ſunt expreſſa, inuiolabiliter obſeruare procurent, contra impugnatores Catholice fidei, & pacis diſturbatores, magnifice ac potenter tibi conſilium & auxilium impendentes, ita quod eorum cooperante ſubſidio, negotium pacis & fidei ſalubriter exequaris: quod quoque Legato præcipiendo mandamus, vt ſuper his ſtatuat & diſponat, quidquid ipſi negotio viderit expedire; impendens tibi conſilium & auxilium opportunum, & quod ſtatueris, faciat firmiter obſeruari: contradictores ſi qui fuerint vel rebelles, ſublato cuiuſlibet conditionis vel appellacionis obſtaculo, ad id quod viderit expedire, diſtriçtione compellens. Datum Laterani 4. Non. Apr. Pontif. an 18.

Progrediens Ludouicus à villa S. Egidij, venit ad Montempeſſulanum, & inde Biterim, ciuitas autem Biterris, diſtat quatuor tantum leugis à Narbona, ciues autem Narbonenſes timore ducti, miſerunt ad Ludouicum, ſignificantes ei, quod parati erant ad faciendam eius in omnibus voluntatem. Nec ſilendum quod Archiepiſcopus Narbonenſis Arnaldus, quantum poterat laborabat ad hoc, quod muri Narbonæ non diruerentur, ob

hoc etiam deſcenderat obuiam Ludouico uſque Viennam: dicebat ſiquidem quod ſua erat Narbona, & hoc pro parte verum erat: inſuper etiam Ducatum Narbonæ, quæ ab antiquis temporibus comes tenuerat Tolofanus, uſurpauerat ſibi Archiepiſcopus & tenebat. Quamuis autem homines Narbonenſes, eſſent pro parte de dominio Archiepiſcopi, tamen contra Deum & chriſtianitatem, comiti Montis-ſortis ſe oppoſuerant, imo Chriſtum impugnauerant toto niſu, ob hoc etiam in villam ſuam intromiſerant hoſtes Chriſti & diu tenuerant. Archiepiſcopo etiam, qui pro conſeruatione murorum ita ardentè laborabat, graues præcedenti anno intulerat metus mortis, vnde videbatur noſtris, quod Archiepiſcopus contra utilitatem eccleſiæ, & ſuam etiam, inſtabat ne muri caderent Narbonæ, propter hoc & alia quædam, quæ non eſt neceſſarium replicare, aliquantulum diſcordiæ interuenierat, inter Archiepiſcopum & comitem Montis-ſortis: videbatur fere omnibus, quod Archiepiſcopus quo ad prædicta, non ſatis in futurum prouidebat utilitati negotij fidei Chriſtianiæ. Cum eſſent Biterris, legatus & Ludouicus & comes Montis-ſortis & peregrini, omnes de voluntate Legati & conſilio Prælatorum, qui plures illuc conuenerant, ita eſt ordinatum, quod Ludouicus de voluntate & auctoritate Legati, faceret dirui muros Narbonæ, Tolofæ, & quorundam caſtrorum, eo quod per munitiones illas, Chriſtianitati euenerant multa mala. Inhibuit autem Ludouico, ne homines dictarum ciuitatum, perturbaret in aliquo, niſi tantum in dirutione murorum.

*Archiepiſcopus Narbonenſis urbis ipſius ex magna parte dynaſta.*

Quod vt poſſet melius obſeruati. Ludouicus mā-  
dauit ciuibus Narbonæ, vt ipſi ad arbitrium duo-  
rum militum, quos ad hoc miſit Narbonam, in-  
fra tres ſeptimanas diruerent muros ſuos, quod ni-  
ſi facerent, ſciterent ſe grauiter puniendos. Cœpe-  
runt igitur Narbonenſes diruere muros Iericho,  
Narbonæ videlicet ciuitatis. Ludouicus autem  
mouens à Biteris, venit cum ſuis Carcaſſonam,  
vbi cum per aliquot dies moram feciſſet, venit le-  
gatus. Quadam igitur die conuocauit legatus ad  
ſe in domum Epilcopi Carcaſſonenſis, Epilcopos  
qui aderant, Ludouicum, & comitem Montis-  
fortis, & nobiles qui erant cum Ludouico. Qui-  
bus omnibus congregatis, legatus iuxta formam  
mandati apoſtolici, commendauit comiti terram  
vſque ad Concilium generale. Poſt hæc mouens  
Ludouicus Carcaſſona, perrexit ad quoddam ca-  
ſtrum vicinum, quod dicitur Fannin-louis, & fe-  
cit ibi paucos dies. Interea legatus & Comes Mō-  
tis-fortis, perrexerunt ad caſtrum Apamiarum.  
Venit ibi ad legatum, peſſimus comes Fuxi. Co-  
mes autem noſter, noluit illum videre: ibi com-  
mendauit legatus comiti noſtro caſtrum Fuxi,  
quod diu in manu ſua tenuerat, comes autem no-  
ſter, ſtatim miſit milites, & caſtrum Fuxi muni-  
uit. Nec ſilendum quod antequam exirent Lega-  
tus & Ludouicus à Carcaſſona, comes Montis-  
fortis, miſit Guidonem fratrem ſuum & milites  
cum eo, ad recipiendam & occupandam ex parte  
eius Tolofam. Poſt hæc receperunt ex parte co-  
mitis noſtri ſacramenta fidelitatis à ciuibus, &  
præceperunt eis vt diruerent muros ciuitatis: ac-

quieuerunt ciues licet inuiti nimiumque dolentes, & plus timore impulſi, quam amore inducti, cœperunt diruere muros ſuos. Ab illo igitur tēpore, humiliata eſt ſuperbia ciuitatis Tolofanæ. Igitur poſtquam legatus commendauit comiti noſtro caſtrū Fuxi, legatus ipſe & Ludouicus, & comes Mōtisfortis & peregrini omnes, perrexerunt & intrauerunt Tolofam. Inde Ludouicus & peregrini, peractō peregrinationis ſuæ termino videlicet 40. dierum, ad partes Franciæ redierūt. Legatus etiam exiens à Tolofa, venit Carcaſſonam, ibique expectauit per aliquos dies comitem Montis fortis. Comes autem nobilis, poſtquam paucos dies fecerat in Tolofa, venit Carcaſſonam ad legatum. Poſtquam igitur legatus in terra Albigenſium fecerat plures dies, & ſicut vir circūſpectus & prouidus, iniunctæ ſibi legationis officium laudabiliter fuerat exequutus, tota inſuper terra ſapedicta, de mandato ſummi pōtificis commendata erat nobili comiti Montis-fortis, deſcēdentique idem legatus in partes Prouinciæ, ad ſūmum Pontificem eſt reuerſus: Nobilis autem comes Montisfortis, proſecutus eſt legatum Carcaſſona, vſque ad S. Antonium prope Viennam. Inde perrexit legatus Romam, nobilis autem comes, poſtquam fecit in Prouincia paucos dies, ad partes reuerſus eſt Carcaſſonę, factiſque ibi paucis diebus, verſus partes Tolofanas & Aginnenſes ſetrāſtulit, vt viſiraret terras illas, & corrigeret corrigenda. Nec ſilendum, quod muri Tolofæ, pro magna parte, fuerant iam ſubuerſi. Poſt aliquot autem dies, Bernardus de Caſuacio, vir peſſimus

*Tolofani  
muri ab in-  
uitis ciuibus  
deſciuntur.*

& crudelis de quo ſupra fecimus mentionem, caſtrum quoddam in Petragoricenſi diœceſi, quod ipſius fuerat, & dicebatur caſtrum nouum, prodiſioſe recuperauit. Miles enim quidam Francigena, cui comes cuſtodiendum commiſerat caſtrum illud, minus ſufficienter illud munierat, ſed dimiſerat pene vacuum, quo audito, prædictus Bernardus, venit ad caſtrum & obſedit illud, ſtatim cœpit, militesque qui ibi erant morte patibuli condemnauit.

---

*Concilium Lateranenſe celebratur, in quo  
Comitatus Tolofanus, Simons co-  
miti commendatus, decreto  
Concilij eidem cōceditur.*

Cap. LXXXIII.

**A**Nno verbi incarnati 1215. menſe Nouembri, D. Papa Innocentius 3. conuocatis Patriarchis, Archiepiſcopis, Epiſcopis, Abbatibus & alijs Eccleſiarum Prælatiſ, in Lateranenſi Eccleſia, celebrauit in vrbe Roma generale Concilium & ſolemne. Inter alia quæ ordinata fuerunt in Concilio & ſtatuta, tractatum fuit de negotio fidei contra Albigenſes: venerat etenim ad Concilium, Raimundus quondam comes Tolofanus & filius eius: comes etiam Faxi, pacis & fidei maniſeſtiſſimi turbatores, ſupplicaturi Concilio, pro recuperatione terræ ſuæ, quam perdiderant, diuina diſponente cenſura, ſuffragante auxilio ſignatorum. Comes vero nobilis Montis-ſortis, illuc fratrem ſuum germanum, Guidonem de



Monte-forti, alioſque fideles nuncios & diſcretos. Verum quidem eſt, quod fuerunt ibi aliqui, etiam quod eſt grauius de prælatis, qui negotio fidei aduerſi, pro reſtitutione dictorum comitum laborabant, ſed non præualuit conſilium Architoſel, fruſtratum eſt deſiderium malignorum. Dominus etenim Papa approbante pro maiori parte & ſaniori ſacroſancto Concilio, in hunc modum ordinauit de negotio memorato. Statuit ſiquidem & prouidit, quod Tolofa ciuitas, & alie terræ à cruce-ſignatis obtentæ, concederentur comiti Montis-fortis, qui in prædicto negotio, viriliter & fideliter laborauit ſupra omnes terram vero quam comes Tolofanus habuerat in Prouincia, cuſtodiri voluit ſummus pontifex, vt de illa fieret prouiſio in parte vel in toto, filio dicti comitis Tolofani, ſi tamen per certa fidelitatis & bonæ conuerſationis indicia oſtenderet, ſe miſericordiæ dignum eſſe. Sed quam male prædicta ſe habuerint, & qualiter miſericordiam in durum ſibi cōuertit iudiciū, in ſequentibus oſtendemus. Poſt reditum nunciorum ſuorum à Concilio, comes Montis fortis, de prælatorum terræ Albigenſis, & baronum ſuorum conſilio, perrexit in Franciam ad Dominum ſuum Regem, vt ab eo terram reciperet, quæ de feudo eius erat. quantus autem honor ei exhibitus in Francia nec à nobis ſcribi, nec ab audiente de facili, credi poſſet; in quamcumque enim ciuitatem, caſtellum, ſeu villam intrabat, exhibant ei obuiam cum proceſſione clerus & populus, clamantes & dicentes. *Benedictus qui venit in nomine Domini*, tantaque & talis

*Epifcopi nō-  
nulli pro ha-  
reticis inde-  
core ſuppli-  
cans.*

erat pia & religioſa deuotio populi, quod beatum ſe eſſe dicebat, qui eius poterat tangere ſimbriam veſtimenti. Veniens comes ad regem, ab eo benigniſſime & honorifice eſt ſuſceptus. Poſt iocunda vero gratæ familiaritatis colloquia, rex inueſtiuit comitem & confirmauit ducatum Narbonæ, Tolofani, ei & hæredibus eius: totam etiam terram, quam in feudo eius acquiſierant cruce-ſignati, contra hæreticos & defenſores eorum. Cum eſſet nobilis comes in Francia, Raimundus filius Raimundi P. quondam comitis Tolofæ puer ſed non à purelitate, imo potius à ſtultitia, mādatis apoſtolicis per omnia veniens ex aduerſo, ſpreta inſuper illa magna gratia, & copioſa miſericordia, quam ei ſedes apoſt. fecerat licet indigno, ad partes Prouinciales acceſſit, & facta coniuratione contra Deum & iura ciuilia & canonica, cum Auinionenſibus, & Taraconenſibus, & Maſſilienſibus, conſilio & auxilio quorundam nobilium Prouinciæ, occupauit terram illam, quam de commendatione D. Papæ, cuſtodiebat nobilis comes Montis fortis. Occupata terra trans Rodanum, venit ad quoddam nobiliſſimum caſtrum in regno Franciæ, in diœceſi Arelatenſi, in ripa Rhodani fluuii magni ſitum. Caſtrum illud fuerat comitis Tolofæ, ſed Eccleſia Romana illud conceſſerat, & rex confirmauerat comiti Montis-fortis, nec non & archiepiſcopus Arelatēſis, cuius eſt minus dominium eiufdem caſtri, eidem comiti vt vaſſalo in feudum conceſſerat, & ab eo hominium acceperat pro eodem caſtro. Veniens dictus Raimundus \* Belli-

\* *Beaucaire*

quadrum, vocatus ab hominibus eiufdem caſtri, qui noſtro comiti hominium fecerant, in burgum eſt receptus. Statim confluentibus ad eum quibuſdam nobilibus prouinciæ, ciuibus & Auinionenſibus & Maſſilienſibus, Burgenſibus inſuper Tarasconenſibus, uiris perfidis & malignis, Senefchallum comitis Montis-fortis, militeſque & ſeruientes, qui cum dicto Senefchallo munitio- nem ſeruabant, in ipſa munitione obſedit, cœpit- que acriter impugnare. Quo audito, Guido frater comitis Mōtis-fortis, & Almaricus ipſius comitis primogenitus, cæterique Barones comitis & milites, qui erant in partibus Tolofanis, feſtinanter uenerunt verſus Bellicquadrum, ut ſuis ſi poſſent, ſuccurrerent obſeſſis. Erat autem cum eis, venerabilis epiſcopus Carcaſſonæ Guido, qui ſicut ſepediſtum eſt, erat in fidei negotio totus ardens. Interea comes nobiliſſimus Montis fortis, cum feſtinatione ueniebat à Francia: adducebat autem ſecum plures milites, quos magnis ſtendiis conductos traxerat à Francia. Properantes Guido frater comitis, & Almaricus filius eius, verſus Bellicadrum, uenerunt Nemaufum ciuitatem, quæ diſtat à caſtro Bellicadri ſpatio quatuor leugarum, & manſerunt ibi nocte vna. Facto autem mane, audita miſſa, facta confeſſione, & cōmunione dominici Sacramenti percepta, aſcenſis equis egrediuntur à Nemauſo, Bellicadrum properantes. Ibant autem parati ad bellum: hoc enim erat ſummum ipſorum & ſolum deſiderium, ſcilicet quod poſſent cum hoſtibus, capita-

lem habere congreſſum. Factum eſt autem dum eſſemus in via, dictum eſt nobis, quod prope publicam ſtratā, erat quoddam caſtrum Bellagarda nomine, quod reddiderat ſe hoſtibus noſtris, & etiam ipſam publicam ſtratam poterat plurimum infeſtare: ideoque de nobilium noſtrorum conſilio diuertimus ad caſtrum illud, quo ſtatim capto, ibi quieuiſmus nocte illa. In craſtino ſummo diluculo audita miſſa, exiuiſmus à caſtro illo, Bellicadrum properantes. Ibant autem noſtri parati ad bellum, tribus aciebus diſpoſitis, in nomine Trinitatis. Venientes autem noſtri ante caſtrum Bellicadri, inuenimus infinitam hominum multitudinem, qui milites & ſeruientes noſtros in caſtri munitione obſeſſos tenebant: ſed cum eſſent infiniti hoſtes, noſtri vero reſpectu eorum pauci, non tamen auſi ſunt exire inferiores muros caſtri, licet noſtri ante muros diutiſſime ſtantes eos ad prælium inuitarent. Videntes noſtri, quod non exirent hoſtes ad dimicandum contra eos, poſtquam expectauerant eos & inuitauerant ad exeundum, reuerſi ſunt ad caſtrum Bellegarda, vnde venerant die altero reuerſuri. Dum autem eſſemus apud Bellamgardam, comes nobilis Montis fortis, rediens à Francia, properanſque Bellicadrum, venit Nemauſum. In craſtino ſummo manè, mouit comes à Nemauſo, & nos à Bellagarda, venientesque ante Bellicadrum, comes ex vna parte, & nos ex altera, ipſos obſedimus obſeſſores. Videns Filius quondam comitis Tolofani, quod comes Montis fortis, obſediſſet Bellicadrum, conuocauit quoscumque potuit, Aui-

nionenſes, Tarasconēſes, Volobercenſes & multos alios de vicinis caſtellis & gentem perfidiam, gentem apoſtatan-tem, hi enim in vnum congregati, contra Deum & athletam Chriſti, ſcilicet comitem Montis fortis, obſeſſos noſtros qui erant in muntione, quanrū poterant infeſtabant, non enim ſolummodo obſederamus Bellicadrū, ſed ciuitates & caſtella ſupradicta, imo prouinciam fere totam: fecerant autem hoſtes circa munitionem à parte exteriori murum & foſſatum, ne noſtri ad munitionem accedere poſſent, ipſā præterea munitionem cum machinis quæ dicuntur perrariæ acriter infeſtabant, crebros præterea & duros inſultus, noſtris qui erant in munitione faciebant, ſed noſtri ſe viriliter ac mirabiliter defendebant, & ex eis plurimos occidebant. Fecerunt hoſtes ari-erem miræ magnitudinis, quam applicantes ad murum munitionis, ipſum murum fortiter concuriebant. Noſtri vero, per miræ prohibitatis & ſubtilitatis artificia, ita impediēbār iectus arieris, quod in nullo, vel in modico, debilitauerunt murum. Fecerunt etiam aduerſarij multas & alias multimodas machinas, ſed noſtri obſeſſi omnes combuſſerunt: comes autem nobilis Montisfortis, cum multo discrimine & expenſis, foris tenebat obſidionem, tota quippe terta in circuitu, corruerat viam ſuam: non enim poteramus habere victualia ad opus exercitus, niſi à villa S. Ægidij, & à Nemaſo. Opporte-  
bat etiam, quod quando volebamus, habere victualia à duabus vil-  
lis, mitterentur milites, qui armati conducerent eos, qui victualia deſerebant. Opporte-  
bat inſu-

per quod ſine intermiſſione, tam die quam nocte, tertia pars militum exercitus armata eſſet, tum quia timebatur, ne hoſtes ſubito in exercitum irruerent inſperati, quod tamen nunquam auſi ſunt attentare, tum propter machinas cuſtodiendas. Parari etiam fecerat comes nobilis petrariam, quę iaciebat ad primum murum burgi, non enim poterat habere plures machinas, quia non habebat milites, qui traherent eas, pauciſſimos habebat milites indigenas, & illi tepidi erant & trepidi, & in modico, vel in nullo, exercitui Chriſti proficientes. Illi vero qui erant à parte aduerſa, animoſi erant & audaces. Nec ſilendum, quod quando hoſtes, aliquos de noſtris capere poterant, ſiue clerici eſſent, ſiue laici, morte turpiſſima condēnabant, poſtquam enim ſuſpenderant eos, alios occidebant, alios membris truncabant. O bellum ignobile, ô confuſa victoria. Quadam die cœperunt quemdam militem de noſtris, captum occiderunt, occiſum ſuſpenderunt, ſuſpenſo manus & pedes abſtulerunt. O crudelitas inaudita. Pedes inſuper militis quos abſciderāt, proiecerunt in munitionem cum Mangonello, vt ita terrerent, & irritarent obſeſſos noſtros. Interea Raimundus quondam comes Tolofæ, diſcurrebat per Cathaloniam & Arragoniam, adunando quos poterat milites, vt eorum auxilio intraret terram noſtram, & occuparet Tolofam. Ciues autem Tolofani nequam & infideles, parati erant eum recipere, ſi veniret. Inſuper obſeſſis noſtris qui erant in Belli-cadro, victualia defecerunt, nunquam enim poſſent eos capere hoſtes, ſi ad ſuſtentationem ſolū-

modo haberent victum: ſignificata eſt comiti noſtro, ſuorum inopia obſeſſorum, qui in multa anxietate poſitus, quid ageret nesciebat, nec enim ſuos obſeſſos poterat liberare, nec vlla ratione volebat, expoſitos morti dimittere. Tolofana inſuper ciuitas, & alix terræ quas tenebat, erant in ſumo perditionis periculo. His omnibus diligenter conſideratis, laborare cœpit comes nobilis & fidelis, quomodo obſeſſos ſuos, liberare poſſet & habere. Quid plura? loquuntur noſtri per interpoſitas perſonas cum hoſtibus, fit talis diſpoſitio, ne expoſitionem dicamus. Ordinatur, quod obſeſſi noſtri, dimitterent hoſtibus munitionem\* Bellicadri, ita quod dimitterēt eos aduerſarii exire cum ſuppelleſtili ſua tota, factumque eſt ita. Si quis autem conſideret huius obſidionis circumſtantias, licet nobilis comes de captione Bellicadri, non habuerit victoriam, tamen fidelis nobilitatis, & nobiliſſimæ fidelitatis inſignia reportauit. Recedens nobilis comes cum ſuis: b obſidione Bellicadri, venit Nemauſum, ibique dimittens equites, qui cuſtodiētes ciuitatem etiā diſcurrerent per terram, ipſe properauit Tolofam, quod audiens Raimundus quondam comes Tolofæ, qui & ipſe veniebat ad occupandam Tolofam conſuſus auſugit. Accedens comes Tolofam, præmiſit quorſdam de militibus ſuis in ciuitatem, ciues autem perfidi & ad proditionem parati, cœperunt illos, & in vna domo tenuerunt incluſos: quod audiens comes, iratus & miratus eſt valde, vidensque quod Tolofani vellent reſiſtere, fecit ignem apponi in parte ciuitatis, ciues autem fugerunt in

\* Beaucaire.

burgum adhuc volentes resistere : sed videntes quod comes vellet eos aggredi per insultum , timore ducti , exposuerunt se & ciuitatem eius per omnia voluntati : comes vero muros & turres ciuitatis, funditus euerti fecit : insuper & de ciuibus obsides habuit, quos in castris suis posuit custodiendos. Interca homines S. Ægidij apostatae & infideles, receperunt in villam suam, filium quondam comitis Tolosæ, contra abbatis & monachorum voluntatē, quod videntes ipse abbas & monachi, extrahentes de ecclesia corpus Christi de villa nudis pedibus exierunt, villam ipsam interdicto & anathemati supponentes. Peractis comes nobilis apud Tolosam aliquantis diebus, iuit in vasconiam, ibique contractum est matrimonium inter Guidonem fratrem ipsius comitis qui erat secundus natus & Comitissam Bigoriæ, & post paucos dies, comes rediit Tolosam.

---

*Obsidio Montis Grenarij.*

*Cap. LXXXIII.*

**E**O tempore, ille negotij Iesu-Christi hostis antiquus & persecutor indefessus comes Fuxi, mandatis summi pontificis & generalis Concilii secundi, super pace vel saltem treugis, per quindennium obseruandis, veniens ex aduerso, munitiorem quandam extruxerat prope Fuxum quæ Mōs Grenarius dicebatur. Erat autem dicta munitio, in altissimi summitate montis fundata, & quantū ad humanam æstimationem, non solum inexpugnabilis, sed quasi inaccessibleis videbatur, ibi ha-



bitabant turbatores pacis & fidei ſubuerſores, ibi hoſtes eccleſiæ habebant refugium & recurſum. Audiens comes nobilis Montis-ſortis, quod per munitionem ſæpeditam, damna multa & grauiæ prouenirent, quod niſi feſtinanter periculo occurreret imminenti, damnicari poſſet incomparabiliter negotium Ieſu Chriſti, obſidere propoſuit munitionem ſæpius nominatam.

Anno igitur verbi incarnati 1216. 8. Id. Febr. Mōtem Grenarium, obſedit comes fortiſſimus Montis-ſortis. Erat autē in munitione illa Roge-rius Bernardi filius comitis Fuxēſis, nō degenerans ab iniquitate paterna, plures erant milites & ſer- uientes cum eo: non enim credebat, quod aliquis mortalium, Montem Grenarium non ſolum ca- pere poſſet, ſed etiam tali tempore obſidere aude- ret: ſicut enim diximus, in montanis altiſſimis & frigidiſſimis ſitus erat, hyemps adhuc erat, quæ in locis illis ſolet aſperius dominari, ſed fortiſſimus comes, fidens in illo, qui aquis & ventis imperat, & cum tentationibus dat prouentum, non veri- tus ventorum turbinem, non aſperitatem niuium, non pluuiæ abundantiam expauſcens, in luto & frigore obſidionem ſuam firmans, caſtrum ob- ſeſſum cœpit fortiter impugnare, illi de caſtro ſe-  
*Monsgrenar-  
 rius oppre-  
 gnatus*

defēdere toto niſu. Et quia omnes huius obſidio- nis difficultates & argutias, vix poſſemus per or- dinem enarrare, iſtud breuiter dicimus, quod to- tus illius obſidionis ſtatus, non tam labor, quam martyr- ium debeat appellari. Poſt multos autem dies, obſeſſis aqua defecit, & deficientibus etiam victualibus, defecit eis animus reſiſtendi. Obſeſ-

fores autem noſtri licet cum difficultate maxima, ita die noctuque, omnes aditus obſtruebāt, quod obſeſſi, nec victualia inferre poterāt in caſtrum, nec audebant deſcendere ad hauriendum aquam. His afflicti anguſtiis, locuntur de redditione caſtri, veruntamen noſtri, non plene ſciebant ſtatū eorum, vnde facilius petitio ni eorum aſſenſerunt. Modus autem redditionis quem aduerſarii offerebant, talis erat. Offerebant, quod redderent comiti caſtrum, dummodo permitterentur abire cū armis ſuis. Exit de caſtro Rogerius Bernardi cum ſuis: iuravit autem Rogerius comiti, quod per vnum annum, non faceret ei guerram, quod iuramentum, quam male ſeruauerit, in ſequentibus oſtendemus. Redditum eſt caſtrum in vigilia dominicæ reſurrectionis. Statim comes nobilis caſtrum ſeruientibus muniuit, & poſt hæc, perrexit Carcaſſonam, erant autem caſtra quædam in diœceſi Narbonenſi & prope Termas, in quibus habitabant \* ruptarii, qui peccatis exigentibus, fuerant de terris ſuis expulſi. Iuit comes ad partes illas, & ex caſtris illis, quædam vi cœpit, quædam

\* Hoc vocabulum Ruptarij, in huius historia versione gallica exponitur

Bādoulliers vel Routiers, ubi ſumi videtur, pro militibus gregarijs, qui excuſſionibus, vias infeſtas habebant, obuios diſcingebant & compilabant, desperata homines ad omne facinus audacia. Nec temere aduci poſſe videtur, illud verbum gallicum Routiers, à populari voce, qua noſtrates utuntur Routes, ſunt enim ſemitæ in ſaltribus, in quibus non raro caſtrenſes viri ſubſident & inſidioſe latitant, ut viatores incautos inuadant, aut militibus hoſtiles copias ex improuiſo adorianſur. Frequens hoc vocabulum in Froiſſartis historia, nec adeo ſiniſtre ab eo uſurpatum, ſed potius pro militibus obſcuro generis & ignobilibus qui in bello, effrenatiori ad omnē libidinē & flagitium licentia, quam nobiles effundi ſolent, ſemper in preſidijs ad caſtellarum cuſtodiam; qui denique totam vitam in bello caſtrisque inter arma degunt.

ſine conditione aliqua reddiderunt. His rite geſtis, peruenit comes nobilis, verſus partes Prouincia, ad diœceſim videlicet Nemaufenſem, villa ſiquidem S. Ægidii, inito mortis fœdere, cum Auinionenſibus & Bellicadrenſibus, & plura caſtra dictæ diœceſis, ipſo anno recedentes à Deo & ab eccleſia reddiderât Raimundo, filio Raimundi quondam comitis Tolofani. Cum vero comes nobilis, cauſa peregrinationis, & de volûtate abbatis, qui plenum habet dominium in dicta villa, ad villam S. Ægidii perueniſſet, non eſt admiſſus ab hominibus eiufdem villæ, ſed appellantes ad Dominum B. Cardinalem, portas villæ clauserunt: ſed comes noſter, ſicut vir humilis & deuotus appellationi deferens, inde receſſit: venerat enim in Prouincia ipſo tempore, Magiſter Bertrandus, tituli SS. Ioannis & Pauli præſbiter Cardinalis, apoſt. ſedis legatus, vir multæ ſcientiæ & probitatis immenſæ, miſſus à ſummo Pontifice, vt in Prouincia Viennenſi, Arelatenſi, Aquis, Ebredunenſi, Narbonenſi, quæ pacis ſunt & fidei ordinaret, erat autem trans Rhodanum in Arauſica\* ciuitate. Ciues autem Auinionenſes & Maſſilienſes, & homines villæ S. Ægidii, & Bellicadrenſes, & Tarraſconenſes, dati in reprobum ſenſum, & verſi in apoſtaſiam, obedire volebant. Interea comes nobilis Montis fortis, caſtra quæ apoſtatauerant ipſo anno ſicut prædiximus in diœceſi Nemaufenſi, fortiter impugnabat. Venerant autem in eius auxilium, Girardus Bituricēſis archiepiſcopus, & Robertus Claromōtenſis epicoſopus viri potentes, qui anno præcedenti, cru-

\* Orange.

cem assumpserant, contra turbatores pacis, & fidei subuersores. Venerunt autem cum eis, milites & seruientes quamplures, quorum auxilio suffultus comes, obsedit quoddam castrum prope villam S. Ægidii quod Postquarie nuncupatur: quo capto in breui, obsedit aliud castrum, quod Brimicium appellatur, quod viriliter impugnans, potenter expugnauit, multosque de hominibus castri, pro meritis, patibulis suspendit, quæ res, apostatas omnes de terra illa, adeo perterritum, quod dati in stuporem, castra omnia in quibus habitabant, fugientes à facie comitis, vacua dimiserunt, in tota enim terra illa citra Rhodanum, vix remansit qui resisteret comiti, præter villam S. Ægidii & Bellicadrum, & aliæ munitiones paucissimæ. His gestis, descendit comes versus villam super Rodanum, quæ dicitur portus S. Saturnini, Cardinalis autem transiit Rodanum versus Viuariam ciuitatem, volens videre comitem, & cum eo habere colloquium super negotio Iesu-Christi, non enim erat liber transitus in aliquo viciniore loco per Rodanum, quod Auinionenses & alij hostes fidei, impedirent propositum & conatum, qui sicut ipse conquerebatur, eum quodammodo obsessum tenuerant in Arausica ciuitate, & venit ad S. Saturninum, vbi inter alias iniurias, quas fecerunt ipsi legato inimici fidei atque pacis, hæc fuit non modica, quod cum ipse legatus sederet cum multis clericis & laicis in aspectu Rodani, subito inimici Dei qui portum munierant, in personam legati, septem & octo emisserunt quarellos, Deo ipsum conseruante illæsum, tamen \* tractarius Papæ qui ibi aderat, vulg

*Descendit comes in provinciam.*

\* *id est cur*

neratus eſt. Comes autem cum exultatione & feſtinatione maxima, venit ibidem ad legatum. *for Gallicè le Courier,*  
 Quantum autem honorem exhibuit comes Chriſtianiſſimus Cardinali, non eſſet facile explicare. Circa idem tempus, archiepiſcopus Bituricenſis & epiſcopus Claromontenſis, peracto ſua peregrinationis termino, videlicet 40. dierum, ad propria remearunt: comes vero noſter, turrem Draconeti fortiſſimam, ſuper ripam Rodani ſitam obſedit viriliter, cœpit & funditus diſſipauit, captis illis omnibus qui intus erant & vinculis mancipatis: ad hoc autem turris facta fuerat, vt eſſet ſpe-  
 lunca latronum, peregrinos & alios ſpoliantium, tam per terram, quam per Rodanum tranſeuntibus. Poſt hæc omnia, fuit Cardinalis conſilium & voluntas, vt nobilis comes tranſiret Rodanum, & in prouinciæ partibus, pacis compeſceret turbato-  
 res: Raimundus enim filius quondã comitis To-  
 loſani, & Ademarus Pictauienſis, & complices eorundem, negotium pacis & fidei in partibus illis, totis niſibus perturbabant. Obediuit comes nobilis Cardinali, & fecit ſibi parari apud Viua-  
 riam nauiculas, vt Rodanum tranſiret: quod audientes aduerſarij ipſius, conuenerunt in vnum per terram, vt eis tranſitum impedirent: ſed & Auinionenſes venientes per Rodanum cum nauibus valde munitis, propoſuerunt comiti tranſitum prohibere: ſed cum pauciſſimos de militibus comitis tranſire viderent, diuino miraculo verſi in timorem, fugæ præſidia quaſierunt: ſed & omnes qui de terra illa, adhærebant aduerſarijs comitis, tantus terror inuaſit, quod caſtra multa & fortia

*Comes Rhodanum tra-  
 ixit.*

dimiſerunt. Tranſiuit igitur comes nobilis cum ſuis, & venit ad caſtrum quod dicitur Montilium: Cardinalis autem tranſiuit cum eo de cuius volū- tate & mandato, comes omnia faciebat, Guital- dus autem Ademari, qui erat dominus Montilii pro maiori parte, erat cum aduerſariis comitis, cū eſſet ligius homo D. Papæ, nec requiſitus, voluit dictum caſtrum reddere Cardinali, quod recepta- culum fecerat hæreticorum, ſed homines de ca- ſtro receperunt comitem: quidam enim miles, cō- ſanguineus dicti G. qui erat alter dominus Mon- tilii, adhærebat & ſemper adhæſerat comiti. Per- actis comes apud Montilium paucis diebus, per- rexit ad obſidendum quoddam caſtrū in diœceſi Valentina, quod dicitur Greſtal, & erat Ademari Piſtauenſis. Ademarus autem ſicut iam diximus, aduerſabatur comiti Montis-ſortis & multum perſecutus fuerat epiſcopum Valentinum: ciuitas enim Valentia adhærebat, & ſemper adhæſerat comiti memorato. Veniens comes ad caſtrum Greſtæ, obſedit illud. Erat caſtrum nobiliſſimum & fortiſſimum & militibus & ſeruiſſimis bene munitum: firmata obſidione, cœpit comes caſtrū fortiter impugnare, obſeſſi defendere ſe pro viri- bus. Erant autē cum comite, plures de Epiſcopis illius terre, & milites Frācigenæ quos Rex ei Phi- lippus per ſex meſes ſeruituros miſerat ferme centum. Et dum eſſet comes in obſidione illa, tē- tatum fuit de compoſitione & pace facienda, in- ter comitem & Ademaram Piſtauenſem. Poſt multa autem verba longumque tractatum, firma- ta eſt compoſitio inter comitem & dictum Ade-

marum, promiſſumque eſt ab utroque firmiter, quod filius Ademari, haberet filiam comitiſ in vxorem. Tradidit etiam Ademarus quædam caſtra pro ſecuritate, quod de cætero comitem nullatenus impugnaret. Quidam prætere a nobilis de terra illa nomine Draconetus, qui anno præterito receſſerat à comite reddidit ſe ei. Facta eſt inſuper compoſitio & pax inter Episcopum Valentia, & ſæpeditum Ademarum. Dum igitur Dominus Ieſus, negotium ſuum ita miraculoſe in partibus illis promoueret, antiquus hoſtis videns impedire voluit, quod doluit promoueri. Eiſdem ſequidem diebus, ciues Tolofani, imo dicamus melius Dolofani, inſtinctu diabolico agitati, apoſtatantes à Deo & ab eccleſia, & recedentes à comite Montis-fortis, receperunt in ciuitatem ſuam, Raimundum quondam comitem & Dominum ſuum, qui meritis exigentibus, exhæredatus fuerat, auctoritate ſummi Pontificis, imo generalis Concilii Lateranenſis ſecundi. Nobilis autem Comitiffa, vxor comitis Montis-fortis, & vxores Guidonis Fratris ſui, & Almarici & Guidonis Filiorum, & multi filii & filia, tam comitis, quam fratris ſui, erant in munitione Tolofa, quæ dicitur caſtrum Narbonenſe. Statim dictus Raimundus & Rogerius Bernardi filius comitis Fuxi, & quidam alii qui cum eo venerant, ciueſque Tolofa, cœperunt die noctuque munire Tolofam multis repagulis & foſſatis. Audito nuncio de proditione Tolofa, Guido de Monteforti frater comitis, & Guido filius eiſdem comitis & plures milites cum eiſ, quos comes dimi-

ſerat in partibus Carcaſſonæ, vt cuſtodirent terram, cum feſtinatione perrexerunt Tolofam, & miſerunt ſe in munitionem prædictam, vbi erat Comitiffa in domibus forinſecus, ne aduerſarii à parte exteriori obſiderent munitionem.

*Secunda Tolofæ obſidio.*

*Cap. LXXXV.*

*Tolofani re-  
bellant & à  
comite obſi-  
dentur.*

*\* Forte fati-  
dici.*

**A**Vdiens comes nobilis apoſtataſſe Tolofam, tranſiit Rodanum & rediit feſtinanter: Cardinalis autem tranſiit cum eo. Venientes igitur Tolofam Cardinalis & comes, obſederunt eā an. 1217. Erat enim ciuitas maxima & populofa valde, & ruptarii & \* faidici, & multi alii qui antea inimici erant oculi comitis Montis-fortis, ſe receperunt in eam, vt eam defenderent, contra Deum, comitem & eccleſiam ſanctam, pro qua comes nobilis totis viribus laborabat. In dicta enim proditione, multi caſtra multique nobiles circa Tolofam, conſenſerant, Valentiam loco & tempore promittentes. Cum autem comes nobilis veniſſet cum ſuis ad foſſata Tolofæ, volens per inſultum capere ciuitatem, repulſus eſt à ciuibus violenter, fixitque ſua tētoria iuxta caſtrum Narbonenſe. Sed cum Tolofa, obſideri cum effectu non poſſet niſi vltra fluuium Garonam, qui à parte Vaſconia, Tolofam vallabat, eſſet exercitus, qui exitum Tolofanis defenderet, qui per duos pontes ſuper ipſum fluuium eiſdem patebat, tranſiit vltra comes cum multis, multis etiam citra dimiſſis cum filio ſuo Almarico: fuit illic comes



nobilis aliquantis diebus, tandē intelligens, quod exercitus Almarici non eſſet ſufficiens ad reſiſtēdum inimicis, tranſiuit fluvium, vt de duobus inualidis, vnus fieret exercitus validus & ſecurus. Sed miraculum, quod Deus fecit in ipſo tranſitu, non omitemus, vt ſemper & in omnibus magnificetur Deus: dum enim ipſe comes Montis fortis, totus armatus, & in equo armato, nauem intrare vellet, in flumen cecidit, vbi aqua profundifſima cernebatur: qui cum non appareret, timor & tremor & planctus nimius, noſtros tenuit vniuerſos. Rachel plorat filium, infernus doleſe exultās vlulat, noſtros appellat orphanos viuo patre: ſed quia ad preces Helix, ſecurim in aqua ſupernatare voluit, noſtrum de aquæ abyſſo leuauit principem, manus coniunctas ad cælum deuotiſſime extendentem, quem noſtri de nauigio cum gaudio ſuſcipiunt, & ſanctę matri eccleſiæ ſeruant incolumen, pro qua ſe opponebat obicem dictus comes. O ineffabilis clementia ſaluatoris. Interim Tolotani, machinas multas, petrarias & Mangonellos erigunt, vt & caſtrum Narbonenſe præcipitent, & Bertrandum Cardinalem apoſt. ſedis legatum lapidibus obruerent, & eius ſocios, & in eo Romanam eccleſiam lapidarent. O quoties dictus Cardinalis mori ibidem timuit, qui tanquā vir prouidus, pro negotio Ieſu Chriſti, viuere minime reſuſcit. Eodem tempore comes nobilis hoſtagia ab hominibus de Monte albano accepit, eo quod ſuſpecti habebantur, ne cum Tolotanis fraudem facerent contra pacem: melinquam illi portabant in ore, ſed fel conceptum geſtabant

*Comes Montis fortis in fluvium delapſus, miraculoſe incolomis euadit.*

in corde, quod comparuit ex poſt facto, quia cum Senefchalus Aginſenſis ex parte comitis Montifortis & epifcopus Lectorenſis veniſſent Montē albanum, & nocte illa dormiſſent ſecure, ecce illi de Monte-albano Tolofam miſerant, vt Raimū-  
 dus quondam comes cum Tolofanis ad caſtrum accederent, & eis Senefchallum redderent, & ſocios interfecerent vniuerſos : qui Raimundus, quingentos præmiſit armatos, qui in illa eadem nocte intrantes caſtrum, prope enim erat Tolofā, cum conſilio illorum de caſtro, qui erant ad tria millia & amplius, plateas obſtaculis munierunt, & ad hoſtia domorum, vbi Senefchallus & eius iacebant ſocii armatos pro cuſtodibus poſuerunt, ne illi euaderent, nihilominus ligna plurima oſtijs apponentes, vt ſi aliter capi non poſſent, igne per-  
 nitus conſumerentur : quo facto exclamant Tolofani, clāgunt buccinæ, fit metus & ſtrepitus magnus, ſurgunt Francigenæ ſomnolenti & ſtupidi, non de viribus confidentes, ſed de ſolo Dei adiutorio præſumentes, armant ſe ſubito, & licet diſperſi per caſtrum, omnes tangit vna voluntas, vna fides in domino, vna ſpes triumphandi rexeunt de domibus inuitis hoſtibus, in quos more leonis irruunt impatientes. Hoſtes fugiunt, quidam in laqueos incidunt quos fecerunt, quidam de muris ſe præcipitant, licet à nemine fugarentur. Omnia fere mobilia noſtri capiunt, cætera incendio conſumuntur.

*Mōt albani,  
 Senefchallū  
 comitis pro-  
 ditorie aggre-  
 diuntur.*

*Toloſani obſeſſi in obſeſſores impetum faciunt.*

*Nobilis comes à Montefortii, poſtridiè na-  
tinit. S. Ioan. Bapt. interiinitur.*

*Cap LXXXVI.*

**C**Vin comes nobilis in obſidione Toloſæ, iam  
periegiffet circiter nouem menſes, quadam  
die, videlicet in craſtino B. Ioannis Baptiſtæ, illi  
qui erant in Toloſa, ſummo ſe diluculo munierūt,  
vt dormientibus adhuc quibuſdam de noſtris, qui-  
buſdam in audienda celebratione diuinorum in-  
tentis, ipſi ſolita fraude, & inolita malignitate in-  
ſultum in nos facerent repentinum, & vt acrius  
improuiſos impeterent, vt vexarent crudelius ini-  
micos, ordinauerūt machinarū cuſtodia deputa-  
tos, quod quædam pars irrueret in noſtros, alii ex  
alia parte, in exercitum inſiliēt, quatinus noſtri,  
ſicut diximus immuniti, à parte duplici expugna-  
turi, ad obuiandū hoſtibus minus eſſent habiles &  
ad ſufferendum inſultum minus fortes. Nuncia-  
tum eſt comiti, quod hoſtes ſui ſe armauerant, &  
infra munitionem ſuam iuxta foſſam latebant: co-  
mes vero audiebat matutinas, quo audito rumo-  
re, ſua iuſſit arma parari, quibus indutus, vir chri-  
ſtianiffimus, ad eccleſiam, auditorus miſſam cum  
feſtinatione perrexit. Factum eſt autem, cum eſſet  
in eccleſia, & miſſa iam incœpta, oraret attentis-  
ſime vir deuotus, ecce multitudo maxima Tolo-  
fanorum, per meatus occultos, à foſſatis ſuis e-  
greſſi, eleuatis vexillis, cum maximo ſtrepitu &  
clangore, in noſtros, qui prope foſſatum cuſtodie-  
bant machinas, irruerunt: alij vero ex altera par-

te egreſſi, verſus exercitum, acies direxerant: factus eſt clamor in exercitu, noſtri ſe quam citius munierunt: verum antequam noſtri eſſent armati, illi pauci, à noſtris qui ſicut diximus, machinarũ & exercitus erant cuſtodie deputati, contra inimicos dimicantes, tot & tanta perſecutionum & vulnerum discrimina ſunt perpeſſi, quod non poſſet de facili æſtimari. In ipſo autem hoſtium egreſſu, venit nuncius ad comitem, qui miſſam ſicut diximus audiebat, ſollicitans eum, vt ſuis ſuccurreret indilatè, cui vir deuotus, ſine, inquit, diuina audire myſteria, & redemptionis noſtræ prius cernere ſacramentum: adhuc eo loquente, venit alter nuncius dicens feſtinate, ingrauatum eſt bellum, nec noſtri poſſunt diutius ſuſtinere: ad quæ vir Chriſtianiſſimus non exhibo, niſi prius meum videro redemptorem. Cum autem ſacerdos, ſacræ conſecrationis hoſtiam eleuaret ex more, vir deuotiſſimus flexis in terram genibus, ſed manibus eleuatis in cœlum, *Nunc dimittis, inquit, ſeruum tuum domine, ſecundum verbum tuum in pace, quia viderunt oculi mei ſalutare tuum.* Et addidit, *eamus, & ſi oportuerit moriamur pro illo, qui pro nobis dignatus eſt mori: his dictis, vir inuictiſſimus ad pugnam properauit. Ingrauebatur autem bellum vtrimque, pluresque hinc & inibi vulnerati fuerant & interfecti, ſed adueniente milite Ieſu-Chriſti, noſtris audacia & viribus duplicatis, aduerſarii omnes repulſi ſunt, & uſque ad foſſata, à noſtris viriliter ſunt retruſi. Retrahentes ſe comes & qui cum eo erant aliquantulum propter grandinem lapidum, & intolerabilem ruinã*

*Comes Mun-*  
*fortius mor-*  
*tis ſua præſa-*  
*gius.*

sagittarum, ſteterunt ante machinas cledis ante ſe poſitis, quibus ſe tuerentur, à lapidibus & ſagittis: inciebant ſiquidem hoſtes ſuper noſtros creberrimos lapides cum duobus trabuchetis, Mangonello & pluribus matafundis. Vnde illud quod ſequitur, quis ſcribere vel audire, quis inquam iſtud ſine dolore poterit recitare, quis ſine ſingultibus audire: quis inquam non reſoluatur & penitus liqueſcat, audiens contritam pauperũ vitã. Omnia quippe ſunt ipſo recumbente contrita, ipſo moriente mortua: ipſe etenim erat mœſtorum conſolatio, ipſe debiliũ fortitudo, ipſe in afflictione refrigerium, ipſe refugium miſerorum. deo lachrymabile propoſitum exequimur. Dum ſtaret comes fortiſſimus ſicut iam dictum eſt cum ſuis ante machinas ſuas, ne hoſtes denuo exirent, ad ſepediſſas machinas diruendas, ecce lapis Māgonello aduerſariorum proieſtus, percuffit in capite militem Ieſu Chriſti, qui iſtu lethali recepto, peſtus ſuum bis percutiens, Deoque & B. Virgini ſc commendans, mortem imitatus B. Stephani, & ipſius lapidatus in vrbe, \* cum ipſo in domino obdormiuit. Nec ſilendum, quod iſte fortiſſimus miles domini, imo ne fallamur glorioſiſſimus martyr Chriſti, poſtquam ex iſtu lapidis vulnus excepiſſet lethale, quinque à ſagittarijs vulnera receperat ad ſimilitudinem ſaluatoris, pro quo mortem patienter ſuſtinuit, cum quo poſt mortẽ vt credimus, fœliciter gloriatur & viuit. Cui ſucceſſit filius ſuus primogenitus Almaricus, iuuenis bonus & ſtrenuus, imitator per omnia bonitatis & ſtrenuitatis paternæ: cui milites omnes Franci-

*Simon comes  
iſtu lapidis  
interfeſtus.*

*\* Primariũ  
etenim tem-  
plum Tolosa-  
nũ, D. Ste-  
phano dicatũ  
eſt.*

genæ quibus terras dederat, ipsi sacramentum fidelitatis, & hominū præstiterunt. Post paucos autem dies, videns nouus comes, quod non posset diutius in Tolosa obsidionē tenere, tum quia audita morte comitis, multi de indigenis apostatæ pessimi recedebant ab eo & ecclesia, imo Christi hostibus se iungebant: tum quia exhaustus erat sumptibus, & victualia exercitui deficiebant, ac peregrini in terram suam redire volebant: ab obsidione recessit castrum resignans, quod tenere non poterat Narbonense & corpus primum apud Carcassonam curatum, more gallico exportauit.

Explicit historia de factis & triumphis  
memorabilibus, nobilis viri Domini  
Simonis Comitis de Monte-forti.

---

*Litteræ bullatæ & diplomata quæ sequuntur, scripta  
erant ad calcem alterius exemplaris huius  
historiæ, dignaque visa sunt quæ hic  
pariter inserantur.*

Litteræ Domini Innocentii Papæ 3. pro nobili viro ac strenuo, domino Simone comite Montis-fortis, de negotiis conquestæ, in monasterio Pruliani bullatæ.

**I**Nnocentius Episcopus seruus seruorum Dei, venerabilibus fratribus Antisiodorensi & Aurelianensi Episcopis, & dilecto filio Decano Antisiodorensi salutem & apost. benedictionem. Porrecta vobis dilecti filij nobilis viri Symonis comitis de Monte-forti petitio continebat:

quod cum principes, qui aduerſus perfidos Abigeos prælium Domini præliantes Carcaſſonam expugnauerunt, pecuniam & alia quæ inuenta fuerunt ibidem, ſuſtentationi eiufdem comitis, & aliorum ſecum remanentium deputaſſent: quidam ad ea fideliter obſeruanda, præſtito iuramento fuerunt electi, qui ad valentiam quinque milium librarum, de illis ſurripere præſumpſerunt: quapropter tam alegatis noſtris, quam ab ipſis Epiſcopis qui fuerunt cum ipſis, ſententia meruerunt excommunicationis aſtringi. Ideoque diſcretioni veſtræ, per apoſtolica ſcripta mandamus, quatinus ſententiam ipſam rationabiliter promulgatam, uſque ad ſatiffactionem idoneam, faciatis appellacione remotâ, firmiter obſeruari. Quod ſi nõ omnes his exequendis potueritis intereſſe, duo veſtrum ea nichilominus exequantur. Datum Laterani, 5. Id. No. uemb. pontif. noſtri anno 12.

---

Aliud eiufdem Innocentii Papæ diploma.

**I**Nnocentius Epiſcopus ſeruus ſeruatorum Dei, dilecto filio nobili viro A. & ciuibus Narbonenſibus ſalutem & apoſt. benedictionem. Gloriantes hæcenus in malicia, & in ſua iniquitate potentes, deſtruere tandem incipiens manus Dei, miraculoſe iam fecit eos de ſuis tabernaculis emigrare, dum eo terram populi ſui miſericorditer inundate peſtus hæreticæ prauitatis, quæ ſerpens vt cancer, prouinciam pene totam infecerat, mortificata depellitur, capitiſque in potentiffima manu ſua, numerofiſ caſtris & ciuitatibus, quas per poſſeſſos à ſe diabolus habitabat in locis expulſorum hæreticorum ſpiritus paracletico per repletos ab ipſo ſanctum habitaculum præparatur. Super quo laudes & gratias omnipotenti Deo referimus, qui in vna eadem-

que miſericordia ſua cauſa, duo dignatus eſt iuſtitie opera exercere, ita perfidis faciendo dignam ſuperuenire perniciem, vt quam multos fideles meritam ex ipſorum aſſequerentur exterminatione, mercedem cum & ſi eos in ſolo ſpiritu oris ſui potuiſſet quauddocumque conterere, ſuorum tamen exercitui ſignatorum in illorum contritione dignatus ſit ſalutis cauſam, imo ſaluationis occaſionem præbere, quoniam nuper ſub noſtrorum magiſterio legatorum de ipſis mirabiliter triumphante, dilectus filius nobilis vir Simon de Monte forti, vir vtique ſtrenuus & catholicus, terra à quibus illi depulſi ſunt, prouida eſt deliberatione præſectus, vt per prouidentiam eius in his quæ geſta ſunt vel gerenda, negotium pacis & fidei, poſſit ibidem efficacius promoueri. Quia igitur & ſi tanta pietatis negotia proſpere uſque proceſſerint, ſine tamen adhuc non ſunt neceſſario ſolidata, vniuerſitatē veſtrā rogandā duximus attentius & monendā, in remiſſionem vobis peccaminum iniungentes, quatinus ad reliquias huius peſtis penitus extirpandas ad ſimilitudinem hydrae, quæ locupletior fieri ſeretur damno caput, grauius poſſent, ſi neglectæ fuerint reuiniſcere, tam per vos quam per veſtra, obſequium Deo deuotum, & auxilium opportunum eccleſiæ impendatis ſcientes remiſſionem peccaminum, à Deo eiusque vicario vniuerſis indulgentiam, qui orthodoxæ fidei zelo ſuccenſi, ſe ad opus accinxerint huiusmodi pietatis, vt eis labor tam ſanctus ad operis ſatiſfactionem ſufficiat ſuper iſtis offenſis, pro quibus cordis contritionem, & oris confeſſionem veſtram obtulerint vero Deo. Quapropter expurgſimini boni filij, & ad palinam huius glorioſi certaminis feſtinate, piaque pœnitentia ducti, quantam ſecundis eius principis neglexeritis intereſſe, ſeliciffimi ſini, veſtram ſtudeatis & operam & preſentiam exhibere. Quia



cum euangelicus tributor, illis æqualiter retribuerit, qui nouissime venerunt in vineam, & qui primo, licet ij qui cœperunt, forſam amplius laborarint, precedentibus tamen atque ſequentibus, par merces, proportionate deuotione reddetur. Datum Laterani, Id. Nouemb. Pontif. noſtri anno 12.

---

Tertium eiufdem Innocentij diploma.

**I**nnocentius Episcopus ſeruus ſeruatorum Dei, dilectis filiis abbatibus, & alijs eccleſiarum prelatiſ, in partibus Narbonenſibus, Biterrenſibus, Carcaſſonenſibus, Tolosanſibus & Albigenſibus conſtitutiſ ſalutem & apoſt. benediſtionē. Optaueramus ut orthodoxæ fidei ſubuerſores, qui ſe in partibus veſtris, à communionē fidelium præſciderunt, non ſolum ea quæ ſua dicebant hæreticam præuſitatem imitando non perderent, ſed ad puritatem catholicam redeundo, robriſcū in charitate ac pace quæ veſtra ſūt etiam poſſiderent: verum quia propter impœnitens cor eorum ſuper iniquitates ſuas, Dominus de cœlo proſpexit ad exterminationem ſuam rerumque publicationem ſuarum, ſecundum conſtitutiones ciuiles & canonicas eſt proceſſū ut quæadmodum ſcriptum, impiorum ſpolia iuſti tollant, & diuitias theſauriſcent iuſti. Licet igitur ea quæ apud vos quidam hæretici depoſuiſſe dicuntur, ſicut & alia reſ eorum, pro conſiſcatis ſini merito computanda, quia tamen chriſtiana religio non eſt, ex occaſione legalium præceptorum, obtentu cupiditatis hoc fieri, quin potius cauſa debet correſtionis impleri: vniuerſitati veſtræ, per apoſtolica ſcripta præcipiendo mandamus, quatinus ea quæ penes vos, ab hæreticis ſunt depoſita, niſi forſan ad hoc præmoniti, ſine dilacione curauitint ad eccleſia vniuerſa-

tem redire, ut ſic de miſerationum Domini multitudine, ſic cum eis miſericorditer facienda, dilecto filio Simoni de Monte forti, cui terra, de huiusmodi peſtilentium ſordibus expiata, nouiter eſt commiſſa, cum conſilio & mandato legatorum noſtrorum, assignare ac tradere procuretis, in pios uſus pro publicis cuiusdem terræ utilitatibus expendenda. Datum Laterani, 4. Cal. Iulij, Pontif. noſtri anno 13.

---

Literæ Simonis comitis ſcriptæ in fauorem  
D. Dominici, ordinis fratrum præ-  
dicatorum inſtitutoris.

**S**imon Dei prouidentia Dux Narbonenſis, comes Tolosa & Leyceſtria, Biterris & Carcaſſona vice-comes, dilectis & fidelibus ſuis, Carcaſſonenſi & Agenenſi ſeneſchallis ſalutem & dilectionem. Mandamus uobis & præcipimus, quatinus omnes res & domos chariſſimi noſtri fratris Dominici canonici, ut propriis custodiatis & defendatis. Datum in obſidione Tolosa, Idibus Decembris.

---

Literæ Almarici comitis pro cœnobio Sancti-  
monialium de Pruliano ord. D. Do-  
minici Carcaſſon, diœceſis.

**N**ouerint uniuerſi præſentes pariter & futuri, quod nos Almaricus Dei prouidentia Dux Narbonenſis, Comes Tolosa, & Dominus Mōtis fortis, donamus titulo puræ & perpetuæ elemoſynæ Deo & conuentui ſancti monialium de Pruliano, quartonem quem capubamus in uinea, quam Petrus Yſarin contulit conuentui prætaxato, quod ut ratum ſit præſentem cartam fecimus, ſigilli noſtri munimine confirmari. Actū Carcaſſona, anno 1221. 15. Cal. Maij.

F I N I S.

INDEX RERVM ET VERBORVM  
*quæ in hac hiftoria continentur.*

A

- A**Bbates 12. Cifterc. Narbonenfem prouin-  
ciam ingrediuntur aduerfus hæreticos gla-  
dio spiritus decertaturi. pagina 20.  
**Ademar**us pictauienfis delphinas comitis Tolofæ  
maffecla. 260:  
**Agotus** fluuius. 122.  
**Aginnum** quæ olim parebat Regi anglie venit in  
potestatem Simonis comitis. 179.  
**Aimericus** montis regalis dominus nobilitate &  
opibus potentiſſimus. 73. Eius defectio ad ho-  
ſtes fidei 91. Laqueo vitam finiuit. 130.  
**Americus** Narbonæ dominus. 67.  
**Alaricus** Rex Gothicus patibulo ſuſpenſus. 2.  
**Albigenſium** portentofæ opiniones. 3. Vetus te-  
ſtamentum reiiciebant. 4. Mariam Magd.  
Chriſti concubinam dicebant. 4. duplicem  
Chriſtum aſſerebant 4. Romanam Eccleſiam  
non agnoſcebant. 5. Corporis Chriſti preſen-  
tiam in Euchariftia negabant. 5. nuptias im-  
probabant 5. Reſurrectionem corporum non  
admittebant. 5. Metemphycoſim introduce-  
bant. 5. Quidam eorum perfecti dicti, alii cre-  
dentes. 6. Campanas eccleſiarum deridebāt 8.  
inceſtuoſi. 8.  
**Almaricus** filius Simonis comitis militiæ autora-  
mentis inſignitur 232. nubit filiæ Delphini  
273. paternæ fortitudinis & virtutis imitator  
& ipſe comes Tolofæ. 321.

# INDEX.

S. Antonini abbas ad comitem Monfortium se confert.	62.
Altæ-ripæ castellum à Monfortio dirutum.	138.
Altipulli castrum in altis & pene inaccessis rupibus situm à Simone expugnatur.	171.
Arnaudus abbas Cister. 9. impie trucidatur.	70.
Arnaldus Cister. abbas fit archiep. Narbonens.	169.
Apamiense colloquium 20. Apamiæ castrum Monfortio paret. 62. Apamiensis conventus pro negotiis terræ conquistæ.	203.
Aragonum Rex comiti Monfortio minacibus verbis bellum indicit. 223. Cogitat diuortium cū vxore filia Montis pessulani comitis. 226. In pugna apud Murellū occiditur. 248.	
Autisiodorensis Episcopus comitis Raimundi consanguineus.	123.
Autisiodorens. decanus	187.
Auxitanus archiep. vir peruersus.	33.
B	
Balduinus hæresiarcha.	11.
Balduinus comes Flandriæ.	54.
Balduinus frater comitis Raimundi ad gremium ecclesiæ redit 134. indignissime recte necatur.	266.
Barri supra sequanam comes.	41.
Benatium castrum.	283.
Bernardus de Cimorra famosus hæreticus	22.
Bernardus Carcassonæ episcopus.	137.
Bertrandus Card. legatus.	311.
Biterris catholicos doctores suscipit.	12.
Biterrenses vice-comitem suum trucidant.	42.

# INDEX.

Biterrensi Episcopo dentes confringunt.	142.
Biterris excidium miraculose prædicitur	42. in-
uaditur flamma ferroque vastatur.	44.
Bolbona cœnobium cisterciense	242.
Boucolium castrum.	260.
Brom castrum comes Simon occupat.	77.
Bucardus de Marliaco.	65.

## C

Cabareti castrum frustra obsessum.	61.
Caput stagni castrum.	67.
Capdeciacum latronum receptaculum occupa-	
tur.	285.
Carcassonenses in orthodoxa fide confirmantur	
12. Carcassonæ situs munitio & obsidio.	47.
eiusdem deditio.	49. Berengarii Carcassonæ
Episcopi vaticinium de vrbe ipsius excidio	
euentu verissimum	49. A Carcassonensibus
quos libere increpabat vrbe expellitur.	49.
Casa frondea vbi sacrum celebratum, admoto	
licet igne incombusta remanet.	86.
Castutium castrum.	140.
Cassanolii castri obsidio.	275. Fugientibus qui
in eo erant ruptariis diripitur & incendi-	
tur.	281.
Castrenses dedunt se Monfortio comiti.	59.
Castrum nouum obsessum.	144.
Caturcensis Episcopus ad Simonem comitem	
legatus venit.	139. Comes à Caturcensibus ho-
norifice excipitur.	140.
Cistercii abbas in gerendis fidei negotiis soler-	
tissimus.	89.
Clerus Tolosæ vrbe ipsa egreditur corpus Chri-	

# INDEX.

ſti ſecum deferens.	134.
Cænobium de Monte ord. Cifterc.	115.
Colloquium habitum inter catholicos prædicatores & hæreticos apud caſtrum Carmanum 11. aliud apud Montem regalem.	
Columna ignis ſuper cadauera catholicorum occiſorum mero meridie conſpicitur.	132.
Comitiſſæ Monfortiæ inſignes virtutes.	56.
Comes Tolofæcum Mōfortio colloquitur	109.
Cōſtancia caſtellum.	108.
Cruces in parietibus templi D. Mariæ apud Tolofam miraculoſe apparent.	87.
Cruz veſti aſſuta, cremata veſte ab igne illæſa.	131.

## D

Dæmonis aſtuta malitia in remorandis fidei negotiis.	57.
Diegus Oxomenſis Epiſ. hispanus 9. eius interitus.	21.
D. Dominicus hæreticos ad veram fidē reducere conatur 23. Scedula eius manu ſcripta ter flāmis iniecta toties illæſa reſilit.	23.
Domæ caſtrum.	281.

## E

Eduenſis Epiſcopus.	41.
---------------------	-----

## F

Fani-Iouis caſtrum.	58.
Francia vallis Cifterc. ord. cænobium.	21.
Fulco Epiſcopus Tolofæ 20. vrbe ipſa eiectus. 125. eius cōſtans & inuictus animus.	126.
Fuxenſis comes catholicę Eccleſiæ ſe obtemperaturum pollicetur. 64. Impia eius faci-	

# INDEX.

nora. 112. Illius ferina immanitas 113. Ipsius  
comitis militares turmæ ad arcem S. Martini  
cæduntur. 155.

## G

Galtherus de Ioviniaco.	41.
Gasto de Bearno.	144.
Gualtherus de Langatone anglus.	142.
Girardus Archiep. Ebredunens. Romam lega- tur.	290.
Girardus de Pepios infestus hostis catholico- rum.	66.
Girardus Bituricens. Archiep.	311.
Gobertus de Essigniac.	65.
Guichardus de Belloioco.	41.
Grauiensi arci præfectus miles obtruncatur.	161.
Guido vallis Sarnensis abbas crucis negotium summo studio promouet. 69. In Carcassonæ episcopum eligitur.	169.
Guido de leuis vir strenuus.	150.
Guido frater Simonis comitis de vltimariis partibus reuertitur. 165. eius vxor domina Sy- donis	ibid.
Guilelmus Albiæ episcopus Simonem in eam ciuitatem admittit.	63.
Guilelmus de rupe-forti innumeris plagis con- foditur.	71.
Guilelmus Decaicus nobilis Gallus.	92.
Guilelmus Paris. archid. magno animo & inde- fesso studio fidei negotium promouet. 95. E- piscopatū Biterrensem oblatum recusat. 205.	
Guilelmus catus miles.	151.
Guilelmus Autisiod. Epif.	228.

# INDEX.

Guilelmus de Barris frater vterinus Simonis comitis.	242.
Guilelmus de Contrismiles.	263.

## H

Hæresis ægre ex animis hominum euellitur.	1.
Hæreticus etiam abiurata hæresi extremo supplicio dignus iudicatur 60. Flammis admotum ignis minime læsit, pertinacem flamma consumpsit.	61.
Hispana peregrinatio ad S. Iacobum.	135.
Hispani somniorum obseruatores.	241.
Hugo faber rerum sacrarum detestabilis contemptor.	17.
Hugo dalfar miles Nauarrus.	180.
Hugo de Rominiaco frater Epif. Aginnens.	275.

## I

M. Iacobus de Vitriaco tuba belli sacri contra hæreticos.	163.
Iadra vrbs Pannoniæ.	55.
Indulgentiæ concessæ propugnatoribus fidei. 36. non fruuntur gratia & priuilegio dictarum indulgentiarum, nisi qui 40. diebus in catholicis castris permanferint.	103.
Ingerranus de Cociaco.	121.
Innocentii 3. literæ expostulatoriæ de cæde F. Petri de castronouo 24. Eius interfectores anathemate feriuntur. 28. Rogatur Innocentii vt occidenti fidei in prouincia Narbonensi aliquid opis afferat. 32. Eius in hanc rem literæ ad Regem Arrag. 229. Item literæ quibus ditiones & terras catholicorū armis paratas Simoni attribuit.	293.



# INDEX.

D. Ioan. Baptistæ festiui diej violator miraculo-  
sè punitur. 12.

Ioannes Rex Anglię ad petracor. partes venit  
bellum catholicis illaturus. 276.

Iuellus de Meduana. 121.

## L

Lambertus de Tureio miles. 140.

Lexouiensis Epif. 122.

Lombenense castrum traditur Monfortio. 36.

Lotharingi pedites veniūt in exercitū cath. 106.

Ludouicus Blesensis comes. 54.

Ludouicus Gallię regis filius sumit crucem cō-  
tra Albigh. 225. magna nobilium caterua sti-  
patus venit in prouinciam Narbon. 291.

## M

Manasses Aurelianens. Epif. 228.

Marmanda oppugnata deditur. 189.

Martinus alga is hispanus recte necatur. 190.

Mathæus de Monte Maurenciacor. 292.

Mauriliacum capitur. 273.

Minerbæ obsidio. 81.

Milo Card. venit legatus in prouinciam Nar-  
bon. 34. apud Montem pessulum è vinis  
demigrat. 91.

Mirapincum castrum à Monfortio captum. 62.

Mons-ferandus castrum. 134.

Moisaicū obsidione cingitur. 191. ibi Pipin<sup>o</sup> Rex  
mille monachorum cœnobium instituit. 192.

Mons pisatus. 274.

Mons grenarius oppugnatur. 309.

Narbonensis prouincia hæretica prauitate in-  
fecta. 1.

# INDEX.

## N

- Narbonensis conuentus cui interfunt rex Arragonens. comites Tolosæ & Montis fortis legati sedis apost. alique plures. 110.  
 Narbonens. Archiep. eiusdem vrbis ex magna parte dynasta. 297.  
 Narbonæ mœnia ciuium eiusdem manibus & opera deiiciuntur & euertuntur. 298.  
 Nauarrus Conforanens. Episcopus. 20.

## O

- Octavianus Romanus legatus. 11.  
 Odo Dux Burgundiæ. 35.  
 Odo comes Niuernensis. 35.  
 Otho imperator & Ioannes Rex Angliæ Galliæ regi infesti. 36.

## P

- Pennense castellum amœnissimum, inter nemora, vites arua, fluuios à Richardo rege munitionum 181. certis legibus capitur. 188.  
 Pesenacum castrum in diocesi Agathensi. 77.  
 Petrus de castronouo apost. sedis legatus. 1. eius elogium 25. Felix pro Christi fide interitus. 26.  
 Petrus rogerii dominus Cabareti. 80.  
 Petrus marci Papæ notarius. 236.  
 Philipus Rex apud nouam villam in diocesi Senonensi conuentum agit. 35.  
 Petrus Beneuentanus Rom. sedis legatus. 268.  
 Phillippus Beluacensis Episcopus multique illustres viri è Gallia in catholicorum castra veniunt. 95.  
 Podium Soriguer. 67.  
 Podium celsum in Albigeni diocesi. 230.

# INDEX.

Pontini comes.	95.
Pontius de Monte-lauri catholicos infestat in villa Argentara.	260.
Prouinciæ procures fere omnes heretici, 3. rebel- lant & à catholico comite deficiunt.	259.
Pugna memorabilis apud Murellum in ita Albi- genſibus maxime inſulta.	245.

## R

Radulphus monachus Cisterciens. legatus Pon- tificius. 1. eius obitus & ubi acciderit.	21.
Raimundus comes Tolosanſis Albigenſium fau- tor. 14. diuino cultu venerabatur hæreticos. 15. impiæ eius ineptiæ. 16. Vxorem repudiat aliamque ſuperinducit. 16. prænitiudinem ſi- mulat 33. Eccleſiæ reconciliatur & quibus ce- remoniis res peracta, 38 vulpina eius calidi- tas. 40. ſummum Pontificem adit, 75. ex- communicatur.	91.
Raimundus de Rabastens Episcopus Tolosanſis exautoratus.	33.
Raimundus Rogerii vice-comes Biterrenſis mo- ritur.	66.
Raimundus Biterrenſ. Episcopus.	87.
Raimundi Termatû diſtaſtæ effrenis audacia & effuſa confidentia. 94. duro carceri includi- tur.	107.
Raimundus Vticensis Episcopus in rebus fidei propagandis acerrimus.	110.
Reginaldus de Montepuſſulano Biterrenſ. epiſ- cop.	42.
Reginaldus Episcopus Tullenſis.	193.
Robertus comes de Drociſ.	95.

# INDEX.

S. Remigi Remensis abbas.	187.
Robertus de Tornaco.	121.
Robertus' malucinus vir strenuissimus. 69. In auxilium Simonis comitis venit cum militum manu delecta.	163.
Rogerus filius comitis Fuxi sacerdotem in tem- plo mactat.	124.
Robertus Rothomag. Archiep. 175. mali patris pessima proles.	309.
Robertus Laudun. episcop. electus.	175.
Ruthenensis comes hominum præstat Simoni comiti.	285.
Robertus de Corceone Card. Anglus.	235.
Robertus Clatomont. epif.	311.

## S

Sacerdos proditor exautoratus iustas criminis pœnas luit.	73.
Sacerdos rem diuinam faciens occiditur in ec- clesia S. Antonini cuius sanguine tinctum al- tare.	117.
Sagiensis comes.	291.
Sarlatum cœnobium in quo vtriusque sexus ca- tholici centum & 50. truncati mutilati aut cæcati.	282.
Sauerdunum castrum Monfortio traditum. 62.	
Sauaricus de maleone vir pessimus suis colori- bus depingitur.	144.
Sarracenum castrum.	196.
Senonum archiep. cruce signatus.	41.
Seueracum castrum per deditionē captum epif- cop. Ruthenensi commissum.	287.
Simon comes à Monteforti. 41. Dux cruceatæ	

# INDEX.

- militia constituitur. 50. eius eximie animi &  
 corporis dotes. 52. In Syriam ad bellum sa-  
 crum profectus. 55. Omnis feritatis expertus.  
 78. Mira eius in aggrediendis fidei hostibus  
 audacia. 79. Pergit in Franciam, à rege hu-  
 manissime excipitur & de ducatu Narbonen-  
 si & comitatu Tolosano ab eo inuestitur, 302.  
 Eius pietas & feruens deuotio. 320. Saxo ma-  
 china emissio interficitur. 321.  
 Synodus apud Montilium à Milone legato ce-  
 lebratur. 37.  
 Synodus apud Montem-pessulum coacta. 288.  
 Sicardus Podii Laurentii dominus. 231.

## T

- M. Teodisius canonicus Ianuensis collega Mi-  
 lonis Card in legatione Narbonensi. 34.  
 Theodoricus Niuernensis canonicus hæreti-  
 cus. 11.  
 Termarum castrum inter rupes situm obsessum  
 92. ab hæreticis derelictum. 107.  
 Tolosa vix vnquam expertus hæreticæ prauitatis.  
 2. atatto subigitur. 2.  
 Tolosa obsessa. 135. Tolosæ muri ab inuitis ci-  
 uibus euelluntur & dissipantur. 299. Tolosa  
 iniectis à Simone comite facibus incenditur  
 muri illius euertuntur & turres funditus di-  
 ruuntur. 307. Iterum rebellat & obside-  
 tur. 316.

## V

- Vaurum obsidetur & expugnatur. 130.  
 Vaurenſis Synodi literæ ad regem Arragonum.  
 208. eiusdem Synodi literæ ad Innoc. 3. 215.

# INDEX.

Veneta ciuitas opulentissima.	54.
Virepodium castrum.	108.
Vualdio Lugdunens. author sectæ Vualdensiū 8. eorum præcipui errores.	8.
Vuilelmus de rupib <sup>9</sup> seneschallus Andegauic.	41.

## FINIS.

Errata.		Sic emendenda.	
Pag.	Linea.		
3.	10.	cabie	scabie
5.	30.	terrænorum	terrenorum
5.	32.		remeare
12.	in marg.	violenda	violanda
19.	11.	estinatione	festinatione
21.	16.	de	die
22.	28.	hæreticis	hæreticus
25.	12.	fidelem	fidelem
25.	27.		eum, quam
26.	1.	est	&
26.	13.	ipsi	ipsis
26.	15.	quærebat	quærebant
26.	22.		
29.	22.	apostica	apostolica
31.	4.	minus	quam
34.	4.	minime	munere
41.	16.	quam	quem
43.	31.	sequidem	siquidem
44.	12.	elegirunt	elegerunt
54.	9.	de	deponēda hæc syllaba
72.	15.	amicitia	amicitiam venerat comitis

## Errata

## Sic emendanda.

Pag. Linea.

78.	25.	resiluit	resiliuit
84.	24.	infudit	effudit
93.	19.	fundissimis	profundissimis
105.	15.	cocitus	concitus
106.	8.		inhabitabilis
107.	13.	quidem	quidam
108.	11.	omissa	emissa
108.	24.	domino	dominio.
114.	32.	peruersitotis	peruersitatis.
118.	2.	crudellissim <sup>9</sup>	crudelissimus
119.	28.	Vticenses	Vticensis
131.	4.	sternitum	sternutum
143.	19.	custodierent	custodirent
150.	31.	haebre	habere
152.	14.	infidelis	infidelis
206.	30.	sed	secundum
216.	9.	veribus	viribus
220.	5.	qui	quem
230.	21.	qui	quod

Cætera menda lector emendabit.

Extraict du Priuilege.


**P**Ar grace & Priuilege du Roy, est permis à Iean Griffard, & Noel Moreau, dict le Coq, Imprimeurs à Troyes, d'imprimer, vèdre & distribuer durant le temps & espace de neuf ans, L'histoire des Albigeois, escrite en Latin, par Frere Pierre, Moyne de Cilteaux, au Monastere du Val de Cernay: Auec deffences tres·expresses à tous Imprimeurs, Libraires, & autres, d'Imprimer ou faire Imprimer pendant ledict temps ladiète Histoire latine, à peine de six cens liures d'amende, comme est plus amplement porté par les lettres patentes de sa Majesté, sellees du grand seel. Données à Paris le 22. Ianuier, mil six cens quinze.

Signées,

Par le Roy en son Conseil.

S A N T E V L.







rectr:

